

TENTAMINA
QUÆDAM
PHYSIOLOGICA

Diversis Temporibus & Occasionibus
conscripta

à ROBERTO BOYLE Nobili Anglo,

Cum ejusdem

HISTORIA
FLUIDITATIS
ET
FIRMITATIS.

Ex Anglico in Latinum Sermonem
Translata.

Editio nova prioribus correctior.



LONDINI,
Impensis H. HERRINGMAN. 1667.

ANIMATA
QUESTA
PHYSIOLOGIA

34C
+
7



MONITUM AD LECTOREM.

EDitor sequentium Commentationum informari Lectorem cupit, eas nec temporibus vicinis esse conscriptas (cū aliæ alias vetustate aliquot annos superent) nec eodem, quo compositiæ fuerunt, ordine jam publicari. Harum quippe Dissertationum prima (licet quatuor circiter abhinc annis exarata) non modò post secundum, tertium, & quartum, sed & aliquot alia Tentamina, quæ Author inter alias schedas suas adhuc asservat, literis mandata fuit; omnium scilicet istorum Tractatuum destinata quasi Introductio, quos sub Physiologicorum sive Experimentalium Tentaminum nomine Author tunc temporis concinnaverat. Verum, cū durantibus nuperis belli motibus, schedas suas tutas præstari ita curaverit, ut eas tempestivè recuperare ipse nequiverit, cūque fidem amicis quibusdam suis dederit, se permissurum, ut quinque vel sex ex Commentationibus suis intra certum tempus in lucem ederentur, quædam ipsi necessitas incubuit, sequentes Tractatus prælo committendi, prout ii jam hoc jam alio tempore ipsi reddebantur. Atque occupationes ejus adigebant ipsum ad hanc Editionem adeò festinanter parandam, ut nec Typographi, nec suis ipsius lapsibus corrigendis vacare potuerit, fueritque tum festinatione tum oculorum imbecillitate coactus, Historiam nominatim de Firmitudine ne quidem perlectam typis mandare.

dare. Quæ omnia spes est, Equum Lectorem in Authoris gratiam in rationes vocaturum, benignèque accepturum, quicquid imputari circumstantiis ejusmodi poterit: donec quarundam ex aliis ejus Commentationibus Editio commodam ipsi occasionem præbuerit, etiam has ipsas perfectiùs & ornatius evulgandi. In ista Editione secutura, forsàn etiam Author, in Amicorum obsequium, alios quosdam Tractatulos emittet, quos eodem, quo hosce, consilio composuit; adornondis videl. Colorum, Flammæ, & Caloris Historiis; additis etiam nonnullis, quæ ad elucidandam Qualitatum & Formatum originem facere poterunt; cùm hasce Commentationes per aliquot jam annos apud se asservaverit, otiumque eas revidendi & ad umbilicum perducendi ipsi duntaxat defuerit. Quibus & accedere poterit ad eam responsio, quæ D. Thomas Hobbes adversus nonnulla, quæ in harum Dissertationum una continentur, nuperrimè objicere voluit, nisi forsàn viri Docti ejusmodi responsionem super vacaneam judicare pergant.

Emittetur interim sermone Latino ejusdem Authoris Tractatus, Anglicè pronuper ab ipso editus, Sceptici Chimistæ titulo veniens: in quo vulgarium Chymicorum de Tribus eorum Principiis (Sale videl. Sulphure & Mercurio) dogma per experimenta inprimis & Authoritates Chymicas, sub examen vocatur.

Ulteriùs hìc nihil adderem, nisi ad præveniendum conjectandi tædium, quis scil. ille sit Pyrophilus, qui in sequentibus Tractatibus (Historià Fluiditatis & Firmitudinis exceptà) compellatur, opus esse arbitrarer Lectori significare, isthoc nomine velari Eximiæ spei Juvenem, Dn. Richardum Jones, qui illustrissimi Vice-Comitis Ranalæi Nobilissimæque Matronæ, quæ Authoris Soror, Filius est unicus. Vale, Lector, & si stylum vernaculum, vel etiam sensum in aliquibus, Versio fortè non assequatur vel exauriat, Linguarum genio & Argumenti ipsius difficultati acceptum refer.



COMMENTATIO PROOEMIALIS.

*In qua tum nonnulla de Commentatio-
tionum Experimentalium ratione universè dis-
cuntur, tum etiam Introductio, ad omnes eas quæ
ab auctore conscriptæ sunt, melius intelligendas
necessaria, intexitur.*

Nescio num quid in sequentibus Disserta-
tionibus occurreret, quod cum otii tui,
Pyrophile, dispendio, operæ prætium fu-
erit legisse: Fidenter tamen dicerem, nisi
omnia mea in te studia pro officiis cen-
senda essent, me mihi videri gratias sal-
tem aliquas à te promeruisse, quod eas-
dem tui causâ conscribere sustinuerim. Enimvero satis mihi
gnatum est, quàm ipse sim à Doctrina parùm instructus,
quàmque eruditum cluat sæculum, cui me scriptorem publi-
citus sisto. Neque me latet permultos ubique esse, qui,
cùm res minoris negotii videatur de scriptis ad Experimen-
torum fidem elucubratam sententiam ferre quàm similia con-
cinnare, quicquid ipsi vel scripto vel animo complexi non
B fuerint

fuerint repudiantes, iudicii laudem ambitiosè aucupentur. Et profectò, *Pyrophile*, me, dum hæc meditor, tot præterea alia ab incepto absterere videbantur, ut institutum, quod certissimo labori parcm fructum non sponderet, urgere destitissem, si quo otio meo & nominis tamæ consularem, mihi integrum judicasset observat ones tibi ex usu futuras celare, cui sat diu inter libros versato, jam grata esse capit cum ipsis rebus consuetudo. Verùm, fateor, veritates Experimentis firmatas tam insignis apud hominum genus pretii esse censeo, ut (reclamante licet tenuitatis meæ conscientia) quo minus votis meis indulgere & rationibus silentium suadentibus obtemperare debeam, illius exemplo permovear, qui quanquam minorem sortem acceperat quam reliqui sociorum, tamen unici talenti defensionem acerbissimo luit supplicio. Quin verò, *Pyrophile*, etiamsi nisi tam invitus quicquam scriptis mandare statuerem, tamen ut tam propere ad scribendum accederem, ægrius adhuc ab animo meo impetrare licuit. Neque enim animadvertere non potui, mihi non solum ætate, sed etiam quod gravius est, experienciã admodum juveni, etiamnum potius discendi necessitatem incumbere quàm docendi suppetere facultatem: unde porrò animum subiit, posse quenquam, postquam cum ipsis rebus consuetudinem aliqualem adeptus fuerit, earumque cognationes, differentias, proprietatumque impetus (vires) quadantenus perceperit, gradum indies in scientia tantopere promovere, ut propè credam me ea quæ hætenus scripsi, modo Deus vitæ paucos tantum annos indulserit, commiseratione quadam, sinon pudore posthac recogniturum. Equidem sæpenumerò observavi idem in mentis sobole ac in corporis foetura accidere solere; Nam quemadmodum qui liberis suscipiendis immaturè & antequam justam ætatis ætatem ac vigorem attigerint, operam navant, ut plurimum tum proceritati suæ officiunt, tum imbecillam ac brevis ævi prolem progenerant: simili modo, qui præcociter, & priusquam iudicio ac experienciã benè adoleverint

adoleverint, se ad scribendum conferunt, plerumque progressus suos in scientia pariter retardant, & præmatura adeoque raro perennantia Opera in lucem proficunt. Neque ego, ut tibi, *Pyrophile*, tam properè Dissertationes hæc offerrem, unquam ab animo meo obtinuissem, (quandoquidem diutius premendo, secundis cogitationibus & novis Experimentis facillè emaculati augerique possent) nisi crebri & periculosi affectus, quibus me infirmior valetudo nuper reddidit obnoxium, mihi meritò dubium facerent, ne, si diù à scribendo temperarem, supremus dies citiùs illucesceret quàm sperata ætatis & iudicii maturitas adveniret. Et si hoc adeo mihi stimulos non adderet, ut sequentes Dissertationes oculis tuis subicere festinarem, tamen hoc unicum satis me adigit eas utcumque minimè elimatas, tibi in manus dare, quod nempe, si quousque te minus indignæ evaderent, apud me retinere vellem, sanè retinendæ forent donec tibi ad majora proveccto ipsis opus deinceps non esset.

Cæterum, expositis jam rationibus tum quæ me ad ista scribenda impulerunt, tum quæ premere etiamnum vetant, quoad minus imperfecta prodirent, expectabis, opinor, ut dicam unde Commentationum forma, præ quavis aliâ, arriserit. Cujus consilii ratio ut tibi, *Pyrophile*, constet, fatendum est, veræ Physiologiæ incremento id non parum officere mihi jam diù videri, quòd ejusdem Systemata conscribere homines tantopere adamarunt, sibi aut prorsus siliendum rati, aut nihil infra totius Physiologiæ ambitum scripto complectendum. Hinc enim incommoda non pauca originem duxisse videntur. Quippe (1.) ubi homines quod in re Chymica, Anatomica, aut Herbaria, aut quavis aliâ distincta Physiologiæ parte sedulam operam posuerint, aut fortasse scriptores tantum quosdam de hisce rebus agentes evolverint, se satis instructos ad integra Philosophiæ Naturalis Systemata conscribenda arbitrati sunt, factum est ut, instituti sui ratione aut lege methodi coacti, sibi multa alia tractanda susceperint, quam quorum veritatem solertiâ suâ

probè afsecuti eſſent; unde aut ab aliis jamdudum, licèt ſatis imperitè, de iisdem argumentis prodita recoquere, aut quidvis potiùs effutire, quàm aliquid intactum prætermittere, necèſſe habent, ne ſcilicet de omnibus argumenti ſui articulis non diſſeruiſſe viderentur.

Deinde, ſpecioſis & multa promittentibus *Systematum* titulis ac methòdo comprehenſivâ ſæpenumerò evenire deprehenſum eſt, ut incauti Lectores omnes Philoſophiæ Naturalis partes jampridem ſatis explicatas haberi opiniarentur, & proinde ſupervacuum fore ſibi operam & ſumptus ulterioribus in naturam inquisitionibus impendere; quoniam cum alii jamjam inveſt gandi & explicandi veritates Phyiſicas negotio ſatis deſuncti ſint, nobis nunc nihil ultrà incumbit, niſi ut ab illis tradita addiſcamus, & in iisdem gràtè ac paſſis (quod aiunt) manibus acquieſcamus.

Neque verò hæc *Systematum* componendorum ratio tantùm Lectorum quorundam induſtriam corrumpit, ſed & Authorum famæ non parum offecit. Quippe non rarò accidit, cùm quis pauca quædam à ſe inventa aut excogitata in lucem proponere geſtiens, ea occaſione univerſam Philoſophiam *Systemate* complectatur, ut quicquid verè ac propriè illius eſt, quanquam in ſe præclarum, inter alia ab aliis deſumpta opprimatur, atque inde Lectoris oculos vel attentionem fugiat; aut ingrata & in illo ſcribendi genere multorum quæ alii iterum iterumque recoxerant vix evitabilis repetitio, in cauſa ſit, ut iſtiusmodi Opus, tanquam rerum popularium & decantatarum Rhapsodia, vix lectu digna, rejiciatur. Et hinc ſæpè Authori benè a ſe inventorum laus perit, perinde ac Lectori fructus; & quod aliàs eximia & ſolida Diſſertatio haberi potuiſſet, jam inane & ignavum volumen cenſetur.

Præcipuum autem incommodum dicendum reſtat; nimirum, dum aut componenda eſſe *Systemata* aut penitus quieſcendum vanè creditur, multa præclarè excogitata aut experientia comprobata à viris cordatis & verecundis premuntur; quoniam

quoniam cum eos sana ratio & probitas non patiuntur plura docere quam intelligunt, aut affirmare quam probare valent, interim à consuetudine prohibentur ea quæ meditatione aut industria didicerunt in publicum edere, nisi tanto numero sint ut Systematis amplitudinem sustinere possint. Et mehercule ambigere licet, num istiusmodi Systematum continnatores in causa non fuerint, quo minus præstantiora scripta orbis literarius haberet quam ipsi eidem communicarunt. Perpauci enim (si qui omnino uspiam) reperiuntur iusta experimentorum & observationum copia instructi ad Phænomena Naturæ, non dico omnia, sed quæ ad Chymiam, Anatomiam, aut quamvis præcipuam Physiologiæ subordinatam disciplinam pertinent, perspicuè & solide enucleanda. Imò viris solertibus & acutis in earum disciplinarum aliquâ feliciter versantibus tantum temporis in eadem accurate excutiendâ infumendum est, ipsique inde tam cauti & difficultatum in Physicis Inquisitionibus obvenientium gnari redduntur, ut minimè omnium ad Systemata conscribenda se conferent. Quod autem, *Pyrophile*, de incommodis dico quæ ab immodico ardore scribendi integra Philosophiæ Systemata promanare animadvertuntur, idem etiam suo modo in eorum morem quadrat, qui de Chymia aut panè quavis aliâ præcipuâ & ampliori Philosophiæ Naturalis parte absolutos tractatus venditant. Quanquam in hoc genere conaminum, quæ priorum difficultatem non exæquant, sunt qui de mortalium genere benè meruerunt, licet promissa in titulis Operum non penitus præstiterint. Quin nec tam durus sum, ut nolim à viris quibusdam peritioribus Systema Physiologicum aut aliquam ejusdem partem subinde in lucem emitti, ad optimorum Authorum sententiam & observationum in eo seculo habitatum fidem adornatum. Istiusmodi enim Opus summæ utilitatis esse potest, partim ad initiandam in Scholis & Academiis juventutem, partim ut habeant homines præ manibus eorum Indicem quæ jamjam inventa sunt; unde de cognitis non ampliùs laboretur.

& humani in scientiâ progressus evidentius appareant. In quo tamen optandum esset, hoc munus nisi à doctissimis non suscipi, neque istiusmodi Opus in publicum dari, donec scientiæ cumulo aliqua notabilis accessio habeatur ex quo proximum hujus generis scriptum prodierit. Neque verò talia Eruditissimorum Virorum scripta improbare videri velim, quæ, licet titulos admodum generales præferant, tamen ut Physiologiæ Systemata aut Tractatus Universales non eduntur, sed potius tanquam Principia Generalia (ab Astronomicarum Hypothesen Natura non multum abludentia) quorum ope Phænomena Naturæ jam nota explicari valeant. Horum enim scriptorum, modo Authores (ut plerumque evenit) acuti & solertes fuerint, insignis usus esse potest, non tam ex eo quòd speciosæ rationes de quibusdam Naturæ Mysteriis ab iis redditæ intellectui arrideant, quàm quòd hinc scriptores ipsi, quò nova placita stabiliant, necesse habent aut nova Experimenta & observationes adducere, aut quæ jamjam habentur, novo modo expedire, atque inde nos de quibusdam rebus admonere quæ prius attentionem effugerant: illinc verò lectorum diligentia (seu probent seu damnent propositam Hypothesin) ad multorum explorationem incitetur, quæ cum ex novâ doctrinâ consequi videantur, eandem experientiæ auctoramento vel confirmare vel elevare possint. Atque ut scias qualia scripta intelligo, sistam tibi Philosophiæ *Epicuri* Syntagma à Clariss. *Gassendo* compendiosè elucubratum, & Nobilissimæ Sagacissimique Viri D. *Des Cartes* Principia Philosophiæ. Quanquam enim eximios illos licet dissimiles tractatus, de industria nec obiter de paucis quibusdam consulere volui (tantum abest ut eosdem aut vel Novum D. *Fr. Baconi* Organum seriò & ordine perlegerim) ne scilicet principia vel theoria quævis mihi animum præoccuparent, donec periculum aliquantisper fecissem quò me ipsarum rerum contemplatio inclinaret; tamen cum jam excellentissimorum illorum librorum lectionem mihi liberam per-

mitto (ut ut exiguum sit , quod haftenus legisse licuit)
 comperio , si eos prius evolvendos suscepissem , sequenti-
 bus Dissertationibus multa scitu digna , quæ nunc in iisdem
 desiderantur , adjici potuisse , & complura melius explica-
 ri , quam , vereor , ego proprio ingenio expediverim. Ve-
 ram hujusmodi scriptorum numerus adhuc tam exiguus ,
 semperque (nisi falso ominor) futurus est , ut de fructu qui
 ex componendis Dissertationibus habetur differenti paucae
 mihi interponendæ sint Instantiæ , si cum Libris Systematum
 comparatio instituat. Aut saltem , *Pyrophile* , dum de
 aliorum ingeniis sententiam ferre non sustineo , fas erit ,
 spero , apud te de meipso fateri , satis me scire mihi longè
 minorem Experimentorum & Observationum copiam sup-
 petere , quam ad Systema concinnandum requiri existimo :
 quin complures defectus qui in theoriis & ratiociniis magno-
 rum Virorum , putà *Aristotelis* , *Campanella* , aliorumque
 multi nominis Philosophorum , animadvertuntur , huic
 præcipuè causæ deberi arbitror , quòd præproperè & vel
 paucis tantum observationibus instructi vel justo Experimen-
 torum numero destituti , principia tamen condere & axiomata
 constituere aggressi sint. Quippè rarò aliter evenit , quàm
 ut theoriis quæ paucis obviisque Experimentis innituntur ,
 instantiæ aliquæ intercedant , quas liberior & solertior
 in abstrusa naturæ aut qualitates rerum conspicuas in-
 quisitio eruere consuevit. Memini me , cum *Lugduni Bata-*
vorum agerem , ad editoris turris fastigium eductum fuisse ,
 ibique occlusis undique fenestris , speculòque concavo ,
 foramini , (quo unico lumen intro irrupit) opposito , cla-
 rissima quorundam præstantiorum Urbis ædificiorum simu-
 lachra in charta ad justum intervallum abducta conspexisse ;
 quæ omnia , apertis denuò fenestris , admissòque die , pro-
 tinus disparuerunt. Et sanè , *Pyrophile* , non absimile quid-
 dam in multis Theoriis Philosophicis , quas anteriora sæ-
 cula tanto studio & plausu celebrarunt , accidere facile ani-
 madvertitur. Nam quantumvis in debili & modico lucis
 gradu

gradu elegantiam & symmetriam constructionis præ se ferre videantur, tamen hoc non fit nisi in quodam quasi crepusculo, cujus ope conspicuæ redduntur. Atqui pleno novorum Experimentorum & observationum lumine liberè intromisso, structuris hisce (jucundis certè, at inanibus & phantasticis) decor atque elegancia è vestigio evanescit.

Et profectò, *Pyrophile*, si homines sese exorari paterentur, ut Naturalis Philosophiæ Instaurationi impensius quàm nominis claritati studerent, opinor eos faciliè intellecturos, se de humano genere præclarius mereri non posse, quàm si Experimentis moliendis & observationibus accumulandis operam seriò & sedulò intenderent, neque Principia & Axiomata sancire tam intempestiva libidine gestirent, temerarium rati tales theorias stabilire quæ ad omnium naturalium Phænomenon explicationem accommodentur, priùsquam vel decimam eorum partem quæ explicanda sunt observatione assecuti fuerint. Non quod interea de Experimentis ratiocinari, aut rerum fœdera, differentias & schematicismos quàm maturrimè indagari, ullo modo prohibeam. Quippe tam religiosè à rationis usu abstinere molestum admodum foret, si non prorsus impossibile. Enimvero, quemadmodum in Regulâ Arithmeticâ quæ vulgò dicitur Regula Falsi, progrediendo à quoviscunque numero supposito, ac si is ipse esset quem quærimus, ad veri & quæsiti numeri cognitionem pervenimus; ita quoque in Physiologia ad veritatem assequendam nonnunquam expedit, ut Intellectus hypothesein aliquam pro arbitrio confingat quæ hæc aut illâ difficultas explicetur; unde excutiendo qua ratione phænomena per illam hypothesein solvi possint aut nequeant, etiam suis erroribus peritior evadat. Quippe verè observavit illustris quidam Philosophus Citius emergit Veritas ex Errore quam ex Confusione. Quare quod ad Systemata attinet, id imprimis opto, ut homines à constituendis theoriis abstinerent donec tantam Experimentorum copiam nacti fuerint (sin minùs quæ omnia Phænomena per talem aliquam

quam theoriam explicanda suppeditet, at saltem) quæ amplitudini theoriæ iisdem superstruendæ proportionem respondeat. Deinde, istiusmodi structuras tanquam ad tempus duntaxat conditas censerem velim, quæ licet minùs imperfectæ aliis palmam præripiant, aut (si mavis) sint omnium quæ hæcenus habentur sui generis præstantissimæ, tamen in iisdem tanquam undiquaque perfectis, quæque in meliùs mutari non possunt, neutiquam prorsus acquiescendum est.

Hicce in istiusmodi scriptorum commendationem allatis quæ Galli suo sermone *Essayes* vocant, hoc est, Tentamina, Aggressiones vel Commentationes (vel si quod aptius vocabulum Romana Lingua suppeditat) facile complura adjici possent. Verùm quia hæc ipsa Dissertatio Proœmiælis Tentamen non Volumen esse debet, non audeo prolixiori sermone utilitates persequi quæ isti scribendi generi propriæ & peculiare sunt. Nihilominus, quoniam si te, *Pyrophile*, tuique similes homines liberos & ingenuos adigere possem ut quæ in Naturali Philosophiâ observarunt aut excogitarunt, Experimentalibus Dissertationibus velint complecti, putarem me rei literariæ operam non parum utilem præstitisse, tam commodum scribendi modum suæ dignitati vindicando; ideo insignes commentationum utilitates rogo ut me insinuare tantisper patiaris. E quibus præcipua est, quòd ut in his importuna ab aliis proditorum repetitio, legentibus fastidium non creet, ita etiam quoniam scriptori liberum est, quandocumque lubet manum de tabulâ amovere, non tenetur quicquam alios docere quod ipse nondum intelligit, aut scribendi aliquod argumentum sumere nisi quòd se pro dignitate tractare posse crediderit.

Si verò ejusmodi Tentamina eo quo par est Experimentorum numero referta fuerint, penes ipsum Lectorem culpa est, nisi doctior evadat. Cum enim quis suas tantum meditationes aut conjecturas in medium proferat, neque idoneo aliquo Experimento aut observatione Operi suo pretium asciscat, si fortè ratiocinando hallucinetur, periculum

cultum est ne & ego ejusdem errori accedam, aut temporis jacturæ parem non referam fructum : at si novis verisque observationibus ac Experimentis dogmatum suorum fidem astruere nitatur, res prorsus aliter se habet. Sit enim opinionum falsissimarum Author, modo Experimentorum veritas constet; illis utique fidem adhibere non cogor, hæc verò in commoda mea licet utcunque pertrahere. Quippe quamvis errore non careant quæ ille Experimentis suis superstruxerit; tamen solidum quod posuit fundamentum sagaciori Architecto ad Structuras firmiores & accuratiores moliendas non parum ex usu esse potest. Enimverò à tali scriptore, modo ipse mihi non desim, veritates quasdam utiles licebit addiscere, neque circa meam culpam fiet, si ab eo in errorem ducar; imò sæpenumerò accidit, ut veritates ab eo traditæ, præterquam quod aliis rebus accommodari possint, quæ illi non succurrerint, etiam placitorum, quorum gratiâ afferuntur, falsitati redarguendæ commodissime aut saltem aliquo modo inserviant. Nimirum cum qui unà cum conjecturis suis (licet veritati non consentaneis) in Philosophia Naturali nobile aliquod Experimentum aut observationem mihi impertitur quod iisdem confirmandis adhibet, non magis mihi injurium esse censo, quàm mox ab invento à se Telescopio *Galileus* Astronomo cuivis fuisset, si se imaginarias illas stellas (quas Neotericus quidem Mathematicus sibi vîlas somniavit) in Coelis detexisse affirmans simul ei eximium Telescopium dono dedisset, ratus illum sententiæ suæ ejus ope accessurum : Istius enim instrumenti beneficio Astronomus non tantum insignes quasdam observationes facere, & fortasse nova sydera ibi detegere, verum etiam donantis hallucinationem redarguere potuisset.

Post hæc de Experimentalium Commentationum utilitate prolata dicendum porrò est de modo quo eas scribi convenit : at verò quandoquidem de sequentibus Dissertationibus rationem expectabis, eâdem operâ utrumque expediam,

&

& dum de hisce meis scriptis sermonem facio, per occasionem tibi aliqua animi mei sententia de hoc scribendi genere universè aperiam: alia ad eandem rem spectantia jamjam variis de causis in ipsis Dissertationibus interspersa occurrunt.

Primo autem quoad stylum quo in his nostris Commemorationibus Experimentalibus uti sumus, statim, opinor, deprehendes mihi in animo fuisse Philosophum potius quam Rhetorem agere, meque verba idonea ac perspicua elegantibus ac quæsitis prætulisse. Nam in Argumento gravi & maximi momenti, qualis est Physiologia, proculdubio locum habere meretur cæcaturum illud,

Ornari res ipsa negat, contenta doceri.

Et certè in hisce Dissertationibus quæ tantum legentium utilitati non voluptati aut aurium mulcedini comparatæ sunt, potissima styli laus censenda est ut sit perspicuus; & in Experimento aliquo tradendo aut arcanum quoddam naturæ mysterium explicando, Rhetoricos colores & pigmenta conquirere, non multo minus alienum foret, quam si quis ipsum solem nudis oculis intueri non sustinens, istis Telescopii vitris, quæ oculo proximè admoventur, quæque nitore suo præcipuè commendantur, fucum illineret, unde non tam placeret oculis colorum vel elegantissimorum jucunditas quam visui officeret. Et ne fortè qui Argumentis Philosophicis comptiorem stylum convenire non putant illud in imperitiæ excusationem obtendere credantur, vide quæ non rudis & semibarbatus è Scholis Philosophus, sed Oratorum Princeps Cicero proficitur. *Omne* (inqu' ille) *quod de re bona dilacide dicitur, præclare mihi dici videtur: istiusmodi autem res velle ornate dicere, puerile est; plane autem & perspicue expedire posse, docti & intelligentis Viri.* Verum hîc me reprimo, ne in locum communem de styli nimium politi ad res graves & serias tradendas ineptitudine,

eptitudine, incautus excurram. Neque tamen mihi jejunum illud & aridum scribendi genus probatur quod à compluribus Chymicis usurpatur, etiam ubi ab Argumentis Physiologicis digrediuntur. Quanquam enim Philosopho studendum non sit, ut stylo ornatiorē legentes delectet, nihilotenus cavendum est ne nimia ariditate sit ingratus, præcipuè cum non tam Experimenta tradit aut explicat quàm de iisdem ratiocinando disserit; quippe quoties id accidit, fas est illi & sibi & Lectori animum oblectare, simulque palam facere, à se non tam necessariò quàm prudenter neglectum verborum ornatum, gnaro eum ubi tenebras potius effunderet quam splendorem conciliaret, nullo modo esse adhibendum. Ita (ut superiori exemplo denuò utar) quamvis ridiculum esset Telescopii vitra coloribus inficere aut fuco maculare, tamen tubulum ejusdem deaurare aut alio quovis modo ornare, elegantiam machinæ & venustatem adaugeret citra interceptæ visionis incommodum. Porro, quod ad vocabula exotica ab aliis linguis desumpta attinet, licet quidam in Libris Philosophicis vernaculè & à proximis annis conscriptis non versati me novorum verborum & locutionum volentem artificem censebunt, tu tamen, *Pyrophile*, qui præter Ethicos, Theologicos & Historicos aliis etiam libris patrio sermone conscriptis assueveris & exotica verba in iis passim usurpari animadverteris, spero me talia consultò non affectasse judicabis, verum potius sedulò eorum usum evitasse quæ consuetudo sermonis non agnosceret, nisi cum præcavenda fuit crebra & ingrata ejusdem verbi repetitio (quam auribus molestissimam Orationum monita damnarunt) aut peculiaris aliqua vis vocabulo inerat, quàm nisi longâ circuitione sermo vernaculus exprimere nequiret. Et quoties hoc modo se res habuerit, fas esse scriptori arbitror peregrinas voces mutuari, præcipuè cum eas consuetudo non solum civitate donarit, sed præ aliis probaverit. Quemadmodum enim in amictu usu venire videmus, licet varix vestimentorum formæ à stultorum

rum cerebellis primum promanent, tamen tibi simul receptæ fuerint, eas sapientiores imitari non dubitant; quoniam easdem tunc præfractè refugere non minoris esset vanitatis quam primum excogitasse: Pari modo, ubi verba extranea familiariter adhiberi cæperint, non minorem reprehensionem incurrit qui sollicitè rejicit quàm qui importunè & licenter usurpat. Quippe non eorum usus sed vana affectatio è Philosophia eliminanda est; cujus me vitii notam satis evitasse confido. Puerilis enim vanitatis meipsum incusarem, si peregrinarum linguarum notitiâ in id tantum abuterer, ut quæ scriberem intellectu difficiliora exinde evaderent. Verùm præter inopinata styli mei vitia, etiam in leges Rhetoricas sciens & volens interdum peccavi; nempe in eo quod periodos & parentheses justo prolixiores fecerim; Quoties enim quod uno impetu tradendum judicarem, unus clausulæ modum excedere viderem, præstabilius visum est præcepta Oratorum non morari quàm ea transilire quæ ad institutum meum & Lectoris usum spectare existimarem. Cujus culpæ cum ipse me reum tantum in gratiarum tuarum, *Pyrophile*, fecerim, puto me non difficilius veniam à te quàm à meipso impetraturum; quandoquidem ne tu ullo modo quod tibi utile esse possit desiderares, libenter stylum meum tanquam inæqualem nec sibi similem reprehendendum præbui.

Cæterum tibi jam ratio reddenda est quare in hisce scriptis multa Experimenta & observationes tradiderim, quæ levia & facilia videntur, quædam etiam notatu obvia aut fortasse ab aliis præoccupata. In quo ut tibi satisfaciam, monendum es, multa de quibus hic agitur, primum eo consilio collecta fuisse, ut Naturali D. *Verulamii* Historiæ Additamenti loco adjungerentur; & quo Illustriss. Viri Centuriis nostræ similes essent, consentaneum fuisse ut observationes & Experimenta, qualia modo diximus, bonam Operis partem conficerent. Et profectò optandum esset ut homines sagaces & industrii, quibus facultates aut
otium

orium ad nova exploranda non suppetit, operam pro viribus navarent in phænomenis diligenter & accuratè colligendis, quæ citra novam experientiam passim occurrunt; præcipuè quæ ad insignis cujusdam Placiri insinuationem vel confirmationem, aut erroris recepti redargutionem faciunt; aut licet satis obvia, non tamen plenè animadversa fuisse videntur. Fidenter enim credo Philosophiæ Naturalis incrementum magnopere promoveri posse si obvia naturæ phænomena & quæ à quocunque sciri valeant modo liberet attendere, ritè & seriò expenderentur. Imò attentione solâ alteram Historiæ Naturalis partem expediri posse, alteram verò solertem experimentorum explorationem postulare censeo. Et propterea me ei gratias debere fateor, quo monente ad quædam cognitu facilia, sed prius non animadversa, observanda excitior. Sæpè enim fit ut damnosæ ignorantiae securè indormiscimus, à quâ liberari liceret, modo ad ea aciem animi intenderemus quæ è familiaribus & propinquis objectis accuratâ indagatione erui possunt.

Verùm nimium aberranti in viam redeundum est. Equidem quibus persuasus fuerim rationibus ut primò quæ à me explorata observatæque essent Naturali Historiæ D. *Varulami* supplementi loco esse vellem, habes in Præloquio quod Specimen designatæ Continuationis (sub titulo Experimentorum Miscellaneorum editæ) præmittitur. Quod autem succinctum illud dicendi genus postea recusaverim, id quidem in *Pyrophili* gratiam factum est, ut in liberiori ampliorique differendi campo eorum Monitorum rationes deducere quæ illi convenire arbitrabar, qui quanquam in cæteris Philosophiæ partibus insignes progressus fecerit, tamen in experimentalis doctrinæ tyrocinium nondum superavit. Altera vero ratio est, ob quam experimenta leviora (prout videntur) adhibuerim, quoniam scilicet facilius & minori sumptu expediuntur; cùmque ut plurimum ad Thesem aliquam probandam aut monito fidem adstruendam advocentur, quo faciliora & magis obvia, eo etiam

etiam gratiora futura existimavi; neque benignè aut prudenter tecum agi credidi, si quo veritas à me traditorum constaret, te ad operosa, difficilia & perplexa experimenta remitterem, quæ nisi talis jamjam sis qualem te fieri cupio, nempe Chymix peritus, vix ritè tentaveris, aut quorum ratio æquè difficulter percipitur ac veritas ad quam astruendam adhibentur; Speravi etiam te multorum facilitate ad eorum explorationem aggrediendam extimulatum iri; unde neque spem nec operam incassum ludentem, primorum conatuum successus ad graviora & difficiliora tentanda excitarent. Et interea, donec id præstiteris, rogo ne me mala fide tecum egisse existimes.

Quod nonnulla experimenta memoravi quæ antehac & fortasse in libris editis tibi innotuere, rationes alibi in Dissertatione ex Instituto conscripta exposui; idèoque in præsentiarum tantum addam, quod cum sermonis Germanici in quo ut ferunt plerique ac præstantiores libri Chymici conscripti sunt, etiamnum imperitus sim, fieri potest ut nonnulla Experimenta Chymica & observationes attulerim, quæ licet in illa Lingua Hermetica (ut ita loquar) jamdudum edita, tamen à quocunq; Scriptore Germanico non descripsi, nec ab ullo hominum propalata intellexi. Quinetiam in Præfatione ad Commentationes, quas invenies Miscellaneorum Experimentorum titulo insignitas, causas retuli quare multa quæ familiaria & proinde levia videntur enarrare non dubitaverim. Et aliquando apud me deliberabam de justa Dissertatione scribendâ in qua tibi exponerem quamobrem leviores adeoque neglectas Physiologiæ veritates non contemnendas esse censeam. Nam ut de meipso loquar, non verebar fateri me ludicra experimenta neutiquam fastidire, verum opinari puerorum lusus nonnunquam Philosophorum attentionem mereri. Enimverò quemadmodum cum venaturam facimus, quamvis leporis fuga & canum insequentium ardor à nobis pro joco & oblectamento habeantur, tamen animalia ipsa rem seriam agunt, ille ut cursu vitæ con-

consulat, hi ut expetitam prædam assequantur; Ita serium est naturæ consilium in omnibus aliis quæ nos in jocum vertimus, graviterque suo munere defungitur, quocunque nos animo ad illius actiones attendamus.

Miraberis fortasse, *Pyrophile*, me pænè in singulis hisce Dissertationibus tam dubitanter loqui, totiesq; dictiones Fortasse, Videtur, Non est vero dissimile, aliasq; ejusdem generis usurpare quæ suspensum arguunt animi judicium, meque opinionum quas amplector veritati non satisfidere; atque etiam tam cautum esse in Principiis sancendis aut Phænomeni cujusvis explicatione attendandâ. Verùm ingenuè fatendum est, cum multa observaverim quorum ne unicam quidem causam probabilem reddere potui, nonnulla etiam quorum complures causæ assignari possint, adeò inter se discrepantes ut vix in ullo convenerint nisi quòd cunctæ sint satis probabiles, tot undique mihi causas indolésque rerum indaganti difficultates ingruerunt, & quibus superandis me tam imparem novi, ut de paucis præterquam de Quæstionibus facti fidenter & expertè loqui aulam. Si quando etiam nonnulla tanquam Placita proferuntur, nisi pudor vetaret, etiam ea adhuc hæsitantius traderem quam facere consuevi. Non quod ullo modo hominum sagacium morem improbem, qui etiam abstrusissima naturæ mysteria explicare satagunt. Ab hoc enim tantum absum, ut eosdem ubi feliciter conatus cesserint suspiciam; atque etiam laudem ubi pulchrè tantum audeant. Verùm expedire arbitror ut quisque vires suas defectusque intelligat, neque sibi imitandum esse credat quidquid laude dignum existimaverit. Equidem magnis ausis in rebus explicandis, placitisque sancendis, famam quæri scio. Hinc enim talis scriptor ab uno hominum genere laudem certissimè reportabit, aliisque multi ejus nominis mentionem facient; cum ex hoc scribendi genere, cui me addixi, sperare non licet me quicquam honestius auditurum quam mancipium majoris diligentiae quàm acuminis, & cui benè provincia colligendorum

dorum experimentorum demandaretur, quæ acrioris iudicii & rationis Philosophi explicanda suscipiant. Verum modò in Scientiæ experimentalis incrementum cedat, abundè mihi fors mea placet aliquid ad eam promovendam quocunque modo contulisse; & mallet non tantum operarii munus obire, verum etiam è fodinis materiem tam nobili structuræ idoneam eruere, quàm nihil ad eandem extruendam conferre. Neque verò prorsus feriatae sunt meditationes meae aut sibi defuerunt in Theoriis efformandis & Hypotheson fundamentis moliendis, quæ vitiis in alienis animadversis carerent. Sed hætenus plerumque deprehendi, id quod aliquamdiu placuit tanquam observationibus quibus istiusmodi Theoriæ inniterentur admodum consentaneum, paulò post ab aliquo ulteriori aut novo Experimento redargui, quòd mihi cum placita illa conderem, incompertum fuerat aut intentatum. Et sane scriptoribus illis qui causas rerum & naturæ magnalia exponere aggressi sunt minus invidere consuevi, ex quo observare per otium licuit complura eorum placita, postquam aliquandiu cum plausu & admiratione excepta fuissent, detecto deinde novo aliquo naturæ phænomeno subeuntibus prius ignoto aut non animadverso, elevata corruisse. Aliis enim perinde ac mihi contigisse repperi, Theorias nimis obviis aut paucis tantum Experimentis astruentibus, quod moneræ adulteratoribus accidere solet; nam quemadmodum è nummis vitiosis quosdam Lapis Lydius non redarguit, alii aqua forti solvuntur, non intellecta fraude; alii etiam malleam ferunt, & statera ritè explorantur; nulli vero unumquodque examen eludunt: pari modo Theoriæ quas dixi (inter quas complures earum quæ hætenus habentur verè ne numerari debeant) huic aut illi Experimento satis commodè respondent; verum cum præpropere pro ratis statuuntur non adhibito iure Experimentorum numero, verendum est ne brevi unum aliquod aut plura reperiantur ad quorum fidem cum non constiterint, proinde pro minus firmis ac fanis explodantur. Hæc tamen

non adeò moratus sum quin aliquando sententiam meam interponerem : non quòd in istis ipsis rebus me minùs errori esse obnoxium admodum confidam quàm in quibus illud facere recusaverim; verùm quia tibi palàm esse placuit me eandem sortem non diffugere cum viris in Philosophia Naturali longe peritioribus, qui opprobrio nō duxerunt in rebus arduis potiùs errandi periculum subire, quàm viris solertibus in indagandà veritate pro viribus subsidium non præbere.

Quod autem, *Pyrophile*, in explicationibus Naturalium Effectuum subinde tentandis, ad Atomorum sive Corpusculorum magnitudinem, figuram & motum plerumque non proximè recurro, non alienum duco hîc tibi aliquam consilii istius rationem exponere; idq; non tam ob ea pauca in hisce Dissertationibus ad quæ res ista spectare videatur, quàm in multorum Doctorum præsertim Medicorum gratiam, quorum scripta jam minùs dignè excipiuntur, & periculum est ne porrò evilescent, increbescente utique opinione ex malè intellectâ Atomicorum quorundam insigniorum doctrinâ, ac si nullæ in Naturali Philosophia disquisitiones commodæ dari possint, in quibus aliæ rerum causæ quàm Atomî earumque proprietates assignentur. Mihi autem sic videtur, rationem effectus sive Phænomeni cuiusvis reddere, generatim loquendo non aliud esse, quàm ipsum à re aliqua in naturâ notiori deducere ac proinde rem unam eandemque juxta varios modos & gradus explicari posse. Enimverò quanquam Explicationes istæ Intellectui plenius satisfaciant, in quibus effectus productio per primarias & generales Materiæ Affectiones, nempe Magnitudinem, Figuram & Motum demonstratur, tamen nec contemnendæ sunt illæ in quibus deducuntur effectus particulares ex manifestioribus & magis familiaribus corporum qualitatibus sive Conditionibus, quales sunt Calor, Frigus, Pondus, Fluiditas, Durities, Fermentatio, &c. Ut ut has ipsas à tribus illis generalibus modò nominatis dependere sit probabile. Nam in naturalium causarum investigatione,

vestigatione, quilibet novæ lucis gradus Intellectum oble-
 stat juxta ac erudit, etsi quò causæ in medium prolatae su-
 premas in causarum scala sive serie proprius attigerint, eò
 mentem nostram & ampliori notitiâ imbui & voluptate
 affici libentissimè concedo. Quare summè consentaneum
 atq; utile esse censco, ut aliqui quos acri & contemplativo
 ingenio benignior natura finxit, nec non Mathematicorum
 Principiorum ac Mechanicorum opificiorum Scientiâ suprà
 vulgus extulit, tum præcipuis Materiæ Modis sive Qualita-
 tibus, cujusmodi sunt Calor, Frigus, &c. tum etiam ejus-
 dem conditionibus, quales sunt fluiditas, consistentia, fra-
 gilitas, flexilitas, aliæque consimiles, à tribus ipsius affe-
 ctionibus maximè primitivis suprà memoratis ritè dedu-
 cendis operam suam vellent impendere. Equidem mihi
 præclare de Orbi Literario eximia illa Ingenia meruisse vi-
 dentur, à quibus aliquid in hac parte saltem commodè præ-
 stitum accipimus. Simul tamen nec omnes particularium
 effectuum rationes à nobis respuendas esse arbitror quæ non
 proximè à primitivis illis Atomorum affectionibus dedu-
 cuntur, sed à familiaribus licet non æquè universalibus re-
 rum qualitatibus, cujus generis sunt Calor, Frigus, Gra-
 vitas, Durities aliæque ejusdem notæ. Quinetiam hujus-
 modi qualitatum ex primariis & simplicissimis deductio hoc
 nomine in Physiologorum rem non postremò foret, quòd
 exinde particularia Phænomena compendiosius expèdiren-
 tur. Quippe tamen multa in rerum naturâ reperiuntur,
 quæ ex Corpusculorum Magnitudine Motu & Figura sol-
 vere satis in promptu sit, nihilominus longè plura sunt,
 quæ citra prolixiorum sermonem & consequentem aliorum
 ex aliis deductionem explicari negant, si effectus de quo quæ-
 ritur ab istiusmodi primariis atque universalibus causis sit
 deducendus. Atqui ubi Frigoris, Caloris, similiumque
 qualitatum indoles sive rationes tanquam exploratas assu-
 mēre conceditur, explicatio quævis & ἀποκρυφὸν longè mi-
 nori negotio conficietur. Rationem ille aliqualem reddit

cur lapides, ferrum aliâque omnia gravia, aurum si excipias, Hydrargyro innatent, qui cætera omnia Hydrargyro leviora, solum aurum ponderosius esse docuerit. Is, inquam, rei propositæ rationem reddidisse videri potest qui ipsam in gravitatem, notissimam panè omnium corporum sublunarium affectionem retulerit, etsi phænomenon ab Atomis non deducat, nec gravitatis causam exponat, quam certè qui idoneam protulit vix hactenus inter Philosophos ullus repertus est. Similiter si quærat quare compressa vesicæ inflatæ latera, amotis deinde manibus postliminiò sese explicent, priorémque figuram & dimensiones recipiant, næ ille nihil ad rem non dixerit, qui hoc à particularum aërearum quibus turgescit vesica, elaterio provenire responderet, etsi unde hic restitutionis motus vel in compressâ aëris particulâ vel quovis alio tenso Elaterio proficiscatur fortasse dicere non habeat. Quod autem Rationes à Medicis adductas attinet, earum pleræque contemnendæ erunt, nisi ejusmodi explicationes admitteremus quæ res non ab Atomis earúmve proprietatibus, sed saltem vel à qualitatibus secundariis vel à magis particularibus mixtorum corporum proprietatibus deducunt. Si quis à Medico postulet unde fiat quod Rhabarbarum Diarrhæas compescat, verisimile est illum responsurum ideò in hoc morbi genere prædest Rhabarbarum, quod tum laxitivâ facultate polleat qua bilem flavam, morbi hujusce causam expurgat, tum etiam astringente, qua fluxum sistere comparatum est. Sin verò ulterius quærat, quare Rhabarbarum purgat, bilemve præ alio quovis humore è corpore humano exterminet, tutò pignus maximè inæquale deposueris cum aptè non esse responsurum. Et sanè non modus tantum quo Medicamenta purgantia operantur, sed reliquæ illæ facultates quarum ratione nonnulla Diuretica, alia Hydrotica, quædam Sarcotica, &c. experiamur, vereor ut, tam facili negotio ac plerique opinantur, explicari possint. Et tamen peritus Medicus secum iniquè agi merito censeret si

quas

quas ille de rebus ad artem suam pertinentibus rationes adduceret, eo nomine minimè reciperentur, quòd Atomorum principia non sapiant. Equidem tanta sæpè subordinatarum causarum series inter effectus particulares & causas rerum generalissimas interjacet, ut amplissimus pateat campus in quo homines industriam suam & ingenii acumen exerceant, modò peculiare rerum dotes à qualitatibus magis generalibus & consuetis, nec non causas (ut ita loquar) intermediatas à se invicem satis solidè deducere conantur. Quinetiam hujusmodi rationes eò magis aspernari refugio, propterea quod alibi quædam esse ostendi, ut nempe motûs localis originem, quorum ex disciplina Atomica causa Physica commodè exhiberi nequeat; quandoquidem illa vel Deo, veræ quidem at causæ rerum supernaturali attribuenda sunt, aut ad Materiam semper pertinuisse dicendum est; hoc autem, quoniam Materiæ Idea citrà ipsa absoluta esse possit, non est rerum propositarum causas assignare, sed eas causarum expertes statuere. Atqui de hac re alibi plenius. Interea ne ad istiusmodi Authores quorum causam hîc egi quoquo modo aspernandos pertraharis, nec tibi à scribendo quòd animo tuo occurrer, etsi verum ac utile, nisi id à Principiis *Epicureis* deducas aut deducere valeas, prorsus abstinendum arbitreris, lubet hic tibi paucis ostendere (nec fortasse de eo monitum fuisse posthac in vano pones) duos esse fines admodum discrepantes quos homines sibi in Philosophiæ Naturalis studio præstituant. Sunt enim qui Naturam saltem cognoscere, alii autem ipsi imperare ambiunt. Aut ut aliter rem exprimam; Nonnulli id tantum cupiant ut sibi in notorum Phænomenon causis aperiendis placeant, alii verò recludendis novis insudant, utque naturam consiliis suis ancillantem habeant, sive ea circa sanitatem, sive circa divitias, sive denique circa voluptatem sensualem, versentur. Jam verò quemadmodum Ingeniis Contemplativis *Epicuræa* aut iis similia Principia potissimum arrisura esse non inficio; ita postremum genus,

Expe-

Experimenta varia atque observationes colligendo ac tentando institutis suis jucundè & feliciter consulere posse arbitror; quandoquidem corporum particularium quæ ad usus suos accommodare cupiunt facultates & indolem indè ediscentes, nec non Chymicarum Operationum aliarumque materiam subigendi rationum ad corpora illa immutanda effectusque ipsorum in se invicem alterandos perspicientes, multa sanè, modò par accesserit industria & attentio, præstare valeant, quorum aliqua admodum stupenda, plura autem ad humanam vitam longè utilissima esse possint. Enimverò si quando sclopetarius aut miles cum pulvere tormentario aliquid molitur, nequaquam necessarium est ut ille expendat aut saltem intelligat ex quibus aut quot rebus nedum ex qua Atomorum specie conficitur, aut denique qua hæc proportione vel modo commistæ fuerint; verùm admirandi istius Concreti vires experientiâ edoctus, satis ad talia cum eo præstanda instruitur, quæ ne in admiratione habeantur sua solum officit frequentia. Medico, qui salutare Theriacæ facultates perspexit, etsi trium & sexaginta simplicium nomina æquè ac vires ignoret, fieri potest ut plurimi ægri restitutam ejus ope sanitatem debeant. Et quanquam modum quo ex primitivis Corpusculorum affectionibus rerum qualitates deducantur intelligere tam utile quàm jucundum agnoscendum sit; tamen, utrum illud sciamus necne, modò corporis hujus aut illius ex ipsis constituti qualitates, ac ut in alia agere aut vicissim ab iis pati comparatum sit pernoscamus, nil prohibet quin summam licèt in serie causarum non consectantes, res eximias præstare valeamus, & quales, citra particularium corporum excussionem, vereor ne profundissima contemplatio à priore unquam adinvenisset. Artium Mechanicarum Professoribus, qui de *Epicuræa* Philosophia ne per somnium quicquam cognitaverant multa debet humanum genus utiliter inventa. Et *Paracelsus* qui (præterquam quod ingenio non admodum perspicaci aut contemplativo fuisse videtur) certe dogmata

dogmata Atonica parùm curavit, si modò aliquid de ipsis unquam inaudiverat, extra ea quæ insolenter crepuit nonnulla verè admiranda præstare noverat; id quod non solum ex eo constat quod alibi ostendo, sed etiam quod *Operinus* (utcumque in Dominum suum derelictum aliàs acerbior) *Paracelsus* Laudani sui usu (ex quocunque demùm constabat) curationes miraculosas effecisse testetur. Atqui non opus est exemplum instituto nostro accommodatum è longinquo petere, siquidem palam est eos qui Magnetis & ferramentorum eodem tactorum effectus primum Experimentis factis indagant, etsi Magneticorum phænomena veras ac primas causas ignorarent (quæ etiam, verècor, ne nos etiamnum lateant) inventa humano generi utiliora in lucem protulisse quàm vel unquam *Léucippus*, *Epicurus*, *Aristoteles*, *Campanella*, aut fortasse ulli novarum Hypothesæon excogitatores, quorum speculationes cùm ad Naturalia Phænomena saltem solvenda, non autem augmentanda aut applicanda collimarent, mirandum non est eas subtiles potius quàm fructuosas fuisse, & in oblectationem humani generis veriùs quàm utilitatem hactenus cessisse. Dico, *hætenus*, quoniam etsi inpræsentiarum experientia me ita loqui patitur, tamen non desponder animus, quin posthac cùm Theoriæ Naturales rectius ac ex iusto Experimentorum numero constructæ fuerint, deductiones ab ipsis factæ omni sterilitatis opprobrio liberæ sint futuræ. Sed de his rebus alibi (etsi, ut memini, nusquam in sequentibus Commentationibus) copiosius dissero. Quare ad Argumentum, quod huic digressioni occasionem præbuit, jam tandem redeo, & iis quæ ad interpolatæ nonnunquam in rebus arduis aut controversis sententiæ excusationem supra adduxi, libet porro adjicere, *Pyrophile*, quod sicuti mihi in animo non est ut opiniones meæ quicquam apud te ponderis habeant nisi quod Experimenta & rationes iisdem conciliabunt; ita nolo ut credas me easdem diutius mihi amplectendas existimare quàm rationes quibus primum ad hoc per-

permotus fui majoris momenti videbuntur quàm illæ in contrarium allatæ. Dignum enim est Philosopho quod *Aristoteles* in sui defensionem quod à præceptore diversum sentiit, inter alia protulit; Δόξα δ' ἂν ἴσως βέλτιον εἶναι,

ethic. Nic.

l. i. c. 6.

καὶ δὲν ἐπὶ σαφείας γε τῆς ἀληθείας καὶ τὰ ἀνεία ἀναί-
ρεῖν, ἄλλως τε καὶ φιλοσόφος ὄντας. Et quanquam

sententiam mutare citra potiores rationes quàm quæ primùm assensum pepererunt, sit animi non sibi constantis culpanda levitas; tamen opinioni quæ aliquando vera visa est, adherere, licet ipsius falsitas majori luce redarguatur, superba est contumacia, veritati inimicissima, quæque parum convenit cum tenuitatis humanæ conscientia. Quippe minus indecorum censeretur, errori veritatis gratiā renuntiare, quàm fastuose & præfractè sententiam aliquam etiamnum tueri tantum quia eam olim veram esse existimavimus. Et sanè quousque se quis infallibilem certò crediderit, immutabilem esse non oportet.

Porrò me sedulo cavisse ne sequentes Dissertationes solenni & operosa aliorum Placitorum confutatione intumescerent, facile, *Pyrophile*, percipies; nisi fortasse id in quibusdam locis factum est, ubi ea Experimentalis Scientiæ augmento damnosa fore arbitrabar. Imò istiusmodi opiniones cautè tantum attingi, nisi quid contra easdem Experientia suppeditaret. Non enim consilium mihi est, me ulli Philosophorum sectæ addicere aut adversarium profiteri, sed tantum te ad sententias amplectendas aut rejiciendas adhortari prout Experimentis aut rationibus luculentis inde deductis aut saltem iisdem analogis constiterint; quippe nondum opportunum judico aliarum opinionum propugnationi admodum insudare quæ istiusmodi Experimentis aut rationibus hæcenus determinari non posse videtur. Et profectò (ut superius exemplum rursus adhibeam) elegantes istas sed infirmas structuras everfas cuperem, quas homines ex solis opinionibus ædificarunt, eodem modo (nec majori strepitu) quo ædificia phantastica quæ à me Leydæ visa re-
tuli,

ruli, pessundari possunt. Quibus diruendis supervacaneum foret machinas poliorceticas parare, cum ad id mihi amplius requiratur quam lucis incrementum. Quia experientia compertum est, opiniones quæ multo plausu exceptæ radices per nonnulla sæcula egissent, quales sunt, Zonam torridam minimè esse habitabilem, solidas esse regiones coelestes, sanguinem à corde ad extrema corporis mediantibus venis deferri, jam ubique æstimatione excidisse; ob inventa nonnulla quæ iisdem refragari deprehenduntur; atque etiam proculdubio cordatiores plerique iis renuntiassent, licet nemo ex professo earum confutationem suscepisset; adeò verum est quod vulgo dicitur, *Resum est index sui & obliqui.*

Si quando verò, *Pyrophile*, aliis adversari inducor, ut mihi libertate quam veritatis amor postulat non interdixi, ita eà moderatione & humanitate usus sum quæ viris benè merentibus jure debetur. Ideoque me invenies non tantum in una Dissertatione contra Authorem aliquem agentem quem in alia honestis verbis memoro, verum nonnunquam in eadem pagina illum laudantem, qua ipsius placita impugno. Honestè de hominibus loqui amo, de rebus Liberè. Nec mihi æquum videtur, aut cujuscumque famam erroribus patrociniū præstari, - aut patroni culpam veritati imputare. Quod verò attinet multorum consuetudinem (quæ nimium obtinuit) scilicet qui ita in scriptis agunt, ac si ad elevanda cujuscumque placita, Authorem dièctius lacerandum aut verborum cavillationibus certamen ineundum esse judicarent; præterquam quod hoc contentiosum & pugnae scribendi genus nec Philosopho nec Christiano convenire videtur, etiam imprudenter non minus quam arroganter usurpatur. Nam si rationum vi quemquam de sententia dimovere nitor unicus tantum mihi labor incumbit, nempe ut intellectum illius convincam: sin verò asperè & litigiosè illius errores oppugno, difficultates quas superare cupio, mihi adaugco, eumque reddo mihi non judicio tantum sed

etiam affectibus adversarium : nec sanè levis negotii est eum ad nostram sententiam pertrahere , qui non solum diversum à nobis sentit , verum etiam hostili erga nos animo affectus est. Eoque mihi magis improbatum importuna in differendo asperitas , quod sæpius observavi , culpæ , quæ in uno differentium primum resedit , ut plurimum etiam alterum mox participem fieri , idq; quo adversario paria faciat. Nam quemadmodum canis rabidi morsus alios ad consimilem rabiem adigit , unde etiam ad injurias promiscuè inferendas cæco impetu incitantur ; ita infensi scriptores quos lædunt simili animi ægritudine corripunt pariterque contagio eodem implicant. Verum , *Pyrophile* , cum de iis humaniter excipiendis loquor à quibus sententia diffidemus , eos intelligi velim qui de Experimentalis Scientiæ benè meruerunt , aut saltem candidos & sobrios veritatis indagatores sese præstiterunt. Etenim sicuti prudentem quemvis admodum absterri arbitror ne ea in medium proferat quorum cognitionem assecutus est , ex eo quod errorem aliquem vel ex humanâ imbecillitate aut rerum abstrusitate admissum raro detectum comperit quin Authoris dedecori & opprobrio vertatur ; ita è contra cum scriptores inepti famæ aucupio talia incauto Mundo obtrudere ausi fuerint tanquam experienciâ comprobata aut grandi Mysteriorum titulo digna , quæ nec ipsi unquam experiri aggressi sint neque ab aliis fide dignis scriptoribus acceperunt qui se illa expertos fuisse profiterentur ; hæc non video quare eos qui seu fallant seu fallantur nullo ponunt in discrimine , & quibus curæ non est quomodo fide nostrâ abutantur , modò sui nominis famæ consulatur , ex æquo tractare tenemur cum iis qui quanquam à veritate aberrarint , affectos tamen se eam esse crediderunt , eamque tradere satigerunt , & operam (licet infelicem) navarunt , ut nil aliud in medium proferrent.

Ceterum jam vereor , *Pyrophile* , ne tibi rationem exponere necesse habeam , quare in sequentibus Dissertationum non-

nonnullis multa ex alijs authoribus transcripti, in alijs pauca aut omnino nihil. In quo ut tibi breviter satisfaciam, monendus es animo & consilio meo imprimis consentaneum fuisse, ea tantum tradere quæ observationes meæ aut experimenta aut meditationes suggererent, nihil prorsus adducto quod aliorum diligentia præoccupasset; cum huiusmodi repetitiones nisi certis de causis mox memorandis fiant, inutiliter juxta ac ambitiosè à plerisque scriptoribus affectari videantur, & à cordatis lectoribus merito importunæ censeantur, utpote qui facile perspiciunt iisdem voluminis molem ampliari, at scientiæ cumulo nihil prorsus adjici. Nihilominus tui gratiâ, *Pyrophile*, consentaneum duxi occasione datâ aversionem meam vincere, quâ scripta mea alienis hinc inde referre piget, partim ob rationes alibi expositas & partim ob jam afferendas. Primo, quia nonnulla tam nova sunt tantique momenti ut non uno testimonio confirmari opus habeant, Deinde, quoniam juxta Græcorum adagium *novæ novæ*, non est prorsus idem repetere, cum Authoris cujusdam Observatio vel Experimentum illustratur aut aliàs recitando augetur, aut denique diverso proposito accommodatur ab eo cui illud ipse Author adhibuit: cum illud singulari alicui observationi aut experimento conveniat quod *Seneca* alicubi

Quest. Nat. lib. 6. cap. 5. Epist. 64.

dixit, *Nulla res consummata est dum incipit; Et, Etiam si omnia à Veteribus inventa sunt, hoc semper novum erit, usus & Inventorum ad*

alijs Scientia & Dispositio. Tertio, quoniam quemadmodum Planeta reliquæque Stellæ (ex Astrologorum sententia) magnis conjunctionibus potentiores & nonnunquam alios influxus obtinent in aërem ceterasque sublunaris mundi partes, quam qui earum uni aut alteri in diverso Aspectu attribuuntur; ita multa quæ, dum in variorum Authorum scriptis sparsa & solitaria jacuerant, observationem non sollicitabant, ubi simul ad idem institutum aggregantur, sæpe exinde eximii usus in Physiologia evadunt, nimirum

in qua unum eorum ad insignis cuiusdam veritatis partem aut circumstantiam probandam inservire potest, aliud verò ad aliam explicandam, adeoque omnia istius effati veritatem confirmare, *Et quæ non prosunt singula, multa juvant.* Quare cum ad alios Authores non tanquam iudices sed testes provocem, nec ab iis jamjam edita tantum ornatus gratiâ asciscam, multo minus tanquam oracula adhibeam, quorum auctoritate placita nostra muniantur, sed tantum in rerum factarum fidem, spero eorum testimonio non minus lucis à meo accessurum quam è contrâ, atque ex omnibus tibi plenius satisfactum iri. Si verò concesseris, *Pyrophile*, mihi vitio non esse vertendum, quod instituto meo multa ab authoribus quos vidisse contigit, eidem congruenter tradita, accommodaverim, opinor mihi Apologiâ opus esse non credes, quod ex iis potissimum authoribus ea describerim quos in paucorum manibus reperiri arbitrabar, & præcipue quidem ex Gallicis nondum in linguam Anglicanam aut Romanam conversis. Quinetiam puto mihi minus de excusatione laborandum est, quod desumpta ab authoribus plerumque in ipsissimis illorum verbis transcripserim, cum hoc, ut reor, lectoribus gratissimum sit, simulque hinc omnis injuriæ locus præscindatur. Equidem ut in multis citationibus animadverti, transcriptor laudati Authoris mentem aut ita perperam intelligit aut falsò exponit, idque interdum ex imperitia, interdum verò quo eum in suas partes pertrahat, ut si inquam cogitata mea in lucem edere statuerem, Lectorem rogatum vellem nihil tanquam à me dictum aut constitutum putare nisi quod integra verborum meorum serie exhiberetur; ne mihi quædam transcriptor affingere tanquam simpliciter & dogmaticè affirmata quæ ego tantum dubitanter & problematicè protulerim; & ne ea fidenter tanquam Experimenta referre viderer, pro quorum successu fidem meam non interpono, quæque tantum ut ab aliis prodita narravi. Quod autem subinde memoro quæ ab aliis scriptoribus desumpti
aut

aut ab amicis communicata accepi, me tuebor illo *Plinij* dicto, *Benignum est (ut arbitror) & plenum ingenui pudoris profiteri per quos profeceris.* Quanquam recentiores quoddam observationes & Experimenta aliorum tam audacter expilantes observavi, ut iuste in illos torqueri possit quod idem *Plinius* subnectit, *Scito enim conferentem Authores me deprehendisse à juratissimis & proximis Veteres transcriptos ad verbum, neque nominatos, &c.* Si alii scriptores hilce iustiores (ut non dicam, magis grati) non essent, citò illos quibus vota & consilia non admodum generosa sunt, deterrent ne inventa sua publico communicarent, utpote quorum laudes & gratiam alii ad se traherent, qui neque ipsos nominare dignarentur. Sed fortasse æquiores ficerent, si ad ea attenderent, quæ *Author* iste porro adjicit, *Obnoxii profecti animi & infelicitis ingenii est deprehendi in furto malle quam mutuum reddere, cum præsertim fors fiet ex usura.*

Aliud est, de quo, *Pyrophile*, monendus es, quodque ad sequentes Dissertationes spectat, nimirum, præter ratiocinationis defectus tenuitati meæ imputandos, etiam me deductones quasdam consultò prætermisisse, quas prope adverti satis validas non esse; quoniam aliquando tibi Experimenta omnia quæ tum mihi occurrebant ad rem tractatam illustrandam facientia declarare libuit, quanquam eorum unumquodque separatim conclusionem, cui tanquam præmissæ allata essent, non irrefragabiliter nec profectò validè conficerent. Quod eo libentius feci, quoniam aliquid discurtui tuo relinquere volui, simulque periculum facere, quantum in rerum multarum pondere dignoscendo valeres, quæ licet omnes subjecto quod tractarem convenirent, tamen non ex æquo conclusionem inferrent, cujus gratia adducerentur. Deinde cum quæ hujus generis afferrem, experientiæ inniterentur, putavi eorum mentionem, licet ex Logicorum præceptis reticere debuissent, abundè laborem illum compensaturam quem hîc in exercenda ratione subire te volui.

Restat

Restat denique & aliud, de quo arbitror rationem expectabis; nempe quare in sequentibus Dissertationibus Experimenta quaedam non satis plenè planèque tradiderim. Cujus ut tibi causæ consent, sciendum est, primò, me, licet tui gratiâ (reclamante judicio indolèque meâ) multa, (quo scilicet luculentiora præstarem,) tantâ verborum copîâ exposuisse, ut jam mihi videor multiloqui nonnunquam infimulandus; in aliis tamen locis, ubi de rebus agitur quas consuetudo mihi familiares reddiderat, fortasse incautè, quo prolixitatem evitarem, in contrarium vitium dilapsus esse. 2. Sunt quaedam Experimenta Mechanica in quibus manutarias quasdam operationes volens prætermisi, ne artificibus quibusdam ingenuis injurius essem, à quibus victus vel lucrum istorum Experimentorum mercedimonio acquiritur. Et Mechanicas istiusmodi circumstantias (ut sic loquar) prætermittere eò minus dubitavi, quoniam ad Experimentorum notitiam Physicam necessariæ non essent; quæ idèò hic remitti ut te Philosophiæ peritum redderem non ut Artes Mechanicas docerem. Tertiò, quaedam obscuriùs insinuavi, vel quia sub taciturnitatis lege accepissem, vel quia ingenui quidam homines qui eadem mihi communicarunt vel alii quibus ipse communicavi etiamnum vis ad quæstum faciendum opus habent. Quarto, quaedam vel labore nostro parta, vel ab aliis talium permutatione redempta, cum juris nostri sint, nondum placuit simpliciter propalare; non quòd hæc nobiscum petire invidè cupiamus, sed ut in promptu semper haberemus aliquod insignius inventum, quo cum secretorum institutoribus transigamus, qui arcanum aliquod nisi accepto alio impertire renuunt, neque quicquam votis suis dignum censent quod pluribus quam uni aut alteri innotuerit: idèòque fas mihi nonnulla Experimenta subinde celare arbitror, quibuscum aliorum arcana redimam; quòd ubi factum est, priora illa cum in eam rem amplius ex usu non sint, liberè divulgari possunt. Neque verò opineris, *Pyrophile*, frustra tradi Experimenta tan-

tanquam comperta, si operationis modus reticeatur, modò
 fide dignus sit qui illa in medium profert. Aliquid enim
 est certo scire hæc aut illa vere peracta fuisse; & proinde
 possibilia esse, licet quo ea fieri debent modo, nos etiam-
 num lateat. Nec contemnendum est beneficium si quis suâ
 fide testetur, ex his vel illis corporibus vel operandi modis
 insignia nonnulla hujus vel illius generis documenta ob-
 neri posse. Quippe cum alites accipite vel canibus venari in
 animo est, me ei aliquid debere existimo qui monuerit in
 hoc aut illo arvo per d. cum agmen esse, licet nihil amplius
 ad capturam præstet: planumque est *Europam* *Columbo* mul-
 tarum regionum in *America* detectionem acceptam ferre,
 quæ nec ab ipso unquam, nec fortè, nisi diù postquam ille
 in humanis esse desuit, à quoquam alio reperta sunt; eo
 quod ultrà ingentem Oceanum qui Orbem Novum à Veteri
 disternat, ignotas jacere terras primus ex fide pertrihuit.
 Verùm in viam redeo ut te monere pergami, minus me de eo
 sollicitum esse quod partes quorundam Experimentorum
 circumstantiales reticuerim, quoniam è re tuâ futurum ju-
 dico ea de integro experiri. Et quemadmodum operam
 dedi ut tibi ex veritate Experimentorum successus constaret,
 si ritè te operi accinxis; ita nec admodum piget tibi ali-
 quando exercendæ industriæ adeoque experientia augendæ
 necessitatem incumbere. Cæterum præter omnia quæ huc
 usque dixi, fatendum est, unum esse quod ad te proprie
 spectat, cujus intuitu, præcipuos quosdam processus Chy-
 micos quibus ornari potuissent, in sequentibus Disserta-
 tionibus desiderari placuit. Enimvero cum adhuc ignorem
 quam ferio te ad Experimentalem Philosophiam promo-
 vendam conferes, & qualem fructum ex hisce quæ aperte
 & simpliciter traduntur percepturus sis, grave mihi visum
 est nonnulla quæ multo labore adeptus essem, adhuc in
 ullius manus pervenire, qui scientiam solertia aliqua redi-
 mere non dignatur: quin etiam si te, quod votis exposco,
 industriam præstares, volui præno habere quo industriam
 tuam

tuam alerem & extimularem, quòdque majoribus quos faceres progressibus aptius conveniret. Quod enim operationes Chymicas attinet quæ hic proponuntur, fatendum est sanè earum pleraque leviculas esse censeo, si conferantur non cum iis tantum quæ a perito Chymico adduci possent, verum etiam cum nonnullis (ab Argumentis, quæ hic tracto, non alienis) quorum ipse (ut ut aliunde me in hisce rebus tyronem agnosco) ignarus non sum. Et sanè scriptis hisce Nugarum titulum fecissem, si spes tuas labefactare non timuissem, & si te in iisdem Chymiam docere præcipuè statuissem. Sin verò hæc ita à te excipiantur ut ulteriora conari commodum judicemus, fortasse, Deo vitam & otium indulgente, insigniora Experimenta Chymica vel ab amicis communicata vel nostrâ solertiâ comperta, tibi impertire non gravabimur. Prout enim Dissertationes hæc benè vel secus consulentur, ita conatum nostrorum primi aut contra etiam postremi futuri sunt. Interea non temerarium erit affirmare, quod utcunque quorundam Chymicorum Processuum qui hic proponuntur dignitatem elevaverim, tamen si unquam Experimentales Commentationes scribere aggredieris (quod spero aliquando facturus es) nec quicquam ferè nisi explorata admittendum statues, fortasse arbitraberis brevem huiusmodi Dissertationem (ne dicam, Experimentum aliquod singulare) mihi pluris interdum constituisse quam integer de tali Argumento Tractatus, de quo ut quis etiam cum laude aliqua libros conscribere valeat penè sufficit multos evolvisse. Imò pace tuâ addam, in hoc scribendi genere sæpe Monitum aliquod ut à scriptore majori operâ concinnari quam Experimentorum multorum congeriem, ita etiam lectori utilius esse posse quam horum cognitio. Neque enim rerum pretium semper ex earum obviâ & immediatâ utilitate metiri debemus, verum ex aptitudine ad utilia detegenda. Quemadmodum, si verum sit quod ab idoneis authoribus de coryli surculo sive virgula divinatoriâ perhibetur, quanquam ignobilior sit illa arbor ratione fructuum quos

quos producit, quam Malus Perlica, Medica aut Pomus, tamen fieri potest ut dignitate eas permultum superet, quoniam cum hæ tantum fructus nobis progenerent, illa ad latentes in visceribus terræ eximios thesauros aperiendos inservire potest.

Pænè oblitus eram tibi, *Pyrophile*, innuere, quod licet operam non dedi ut scripta hæc, variis Authorum de rebus quas tracto sententiis & argumentis intunxerem, aut pigmentis Rhetoricis aliòve ornatu mutuatitio niterent, non tamen ideo hoc facere recusavi, quod ea ex classicis aliisve scriptoribus desumi improbem, quæ sententiis nostris fidem conciliare aut easdem eleganter & emphaticè exprimere accommodata sunt. Memini enim *Epicurum* Doctorum reprehensionem incurrisse, quod cum ipse multa scriberet, noluit tamen in operibus suis aliena unquam laudare. Quod verò Philologica subinde adhibuerim ubi promptè occurrebant neque aliena aut proluxa fore videbantur, spero me vanitatis istius suspicionem effugisse ac si aliorum opem mihi fastidiendam esse putarem. Rationes verò quæ me permoverunt ut aliorum auctoritatem aut verba usurpare tantopere declinarem, hæ præcipuè fuerunt. 1^o. Quoniam Oculorum imbecillitate, ab omnium librorum lectione (sacros si excipias & eorum enarrationes nonnullas Criticas, & subinde locos aliquot istiusmodi scriptorum qui comperta & explorata docere profitentur) jam à longo tempore impeditus fui. Quinetiam memoriæ vitio, in rebus non magni momenti nimium infidæ, pænè omnis mihi Critica & amænior literatura, quantulamcunque olim assecutus essem, excidit. Et profectò, *Pyrophile*, quod ad Libros spectat de Naturali Philosophiâ conscriptos, adeo mihi conscius sum quam exiguum ex iis fructum percipere potui, ut multæ Lectionis laudem non captans, potius exultimari cuperem me vix in ullum alium præter naturæ librum inspexisse. Deinde, quanquam non me fugit, hoc scribendi genere simplici & incompto factum esse, ut Dissertationes meæ multo ornatu careant quem iis conquirere potui, & fortasse etiam debui; tamen cum valetudo frequenter incommoda,

itinera, aliæque interpellationes tantum temporis non concederent, quantum optavi, in quo tecum de rebus Philosophicis agerem, magis consentaneum duxi succisivis horis tibi cogitationes meas, quales quales sunt, quàm aliorum referre, nisi (ut antea dixi) alienas plusquam simpliciter recitare possem. Quare facilè mihi condonabis jacturam famæ, quam tui gratiâ ex hoc simplici scribendi genere subeo, si mecum pariter statues eos scriptores utilissimos esse aut certè legentibus benignissimos, qui non tam id agunt ut ipsi eruditi habeantur, quàm ut Lectores tales reddant.

(35)

TENTAMINA

QUÆDAM

De

I N F I D O

EXPERIMENTORUM

SUCCESSU,

In quibus plurima tam Monita
quàm Observatu digna (præcipuè Chymica)
ad rem eandem pertinentia con-
tinentur.



LONDINI,

Impensis H. HERRINGMAN. 1667.



D E

Infido Experimentorum successu.

E Numeratis alibi compluribus difficultatibus, quæ obtingere possunt, ideoque, ut in Experimentalis Philosophiæ curriculo ritè & feliciter procedatur, tibi, *Pyrophile*, exuperandæ sunt, aliam porro inopinatam fortasse non minus quam ingratam adjicere piget equidem sed magnopere expedit. Nimirum, te non solum bonam Experimentorum partem tum quæ tibi ex Authorum lectione tum quæ ex eorum quibus consueveris sermone innotuerint, falsam aut fallacem comperturum, verum etiam in nonnullas observationes incisurum, quæ, tametsi ut verissimæ ab authoribus idoneis vel testibus ocularibus & *historiis* communicatæ aut fortasse tuapte experientia confirmatæ fuerint, fieri potest ut iteratâ exploratione spem tuam frustrentur, & vel nequaquam perpetuò succedant, vel saltem eventum, quam optaveras, admodum diverso.

Poterat

Poterat sanè hoc monitum usque adeò frangendis animis opportunum videri, ut libenter ipsum silentio præterissem, nisi, quotiescunque in irritum Experimenta ceciderint, te id minus ægrè laturum considerem, si fores de ancipiti eventuum aleâ præmonitus; & vererer, ne cum peractum semel feliciter Experimentum denuò repetitum non succedat, naturam aut fortunam tanquam conatibus tuis minùs faventes accusares, cum id abditæ cuidam contingentia quibusdam Experimentis à quocunque demum instituantur peculiari, tribuendum sit.

Atqui, *Pyrophile*, quando monitum quod mox proponam non minùs communi hominum opinioni quàm industria adversari videatur, par est ut ejusdem ratio & necessitas aliquot instantiis explicetur, id quod eo libentiùs faciam, non solùm ut veritas ipsius conspectior evadat, verum etiam ut desperationi exinde oriundæ aliquatenus occurratur, dum ostendam te, etsi Experimenta nonnulla votis perpetuò non respondeant, habere tamen ejusdem sortis comites, qui nihilominus non propterea animos desponderunt.

Experimentorum incertitudinis causas & occasiones in certas classes sive capita curiosè subtilitèrque distribuere, fortasse minùs utile quàm operosum foret, ideòque easdem summatim distinguam in eas quæ à rerum operi adhibitæ proprietatibus peculiaribus aut ignotis proveniunt, vel ab errore aliquo in ipsa operatione admissio, qui licet Experimenti successum frustretur, tamen faciliè detegi & agnoscere nequeat. Verùm hujusmodi errores à manifestioribus illis distinguere velim, quos ab illorum qui Experimenta moliuntur imperitiâ profectos faciliè corriget aut evitabit perspicacior artifex aut quis alius in iis ipsis Experimentis probè exercitatus, quæ præ tali artis inscitia eventum distituntur.

Materialia ad Experimenta de quibus agimus adhibita multifariam quòq; dividi possunt; viz. in Nativa & Factitia,
Sincera

Sincera & Adulterata, Simplicia & Composita. Verum nec hinc libet immorari, sed quæ de hac Argumenti nostri parte dicenda habemus, paucis observationibus comprehensa proponemus.

Primo autem animadvertendum venit, Experimenta nonnulla speratum exitum non sortiri, eo quod interdum cum materie genuina, interdum vero cum fucata instituantur: & hinc sanè idem evenire potest, seu materialia quibuscum Experimentum feliciter cessit, fucata fuerint, an secus; si modo quæ in prima operatione adhibita erant facultatibus diversis pollebant ab iis in posteriore usurpatis; quippe fieri potest, ut res adulteratæ (quemadmodum posthac ostendendi erit locus) vel ex additamentis vel dolo præparationis modo ad tales effectus producendos idoneæ evadant, cujusmodi, si fucus abfuisset, præstare nequivissent. Jam verò qui pharmaca & Simplicia in Officinis venalia diligenter examinare non assueverit, vix conjiciet quantum illa venundantium perfida avaritia ubique corrumpit, præcipuè si talia sint ut lucrum ex fraude auctius proveniat. Increbuit nuper inter Trifolii majoris cultores querimonia, è bona seminis quantitate terræ mandata nihil herbarum germinasse; de quo cum nec solum nec fator accusari debeant, observationibus quibusdam consimilibus inducor, ut culpam in emortuas seminis vires quod in officinis præ ætate marcidum venditur, referendam esse censeam. Et hinc sane celare non possum quod civis quidam *Amstelodamensis* Chymicus expertissimus, quique etiam mercaturam in *Indiam* exercens mihi nuper affirmavit, nempe maximam Cinnamomi & Caryophyllorum partem quæ ad has plagas Occidentales deferuntur, spirituosissimis & subtilissimis partibus aromaticis in *India* insigniter orbari priusquam in *Europam* transmittantur. Quinetiam in propinquo suppetit exemplum quod ad rem de qua agimus proprius spectat: Memini, opinor, *Pyrophile*, nos in una Dissertat. præcedentium de magno animalculorum numero in aceto à nobis observato locutos

locutos fuisse; cujus etiam rei multos habemus testes doctos & idoneos, quorum fidem nisi oculari demonstratione impetrare non licuit: nihilominus, *Pyr.* multa sunt laudabilis aceti genera, in quibus animantia ista frustra quaesiveris. Hoc ipso tempore nonnihil liquoris illius (qui nisi acerrimus & optimus videretur, vix dignum existimaremus è quo spiritus distillando eliceretur) in quo tamen nec candelæ nec lucis solaris beneficio ulla istiusmodi animalcula conspiciere possumus, quorum in aliis acetis innumeros greges frequenter observavimus. Cæterum technas & dolos quibus merces officinales vitiantur, variis exemplis possem coarguere, nisi vereretur ne qui male feriat sinceritate mea ad similitum dolorum imitationem abuterentur. Verum inter huiusmodi fraudes, nonnullæ tam enormes sunt aut aliàs ejus generis, ut eas indigitare non tam periculosum quàm utile videatur.

Quòd Sublimatum admisto Arsenico fucari soleat vulgo notissimum est; at quantum inter huiusmodi sublimati, & ejus quod fideliter præparatur operationes discriminis esse valeat, non tantum in metalla sed etiam in humana corpora (nempe cum Mercurius dulcis aliæque medicamina ex ea conficiuntur) vix illi facile concipient nisi quibus facultates Arsenici hominibus æquè ac metallis moxiæ innotescunt. Et sanè Spagyrica præparata quod attinet, non mul-

Accipe pulverem Iohannis de Vigo propria manu paratum, nam alioquin admistus Minio est adulteratus, prout qualecunque medicamen Chymicum quod venale extat fraude plenum est. Helmont. de Febr. c. 14.

Sunt nempe Olea essentialia venalia, quæque magna arte penduntur, adulterata omnia atque singula. Idem de Febr. c. 15.

tum a vero aberravit *Helmontius*, cum vix ullis quæ in officinis prostant venalia, tanquam bonâ fide confectis fidentum esse pronuntiavit. Quod quidem non temerè dictum fuisse toties expertus sum, ut ad usum medicum vel digniora aliqua Experi-

menta, nisi quod fornaces proprii aut quis alius spectatæ probitatis & peritiæ mihi suppeditaverint, ferè nulla adhibere

hibere aulim. Nuper cum spiritu salis opus haberem, nec ex proprio adesset, misi qui spiritum istum à Chymico quodam emeret, benè & probè, utpotè ipsius manu, paratum me habiturum confisus: verum licet pretium ex ipsius licitatione numeravi, tamen primà etiam in retorta rectificatione, libra ejusdem unica non minus quam sex uncias phlegmatis reddidit; postea vero residuus spiritus in cucurbita & calore modico ulterius rectificatus, vix credibilem ejusdem liquoris insipidi quantitatem exhibuit; nec tamen post hæc phlegmatis abstractiones, satis fuit ad id quod optavimus præstandum depuratus. Hoc cum cuidam Chymico præclaro mihi noto narrarem, peti jussit Spiritum Salis ab insigni ejusdem Distillatore, qui artem suam multo cum quæstu & probitatis fama proficitur; verum & hic Spiritus, præter imbecillitatem, Spiritus nitri vel Aquæ Fortis misturam, peculiari quodam & ingrato odore prodidit: atqui Spiritus Salis per tè & probè paratus colorem subviridem plerumque obtinet, & sæpè (ut in nonnullis quos ipse paravi tibi monstrare possum) odorem non inucundum. Cæterum, hac occasione sciàs velim, *Pyrophile*, in quibusdam casibus non sufficere aquearum partium rectificationis ope separationem, quã tamen plerique Spagyrici contenti sunt; quippe latent in nonnullis liquoribus corpuscula quædam terrestris naturæ quæ salinis implicata, eorundem vires & ἐνέργειαν obtundunt; ideoque quo istiusmodi liquores rectè depurentur opus est ut per alembicum destillentur, idq; lento caloris gradu, ita ut fæces aridæ in imo vasis relinquantur. Hoc non citra rationem moneri ut quibusdam ostenderemus, Spiritum Salis puriorem & probè rectificatum vasis humilioribus infudimus, (unde temperatori calore liquor sursum adigitur) cumque Spiritus omnis ascendisset, restitit in fundo & collo retortæ tanta substantiæ cujusdam siccæ & stipticæ copia, colore plerumque subflavo, ut mirati sint qui spectarunt; in spiritu tam limpido & pellucido tam insignem talis matæ-

riæ quantitatem potuisse occultari : & nostram quoque admirationem excitasset , nisi recordati essemus Oleum sive Butyrum Antimonii , quod cum Mercurio sublimato conficitur , licet destillatum & perquam limpidum panè instar Aquæ Fontanæ , tamen præcipuè ex ipsâ Antimonii substantiâ constare ; id quod hîc , nisi alterius esset loci , manifestum reddere possemus. Unum tantum de hac re porro addemus , Spiritum Salis à secunda hac depuratione tantopere immutatum fuisse , ut longè nobilior & tantum non aliud à seipso liquor videbatur.

Verum ut ad spiritum adulteratum sermonem nostrum revocemus , quam dispares ederent effectus verus Salis Spiritus & is cui Spiritus Nitri immiscetur , quisquis dissimillimas horum liquorum facultates perspexit , quorum (ne alias differentias jam memorem) ille argentum præcipitabit quod hîc in calcem antea corrosit , te facile docebit. Quod quidem virium discrimen non hîc propono tanquam præcipuum quod de hac re afferri possit , sed quod memoriæ recentius infideat.

Deinde , *Pyrophile* , adverto , etiam cum res quæ ad Experimenta adhibentur vitiatæ non fuerint sed sinceræ , & quales natura producere consuevit vel ars præparare debeat , etiam tum , inquam , concreta ejusdem generis & nominis , quæque perfectè homogenea censentur , insigniter inter se discrepare.

Paradoxon hoc tibi , *Pyrophile* , videri possit ; verum si rite expendatur , sua veritate elucebit : cum autem hoc à me fortasse primo vel è primis uno palàm profertur , liceat pace tuâ in eodem explicando paulisper immorari. Quamquam enim Antimonium , Hydrargyrum , Aurum , Cuprum , Stannum , &c. in suo quodque genere panè ab omnibus ejusdem naturæ pariter ac nominis indubitanter haberi soleant , quisquis tamen vulgarem hanc sententiam primum suspectam habuerit , deinde varios Experimentorum progressus & exitus sedulò observaverit , discrepare inter se ejusdem

generis Mineralia perinde ac Vegetabilia & Animalia facile deprehendit. Enimvero quemadmodum Rosa pallida, rubra & Damascena, ut ut quæque Rosa sit, multum inter se diversæ sunt; veluti etiam Pomum Aurantium dulce & acidum tam sibi invicem quam Chinenfi sub eodem nomine dissimilia sunt; denique sicut Canis Venaticus, Gallicus, Hispanicus, Vertagus, Molossus, Aquaticus, &c. variis proprietatibus in communi specie discriminantur: ita nec omnia quæ in mineris vel officinis habentur Antimonia, iisdem prorsus qualitatibus pollent, etsi communem Antimonii naturam & appellationem sortiantur. Hoc quidem interest inter Vegetabilium animaliumque varietatem & eam quæ in fossilibus animadvertitur, quod illa plerunque oculis magis conspicua est; & differentia quædam peculiaris stature, formæ vel coloris in animalibus ejusdem speciei deprehenditur, unde facile est naturæ corpora ex partibus manifestè distinctis constantia evidenter discriminare: econtra cùm mineralia vel perfectè similia, ut metalla, vel saltem ex duobus tribusve admixtis constituta appareant, ut Cinnabaris & quædam alia concreta mineralia, dispar indoles fossilium eodem nomine gaudentium difficulter dignoscitur, priusquam ab experientia in apicum expromatur.

Enimvero notandum hic est, matricem sive uterum (ut ita loquar) in quo mineralia generantur non semper animalis utero similem esse, quem involucra quædam adversus cujusvis materiæ alienæ ingressum muniunt: contra cum Mineralia in terræ visceribus procreentur, ipsorum conceptacula aliis succis mineralibus vel vaporibus isthac transeuntibus, à primis venis naturâ utcunque diversissimis aditum præbere consueverunt. Adeo ut non modo varii generis mineralia, ut Marchasitas cum Metallis, Marchasitas cum Lapidibus propriè sic dicitis, Salem cum Sulphure &c. in eandem massam concrevisse non citra aliquam admirationem conspexi; verùm in majusculo unius mineralis frusto particulas nonnullas mineralis prorsus heterogenci inclusas

aliquando observavi. Ceterum ut ad rem redeamus, immistæ hujusmodi substantiæ alienæ, coagulatæ, & simul cum ea cui inhærent tractu temporis maturatæ, non facile separantur; inò nec cum primum è fodina eruuntur, nedum post fusionem, dignosci possunt. Quippe rudis & parum curiosus Metallurgus id tantum curat ut metalli copiam sub tali definito nomine venalem consequatur, glebam vero metallicam à corporibus heterogeneis curiosè expurgare nec cupit nec fortasse novit; interim omnia promiscuè & indiscretim conflata Chymico pariter ac Mercatori addicuntur, pro illo metallo aut minerali cujus externam speciem & proprietates (ut calorem, consistentiam, pondus, sonum &c.) massa obtinuerit; quanquam metallum, cujus nomine insignitur, revera tantum præcipuam massæ partem constituat, in qua nempe aliorum mineralium frustula delitescunt quæ per accuratam ἀνάλογον aliquando deteguntur, vel inopinatis operationibus sese produnt sicubi in corpora idonea inciderint.

Intervisit me nuper aurifaber quidam, liberalis ingenii, & mihi probè notus; is inter alios sermones querebatur, auri portiunculas & quasi arenacea corpuscula quæ ex Guinea allata emere soleret, *δοκιμασίας* quidem quodcunque genus rectè sustinere, & simul tamen adeo insigniter pallefcere, ut præter expertos aurifices pauci ipsum mercari vellent, utique adulterinum aliquod metallum judicantes; unde ut intensum illum pallorem emendaret; necessarium sibi fuisse aurum saturrini coloris aut Cuprum eidem interfundendum admiscere, quo scilicet vulgaris auri colorem refferret.

In cujus rei confirmationem accedit D. Flacourt Colonia Gallicæ in Insula *Madagascar* præfæcti auctoritas, qui in *Historiâ loci* illius nuper editâ, de metallis ibi nascentibus differens, ita inquit, *Il y a bien, &c. i. e.* Certum est, hujus Insulæ incolas aurum habere, nec tamen peregrinis navibus aliunde adve-

tum;

Etum; quippe incredibile videtur tantam auri vim quæ passim ibi circumfertur ab exteris fuisse apportatam; quinetiam *Europæo* non parum dissimile est, quod ibi appellant *Voulamene Votroña*. Addit etiam hujusmodi auro quod *Malacassinum* vocatur colorem esse pallidum, nec unciam ejusdem ultra decem aureos (vel circiter quinquaginta Solidos Anglicos) valere, Nigritarum testimonio fodinas metalli hujusce complures in eadem regione reperiri ubi olim erui consuevit, tria autem haberi genera puritatis gradibus differentia, & ad incolis appellationibus propriis insignita. Rem vero adjungit observatione dignissimam, nempe aurum *Malacassinum* tam promptè colliquescere, ut vix majori operâ fundatur quam plumbum: atqui aurum quod apud nos habetur vehementiorem ignem exposcit, injecto etiam Borace ut fusio facilius concilietur.

Dum nuper per occasionem quasdam Plumbi aliorumque metallorum fodinas curiosius inviserem, inter diversas glebarum metallicarum partes insigne discrimen etiam oculis conspicuum subinde animadverti; habeo etiam penes me glebæ plumbeæ frustum, chalybis speciem tam manifestè referens, vulgarique plumbo dissimile, ut operarii ea de causâ chalybeam glebam appellare consueverint, cui etiam quod difficilius fundatur, aliam glebæ speciem *Frim-Oar* vocatam immiscent ut faciliatur ejusdem colliquatio. Quinetiam alteram plumbeæ glebæ speciem observavi, quæ quod vitrificari apta sit & fistilibus incrustandis interserviat, Metallurgi Plumbum figulorum nuncuparunt, & majori pretio (saltem ubi ego effossum vidi) quam cæteras species licitantur, à quibus tum aspectu discrepat tum etiam aliis, ut perhibent Metallici, minus obviis qualitatibus. Nihilominus singulæ hæ species, postquam excoctæ fuerint, uno plumbi nomine & titulo indiscriminatum indicantur. Quare mirandum non est, si quæ altiori indagine examen instituunt, dissimilitudinem insignem deprehendunt. Memini non ita pridem plumbum meo jussu examinarum, quod
externa

externâ specie non parum argenti promittere videbatur : quanquam verò, rejectâ scoriâ, è libris centenâ septuaginta boni plumbi provenirent, tamen artifex quidam harum rerum si quis alius experientissimus ne granum quidem argenti unicum extrahere potuit : nihilominus plumbum quod è plerisque fodinis eruditur, peritè examinatum nonnihil argenti puri in testa probatrice exhibebit. Quòd licèt tantum non sit ut istiusmodi fodinæ pro argenteis sive Regiis (ut vocant.) haberi mereantur, eo quod argentum extractionis impensas non compensabit; eas tamen, utcunque Metallurgis saltem plumbeæ videantur, Philosophus Naturalis mixtas esse jure reputaverit, qui etiam inter Experimentorum labores istiusmodi plumbi operationes ratione immisti argenti admodum illis dissimiles deprehendet quæ ab eo eduntur quod argento prorsus destituitur.

Cæterum ut hoc discrimen inter plumbi glebas observatur, ita etiam credibile est in aliorum metallorum venis, modò peritè & industriè explorentur, idem reperiri posse. Efflagitavit à me non ita pridem vir harum rerum scientissimus, alias etiam ingenuus & gravis, ut sibi glebæ stannæ aliquantum comparare vellem, referens se in quandam speciem paulo antea incidisse, quæ in lixiviatâ liquori- bus diutinè digesta non contemnendam perfectiorum metallorum copiam reddidisset. Undè cum hujus stanni plusculum haberet, & pari felicitate Experimentum perpetuò succederet, magnam divitiarum spem conceperat. Verum hoc tandem absumpto, quod deinceps paravit, etsi pari curâ & peritiâ tractaretur, nihilominus tantum absuit à prioris compendio, ut lucrum plane nullum exhiberet. Hoc in mentem mihi revocat, quod cum aliquando nonnihil stanni purioris & sinceri (Artifices vernaculè *Black-Tin* appellant) emissem, volui experiri num fortè Menstruum parare possem, à quo solveretur, quemadmodum ab aqua forti & regiâ nobiliora metalla, quippe queruntur Hermetici habere se Menstruum unum & alterum quod

quod stanni compagem referabit, sed quod particulas ab invicem divulsas sustinebit nec in fundum dimittet (ut aqua fortis solet) haecenus desiderare. Quare liquore, qualem expetebamus, modo quem alibi docemus, parato, solutionem praedicti stanni aliquatenus evaporatam in frigido ad congelascendum collocavimus: verum Crystallinos quas exhibuit, vitriolicis quidem nullo modo similes, sed latas, planas & tenuissimas instar earum qui ex argento conficiuntur non sine admiratione deprehendimus. Hic autem Sal gustu deinceps exploratus saporem stanni aceti spiritu resoluti (in quo tamen non quavis *Fovis* calx solubilis est) quod chalybeatum quid sapere videtur minime referebat, sed admodum amarus extitit, non secus quam Crystalli Argenti aqua forti praeparatae. Quinetiam hac inter horum metallorum sales convenientiam deinde observatam, quod uterque ungues & cutem nigredine non facile eluendam inficerent, subiit suspicari stannum a menstruo in maiorem cum argento cognationem fuisse exaltatum; verum cum Experimentum de integro susciperetur adhibito eodem menstruo, at alio stanni ejusmodi frusto, quod, priori casu amisso, ex eadem officina paulo post emebatur, eventus revocavit nos in frustum stanni quod peculiarem obtinuerat indolem incidisse.

Memini, ante aliquot menses vir doctus & sagax mihi-que amicitiae jure conjunctus venam metallicam in fundo suo reperit, e qua erutam portiunculam etiamnum asservo, sed nondum naturam ejus examinavi; primo quidem aspectu, mihi inter alios qui spectabant, cuprum esse videbatur, & revera cum excoqueretur, bonum cuprum exhibuit; verum sagacissimi & in hoc negotio exercitatissimi Artifices quibus venae examinatio demandata est, non parum argenti (ut eorum unus mihi retulit) e gleba ista metallica extraxerunt, & deinceps ex argento isto in Aqua forti soluto aliquantum auri separarunt.

Hoc Argumentum priusquam missum facio, Paradoxon quod proposui *Basilii Valentini* Hermeticorum Principis authoritate & calculo confirmabo. Is de Antimonio differens, postquam diversas ejus species esse dixisset, & præcipuè duas, alteram magis Mercurialem & ad naturam auream accedentem, quod arguunt nitentes in eo radii; alteram magis sulphuream sed auro quod priorem commendat destitutam; addit varia Antimoni genera inter se non minus quàm quadrupedum & piscium carnes discrepare, quæ etsi nomine & naturâ etiam conveniant, tamen ratione bonitatis magnis intervallis differant. Quod sanè in mentem revocat observatam à me aliquando insignem Antimoniorum dissimilitudinem, & diebus proximè elapsis quendam Chymiâ spectatissimum mihi Antimonii frustum variegati Sulphuris nomine admirabile ostendisse, quam paulò post ad Butyrum Antimonii conficiendum adhibuit, at quamvis eam distillationis partem singulariter calleret, tamen admoto modico igne, prosperato liquore, Antimonialem Cinnabarim (vel saltem substantiam rubescen-tem quam Sulphur judicavit) collo & lateribus Retortæ adhærentem repperit: cujus rei raritatem obstupescens, vas ab igne removit, donec mihi annunciasset quod acciderat, & tandem in retorta nondum fracta Cinnabarim ostendisset, quod (ut nosti) attolli non solet usque dum jam Butyrum Antimonii ascenderit, & residua materia vehementiori igne urgeatur. Quinetiam fortasse occulta Antimoniorum differentia in causa est quod Antimonialis Cinnabrii confectio ancipiti successu interdum atteritur, ut aliquoties observavimus: nam etiamsi in fornacibus nostris aliquando feliciter successit, tamen non nostros tantùm conatus postea fortuna destituit, sed peritiores etiam Chymicos & à quibus (propterea quod eximium medicamentum (nec sane immerito) judicetur,) frequentius preparari solet, operam in eadem conficiendo lussisse animadvertimus. His adde vario Antimonii vel Ferri gento non incommodè

commode attribuendum videri, quod præclari Chymici non raro in Regulo Martis & Antimonii stellato conficiendo inutilem laborem insumunt: adeo ut nonnulli Artifices certorum temporum & Constellationum rationem in præparando hoc verè admirabili corpore habendam esse inepte moncant, quibus utique suffragari experientia nostra nos nequaquam patitur. Et quandoquidem ad hanc rem sermo delapsus est; silendum non est, virum quendam impigrum tibi juxta ac mihi familiarem Antimonii cujusdam præparationem nuper aggressum esse, quod tam peculiaris naturarum temporis videbatur, ut cum regulum ex eo solo sine ferro, modo vulgari (rogabam enim quo processu uteretur) moliretur, tandem Regulum stella pulchriori signatum quam in plerisque vel Antimonii vel Martis regulis unquam conspexeram, non sine suo & omnium spectantium stupore accepit. Hoc tamen ex peculiari quadam Antimonii illius indole evenisse non admodum contendam; quoniam ab eo tempore proprii fornaces mihi similes Regulos sine Marte paratos (quorum nonnullos etiamnum teneo pulcherrimè stellatos) aliquoties suppeditarunt; quique tametsi ex tali Antimonio confecti essent, ejus varii colores Sulphuris copiosi in ipso contenti indicium præbebant, nihilominus quandoquidem Regulum Stellam insignitum perpetuò non redderet, utcumque pari Arte eodemque quantum fieri potuit modo tractatum, non usque adeo mihi evidenter constituit utrum diversi hujusce Experimenti successus à peculiari istius Antimonii ingenio an ab insolita quadam vix dignoscenda operationis circumstantia proficisceretur. Nihilominus in utrolibet casu, neutiquam est ab hujus Dissertationis Argumento aliena incertorum horum eventuum commemoratio.

Ut in Antimonio, ita in compluribus aliis fossilibus insignem observare est discrepantiam. Memini oblatam mihi nuper esse materiae mineralis portiunculam, quæ mihi p. r.

inde & aliis qui conspexerunt, vulgaris & ignobilis Marcha sita videbatur; & tamen Mercator *Batavus* rei metallica peritissimus ad quem pertinebat, majorem ejusdem copiam enixè quiritabat, propterea quod separatione instituta non contemnendam nobilissimi metalli proportionem ex quibusdam fructis extraxisset. Quinetiam Nobilis ille vir de cuius fodina Cuprea supra facta est mentio, dum in venam profundius rimaretur, nuper incidit in terram quandam rubicundam, quam Metallici tantum Bolum esse judicabant, nec sanè externa species abludebat, at una cum Regulo Martis stellato, à perito Metallorum Excoctore conflata, compluribus purioris auri granis Exploratoris curiositatem & laborem pensavit. Quanquam autem dubitem utrum hoc aurum à Bolo an à Regulo simul colliquato provenerit, habetur tamen hinc Argumentum in nonnullis glebis mineralibus hoc vel illo nomine insignitis alia diversæ prorsus speciei posse delitescere, sese (ubi in idonea Agentia vel Patientia inciderint) in certis quibusdam Experimentis non item in aliis proditura.

Talcum, quod Cosmeticis accensetur, difficulter in calcem redigi adeò notum est iis qui illius calcinationem aggressi sunt, ut norim aliquos non postremi nominis Chymicos, à quibus omnes Talci calces pro circulatorem nugis exploduntur. Nec sanè, nisi longiori spatio & igne validissimo Talcum *Venetum* in calcem redigere potuimus. Verum inter complures Talci species quæ in *Anglia* habentur, unum est quod intra unius horæ spatium in calcem niveam igne moderato mutabitur, cuius non ita dudum portiunculam habui; & antè aliquot dies in aliam Talci *Anglicani* speciem incidi quam cum candelæ flammâ subito in calcem solvere poteram. Quinetiam Experimentissimus amicus meus D^r K. profitemur se è quadam Talci *Germanici* specie, in forti Salium Alcalizatorum solutione digestâ non parum auri extraxisse, & ex hoc Experimento divitias accumulare potuisse;

modo

modò reliquum Talcum quod in eodem loco nasceretur, pari proventu respondisset. Simile est quod mihi Vir quidam Nobilissimus affirmavit se à Talco quodam quod ex *Norvegia* transmissum fuerat, mediocrem auri copiam olim elicuisse; & etiam si quicquam ex Talco extrahi posse nonnulli cum risu inficiuntur, nihilominus quædam illius species Tincturam copiosè exhibent, quæ haud scio quin aureum quid in se contineat. Memini enim me aliquantum Talci subfusi possedisse (cujus etiamnum, si libet, tibi portiunculam ostendam) quod Aquæ Regis immersum, à Menstruo illo manifestò solvebatur; hæc autem solutio deinde Filtro depurata, à quibusdam Chymia peritis qui viderunt, ratione saturrimi coloris, vera auri solutio judicabatur. *Paracelsus* quatuor Talci species enumerat, Rubeam, Albam, Nigram, & Luteam; & fortasse hæc singulæ varias mineralis hujus species complectuntur. Ideoque non malè à scriptore illo, postquam varia Marchasitarum, Lapidum aliorumque Mineralium genera recensuisset, in eodem Tractatu adjungitur, “Sed & hoc verum est, in Terra
 “multa adhuc condi, quæ mihi incognita sunt; sed eadem
 “nec alii norunt. Certum siquidem est progressu temporis tot
 “tàmque varia à Deo adhuc proditum iri, de quibus nemo
 “nostrum necdum unquam somniavit.

*Paracel. de
 Miner.
 Tract. 1.*

Sales five Vitriola ex eadem Metallī specie prolectos inter se admodum discrepare vulgo innotescit; & quod Lapides Vitriolicos attinet è quibus hîc in *Anglia* Vitriolum conficitur, tantam eorum differentiam in loco ubi præparantur animadverti, ut operariis omnes Vitriolicos esse Lapides affirmantibus agrè crederem; nec verò dissimile judico eorum aliquibus alias præter Vitriolum substantias inesse, quin fieri posse ut salinæ illorum partes pluviam solutæ in substantias istiusmodi secum una coagulatas operentur, adeoque Vitriolum ex iisdem confe-

Etum aliis qualitatibus subinde imbuant quam quæ Vitriolo essentialiter & ordinario competunt.

Porro inter ea corpora quæ communis Salis nomine circumferuntur magnum esse discrimen, neminem Hermeticorum latet qui illorum naturæ accuratiùs explorandæ vacavit. Et quod concreta illa attinet quæ sub Salis Petræ nomine venditantur, verisimile est non exiguam eorum esse varietatem: quippe præter differentiam satis conspicuam inter Nitrum *Anglicanum* & illud quod ad nos è *Barbaria* convehitur (quod ante depurationem, extranco Sale, marini Salis saporem referente, abundat) illi qui optimum *Europæum* & ex Orientali *India* allatum usurpant, diversam in ipsis indolem deprehendi perhibent, & hoc illi anteponendum statuunt: & profectò variæ Nitri species etiam post depurationem, operationibus suis mihi differre visæ sunt; quemadmodum etiam credibile est, Halinitrum illud quod non procul ab Urbe vir sagax mihi notus interdum (nam semper negotium non succedit) præcipuè ex sale marino conficit, qualitatibus quibusdam ab eo discrepare quod ex Terrâ vulgari modo prolicitur. Cæterum Halinitrum, cum sit tantum Sal terræ, ex terris multiplici qualitate variantibus prognatus, fieri potest ut varias facultates à solo è quo nascitur contrahat, licet eas externâ specie nequaquam prodar. Id quod in mentem revocat rem olim à Viro Nobili & Ingenioso mihi narratam, nempe quendam è primariis Medicis *Londinensibus*, Halinitrum è terra cœmeteriorum prolectum medicamentis suis selectioribus pro eximio arcano immiscere consuevisse.

Nec sane incredibile est hujusmodi differentias in cæteris Mineralibus reperire posse, modo homines lavâ opinione præoccupati varios Experimentorum eventus cuius potius causæ quam occultæ rerum adhibitarum differentiæ non attribuerent.

At verò, *Tyrophile*, non in Mineralium duntaxat censu hujus-

hujusmodi diversitas consistit : Vegetabilia & Animalia quæ eandem naturam obtinere existimantur, verisimile est adhuc latius inter se discrepare quàm hactenus plerique judicant. Sanè rei Botanicae Authores ejusdem nominis plantas in classes infimas laudabili *Augustæ* distribuerunt, paucisque rerum naturalium studiosis ignotum est complures esse (e. g.) rosarum species ab invicem latè discrepantes, quæ eademmodum differentiam observamus inter rosam rubram & pallidam, itidemque inter malum sylvestre, petisium, & melapium sive Appianum. Verùm præter hæc differentias, quæ adeò manifestæ sunt ut Botanicorum observationem meruerint, obscuriores & tamen insignes esse possunt inter plantas individuas sub eodem ultimo subdivisionis capite comprehensas; eaq; partim à temperie aëris proficiunt, cujus ratione Senna (e. g.) in *Britannia* nata *Alexandrina* est admodum dissimilis; partim à soli ingenio, quod patet ex mutatione quæ plantis sylvestribus in hortos transplantatis solet accidere; partim etiam aliis à causis, quibus impræsentiarum non licet immorari. Verùm quotidie observamus Rosam ab aliâ sui generis Rosâ, pariterque malum Appianum ab alio forma multum abluere. His adde quòd cum exterior telluris cortex variis exhalationibus subterraneis imprægnetur, succisque diversis distemperetur, fieri potest, ut planta aliqua particularis ejusmodi succum è solo suo alliciat, unde alienis qualitatibus donata, à plantis ejusdem generis circumcrescentibus discrepet. Quo spectat quod hîc in memoriam succurrit, me dum ante aliquot annos ab *Aurelia Allobrogum* in *Italiam* iter facerem, à Viri Nobili in *Helvetia* degente, (cujus frater olim in famulatu meo fuerat) ad castrum ipsius humaniter invitatum, ibidemque inter alia Vino quodam exceptum fuisse, quod capiti quidem vehementer infestum, alioquin ad Vini *Hispanici* naturam accedere videbatur. Et quandoquidem similem potum in istis oris etsi diù commoratus

tus nunquam degustaveram, avelam scire undenam fuisset allatum: responsum autem tuli in istis montibus provenisse; quod sanè credere non poteram donec certior deinde factus essem in quodam agello natum cujus viscera Sulphure abundabant, inde à soli genio inebriandi vim aliàsque facultates quibus à Vino in reliquis istius regionis Vineis proveniente discrepabat, contraxisse. Hic autem cum de Vino sermo incidit, recognoscas mecum velim, *Pyrophile*, quanta huic liquori mutatio accidit, cum recedentibus spiritibus & particulis Sulphureis magis volatilibus in acetum degenerat, & tamen quam parum vel quantitate diminutus vel aliunde mutatus visuprehenditur. Quanquam vero periculum non est ne quis non perspectâ Vini & aceti differentiâ Experimento fallatur; eo quod utriusque liquoris natura & alterationes nobis ex quotidiano usu innotescunt, nec nisi gustu prius exploratos usurpare consuevimus; nihilominus quis novit quæ mutationes accidant aliis corporibus quorum *μεταβολή* nobis magis in obscuro sunt, licet Visus, quo *συνεχῆς* unico sensu de iisdem iudicium ferimus, nihil in ipsis mutatum percipiat? quemadmodum in exoletis Plantarum seminibus quotidie observare est, quæ ultra debitum tempus servata, fospite cæterarum qualitatum manifestiorum numero, geniales vires amittunt. Porro autem Urinam non solum à Tinctioribus sed multis aliis Chirotechnicis ad varios usus (quorum nonnullos fortasse alibi exponemus) crebrò adhibetur. Hi vero cum in Urinis nullo delectu utantur, parum solliciti num sale multo impregnentur an penitus distituantur, aut à quanto intervallo servatæ fuerant, non erit abs re advertere quòd Chymici à quibus in magnâ copia per occasionem subinde destillantur, se insignem Urinarum differentiam deprehendere mihi affirmarunt; Urinis sanorum & juvenum plus salis volatilis inesse perhibentes quàm infirmorum & senum, itidémque à Vini potioribus quàm Zythobibulis, & Hydropotis, Urinas Spiritu & activis parti-

particulis turgidiores reddi. Verum quoniam Urinas viribus differre etsi admodum sit probabile, non ita tamen facile evincitur, placet observationem nobis experientia confirmatam hinc in medium proponere, nimirum in eo graves errores aliquando committi posse, quod artifices hæc aut illa Urinis quibuscumque indifferenter solent incoquere, ac si utrum recentes sint an vetustæ planè nihil interesset. Etenim recens Urina in qua partes salinæ reliquis etiamnum complicantur, cocturam ad tertiæ partis vel dimidiæ consumptionem sustinebit citra Salis Volatilis aut Spirituum jacturam. Verum Urina per aliquot septimanas servata ad putredinem vergit, unde soluto nexu particulae constituentes ab invicem dissiliunt, & salinæ sese à reliquis expedientes, admoto calore (ut experientia nobis docuit) etiam lenissimo avolant, & liquorem post se phlegmaticum & inertem relinquunt. In cujus rei confirmationem referam tibi, *Pyrophile*, quod mihi Urinæ distillationem meditantem nuperrimè contigit: Urinam vasis fictilibus impositam in fimo ut putresceret, ad quinque aut sex hebdomadarum spatium defoderam, verum nisi post quatuor menses eidem usurpandæ per itinera vacare non poteram; tandem cum eximeretur, animadvertens operculorum commissuras non bene luto munitas fuisse, & præterea fissuris nonnullis hiare, salinas liquoris particulas non solum calore fimo solutas sed etiam in fugam actas conjiciebam: & revera mirissimo igne & procerâ cucurbitâ destillatâ, loco salini & acris spiritus ratum languidum & insipidum phlegma impetravi. Denique quantum quoad exitus Experimentorum inter Urinam recentem & putridam intersit, is facile concipiet cui Salium munera in re tinctoria, & aliis Experimentis ad quæ Urina usurpatur evēgyæ innotescant. Atqui vereor ne in hoc Argumento nimius fuerim, ideoque ad proximum progrediar.

Tertio autem, *Pyrophile*, adnotandum venit, in compluribus Arte paratis quæ eodem nomine insigniuntur, magnam

gnam reperiri varietatem. Hæc autem partim à variâ quam modo memoravimus rerum è quibus conficiuntur indole proficiscitur, partim etiam à modo ipso quo præparantur. Et ad hæc duo capita multa particularia referri possunt. Verum impræsentiarum sermonem nostrum ad duas præparatorum species restringemus, nempe quæ non sufficienter depurata ac exaltata sunt, & è contra quæ nimium.

A primo genere ut ordiamur, certissimum est, Experimenta Chymica non pauca quæ graves scriptores tradidere, ea tantum de causa pro falsis fuisse existima a, quòd liquores solventes vel materies ab illis usurpata qui Experimenta istiusmodi postea infelicitè tentarunt, non æquè rectificati aut alioquin depurati fuerint ac quos Authores ipsi adhibuerant; unde vitiosi Menstrui culpa in artificem peritum injustè derivatur. Celeberrimus Chymicorum antesignanus *Helmontius* in Paradoxico suo de Lithiasi tractatu, ad eum modum calculum generari contendit (quemadmodum alias adnotavimus) quo ex mistis Urinæ & Vini Spiritibus volatilibus coagulatio consequitur. Hoc eximium Experimentum multi incassum tentarunt, ideòque tanquam commentum Chymicum exploserunt: & revera cum nos coagulum illud efficere aggredieremur, quicquam tale nec primâ nec ut memini secunda vice ex prædictorum liquorum confusione evenit, utpote qui vel maximâ concussione agitati & deinde quiescere permisi ne minimam quidem coagulationem exhiberent, adeò ut de Experimenti veritate diu dubitavimus; donec tandem magni illius Chimici existimatio nos in conjecturam adduxit Spiritus quos adhibuissimus non sufficienter fuisse exaltatos; quare quosdam repetitis & quidem operosis rectificationibus (ita enim res postulavit) phlegmate liberavimus, & tum accuratiora Experimenta *Helmontii* fidem absolverunt.

Quinetiam idem scriptor in Tractatu suo de Peste, Succinum in Vini Spiritu resolutum, tanquam Ventrículo, Intestinis partibus nervosis non minus ac Capiti gratissimum

mum deprædicat (nec sanè medicamentum est ignobile, modo illis propinetur quorum temperies calorem ipsius valeat perferre.) Atqui complures Medici pariter ac Chymici Tincturæ hujus præparationem tam inauspicatò aggressi sunt, ut *Helmontium* aut rem falsam tradidisse, aut insignem aliquam Processus circumstantiam reticuisse statuerint.

Nos autem Succinum subtilissimè tritum (quod intensius flavescens eo magis saturam tincturam reddit) in Spiritu Vini probè dephlegmato, leni calore digerentes (secus enim faciendo periti Chymici operam & vasa vitrea sæpè perdiderunt) flavam Succini solutionem, quod sapor perinde ac odor in Menstruo testabantur, multoties impetravimus: & ut constaret Tincturam istam non a Menstruo digestionem exaltato profectam esse (quod nonnulli suspicabantur) sed partes Succini subtiliores reverà fuisse solutas, guttas ejusdem aliquot cerevisiæ vel aquæ intudimus, in quam Spiritu Vini (spectaculo jucundissimo) subito sese diffundente, resolutum Succinum liquoris superficiem instar tenuissimæ cuticulæ supernatare conspiciebatur, unde etiam paulatim in auras evanuit.

Sic etiam Spiritum Vini è mundato Tartari Sale Tincturam coloratiorem & saporis observandi prolicere experientia nos docuit. Veram cum ad hanc rem Spiritum Vini nimis debile sumpsissem, & vitrum aliquandiu in digestionem collocassem, Salem Tartari aqueas Spiritus Vini particulas imbibisse comperi, indeque maximam ejusdem partem in liquorem Oleo Tartari per deliquium parato non absimilem solutam; & Salem in vasis fundum subsidentem liquor hic interventu suo à Spiritus Vini actione tutum prælabat: Spiritus autem novo hoc modo dephlegmatus salino liquori immiscere se noluit, sed eidem planè supernatabat. His verò universè adjiciam Chymicos Germanicos Spiritum Vini tam exquisitè rectificare solere, ut in *Anglia*, ubi ea de re non æque sumus solliciti, Experimenta illorum ad quæ *Alcohol* (ut vocant) Vini requiritur, non pari successu instituantur.

Et ut Spiritus Vini, ita complures alii liquores solventes ideo ad Experimenta quædam verissima perficienda minimè commodi existunt, quod à debilitante aquositate non satis liberentur.

Nec in Menstruis tantùm, *Pyrophile*, sed in aliis etiam corporibus exquisitæ defæcationis defectus eventuum in Experimentis varietatem valet producere. Enimverò queruntur non abs re nonnulli, medicamenta ex Argento, summa licet cura præparata, vomitus sævissimos subinde concitare; atqui ea quæ ex Argento ritè depurato conficiuntur, stomachum nequidem in faminis & puellis subvertere, sed tantùm alvum aut Urinam movere observavimus. Nec sanè mirandum vulgaris Argenti præparationes violentiùs operari: quippe non solum illi quod in monetam cuditur cupri portò duodecima plùs minus, ut mihi monetarii retulerunt, ad meliorem fusionem immiscetur, verùm ipsum illud Argentum quòd tanquam probè depuratum carius indicatur, non satis à Cupro liberari consuevit. Hoc non ita pridem coràm ditissimo quodam & celeberrimo separatoriæ Artis Professore evici dissoluto in aqua forti Argento quod habuit purissimo; statim enim Tincturæ viror latentis *Veneris* indicium exhibuit. Nec mirum, quandoquidem præcipuos Separatores ultra subduplum plumbi pondus ex Argento ope Testæ probatricis secrevisse rarò conspeximus; at nobis non satis depuratum videtur, donec pondus *Saturni* quintuplum aut seduplum ab ipso separetur, & tum sanè solutionem limpidissimam Aquæ Fontanæ æmulam impetravimus, nisi quod aliquantum ad colorem cæruleum interdum vergeret, verùm non æquè intensum ac qui in Tinctura Argenti à residuo corpore prolectâ conspicitur.

Jam verò quam graves noxæ à Cupro remediis quæ ex puro Argento constare deberent immisto consequi possunt, vix dubitabit cui *Veneris* in proritando vomitu vehementia innotescit. Nec in humanis duntaxat corporibus sed in aliis etiam

etiam rebus eventus præter vota accidere possunt, si ea ab Argenti Cuprique mixturâ expectentur ad quæ Argentum sincerum & Cupri ac cujusvis metalli extranei expers requiritur. Sic etiam impurum Aurum pro puro ad usum non raro adsciscitur: nam quod in bracteas sive subtilissimas laminas diductum vulgò in *Anglia* venditur, ab aliorum metallorum miscelâ non est prorsus immune: quanquam enim Artifices Aurum quàm licet purissimum majoris lucri causâ conquirant (utpote quod à malleo laxissimè dilatatur) tamen cusum sive signatum adhibere non recusant, cui monetarii (ut ipsi mihi retulerunt) Cupri aut Argenti nonnihil, quo scilicet rigidius evadat ac attritione minus imminuatur, usitatò adjiciunt. Cæterum Aurifabri & Chymici qui aurum exquisitissimè depuratum judicant à quo testa probatrix plumbum penitus secreverit, in eo falli nonnunquam possunt: nam ut Cuprum omne quod Aurum ignobilius reddit *Saturnus* secum abstulerit, tamen non semper Argentum sejungit; imò quidam separatoriæ Artis, si quis aliùs, peritissimus mihi sæpiùs asseveravit, purum aurum cui aliquantum plumbi admiscuerat postea Argenti nonnihil quod in plumbo delituerat ab igne illæsum servasse, quod etiam deinceps per Aquam Fortem separatum est; verum tam paucum, ut habita laboris & impensæ ratione Experimentum non esset lucriferum. Et certè hujusmodi instantiæ longè plures afferri possent, nisi molestam tibi prolixitatem fore metueremus.

E contra verò, ut complura Experimenta ideo votis non respondent quòd cum Menstruis non satis depuratis instituantur, ita ob nimiam liquorum solventium depurationem quædam inita evadunt; nec enim tantopere spectanda est summa liquorum puritas, ac ad rem cui destinantur aptitudo & convenientia. Chartulas & pannos linteos flammis penitus micantes, nec tamen vel minimum combustos aut colore immutatos admirabundis & territis faminis aliquando per jocum ostendimus. Hoc autem chartam debili Vini

Spiritui immergendo, deinde lucernæ flammæ admovendo efficitur; inde enim particulæ liquoris spirituosæ accenduntur & illabata prorsus chartâ aliquandiu ardent. Verùm hoc Experimentum cum Spiritu Vini accuratè rectificato non succedit. Cujus hanc rationem aliqui non incommode reddiderunt, nempe flammam Spiritûs Vini propter subtilitatem suam ignis lambentis æmulam, chartam nequaquam corripere. Verùm experientia hujusce conjecturæ falsitatem redarguit. Nam Spiritus Vini flammam adeo calidam exhibet, ut ipsum lampadibus ad distillationem comparatis, pro Oleo infuderim, & flammâ ipsius non solum chartam & lucernas accenderim, sed etiam Aurum bracteatum colliquaverim. Vera itaque ratio cur charta à flamma circumambiente non absumitur, talis esse videtur; nimirum charta aquosam Spiritûs Vini partem imbibendo in tantum madescit, ut adversus flammam è Sulphureis ejusdem particulis conceptam sese illibatam tueatur. Unde finitâ deflagratione chartam semper humidam deprehendes; nos aliquando eam tanto madore persusam observavimus ut flammâ lucernæ non statim accendi potuit. E contra chartam Spiritui Vini bene rectificato immersam, cum aqueâ humiditate non satis muniretur, protinus ab ardente spiritu correptam & absumptam vidimus. Quinetiam modus non postremus quo Spiritûs Vini puritatem explorare solemus, huic conjecturæ innititur. Nam si ellychnium stupeum eidem intinctum, accensus Spiritus corripit, indicium est bonum esse Spiritum; sin minus, debilem nec sufficienter deplegmatum. Nonnullis observatum est Aquam Fortem citius plumbum corrodere, si Aquâ Comuni temperetur quàm si exquiritè rectificetur. Alibi de ejusmodi Aqua Forti à me usurpatâ mentionem facio, quæ ipsum Argentum, nisi permistâ Aquâ Fontanâ, commodè non dissolveret. Quinetiam hac ipsâ septimanâ qua hæc scribo, liquores solventes à nimia depuratione propositis nostris inidoneos evadere meo damno expertus sum. Nam cum in gratiam quorundam

rundam amicorum Menstruum quoddam præparassem, cuius ope ex Auro nonnulla non immerito miranda antea confeceram, ut ipsum jam ab omni terræ vel aquæ substantiæ miscelâ liberaretur majori diligentia curatum est. Verum ad opus adhibitum nedum consuetam in Aurum efficaciam melius exeruit, quin nihil prorsus ab ipso imptare potuimus. Nec enim jam caloris adjumento Aurum corripit, quod tamen etiam in frigido dissolvere consuevit. Ut autem tibi nimiam hujusce liquoris depurationem in causa fuisse constet, cur Metallum quod alias in ipso citra ebullitionem (pæne ut glacies in aqua temperata) & tanquam naturaliter liquefit, hic attingere recusaverit; addemus, nos ipsum adjecta lymphâ ut negotio idoneum fieret frustra debilitasse; verum assumpta (Experimenti gratiâ) ipsissimi hujus liquoris portio quæ tam exquisitam depurationem non subierat, crudum Aurum ex voto dissolvebat.

Porro expendi meretur utrùm in Tincturis multorum corporum extrahendis Chymicorum sollicitudo damnosa æque ac superflua non sit; cum Spiritum Vini nisi admodum rectificatum usurpare dedignantur. Nam etiamsi ubi corporum partes sulphureæ expetuntur, menstruum ex accurata dephlegmatione præstantius evadit; tamen in multis aliis particule utiles & efficaces salinum quid in se continent, cujus ratione liquores quibus aquæ simul cum sulphureis infunt, copiosius imprægnant.

Cæterum quoniam vel fortissimus Vini Spiritus admistâ pro arbitrio aquâ facillimè obtunditur, & purus hic Spiritus præ cæteris quibuscumque Menstruis à Spagyricis frequentissimè usurpatur, nec non majori sumptu ac labore paratur (adeo ut perfectè dephlegmatus in Officinis *Londinensibus* pretiò decies majori quam vulgaris vendatur) non ægrè te laturo confido si quo ego modo dephlegmatum Vini Spiritum obtinere soleo hanc exponendi occasionem arripiam, etsi id Dissertationis hujusce Lemma à me non exposcat:

poscat : præsertim cum repetitæ rectificationes, quibus vulgo depuratur aut admodum operosæ esse solent aut non sufficiant; ut alia taceam incommoda. Tartarum ad albedinem calcinatum (nam ut in salem redigatur necessarium non comperio) & probè siccatum cucurbitæ proluxæ & gracilis fundo ad pollicis unius eminentiam immitte; huc Spiritus Vini semel duntaxat rectificati tantum affunde ut Tartaro ad unius digiti latitudinem supernatet, deinde capitello & recipulo probè affixis, Spiritum Vini blando calore abstrahere, mutato, si libet, cum dimidium extillaverit, recipiente; tandem, si opus fuerit, liquor destillatus super siccam Tartari calcem denudò ut antea rectificetur. Hæc methodus an apud Chymicos aliquos scriptores occurrat nescio; sed verisimile est aut non apertè fuisse traditam, aut ab Authore aliquo suspecto, aut denique inter alios Processus, quorum ratione fidem non obtinuit. Veterani enim & exercitissimi Destillatores quos mihi nosse contigit vel vulgari per repetitas rectificationes modo contenti sunt ctsi inde magnam subeant temporis nec non & Spiritus jacturam, aut valis quibusdam peculiaribus rem aggrediuntur, tantæ quidem aptitudinis, ut præterquam quod nec facile nec parvo pretio parantur, reiteratæ rectificationis necessitatem, quantum hætenus observavi, nequaquam excusant. Atqui nos fixum Tartari Salem aquea corpuscula promptè imbibere, nec tamen puro Vini spiritui admisceri animadvertentes, facile collegimus alcalisatum salem partem Spiritus Vini phlegmaticam imbibiturum, eaque ratione inflammabilem ab ipsa immunem evasuram.

Hinc modo mox descripto procedentes, extillantis primæ super salem rectificatione liquoris aliquantum in calente cochleari argenteo accensum, ne guttulam quidem phlegmatis aut minimum madoris vestigium post se relinquere observavimus: imo examen magis exquisitum sustinuit quo ipsum curiositatis gratiâ ulterius explorare placu

placuit. Et destillatione demum ritè peractâ, totum Spiritum mutatis subinde recipulis Experimenti causâ exceptum æqualiter purum esse comperimus; nam qui ultimò extillavit, cum calx superiori vasis parti adhærescens inchoatæ siccitatis indicium faceret, totus conflagratione absumptus est perinde ac qui primus ascenderat. Tandem exemptus Tartarus calcinatus & igne mediocri destillatus, inspidi & graveolentis liquoris aliquantum præbuit, qui ex gustu & quod nullo modo inflammari potuit, merum phlegma videbatur. Eadem Tartari calx in vase terreo igni (quem vehementem esse oportet) donec benè sicce-
tur imposita, ad hoc negotium rursus usurpari potest. Nec sanè abs re vasa alta & gracilia imperamus; nam in latis & humilibus Experimentum non successisse animadvertimus, & multò minus in Retortis, utique in quibus phlegma una cum Spiritu solet ascendere. Nihilominus vitrum etiamsi latissimum & modicæ altitudinis eousque commodum deprehendimus, ut medietas quæ primùm extillavit, ejusmodi Spiritus esset qui in cochleari argenteo acensus penitus absumeretur, reliqua medietas admodum debilis evaderet. Quoniam autem alba Tartari calx aliquando non ita facillè conquiritur, non gravabimur porrò monere, nos interdum Experimenti gratia calcem vivam aut Salem è cineribus clavellatis per simplicem solutionem filtrationem & coagulationem extractum bono cum successu substituisse; præsertim si modò recipiens amoveatur priusquam posterior liquoris portio ascenderit, licèt hæc etiam à calce vivâ nonnunquam satis inflammabilis prodierit. Quare hoc Vini Alcohol peculiari-
ter Spiritum Vini Alcalisatum nuncupamus; eoque magis quoniam Spiritus Vini Tartarificatus (ut fortasse justius appellandus videatur) apud celebres Chymicos diversam præparationem significare consuevit. Denique praxin hujusmodi Alcalisatum & purum Vini Spiritum
con-

conficiendi hâc te docere non incongruum duximus, quod non solum ad Tincturas, extracta aliâsque complures operationes Chymicas, sed ad Experimenta varia Philosophica, & præcipuè nonnulla quæ in cæteris scriptis nostris occurrant, sit Menstruum longè commodissimum.

DE



TENTAMEN ALTERUM

D E

Experimentis quæ non
succedunt.

Experimenta ratione illarum rerum quæ ad ipsa adhibentur, posse irrita evadere, satis, uti arbitror, *Pyrophile*, superius dicta evicerunt. Transimus jam ad casus illos expendendos quibus Experimenta ratione circumstantiarum sunt obnoxia; hæ autem vel perpetuò obscuræ sunt, vel saltem nisi finito Experimento vix agnoscuntur. Verùm quando talis sit hujusmodi circumstantiarum natura ut methodicè tractari difficulter possint, me non ad alium in adducendis instantiis hac de re mihi succurrentibus ordinem obstringam quam quò se memoriæ obtulerint.

Et quidem primò rem hîc commemorabo mihi seriò à D. D^r K. viro, si quis alius, à falsiloquii consuetudine alienissimo narratam; Is mihi affirmavit, quòd cum laboratorium suum in *Batavia* amico cuidam peregrè profisciscens utendum concessisset, ibique aliquot aquarum fortium

K

species

species ad Tincturam suam escarlatinam comparatas reliquisset, amicus. iste paulo post ipsius discessum ipsi per litteras significavit se Aurum in quadam Aqua Forti digerendo, Tincturam sive flavum Sulphur ab illo prolicuisse, eandemque volatilem reddidisse, residuam metalli substantia ad albedinem vergente, & cum hac Tinctura Aurea Argentum non sine lucro in perfectissimum Aurum transmutasse. Hoc audito, D. D. ad Laboratorium suum subito reversus, ipse cum eadem Aqua Forti volatilem Auri Tincturam aliquoties impetravit, quæ similiter Argentum in verum Aurum convertit: & (ut hoc obiter in gratiam curiositatis tuæ adjiciam) cum pecunstarer utrum Tinctura ista Argentum Auro e quo ipsa eliciebatur pondere æquale transmutare valeret, se ex unica Auri uncia tantum Sulphuris sive Tincturæ obtinuisse profitebatur quod sesquiuncie Argenti in nobilissimum metallum vertendæ sufficeret. Et hoc sanè pronius credo, tum quoniam substantiam flavam sive Tincturam ab Auro separari posse Experimentis nonnullis mihi certius constat quam ut de eo dubitare liceat, tum etiam quoniam Argento Sulphur, quoddam inesse quod maturatione Aureum evadat, inde mihi fit probabile quod nonnulli in re metallicâ exercitatissimi ex observationum suarum fide testati sunt aliquando ope liquorum solventium (quod etiam D. *Franciscus Baconus*, ni fallor, alicubi adnotavit) aliquando verò communis Sulphuris (probe excocti & salibus idoneis conjuncti) beneficio aliquot purissimi Auri grana ex Argento fuisse extracta. Cæterum Doctorem nostrum conceptæ ex hoc Experimento divitiarum spes, prorsus fefellere; nam paulo post tempore iterum susceptum ipsius operam elusit: culpam autem in Aquam fortem rejicit, ideoque operationem denuò aggressus est. Verum quandoquidem omnes illius conatus hætenus in initum ceciderint, probabile videtur errorem ab aliqua latente causa fuisse profectum; nam istiusmodi casus quibusdam citra omnimodum remedium obtigisse novimus.

vimus. Quinetiam unus *Glauberus*, si illum audis, varios enumerat modos quibus se aurum semel confecisse testatur, sed idem postea præstare non potuisse. De qua re non prætermittenda sunt testimonia & exempla quæ à Principe *Mirandulano* sui seculi & ordinis ornamento in Tractatu suo de Auro conscripta invenio. “No-

“vi (inquit) qui mihi asseruerit semel se ex Lib. 3.
cap. 6.
“mobili argento quod vivum dicitur stabile ve-
“rùmque argentum confecisse succis & foliis herbarum, id-
“que vendidisse peritis explorandæ Metallicæ veritatis; eis-
“dem mox usum se foliis frustra, & quod semel perfec-
“rat, nunquam aliàs, quanquam id sæpe tentaverit, perficere
“potuisse.

“Alium novi (porrò ait) qui adhuc apud vivos mora-
“tur, cui cum aurum & argentum circiter quindecies per
“Artem effectum esset, amisit Artem eam, accepitque
“oraculo socii per quietem habito, id ingratae mentis vitio
“contigisse. Ut hinc etiam veritatem Apollini dicti
“condiscamus, Neque qui plantat neque qui rigat est ali-
“quid, sed incrementum dat Deus. Et duabus hisce Histo-
“riis Doctissimus Princeps alias complures in eodem libro ad-
“jungit. “Retulit quidam mihi (inquit) sese aurum ex ar-
“gento fecisse semel magnâ copia; secundo se usum eis-
“dem rebus, fecisse quidem, sed minimâ semper quanti-
“tate, sic ut detrimentum lucro majus esse supputaverit.
“Venisse in mentem uti detrimentum effugare possit, si non
“ex argento, sed ex ære melioris conditione metalli sese
“consequi experiretur, idq; se conjecturis firmis nixum
“tentavisse; cùmque in eo fuisset ut rem sese adepturum
“speraret, miris modis evenisse ut nihil omnino conse-
“queretur.

“Idem (ut addit Illustriss. Vir) affirmavit ab amico
“qui expertus hoc ipsum fuerat accepisse, qui cum ex Cin-
“nabari argentum fecisset optimum, sæpenumero sese
“postea insistentem operi majore cùm diligentia semper e-

“ventu rei fuisse frustratum. Novi & ego nonnullos quibus similes casus obrigerunt; quippe Lunam fixam (sic argentum illud Hermetici appellant quod coloris tantum auri expers in aqua fortis sospes perstat) semel iterumve efficientes, aut quæstuoso aliquo Experimento defuncti, postea rem eandem incassum tentarunt; nihilominus oculos auri & argenti quod fecerunt splendore adeo perfrictos habent, ut ne amplius spes inutiles confectari velint nullo modo à se impetrari patiuntur.

Experimenta nonnulla cū parva materiæ quantitate instituta succedere, cum majori non item, fortasse e re tua erit intelligere; quippe complures Nugivenduli & potissimum Chymici istius veritatis cognitionem maximis impendiis redemerunt. Etenim sæpè accidit ut ad maiorem materiæ portionē iustus caloris gradus nequit æqualiter & undique pertingere, nec ea alias æquè commodè ac minor tractari. Verum hoc adeo compertum est iis qui in Experimentis sese exercuerunt, ut, cum Chymici non pauci ad insignem opulentiam pervenire possent, si quæ in parvis quantitibus perfecerint, eadem utique in magnis præstare valerent, contrà multi ut vera Experimenta magis quæstuosa redderent pertinacius insudantes, facultates suas omnes polysunderunt.

Observationibus præcedentibus instantias subungere non admodum fui sollicitus, ne fortè Experimentis qualia proposito nostro conveniunt, operam & impensas frustra impendere permovereris, unde non tantum spes tibi frustraneæ sed etiam fides nostra suspecta evaderet. Nihilominus ut ea quæ tradidimus apertius elucescant, Experimenta quædam dubia quæ jam animo succurrunt non gravabo in medium proferre.

Primò autem asserit Clariss. *Verulamii* Dominus, ut memini, aliique rerum naturalium periti, Rosas ferotinas sive autumnales haberi posse, si statim à primo florum proventu, ramusculi falce decutiantur. Hoc multi incassum tentarunt, & ideo falsum esse statuerunt. Nihilominus vix dubito

dubito quin Illustrissimus Vir id experiētiā fretus tradiderit. Quare ut difficultas omnis hac in re eximatur, scias mihi hortulani mei & aliorum testimonio constare modum hunc Rosas autumnales producendi in plerisque fruticibus fallacem esse, in fecundioribus non item. Nam hac ipsa æstate è multis in eadem sæpe sub exitu mensis *Junii* experiundi gratiā amputatis pleræque Rosas autumnales non promittunt; una quæ se admodum vegetam & prolificam ostendit, Rosis Damascenis mediocriter exornatur. Quin etiam error in Rosarum genere subesse potest; nam à peritis hortularis accepi, Rosas moschatas, è stipite vegeto citra amputationem sub autumno germinare. Unde fieri potest ut quod naturæ proprium est falso arti ascribatur. Et Rosæ Cinamomæ tanto lætius ex amputatione præ aliis speciebus crescunt, ut memini me vere proximè elapso nonnullas quas medio circiter *Aprili* (quo primum tempore germinare celsant) hortulanus meus sese amputasse dixit, medio *Junio* & gemmis & expansis floribus pulcherrimè ornatas conspexisse.

Nec minùs incerti est eventus, quod de fructibus heterogeneis ex eodem stipite nascentibus Authores prodiderunt. Et quod varios fructus attinet qui eodem nomine insigniuntur, ut mala, pyra, &c. quanquam multi illos ex eadem arbore crescere posse dubitant; nobis tamen aliud videtur, utpote qui varias pyrorum species nuper ex iisdem ramis dependere, & alibi tres & viginti pomacei generis surculos ex uno vetusto caudice efflorescere, pleròsque etiam fructiferos observavimus. Imò, diversi nominis fructus, modò consimilis fuerint naturæ, fieri potest ut ex eodem trunco alantur. Nuper enim mala Armeniaca matura & prunos ex una eademque arbore decerpimus, à qua etiam alias fructuum nucleatorum species expectamus. Verùm ut fructus admodum heterogenei unius stipitis succo feliciter nutriantur, res est tantæ difficultatis, ut Experimentis contingentibus merito annumerandum sit. Quanquam enim *Plinius*

nus & *Baptista Porta* se arborem multiplici fructuum genere oneratam conspexisse profiteantur, necnon *D. D. Wardus* Astronomiæ Professor meritò celeberrimus sibi *Pyra* in *Malo* nata olim visa mihi asseruerit, certò tamen constat hoc Experimentum infelicitè plerumque fuisse tentatum nec unquam successisse vidi etsi summa curâ pariter ac industria institutum. Memini hoc ipso anno, in horto illo ubi mala Armeniaca quæ dixi & prunos decerpsi, vidisse me pyri surculum mali trunco tam affabrè insitum ut verno tempore complures gemmas exerucit, spemque non levem fructus proxima æstate subsequuturos mihi injecerit; verùm eventus expectationem elusit, non secus quàm aliæ plantæ ibi simili modo insitæ jam continuis aliquot annis sagacissimi Domini vota fefellerunt; qui mihi retulit, nonnullas, singulis annis flores pulcherrimos emisisse, sed tandem sine fætura emarcuisse. Quod sanè mirandum videri possit, quandoquidem non solum hac æstate in horto cujusdam

Artis Mag. Lucis
& umbræ l. 1.
p. 3. c. 6.

Theologi, *pyra* à surculo collegimus quem ipse coronco insitum fuisse affirmavit; & fortissimus *Kircherus* testetur Experientia constare *Perficum Moro* insitum fructus proferre, &c. de quo nullum est dubium, utpote vulgare penè; verùm pyri stolonem albæ spinæ insitum feliciter vigere quotidiana observatione compertum est, quantumvis dissimilem hæc arbores indolem obtineant.

Etiam & illud Experimentis contingentibus, si libet, *Pyrophile*, accensere potes, quod eruditi Scriptores prodiderunt, nimirum, si lixivium ex combustæ alicujus plantæ cinere vel sale fixo paratum congelietur, speciem sive ideam ejusdem plantæ in glacie apparituram; Rem enim nullo successu multoties tentavimus; & memini superiori hyeme, (quæ utique huic negotio potissimum convenit) lixivium ex aqua fontana & sale Absynthii in hunc usum paravi, quod deinde cum Sale communi & Nive (quemadmodum alibi docetur) in glaciem condensavi; in qua tamen nihil

nihil percipere poteram quod Absynthii magis quàm alterius cujuscvis plantæ speciem referret; quinetiam cùm paulo post tempore Absynthii Decoctum (a quo plantæ simulachrum meliori jure expectari potest) in phiolâ pellucida ad congelascendum exposuisssem, ii quibus jam congelatum ostendi, se nullum in ipso Absynthii umbram dignoscere posse unâ mecum fatebantur. Verissimum sanè est, in utrôque vasculo glacies insolitam quandam figuram obtinere visa est; sed fatendum quoque est nos non tantum in aqua salino aliquo corpore, ut Nitro, Sale marino, Saccharo, &c. imprægnatâ, glaciem in varias figuras efformatam observasse, sed etiam in aqua communi congelata, alio modo figuratam glaciem conspexisse quàm qui simplici Elemento convenire videbatur. Id quod non admodum mirandum est, quandoquidem, (ut alias taceam causas quæ ad hunc effectum producendum concurre possunt) fieri potest ut aquæ per terras scaturientes salinis hujus aut illius generis particulis abundantes, faciliè ab iisdem imprægnentur; unde fortasse evenit, ut Tinctores nonnullas aquas colori escaletino aliisque quibusdam tingendis commodissimas, nonnullas contrâ ei negotio minimè idoneas experiantur. Quare suspicari fas est, figuras quæ in congelato plantæ alicujus lixivio aut decocto sæpè animadvertuntur, ideam ipsius aut cujuscvis alterius plantæ in congelato liquore semper exhiberi, incerta tantum præbere indicia. Et sane magnopere vereor ne qui se ejusmodi plantarum simulachra in glacie vidisse profitentur, imaginationem non minus quam oculos ad hoc spectaculum adhibuerint. Enimverò non parùm mirandum est, qualia sibi imaginantur nonnulli ne alius minus oculati videantur. Nam memini cum D. R. speculorum Dioptricum confector meritò celeberrimus, cuidam qui ipsum ut Telescopium quoddam ingens triginta pedes longum videret, adiverat, se ejus ope in molendina ad sex milliarium intervallum remotâ araneam telæ suæ inhærentem conspici diceret;

homo

homo credulus primò quidem negare se tale quicquam videre, tandem verò araneam illam sibi conspectam profiteri, & tarditatem oculorum suorum accusare. Cæterum, *Pyrophile*, quandoquidem Experimentum modò memoratum cordati aliquot scriptores ex observationum suarum fide seriò confirmarunt, libet in illorum gratiam ipsum potius inter contingentia quam prorsùs falsa recensere. Siquidem nihil obstat, quin inter varias figuras quas congelati liquores nonnunquam induunt, quædam hujus aut illius plantæ formam tantopere repræsentet, ut cupidi spectatoris oculis calcinati Vegetabilis imaginem referre videatur. Enimvero nos ipsi cum non ita pridem optimæ æruginis (quæ salinas uvarum particulas in cuprum ab ipsis corrosum coagulatas copiosè continet) solutionem pulcherrimè virentem, sale & nive congelassemus, figuras in glacie minuscule Vitium speciem eximie referentes non sine aliqua admiratione conspeximus; eoque major nos stupor incescit, quòd altera ejusdem solutionis pars à nuda aëris frigiditate in alia phiola condensata, glaciem angulosè figuratam exhibuit (qualem salinos liquores congelatos obtinere sæpe observavimus) sed illi nullo modo similem quæ applicatione salis & nivis concreverat. Deinde verò ulterioris Experimenti causâ, glacie, in qua Vitium imagines apparuere, sponte eliquari permissâ, & in eadem phiola eodémque modo secunda vice congelatâ, nihil ejusmodi in secunda hac glacie conspiciere potuimus, quale in priore demirati fuëramus. Denique quantumvis Vinum & Acetum Vitis Naturam participant, tamen in usdem congelatis vel minimam ejusdem imaginem nunquam observavimus.

Cæterum de glacie differenti aliud Experimentum in memoriam succurrit, itidem fortasse inter Contingentia referendum, nempe speculi ex glacie confectio, quod instar lentis vitreæ comburat; quanquam enim Neoterici quidam ita hac de re loquantur, ac si levi negotio præstari

stari possit, tamen conatibus nostris & aliorum tot difficultates offecerunt, & imprimis inæqualis glaciei textura, ut ejusmodi speculorum ustiorum confectio ad illam Experimentorum classem referri meretur, quo quorum successu fidem nostram obstringere non debemus, quemadmodum alibi fusiùs declaramus.

In Arte Tinctoria, vix quicquam inter nos frequentius usurpatur quam Glastum sive Isatis; licet enim per se tantum cæruleum colorem inducat, tamen eo pannus ad colorem Viridem aliòsque complures subfuscòs suscipiendos præparatur, quoties eosdem durabiles & minùs evanidos Tinctores expetunt. Verùm in Glasto ut Tincturam suam exerat ritè decoquendo, certos quosdam temporum articulos aliàsque circumstantias observare expedit; in quibus si erretur, artificum expectatio sæpè cum jactura eluditur, qui etiam ubi culpa hæreat ignorant, quemadmodum ipsos subinde queritantes audivi. Hac de causa, Tinctores minùs periti ut hæc incommoda effugiant, Glasti usum, etsi copiosè hîc in *Anglia* nascatur, negligunt, ejusque loco Indicum usurpant, licet hoc majori pretio comparetur, utpote huc aliquando ex *Hispania*, aliquando autem ex Insulis *Barbados* dictis, & sæpè ex Orientali India delatum.

Qui Artem Separatoriam *Londini* profitentur, cum, ut argentum & cuprum ab invicem sejungant, ea in communi aqua forti dissolverint, satiato menstruo aquam fontanam copiosè affundunt, deinde injectis lamellis æreis solum argentum ad fundum præcipitant. Verùm quoniam hoc modo post argenti separationem multum cupri in Menstruo superesse consuevit, (quod saturata ipsius Tinctura indicat) quo imprægnatus hic liquor in maximum vertat compendium, solent ipsum materiæ cuidam candidæ quam *whiting* vernaculè appellant (quæ calcis candidæ vel luti species esse dicitur pulverisata, depurata & in globulos efformata) superfundere, cui particulæ cupræ associatæ,

L

pauca.

paucarum horam spatio magna quoddam *Verdeter* dictum constituunt, pictorum aliorumque pigmenta tractantium usibus accommodatum, Menstruo panè limpido relicto è quo deinceps Nitri aliquantum coctione eliciunt, quod cum Vitriolo novæ aquæ fortis præparationi inseruiat.

Hæc ideo enarravi, *Pyrophile*, ut intelligeres quid velim, cum dico Separatores hoc magma sive pigmentum quibusdam temporum intervallis satis longis conficere non posse, nec tamen quid negotio efficiat intelligere. De quo quendam ex horum artificum numero ditissimum & notissimum graviter querentem nuper audiui; aiebat enim nec se nec alios jam tum ab aliquot mensibus ipsum efficere potuisse, ejusque infelicitatis causam pleròsque etiamnum latere: quanquam ipse ejusdem pariter ignarus remedium excogitaverat, nempe menstruum calcificiendò priusquam calci affunderetur, cui utique cum liquor ferveret particule cupreæ adhærescerent, secus quam si consueto separatorum modo frigidus immisceretur.

Ante paucos dies cum locum adirem ob Vitrioli confectiorem in *Anglia* imprimis celebrem, quidam quem ut operarum constructionem commonstraret itineris comitem adjunxi mihi asseruit, ex eo quòd erratum in certo temporis articulo fuisset, sibi aliquot vitrioli millenas libras simul aliquoties periisse, & deinceps etiam perituras; quippe quòd, ipsis licet summâ curâ sed non pari solertia & peritiâ contranitentibus, in substantiam unctuosam degeneraret, minimè in Vitriolum laudabile postliminiò restituendam, nisi latè in humum magnâ cum molestia dispersum, unâ cum lapidibus crudis ex quibus Vitriolum eliciunt, soli & pluvie denuo referandum exponeretur, unde eorum instar idoneum evaderet è quo Vitriolum proliceretur.

Hac occasione rem memorabilem à *Josepho Acoſta* in Historia sua *Indica* traditam, quando Argumento nostro eximie

imiè conveniat, mihi non prætereundam censeo: Is famigeratas & diutissimas *Peruvia* fodinas diligenter perlustravit, & Chymicæ artis utcumque imperitus graves & insignes de ipsis observationes literis mandavit.

Quæ mihi impræsentiarum memoranda est, *Lib. 4. cap. 3.* habetur in illo Capite, ubi de Argento *Peruviano* his verbis disserit: Res mira est, videre non solum discrimen inter metallorum separationem igne factam, & illam, quæ fit absque eo, Argenti vivi beneficio; verum etiam, quædam horum metallorum, quæ igne separantur, haud facile ullo vento Artificiali, puta Follibus, fundi posse; sed tum demum, quando ignis Naturali aëre vel Naturali vento accenditur & insufflatur. Metallum fodinarum Porro facile separatur Follibus; illud verò, quod ex *Potozi* fodinis eruitur, fundi Follibus negat, sed solo spiritu i'tius loci *Guayrarum*, qui parvi sunt fornaces, in montium declivitatibus de industria ibi structi, ubi fiat ventus, inter quos hoc metallum fundunt: Et utcumque difficile sit, discriminis hujus rationem reddere, restamen certa est & longa experientia comprobata.

Vitrarios, si quos alios Artifices, materiæ è qua opera sua conficiunt, naturam intelligere oportet; nihilominus etiam illos vel in operationibus suis maximè ordinariis, quædam à causis ignotis orta impediunt, quo minus ea efficere aliquando valeant, quæ antea millies effecerunt. Proximo quo Officinam Vitriariam adivi tempore, operarius peritissimus, quocum mihi convenerat de vasis aliquot vitreis efformandis quæ solertiam non mediocrem poscerent, metallum (ut liquatam arenæ & salis alcali misturam appellant è qua vitra oris spiritu effinguntur) proposito meo idoneum conficere non potuit; idèoque rogavit ut alio die venire non gravaret, se tum prioris infelicitatem resarciturum. Hominem iterum ex constituto adeo, sed iisdem prorsus auspiciis; nam metallum quod frige factum coloris expers esse debuit, colore cæruleo & flavo infectum apparuit, necnon fragilius extitit

quàm oportuit. Quare non est usque adeò mirandum si Philosophi & Chymici expectato Experimenti semel aut raro tentati eventu excidant, quando Artifices ea non semper perficere posse consueti, quæ nisi ordinariò præstarent, decisset ipsis unde vitam sustentarent.

Lapides, Cancrorum Craniis innasci, *Helmontius* aliæque de iisdem tractantes asserunt; verum peritos Anatomicos se in piscium illorum capitibus istiusmodi lapides frustra quævisse querentes audivi; unde etiam de authorum fide dubitatum est. Nos tamen lapideas tales concretiones è locustellarum capitibus frequenter extraximus. Nuper per *Hungerfordiæ* oppidum istorum piscium copiâ celebre transcentes, piscinæ quidam curator nobis de ipsorum naturâ percontantibus retulit prædictas concretiones in cancrorum craniis eâ duntaxat anni tempestate reperiri quæ restarum exuvias deponunt; reliquis temporibus multos frustra Cancrorum oculos *Hungerfordiæ* quævisse. Et quidem cum exeunte *Junio* grandiusculos nonnullos aquis eximi iussissem, in unius tantum capite lapides illi comparebant; verum quindenis antea diebus circa solstitium æstivum per oppidum illud iter facientes, in consuetis capitum partibus complures concretiones magnitudine quidem & figura similes invenimus, verum tantâ mollitie præditas, ut digitorum compressione facile comminueremus. Cæterum dubitari non potest, quin multarum veritatum autoritas exinde admodum imminuta sit, quod ad temporum articulos non rite attendatur. *Asellius* (ut memini) cuius felicitati tantum debent Anatomici, ingenuè fatetur parùm absuisse quin venarum lactearum inventionem exciderit, quod primum vasa illa candida quæ in Canis vivi mesenterio inopinanter conspexit irregularem quandam nervorum ramificationem judicaverat, quæ etiam conjectura ex proximi canis dissectione confirmata est; Nam cum intervallo à pastu plus iusto canem aperiret, tenuissima vasa chylo, à quo conspicua sunt, destituta neutiquam comparuere. Unde primæ

primæ observationis fructus perisset, nisi sagaci viro subo-
lisset in cane, commodo ante dissectionem tempore, benè
saginato, vasa nutritio succo tumentia conspectiora futura.
Ideoque cum alium canem aliquot post cibatum horis ape-
ruisset, vasa illa lactea, quorum inventio Anatomicorum
industriam tam utiliter deinceps excitavit, manifestò de-
texit.

Verùm, *Pyrophile*, ne Dissertationis modum excedam,
plures Experimentorum contingentium instantias congerere
non licet. Tantùm universè addam, circumstantias quæ &
difficulter percipiuntur & ad Experimentum parùm spe-
ctare videntur, magni tamen ad ipsius eventum momenti
aliquando esse posse. Si in alterutra magnetis armati ex-
tremitate sive polo cultelli dorsum vi magnetica prius non
imbuti satis lentè vel aliquot vicibus affricueris, idq; à me-
dio vel Æquatore Magnetis versus Polum, cuspidem ipsius
alteram acus Magneticæ ad æquilibrium suspensæ extremi-
tatem ad se allicere comperies. Sin vero cultrum alium
nondum excitatum sumas, ejusque dorsum ab eodem Ma-
gnetis Polo versus Æquatorem similiter traducas, invenies
hujus cultri cuspidem contrario hoc motu proprietatem Ma-
gneticam sive polaritatem priori tam dissimilem acquisivisse,
ut non attrahet sed potius abiget illam acus Magneticæ ex-
tremitatem quam ad se prioris cultri cuspis allicuit. Hoc non
tantum cum subtilibus filis ferreis per armatorum Magne-
tum extremitates traductis experti sumus, in quibus ob la-
minarum chalybearum latitudinem res minus miranda vi-
deri possit, verum etiam ejusmodi fila nudæ terrellæ polo
affricando, idem evenire observavimus: Ut ut mirabile vi-
deatur, eundem Magnetis apicem radiis ferreis, prout ab
Æquatore vel versus ipsum protrudantur, contrarias quali-
tates etiam in transitu impertire. Verùm hæc observatio
utrum omnino aut quousque Magnetis effectus à corpuscu-
lorum effluviis, ex altero polo exeuntium & facto gyro al-
terum subingredientium peragi convincat, hîc non expende-
mus,

mus, (etsi hoc ex phaenomenis hactenus observatis non potestremum videtur quod probabili hypothese Magneticae construenda inserviat) hoc exemplo evidenter ostendisse contenti quanti circumstantia quam nemo nisi Philosophus Magneticus animadverteret, ad Experimentum momenti esse possit. Vidimus non citra voluptatem ut Artifices chalybem temperantes eidem, pro ratione morae qua in flamma fuerit detentus, fragilitatem vel lentorem, duritiem vel molliem pro arbitrio concilient, nam cum è flammâ eximitur, prout colore rubro, croceo, vel caeruleo tinctus fuerit, ita cultris, instrumentis sculptoris, vel horologiorum loculorum elateriis conficiendis aptum experiuntur; & tamen colores tam subito mutat, ut nisi qui id sapius experientia comperit, nemo tantum temperaturae discrimen a tantilla excandescenae differentia provenire posse suspicaretur. Hic vero, *Tyrophile*, in mentem subit, quod cum nuper Scalprorum bonitatem in officina celeberrimi Artificis explorarem is mihi istiusmodi unum obtulit (quod etiamnum aservo) ut usitata de caelis temperandis Experimenta illi falsa viderentur qui de iisdem ex hoc solo iudicium faceret; nam modi omnes, quibus Scalpra vulgò emolliri solent, in hoc nequicquam potuere; Artifex ille ac alii istarum rerum periti, è chalybe Damasceno factum censebant, cujus in secando ferro robur non sine aliqua admiratione expertus sum. Atqui peculiaris huius Scalpri indoles, an a Chalybis natura, an à temperatura quam postea acceperit proficiscatur, nondum inter peritior convenit: unus tamen cui ex instrumenta nautica conficiendi usu frequentior in has res inquirendi contigit occasio, se huiusmodi chalybem facile emollire posse affirmat, nempe ex igne alio temporis articulo eximendo quàm in communibus Scalpris emollendis fieri consuevit. Jam verò quis novit quin in multis aliis Experimentis circumstantiae ignobiles & neglectae plurimum possint, etsi ob defectum particularium observationum, quales à Philosophis

losophis Magneticis & Artificibus unius ejusdemque ire
 tractationi jugiter incumbentibus fieri opportunum est,
 homines nondum, quanti sint momenti, intellexere? U-
 nam hujusce rei, & quidem luculentam instantiam acci-
 pe; Multi, quos jucunda arborum fructiferarum cura ex-
 ercet, quasdam cerasi propagines fructum eodem anno
 quo insitæ fuerant tulisse admirabendi observarunt (imò
 nos aliquas plantas tertio post insitionem mense fructife-
 ras vidimus) quasdam verò non ante annum subsequen-
 tem, etiam si nec in surculis nec in stipitibus aliquod be-
 nitatis discrimen apparet, cui dispar eventus attribu-
 dus videretur: ideoque ut cerasi surculi vel ipso insitionis
 anno vel serius foetescant, plerique Hortulani rem incer-
 tam judicant. Tamen contingentibus ejusmodi Experimen-
 tis de quibus hactenus disseruimus, vix accenseri meretur.
 Nam à non uno in inserendi Arte experientissimo accepi,
 Surculum cerasi eo ipso quo insitus fuerit anno raro in-
 foecundum esse, modo prospiciatur ut à vegeta matre de-
 cerptus nodis floralibus (ut vocant) gemmescat; sin verò
 tantum foliaceos sive frondeos obtineat, non ante secun-
 dam æstatem fructificaturum. Quod Hortulani vulgares
 non advertentes, ejusmodi surculorum foecunditatem te-
 merè & immeritò ad casum referunt. Caterum nodos
 sese in flores explicaturos ab iis qui frondes tantum pro-
 ducent, non est difficile dignoscere; quippe illi grandio-
 res, pleniores & rotundiores sunt, hi depressiores, &
 surculo arctius adhærescunt. Et hujusmodi observationum
 gratiâ, Experimenta, quorum contingentia causis magis
 obviis deberi videntur, ab aliis occultiores incertitudi-
 nis rationes habentibus, sub præcis Dissertationis exor-
 dio discriminavimus: quippe illa certiora reddi possunt,
 si ad circumstantias diligentius attendatur. Quanquam nec
 inficiari ausim, quin eorum nonnulla quæ nobis hactenus
 in posteriorum numero collocanda videntur, acrior ho-
 minum solertia & peritia ad primum genus aliquando
 transcribat. Hoc Argumentum priusquam missum facio,
 dicen-

dicendum est aliquid de Virgula Divina seu potius Divinatoria, cujus beneficio latentes metallorum venas detegi communis est multorum sententia. Nonnulli bifidum coryli ramusculum adhibent, utrumvis ejusdem cornu manu alterutrâ tenentes; alii furculum corylinum (quem eorum unico anno enatum quidam expetunt) cujusvis alterius ligiti baculo alligantes, cum eo vice scipionis, per locos quos Metallorum feraces suspicantur lento passu obambulant; & si fortè venæ Metallicae institerint, aiunt indubitato indicio baculum sese versus ipsam incurvaturum. Quinetiam novi aliquos Metallis familiariter assuetos, qui quodnam Metallum in vena præcellat cognosci hinc posse asserunt, si variorum Metallorum frustula in eadem manu cum virgula successivè teneantur: quippe simul ac illud quo vena potissimum abundat manui imponatur, fortius virgulam flecti quam si alia metalli species unâ cum ipsa in manu teneantur. Quid de arduo hoc Experimento statuendum sit, fateor me etiamnum ignorare.

De re Metallica
lib. 20. p. 28.

Etenim ipse Agricola, re seriò perpensâ, his verbis sententiam suam extulit; "Metallicus igitur (inquit) quia cum virum bonum & gravem esse volumus, virgulâ incantatâ non utetur; quia rerum naturæ peritum & prudentem, furcatam sibi usui non esse; sed ut supra dixi, habet naturalia venarum signa quæ observat. Solertissimus Kircherus lib. de Arte Magnetica se hoc Experimentum cum Metallis fecisse testatur, sed nullo eventu; de venis Metallicis nihil loquitur: Nobis etiam rem tentantibus coram constantissimis ejusdem propugnatoribus, minimè constitit virgulam verè sese incurvare vel versus Metallorum frusta ipsi subjacentia vel venas Metallicas, cum eam supra fodinas transferremus, è quibus tunc temporis glebæ Metallicae eruebantur. E contra non contemnendi Authores & inter eos conterraneus noster Industrius Gabriel Plat, etsi in Chymicos aliquando iniquior, virgulæ huic divinatoriæ multum attribuunt. &

& multi, aliàs minimè creduli, sua *αὐτοψία* compertam sibi Experimenti veritatem asseruerunt. Vir Nobilis non procul a plumbifodinis *Somerfettensibus* degens, me super illas fodinarum partes, quibus venas Metallicas subesse sciebamus, unà secum transeuntem, repente de incurvatione virgulæ admonuit, utique simul ac venæ Metallicæ institerat, profusus etiam manûs suæ motum nihil ad virgulæ flexionem contulisse; verùm aliquando fortiùs detentam tam vehementi nisu incurvatam fuisse, ut subito rumpere-tur. Et, ut fidem suam mihi evinceret, hisce auspiciis fretus magnos in novis fodinis aperiendis sumptus impendit; sed quo successu, nondum mihi significavit. Erant sane inter ipsos Metallurgos qui virgula hujusmodi uterentur, alii autem risu explodebant. Equidem unum est de hoc Experimento peculiariter notandum, nimirum quòd summi ipsius propugnatores in quorundam hominum manibus non succedere fateantur, quoniam occulta quædam utentis proprietas (ut aiunt) vim baculi inclinatoriam vincat & inhibeat. Adde quòd celeberrimus quidam Chymicus qui multa se ejus ope præter ea quæ vulgo innotescunt explorasse profitetur, mihi seriò ex fide sua affirmavit, certas esse horas minùs propitias certorum Planetarum & Constellationum (quarum nomina non satis credentis memoriam effugerunt) regimini subiectas, in quibus virgula operationem suam non edet etiam in illis manibus gestata, quæ aliàs ipsius incurvationem manifesto experiuntur. Ceterùm de hoc Experimento idem mihi statuendum videtur, quod sententiam meam de rebus quas nec præfractè rejicere audeo nec satis habeo exploratas interrogantibus respondere consuevi, Illis qui eandem viderunt validius quàm aliis suppetere fidei Argumentum.

Nec verò Experimenta solummodo, *Pyrophile*, sed etiam Observationes magna comitari potest contingentia, quod testatur insignis partium quoad numerum, magnitudinem, situm, figuram, &c. ab Anatomicis in unius corpo-

is humani dissectione notata varietas ; de quò sane multos errores tradidissent , nisi ex dissectionum frequentia perpetua & uniformia ab insolitis & naturæ erroribus dignoscere didicissent. Interfui non ita pridem latronis juvenis & robusti dissectioni , in quo inter alia binarum costarum intercapedinem crassa & ossea substantia impletam observavimus ; costarum dilatatio vel processus videbatur nec à fractura vel casu quovis alio oriunda. Eodem circiter tempore mihi privatæ cadaveris humani dissectioni unà cum doctis quibusdam viris adesse contigit , ubi eorum unus , Anatomix Professor , in nervo majori fortè à se discisso aliquid liquoris rubicundissimi conspexit , mihi quæ admirabundus statim indicavit ; Ego sanguinem esse ratus , à cultro prius cruentato fibrosæ nervi substantiæ illitum fuisse mox conjiciebam. Quare cultrum Anatomicum bene emungens nervum illum in alio loco discidi , & similiter aliam puri sanguinis guttam in medulla ejusdem ut antea observavi. Idem quoque alibi animadverti , & iis qui aderant ostendi , quibus mirabile videbatur sanguinem (ita enim existimabant) intra nervi substantiam contineri ; quippe simile se unquam vidisse non meminerant : quanquam me ideo minori afficit admiratione , quoniam in oculi bovini tunica Retina (ut Recentiores appellant) quæ nil aliud esse videtur quam expansa nervi Optici medulla , venulas sanguine manifestò turgescences semel atque iterum observavi.

In cadavere paulò suprà memorato in quo costæ duæ irregulariter unitæ conspiciebantur , ulterius observavimus pulmonibus alioquin satis fanis ex altero latere lobum supernumerarium obtigisse , cæteris adeo similem ut ipsum nisi explicato pulmone non dignoverimus. Et memini , cum paulò ante à Medicorum quorundam conventu rogatus privatæ Dissectionis administrationi interesssem , & pulmones aliàs minimè morboşi costis , multis in locis , adnati apparerent , tantum hac de re duorum eruditorum Anatom-

tomicorum qui aderant discrepabant observationes ut, hic
 se nunquam pulmones nisi admodum emarcidos thoraci al-
 ligatos vidisse profiteretur, ille se vix unquam cadaver-
 morbo absumptum aperuisse diceret, in quo pulmones ita
 non adhærerent. Cæterum si apud juvenem de observatio-
 bus *Veneris* differere fas esset, facile poteram Anatomico-
 rum dissidium luculenta instantia coarguere, propositâ
 nempe quæ inter Scriptores agitur de notis five signis illiba-
 tæ castitatis naturalibus controversia; quippe hinc multi præ-
 clari nominis Authores asserunt, se illas vel in una è multis
 puellis dissectis nunquam nonprehendisse; illinc viri exi-
 mii & periti se easdem raro aut vix unquam in virginibus
 pudicitie indubitatissimæ reperisse pleno ore affirmant: &
 certe permirum est in re quæ à sensûs testimonio dependet
 homines sagaces & sobrios tam latè diffidere, ut hic se ra-
 rissime aut nunquam in humano corpore conspexisse dicat
 quod alius se nunquam nonprehendisse profitetur.
 Verum quandoquidem, *Pyrophile*, hoc Argumentum à
 juvene vel apud juvenem tractari minùs fortasse deceat, ea-
 propter ad aliud sermonem transferam. Inter recentiorum
 scriptorum accuratissimos, agnoscis, opinor, Viros Cla-
 riss. D. D. *Harveium* & *Highmorum*; hi tametsi in Tracta-
 tibus suis eximiis de Generatione, Ovum Gallinaceum sibi
 tanquam exemplar statuerint, cujus ex productionis modo &
 mutationibus aliorum animalium efformatio explicari possit;
 nihilominus nos in Naturæ Pullum generantis progressu
 quædam quoad temporum periodos aliasque circumstan-
 tias (licet quoad summam rei observationes nostræ congru-
 erent) ab iis quæ illi tradiderunt non parùm diversa sæpe
 observavimus. Id quod vel à dispari Gallinarum tem-
 perie, ab inæquali incubationis assiduitate, à variis ipsorum
 Ovorum qualitatibus, aliisve id genus causis proficisci potuit.
 De qua re cùm nuper cum D. *Highmoro*, amico eruditissimo
 differerem, agnovit se nonnulla in Ovis tempore incubationis
 secus evenire animadvertisse quàm in libro suo tradiderat,

quanquam ibi mutationes Ovis quæ observationes illas sibi
 suppeditassent obvenientes fideliter enarraverat. Et sane
 sunt nonnulla, in singulari observatione circa quæ facienda
 unius hominis solertia vix ipsum ab imperitiæ vel falsitatis
 suspitione securum præstare valeat, nisi, qui observationes illius
 postea examinabunt, vel candore vel sagacitate vel utraq̃ue
 non mediocriter præditi fuerint. Etenim (c. g.) qui primus
 acum à Magnete imbutam extremitates suas ad polos terræ
 oppositos perpetuo convertere asseruit, dubitare vix potuit
 à se quicquam affirmatum nisi quod accuratè explorasset. Et
 tamen utervis peritissimorum Nauclerorum fuit, sive *Gon-*
zales Oviedo sive *Sebastianus Cabota*, (quos primum Acus nau-
 ticæ declinationem in *America* animadvertisse ferunt) qui
 Meridianam lineam stylis Magneticis subjacentem cum alia
 Mathematicè ducta (quod faciliè Horologiorum scioterico-
 rum ope fieri potest) primus in oris illis longinquis compa-
 ravit, & inde acūs a vero Meridiano deflectionem obser-
 vavit; is faciliè suspicari potuit primum illum verticitatis
 directæ assertorem hallucinatum fuisse, cum fortasse aliquot
 graduum differentia in observationibus hisce appareret.
 Quinetiam posterior hæc observatio centum deinde observa-
 toribus perperam facta videri posset, nisi Navigatorum te-
 stimoniis constaret, arcum variationis minime esse ubique
 similem & æqualem: Quanquam enim *Carda-*
nus (ut perhibent *Kircherus*, *Fracastrorius* &
Fournier) Magnetem totidem gradibus decli-
 nare statuat quod *Stella Polaris* à *Mundi Polo*
 abest, tamen præter aliàs rationes, opinionis hujusce levi-
 tatem (ne quid gravius dicam) quotidiana experientia re-
 vincit. Nam circa *Insulas Flandricas* sive *Azores*, atque im-
 primis illam quæ *El-Cervo* appellatur, & primo Meridiano
 subjacere creditur, acus Magnetica Polos directè citra ullam
 sensibilem deflectionem respicere deprehenditur: aliis in lo-
 cis modo versus Orientem, modo versus Occidentem, magis
 vel minus deflectere consuevit. Adeo ut non solum magna-
 nimus

Fournier Hydr.
lib. II. cap. II.

nimus conterraneus noster Capitaneus *Thomas James* non minus quam 27 gr. 48 min. in latitudinis Septentrionalis gradu sexagesimo tertio declinationem ipsius observaverit; verum etiam Mathematicus quidam doctus in libro nuper edito Chalyboclisin apud *Fretum Davis* usque ad 50 gr. ascendere testatur, quod sane fidem pæne superat. Porro, hæc acûs deflexio tam inæqualiter pro locorum distantis immutatur, ut ipse diligentiss. *Kircherus* aliique scriptores Magnetici observationes hujusmodi ad generalem aliquam Hypothesin referri unquam posse, spem pæne omnem abjecerint.

His accedit, quod fortasse paucissimæ hac de re Observationes superiori seculo habitæ, hodie illis probæ viderentur qui ipsas eisdem in locis eodémque modo iterum ut prius explorarent. Unde vel diligentissimam observatorem negligentia insimulandum judicaremur, nisi posterorum solertia patefecisset etiam in eadem mundi plaga variationem styli posse variare. Qua de re Mathematicus eximius mihi nuper quid observasset percunctanti, respondit se, collatis suis recentiorumque aliorum cum antiquorum observationibus *Londini* habitis, Chalyboclisin continenter imminutam reperisse, idq; ut ipse conjectabat, circiter 12 aut 13 min. (quod certè multum est) singulis annis. Imo difficilius adhuc erit observationem ullam de hoc negotio tradere quam posteris accuratam censeant, si verum sit mirandum illud quod *Kirchero* ab amico quodam suo narratum fuit, qui *Neapoli* non levem Chalybocliseas mutationem post insignem montis *Vesuvii* conflagrationem se deprehendisse retulit; quod ideo evenisse non male conjecit, quoniam Regionis illius partes subterraneæ magnam ab eo incendio alterationem subiissent. Quinetiam idem videtur alibi à Mathematicis fuisse observatum. Nam eruditus *Fournierus* S. J. in Hydrographia sua Gallicâ generalius ascrit, post *Vesuvii* conflagrationes acûs Magneticæ declinationem magnopere in Regno Neapolitano fuisse mutatam. Idem Scriptor rem hic notatu dignissimam, modo vera sit, his verbis retulit; Sunt qui
. acum

acum quæ in terræ superficie quinque gradibus declinavit, in speluncas quasdam depressiores delatam alia prorsus ratione deflectere observarunt. Adjeci ista verba, [modò vera sit,] non ut fidem Authoris elevarem, sed quoniam fieri potest ut observatores hi, utcunque Viri docti, in hoc negotio etiam inviti erraverint. Nam nisi experientia edoctus vix unquam suspicatus essem in quam variis lapidum aliorumque fossilium speciebus ferrum delitescat; unde incredibile non est quin ipsi Chymici, nedum Mathematici alique ejus rei ignari, nihil ferri in cavernis istis esse arbitrentur, eo quòd nihil vulgaris ferri glebæ simile animadverrant, cum nihilominus satis esse possit ad illam acûs deflectionem efficiendam: quæ etiam (præcipuè si vehementius excitata fuerit) à ferro aut aliis corporibus magneticis ad majorem distantiam allicitur quàm inexperti facile conjicient. Et fortasse hac de causa evenit quod in variis sed vicinis partibus *Ilvæ*, parvæ Insulæ Italico litori adjacentis, è qua ferrum & magnetes (quos ingentes in *Hetruria* vidi) copiosè eruntur, acûs declinatio tantopere inæqualis est ac à Viris sagacibus perhibetur.

Nec inter se observationes duntaxat magneticæ & anatomicæ citra observatorum negligentiam subinde dissident; sed me destitueret tempus & te fortasse patientia, si hic tot expendere aggredere, quot facile tibi enumerari possint.

Advertis, opinior, *Pyrophile*, me hætenus à medicinabilibus Experimentis abstinuisse; quod sanè consultò factum est, quoniam tanto numero sunt & pæne omnia tot casibus obnoxia usque adeo infida, ut ipsorum considerationi plus temporis impendendum esset, quam mihi per interpellationes liberum est in hac Dissertatione insumere. Et sane difficilius est Experimentum in Medicina ritè perficere quàm plerique opinentur; nam morbus, qui in variis corporibus à causis admodum diversis generatur, in uno ab illo remedio ingravescit, cui in alio celsit. Nec solum ab agrorum temperie perinde ac morborum causis contingit auxiliorum effectus

effectus plurimum immutari, verum non minus ab unica temporis circumstantia dependet medicaminis in uno eodemque infirmo & morbi genere successus, quemadmodum alias multis exemplis ostendemus. Cæteri in præter generalem incertitudinem quæ pleraque medicamenta comitatur, pauca quædam sunt quæ peculiari contingentia modo obnoxia videntur. Hujus ordinis est pulvis Sympatheticus, quem non tantum à se feliciter usurpatum complures Medici aliique viri graves mihi retulerunt, sed etiam me propriis oculis ipsius efficaciam percepisse aliquando credidi; nihilominus multorum expectationem fefellit, nec non cum forte, mea ipsius opera paratum ad hæmorrhagiam narium quæ mihi ipsi obtigerat sistendam compescendamque adhiberem, id minimè præstare valuit, etsi similem fluxum sanguinis, ejusdem applicatione subito inhibita paulò ante vidissem, idq; in tali viro qui eos irrisit quos pulverem aliquot cruoris guttis admoveere vidit, tantum absuit ut ipsius efficaciam imaginationis suppetiis promoverit. Quare Pulverem Sympatheticum & Unguentum Armarium virtutem medicinalem nunquam exercere, non audeo affirmare; at perpetuò expectatos effectus præstare, aliis credendum relinquo. Cum de hujusmodi remediis sermo inciderit, etsi molestiam exinde tuam meamque lubens finirem, silere te non debeo, quòd quandoquidem Pæoniæ radicem Medici non postremi tam recentiores quam antiqui tanquam Epilepsiæ amuletum enixè commendaverint, & tamen multi ad id inutilem experti sint, subiit suspicari ideo nullius virtutis fuisse quod tempore non debito fuerit collecta. Cui conjecturæ Galenicorum in Hibernia Occidentali eminentissimus ultimo quo ibi fuero tempore testimonio suo astipulatus est, se Pæoniæ radicem intempestivè collectam sine successu sæpè usurpasse referens; atqui cum ea quam sub propria constellatione collegerat (nempe inclinante Luna in Ariete existente) ægrorum collis & brachiis appensa non paucos ab insultibus Epilepticis liberasse. Sic etiam D. des

Grands

Grands Pres Medicus Gratianopolitanus in Observationum, quas D. *Riverio* celeberrimo Practico communicavit, postrema, se externa Pæoniæ radicis ritè collectæ modo memorato applicatione Epilepticos curasse seriò testatur; verùm etsi exinde concludit, summè utilem esse in Medicina facienda astrorum observationem, tamen antequam Astrologorum placitis tantùm tribuatur, syderum in simplicia, &c. influxus, severis & idoneis Experimentis manifestiùs quàm hætenus evincendus est.

Cæterùm, missis observationibus contingentibus quæ in Medicina occurrunt, possem hic non injuria etiam a Mathematicis traditas perstringere, utpote quos observationes nonnullas propalasse comperi non adeo ad amissim veras. Enimvero tametsi illis proprium existimatur, nihil affirmare nisi quod apodicticè probare possint, & in quibuscunque fermè observationibus Philosophia faciendis ἀκριβέως palmam plerisque aliis solent præripere; nihilominus certitudo quæ illorum dogmatibus attribuitur ad ea quæ in disciplinis purè Mathematicis (nempe Arithmetica & Geometria) docent, restringenda est, utpote in quibus Quantitas abstractè consideratur; atqui in observationibus de rebus in quibus non materia solum ipsiùsque affectiones expenduntur, eadem utique ἀκριβέως non est à Mathematicis expectanda. Eoque minùs cum ejusmodi observationes referunt, quæ instrumentorum χειρωνακτικῶν ope factæ, eo nomine erroribus saltem quibusdam obnoxiae non esse nequeant. Neotericus quidam Astronomi ita de maculis & faculis solaribus loquuntur, ac si Lectoribus persuasum vellent, earum saltem aliquas in solis disco semper conspici posse. Et sane non gravatè crederem, eos ita scripsisse, quod ejusmodi phænomena crebrò observassent. Nihilominus cum ego illorum contemplationi operam navarem, etsi nec commoda Telecopia deessent nec locus obscurus in quo solis imago exciperetur, tamen nisi post longum temporis spatium multòsque conatus initos, nullas in Sole maculas potui percipere, utpote,

utpote, quæ per menses aliquot continuos tanto quam antea (uti videtur) rariùs apparuere, ut excellentissimum Astronomiæ Professore tubis sydereis optimè instructum circa id tempus querentem audiui se Solem maculis interstinctum aliquamdiu videre nequivisse. Faculas quod attinet, quæ tanquam quotidiana phænomena deprædicantur, fatendum est, *Pyrophile*, mihi variis in locis & temporibus dum maculæ solares apparerent observationes subinde cum idoneis Telescopiis inveniendi, quæsitæ lumina vix amplius quam semel fuisse conspecta.

Porro, quemadmodum ex parte objecti materialis circa quod Mathematicus versatur sit ut spes ipsius fidei innixæ eludantur; sic quoque idem evenire potest ob instrumentorum vitium quæ ad observationes quibus Mathematicæ disciplinæ mixtæ (nempe Astronomia, Geographia, Optica) potissimum innituntur, peragendas necessariò usurpanda sunt. Hoc, è pugnantibus celeberrimorum scriptorum tum in his tum in anterioribus seculis de Terrestris Globi ambitu, de Stellarum fixarum & errantium quarundam distantia & magnitudine, imò de montium altitudine, calculis plus satis manifestum est. Quod dissidium ut à variantibus methodis & dispari observantium peritia proficisci potest, ita ad instrumentorum quæ adhibent fabricam magis minùsve exquisitam & commodam nonnunquam referri meretur. Et hîc sane opportuna est gravis illa confessio & admonitio Nobilissimi *Tychonis Brahe*, qui quod instrumentis Mathematicis plus nummorum pariter & laborum insumpsit quam quisquam alius (quod sciam), posterioribus hisce seculis, meritò hac de re audiendus est; De qua inter alia, hæc habet; Facile (inquit) lapsus aliquis pænè insensibilis in Instrumentis etiam majoribus conficiendis subrept, qui inter observandum aliquot scrupulorum primorum iacturam faciat; Insuper, si ipse situs & tractandi modus non tam absoluta norma perficiatur ut nihil prorsus desideretur,

*Tycho Brahe
lib. 2. de Co-
meta. An. 1577.
p. 133.*

intolerabilis nec facile animadvertenda deviatio sese insinuat. Adde, quod instrumenta usu & atate a prima perfectione degenerent. Nihil enim quod hominum manibus paratur, ab omni mutatione undiquaque immune existit. Organa enim ejusmodi, nisi è solido metallo affabrè elaborentur, mutationi aëreæ obnoxia sunt; & si id quoque detur ut è metallica materia constent, nisi ingentia fuerint, divisiones minutissimas graduum sufficienter non exhibent; dūque hoc præstant, sua magnitudine & pondere seipsa ita aggravant, ut facile tum extra planum debitum aut figuram competentem dum circumducuntur declinent, tum etiam sua mole intractabilia redduntur. Quare magis requiritur, in Instrumentis Astronomicis quæ omni vitio careant construendis, artificium pari judicio conjunctum quàm hætenus à quamplurimis animadversum est. Id quod nos ipse usus longa que docuit experientia non parvo labore nec mediocribus sumptibus comparata.

Hætenus Nobilissimus scriptor. De observationibus mari factis quicquid Naucleri alii que gloriantur, diligentissimus *Fournier* multiplici terra marique instrumentorum usa edoctus pronuntiare non dubitat, Observationem in æquore quæ non decem scrupulis à veritate absit, nec in arena citra unius scrupuli errorem, nullum in toto Orbe Astronomum exequi posse.

Cæterum, ut omittam quæ ex Hydrographis hujus scriptis afferri possint, quibus sententiam hanc modestam potius esse quam temerariam conficiatur, ulterius notandum est, peritorum etiam Mathematicorum observationes in certis rerum dimensionibus constituendis inter se discrepare posse: ut memini è tribus modernis Mathematicis clarissimis, qui experimentis certam aëris & aquæ proportionem definire aggressi sunt, alter aquam non amplius quam centum & viginti vicibus aërem pondere superare statuit, ab altero illa hoc circiter millies & trecenties, à tertio non minus quam decies millies gravior statuitur. Ut taceam duos scrip-

ptores non ignobiles tantopere hallucinatos, ut rationem aëris ad aquam posteriori hoc nimis audaci calculo longe majorem esse censeant. Et, si vacaret, possem hic Experimentum partim staticum & ad aëris gravitatem spectans afferre; quod tametsi in una hora aliquoties peregrimus, mihi-
lominus bis toties eventus operam elusit, ita ut minimè prævidere potuerimus, utrum Experimentum intra aliquot libras successurum esset. Sed de hoc alias fortasse plenius.

In rerum quas hæc & superior Dissertatio complectuntur propositione, duplicem nobis, *Pyrophile*, scopum imprimis præstitimus. Primò in votis est, ut fortuitorum Experimentorum quæ adduximus exemplis moncaris, Experimenta quibus dogmata vel theoretica vel practica superstruere exoptas, cautissimè & sapiùs explorare, nec illis quæ semel duntaxat perfeceris nimium fidere, idq; præcipuè cum circa mineralia versaris; etenim multi Experimentum illud minerale, quod primùm favente Mercurio repertum videbatur, postea omnium quæ unquam susceperant infelicissimum cum fortunarum suarum jactura experti sunt. Et memini, V. r. in re minerali omnium quos uspiam novi peritissimus (etsi non esset cur ipsum artis suæ panneret) mihi serio affirmavit, se brevi ad magnas divitias pervenire posse, modo quidquid non tantum una alterave via sed multoties præstisset, idem jugiter præstare valeret.

Alter ad quem collinavi scopus fuit, ut hæc Dissertationes apologiam quandam pro prudentibus & experimentalibus scriptoribus exhiberent, si forte Observationes & Experimenta ab ipsis tradita expectationi tuæ non semper respondeant. Certè enim viri cauti & consulti multum deterrerentur ne observationes suas publici juris facerent, si viderent fidem suam in discrimen pertrahi quoties inter ea quæ summa cum probitate & ad aliorum commoda in lucem emisserint, Experimenta nonnulla incerta deprehendantur. Atqui si quis fabulas congerere, aliorum scripta expilare, & ex rumore fidenter res tradere consueverit, nec de eo Le-

doctores moneat, ubi ipsius Experimenta examine instituto non successerint, in illum potius quam in nos ipsos aut fortunam culpa transferenda est; nec tenemur tanto magis ipsius existimationi consulere, quam ipse eidem prospexit, ut in ipsius gratiam ea plus una vice exploremus, quæ ille nostra ne semel quidem exploravit. Contra, qui res experientiâ suâ confirmatas in medium proponere solet, nec fallere nec falli perinde sollicitus, si is aliquid tanquam à se visum vel exploratum narraverit, quod tamen cum nostra Experientia non quadrat, Æquum esse arbitror & tam Christiano quam Philosopho dignum, ut (nisi manifesta aliqua ratio refragetur) eum Experimentum suum ex veritate descripsisse judicemus, quâquam ob latentem aliquam causam non perpetuò succedat; ideoque licet inter Experimenta rata numerandum non est, tamen neutiquam Authoris veracitas est rejicienda. Imo, si Author, talis fuerit, qui voluntate vel opere de genere humano bene meruit, hanc ei gratiam rependendam censeo, ut salva sit apud me tum illi Existimatio tum Experimento fides, donec periculum fecerim num qua circumstantiarum mutatione eventum speratum fortietur. Rem non admodum verisimilem in Naturali D. *Verulamii* Historia nuper animadverti; Ait enim quod Spiritus Vini Oleo Amygdalino innatabit; at nos contrarium protinùs experti sumus; idq; aliquoties coram testibus nonnullis evenit. Atqui nostra de tam eximii & cordati Philosophi existimatione sollicitudo conjecturam nobis injecit, cum Spiritum Vini communi puriorem adhibuisse, etsi de eo nihil admonuit, nec fortasse cogitavit; quare cum aliquantum bene rectificatum parassemus, Oleum quod Spiritui Vini ab aqueis partibus non liberato supernatavit, confestim subsidere, & locum superiorem dephlegmato concedere vidimus. Sic quoque, audito D. D. *Brown* alicubi perhibere quòd Aqua Fortis Oleum commune brevi temporis spatio coagulabit, liquores hosce permistos in phiala aperta aliqua diu seposuimus, nec tamen promissa Olei mutatio comparuit (licet brevi mora cum alio liquore Oleum

Oleum commune non semel coagulavimus.) Quare cupi-
 di ut tam candidi & fidi Naturæ Interpretis existimario ab-
 solveretur, Experimentum cum Oleo recenti & aqua forti in-
 stauravimus, eosque liquores Phialæ prolixioris colli, inditos,
 primum in loco frigido, postea in calore digerente,
 vasis orificio aperto relicto, collocavimus; Verum post
 aliquot septimanas, Oleum non alias mutatum depre-
 hendimus, nisi quod saturam & pulcherrimam Tinctu-
 ram acquisivisset. Nihilominus de viri optime merentis
 famâ adhuc solliciti, & similium in aliis Experimentis
 contingentiarum memores, explorare voluimus utrum pe-
 cularis aliqua at occulta vel Olei vel Aquæ Fortis pro-
 prietas in causa non fuisset, quod res prius non succes-
 serat; quare, mutatis liquoribus, & Experimento repe-
 to, post aliquot horas Oleum pæne in albicantis bu-
 tyri speciem coagulatum accepimus. Nec sane mihi tan-
 tum sumere ausim, ut non putem expetendum à te eundem
 iudicii erga me candorem quem ego erga alios studiosis-
 simè adhibui. Quinetiam ex quo huc usque pervenerat
 stylus, candidus & peritus Chymicus rogatu meo Spiritum
 Salis quàm fieri potuit purissimum & fortissimum
 paraturus; Salis aliquantum per continua aliquot *vuxén-
 meçæ* vehementi igne urgebat, extractumque liquorem
 tam exquisitè & perfectè à phlegmate suo & à facibus
 terrestribus liberabat, ut post omnia quæ de hoc Men-
 struo in superiori Dissertatione differui, fateri cogar
 compertum mihi tandem è marino Sale Spiritum sine
 fraude parari posse qui crudi auri compagem perump-
 pat; quamquam solutiones auri quas ego paravi metalli
 sui colorem referebant, minimè rubicundæ, sed flavæ
 & quales ope aquæ regię proliciuntur. Verum nec ille
 idem Artifex nec ego ab eo tempore, etsi summa curâ
 & industria annixi, Spiritum Salis qui aurum dissolve-
 ret conficere potuimus; ideoque hoc etiam ad contin-
 gentium

gentium Experimentorum censum refero; nisi forte prioris operationis felicitas peculiari Salis qui distillabatur qualitati debetur, utpote qui ex Insula Mayo allatus fuerat, ubi fortiores solis radii Salem ex Aqua marina progenerant illo multo fortiorem & spirituosiores qui in Gallia aliisque regionibus temperatioribus fieri consuevit. Et hic pace tua, *Pyrophile*, adjungam, quod nisi in alia Dissertatione enarratam de pisciculis sive vermiculis quos in aceto quomodo invenias docco, observationem cautissimè proposuissem, fortasse candore tuo summopere mihi opus esset, ne me in eo tibi imposuisse censeret. Nam ex eo tempore non in omni aceto animalcula ista, conspici posse comperi; unde aliquantum, in quo pisciculi illi visum pane fugientes affatim innatant, apud me servo, in virorum ingeniosorum gratiam, quorum nonnulli post initos suos conatus ad me accedere adacti fuerint, ut ea ipsis ostenderim quæ in illa Observatione traduntur. Experimentum de Olei communis coagulatione supra memoratum mihi in mentem revocat, me inter alia de colorum mutationibus Experimenta, unum referre statuisse cum Oleo Olivarum communiperactum; nec sane levis momenti videbatur: quippe modum excogitaveram quo Olei color ex pallido flavescens ad intensè rubrum, ejectis aliquot liquoris non rubicundi sed prorsus limpidi guttulis, subito migraret. Hoc, ut dixi, *Pyrophile*, inter alia de coloribus Experimenta proponere statueram; verum, quia non libenter unica tantum vice exploratis acquiesco, Experimentum certitudinis gratiâ rursus institui; sed nec tum nec postea res successit (ob peculiarem, ut auguror, in liquore primum adhibito qualitatem); unde mutandum de eo proponendo consilium duxi. Atqui si rem unica tantum vice tentatam tibi retulissem, fecisset fortasse experientia tua ut fidem meam accusares, etsi ego nihil tradidissem

diffemi nisi quod verè fuisse expertus. Et sane, *Pyrophile*, etsi eò vanitatis non adductor ut putem me tantum de te meruisse, quantum eximii Naturæ interpretes, qualis est D. *Fr. Baconus*, de Operum suorum *Lectoribus* meruerunt; est tamen quod jure credas, me omnia fideliter retulisse, quemadmodum à me observata fuerant vel in memoriam succurrebant, etsi forte nonnulla Experimentorum quæ tradidi fortuita sive contingencia reperiantur. Et quanquam scripta mea ita à te legi cupiam ut opinionibus meis cæcitus tantum assentiaris quatenus rationes & Experimenta ad ipsarum confirmationem adducta persuaserint, tamen quando de nonnullis loquor tanquam à me exploratis aut visis, velim ut judices mihi saltem voluntatem fallendi, sin minus errandi inbecillitatem, ubique defuisse.

Unum superest de quo, utut *ωαγαδοξον* sapere videatur, te moneri ne pigeat, antequam Dissertationi huic finem impono; Nimirum, me, ubi de Scriptoris Experimentum ex sua fide proponentis solertia & cura mihi constitit, non illicò rem ut falsam damnare, nedum ipsum mendacii insimulare, quoties certiori & indubitatori observationi refragari, aut cum recepta & probabili sive Hypothesi sive Traditione pugnare videatur; Verùm potius dispicere & perpendere, si qua distinctione aut restrictione dissidium illud conciliari possit; nisi fortè aliqua erroris occasio aliunde suboluerit. Cujus aequitatis hanc rationem accipe; Interdum quadam præter communem rerum ordinem irregulariter eveniunt, ut patet in Monstris; Interdum vero recepta hypothesis, etsi non ex toto rejicienda, non ita commodè ad omnia extendi potest, ac plerique credunt; denique interdum observationes duæ tantum inter se pugnare videntur, (utique cum deest circumstantia aliqua non animadversa, quæ ipsarum *ωαγαδοξον* revincat) unde utraque vera esse possit.

Hoc

Hoc multis instantiis elucidari & confirmari possit, nisi Dissertatio hæc jamjam justo prolixior evasisset; quare pauca tantum quæ sequuntur, tibi expendenda relinquam.

Arancos Hybernicos (quorum plurimos in ea Insula conspexi, quicquid contra garriat vulgus) minimè venenosos esse, Incolæ multorum seculorum experientia edocti non dubitant. Nihilominus illud negare non audeo quod Clariss. *Scaliger* alicubi perhibet; nempe in *Gastconia*, patriâ suâ, tantam iis inesse veneni vim ut interdum calcati calceorum soleas transmittant. Atqui etiam in *Anglia* natos, ab *Hybernia* tam exiguo intervallo distincta, vel citra morsum venenatos esse alibi Experimento evincam.

Magnetis sub qualibet ejusdem Meridiani parte tam versus Boream quam Austrum ubique æqualem esse declinationem, multi Authores tam libenter concedunt, necnon & rationibus adductis propugnant, ut verisimile sit, multos è libris potius quam Experimentis Philosophantes qui in *Bataavorum* Commentariis legrent, eos sub Meridiano per Insulam *Del Corvo* transeunte (ubi acus Magnetica polis directè obvertitur, ibidemque ideo primus Meridianus constituitur) in gradu Latitudinis Septentrionalis quadragesimo sexto declinationem septem aut octo graduum, necnon in gradu quinquagesimo quinto longe plurimum, denique in parallelo versus Austrum vicesimo sub eodem Azorum Meridiano decem aut undecim deprehendisse; multos, inquam, verisimile est in hæc Observationes incidentes, exinde *Bataavorum* inscitiam incusatos, quod cum recepta chalybocliseos theoria non consentiant, ut superius innuimus. Nihilominus si cum aliis conferantur quas sagacissimi naucleri alique periti sub cæteris Meridianis fecerunt, erit cur corrigendam potius communem sententiam judicemus, quàm *Bataavorum*

rum Observationes, quod eidem refragentur, explodendas; præsertim si ad id attendamus quod affirmavit Jesuita *Julius Alenis* (à *Fourniero*, ubi de Longitudinum scientiâ differit, tanquam acutissimus Chalybochseus observator amplissimè collaudatus) dum in magna nave *Luftanica*, una cum celeberrimo Naclero *Vincentio Roderico*, versus *Chinam* navigaret. Nam ex quadam Patris illius Epistola *Fournierus* memorabilem hunc locum transcripsit; *Unum est (inquit) consideratione dignissimum, nempe, quid, quò longius sub eodem Meridiano ab Aequatore abscesseris, eò majorem Magnetis declinationem comperies.* Sunt è Neotericorum Philosophorum primariis nonnulli, qui se per Thermometras comperisse asserunt, in cellis aliisque locis subterraneis acrius hyeme quàm æstate frigesce-re; & tamen, ut taceam vulgum aliter sentire, mermini quod vir magnanimus & impiger D. *Jacobus* supra laudatus in Itin. ratio suo ex mandato *Caroli I.* τὸ μακροτέρῳ edito, insignem hanc Observationem habet, ubi locutus de intensa aquæ frigiditate per æstatem in ea regione glaciali in qua hybernavit Anno 1632; “Porro (inquit) puteus noster qui in *Decembri* aquam suppeditaverat, in *Julio* defecit.

Denique quamvis in plagis Occidentalibus observatum sit interiorē arborum partem iive medullam universè exterioribus duriorē esse, nihilominus versatissimus in hisce rebus Scriptor, de Navium *Architettura* differens, *Marsiliæ* & per totum *Mediterranei* littoris tractum, ligni partem cortici proximè subjacentem, è contra rigidiorē esse ea quæ arboris medullam constituit, observatum prodidit. Cæterum, ut tandem ad finem hujus Dissertationis dudum prolixæ properemus; Expositis jam scopis, *Pyrophile*, ad quos in his scribendis collimavi, longè à consilio meo aberrabis, si exinde te à studio Experimentalis

scientiæ acriter prosequendo, deterreri patiaris. Nec
 sane quicquam ex dictis aliò tendit, quàm ut in Ex-
 perimentis observandis attentus esse discas, in fidendo
 cautus; nullo modo ut ab iisdem ulterius prosequendis
 desperabundus desisteres. Non enim vel Medicus Artis
 suæ usum abdicat, eò quòd ægros nonnullos, quibus
 mederi satagit, non pharmaca sua sed mors à morbis
 liberat; vel agros colere cessat colonus, etsi aliquando
 immodica aquarum illuvione vel cali intempestate messis
 corrumpatur, adeoque expectato longi laboris fructu pri-
 vetur. Nam, quemadmodum Medicinæ & Agriculturæ
 ideo non renunciant qui easdem exercent, quoniam, vo-
 tis suis tametsi nonnunquam excidant, illorum nihilo-
 minus compotes non rarò evadunt, eoque successu co-
 natus ipsorum cum fanore compensantur: ita nec nos du-
 bia Experimentorum alea deterrere debet, quò minus iis-
 dem operam impendamus, quoniam non solum multa
 sunt vix unquam casibus obnoxia, verum, inter ea quæ
 minùs certa sunt, fortasse Experimentum aliquod cre-
 berrimè peragere poteris, citrà ullius rei interventum
 quæ Experimenti successum intercipiat. Et certè multo-
 rum felix eventus, paucorum infelicitatem abunde præ-
 stabit; præcipuè quando inter Experimentorum labores
 non rarò accidat, ut etiam, cum rem quæsitam non at-
 tingimus, assequimur aliquid non minùs opera nostrâ di-
 gnum quàm quod quærebat. Qua de re fortasse
 plenius alibi differemus; hîc tantum addimus, Etiam
 mercatores ipsos professioni suæ non renunciare, eò quòd
 aliquando naufragium subeant, aut in alios quam præ-
 stituerant portus vi tempestatum subinde agantur. Quo
 exemplo cò libentius utor, quòd, quemadmodum Nautæ
 Mercatorum *Europæorum* auspiciis Mare *Americanum* na-
 vigantes aliquando à cursu destinato tempestatibus ab-
 acti, exinde in ignotas oras inciderint, novàsque Regio-
 nes

nes aperuerint; unde longè majus emolumentum ipsis
accrevit, quàm si cælum serenissimum & faventissimum
habuissent: Pari modo inopinati casus qui conatus no-
stros frustrantur, aliquando nova quædam detegunt longe
potioris momenti quàm solitus & expectatus suscepti Ex-
perimenti successus nobis esse poterat.

277
The first of these is the
fact that the number of
cases of the disease has
increased in the last few
years. This is due to the
fact that the disease is
now more common in the
tropics and is being
introduced into the
temperate zones by the
immigration of the
diseased individuals.

(101)

SPECIMEN

UNUM ATQUE ALTERUM,

E quibus constet, quantoperè

EXPERIMENTA CHYMICA

Philosophiæ Corpuscularis illustrationi
inserviant.



LONDINI,

Impensis H. HERRINGMAN. 1667.

1877
The following is a list of the
names of the persons who have
been appointed to the various
committees of the Board of
Education for the year 1877-78.

(101)

SPECIMEN

UNUM ATQUE ALTERUM,

E quibus confet, quantoperè

EXPERIMENTA CHYMICA

Philosophiæ Corpuscularis illustrationi
inserviant.



LONDINI,

Impensis H. HERRINGMAN. 1667.


EXPERIMENTA CHYMICA

VOLUM. ATQUE ALTERUM.

ROBERTO BOYLE

EXPERIMENTA CHYMICA

ROBERTO BOYLE



LONDINI.

JOHANNES HARRINGTON



PRÆFATIO.

In qua utriusque Tractatus scopus
exponitur, simulque ostenditur; Consensum
inter Philosophos rerum σοφιστικῶν per minutas
particulas expedientes; & Spagyricos,
summo perè esse optandum.

Inscitia, arrogantia, & fraudibus artem
Hermeticam profitentium hoc demum effe-
ctum est, ut viris non paucis alias apprimè
doctis, sed Chymiam nisi ex rumore non in-
telligentibus, gravissima tum de pulcher-
rimo studio, tum de illis qui ipsum excolunt,
opinio insederit; adeò ut, si, cui indoles soli-
diori Philosophiæ apta contigit, eum ubi Arti (uti credunt)
immerita & infructuosæ se addicere conspiciunt, serio & so-
lenniter indignentur. Imò sunt, qui agrè videre sustinent quem-
quam in aliis scientiis non infeliciter versatum, exemplo suo
fuliginosis Empiricis patrocinari, istique disciplinæ se adjun-
gere quam à nullis excolendam censent nisi quos solidis & ex-
imiis Physiologiæ partibus minùs idoneos Natura confinxit.
Id quod hic potissimum visum est adnotare, quandoquidem mihi

P R Æ F A T I O.

ut sequentes Tractatulos conscriberem, occasionem sumministrarunt. Nam cum ante aliquot annos animadverterem doctis quibusdam viris, quales modo dixi, rem alienam & pœnè indignam videri, quòd, de cujus studiis proniorem spem conceperat, Chymia (cui tum forte, fornaces aliquos atque otium opportunè nactus, vacabam) operam utilioribus disciplinis (ut putabant) debitam impenderet; ostendendum duxi, me, tametsi Elixir, Spagyrorum spem & tormentum, vano aucupio non quærerem, nihilominus hac in re, consilio, quod de promovenda rerum Naturalium scientia, simulque terminis humani imperii profitendis, iniueram, prorsus nihil incongruum suscepisse. In quem finem non satis videbatur, si ostenderem Chymia ope rerum aliquot meliorationes (de Metallorum aut Mineralium transmutationibus non loquor), necnon salutares ad usum hominum Medicinas confici posse (ut taceam præparata nonnulla artibus Mechanicis commodissima) quoniam etiamsi hinc liqueret, rem non futilem eum agere qui Chymia ediscendæ & promovendæ operam navat, tamen eam ad Philosophiam utilem esse non ità liquido appareret. Quare specimina aliquot facere exhibenda, è quibus Experimentorum Hermeticorum in re Physicâ utilitas elucesceret. Hoc meditati tergemina difficultas se objecit. Nam primum deerat otium alia argumenta jam præ manibus habenti, necnon Experimentis quibusdam, quorum eventum cognoscere plurimum intererat, acriter insudanti. Deinde, quandoquidem ut iudicium, quò licuit, liberissimum nec recentioribus Theoriis Philosophicis imbutum haberem, donec experimenta suppeterent ad quæ illas examinarem, aliasque ob causas hîc non dicendas, integrum Epicuræ vel Cartesianæ vel cujuscvis alterius novæ aut renovatæ Philosophiæ Systema penitus evolvere consultò neglexissem, ideo non is esse mihi videbar, qui ostendere valerem quantopere Experimenta Chymica illorum Hypothesibus illustrandis inserviant. Denique cum ex iis in quorum gratiam scribendum fuit, quidam dogmata Epicuræ, alii (at numero non pari) Cartesianæ amplecterentur,

P R Æ F A T I O.

ventur, hominibus discrepantis iudicii eodem scripto gratificari provincia admodum difficilis videbatur.

Horum primum quod attinet. Quando me aliis argumentis jam tum incumbere, illi ipsi non ignorabant quos habui scribendi Auctores; merito sperari poterat illos, erroribus, qui festinationi imputandi viderentur, veniam daturos: & præterea, poterat ejusmodi Argumentum desumi cui, prout postea cum suppeteret, additamenta hinc illuc subtexere liceret.

Dum Obstacle secundum sollicitè expendo, succurrebat me ante aliquot annos Philosophorum Principia Atomoeidea statuentium Vitæ, inter alios, apud Diog. Laërtium legisse: quedam ex placitis Epicuræis & Cartesiani subinde per sermocinationes & colloquia didicisse; denique hinc mihi met ipsi Philosophiæ istius quæ amicis placuit, generalem at imperfectam ideam efformasse. Quare, ut in ipsam penitiori inquisitione non penetrassem, tamen nonnihil ad ejusdem aliquot dogmata illustranda à me dici posse existimaui, modo simpliciora & faciliora deligerentur, quæque abditarum suæ Hypotheseos partium peritum non postulabant.

Denique quod ad Impedimentorum ultimum spectat, videbam Epicuri & Cartesii sortis ab invicem in quibusdam Articulis gravioribus discrepantes, tamen quæ Peripatetica cæterisque Hypothesibus vulgaribus opponerentur, facile tanquam unam eandemque Philosophiæ speciem censi posse. Quippe, in hoc Articulo magno & Fundamentali & inter se conveniunt, & a Schois dissident, quod non tantum res intelligibiliter modo explicandas curant, sed cum alii Philosophi à quibusdam formis substantialibus (quas, quales sint, modestiores ipsorum intelligi non posse conspiciuntur) & certis Qualitatibus realibus (quarum essentiam viri aliarum familiarum acutissimi pariter incomprehensibilem esse arbitrantur) rerum ap-

P R Æ F A T I O.

parentias generali & loci explicatione deducant, tam Cartesiani quam Atomistæ eas per corpuscula diversimodè figurata & mota perquam ingeniosè expediunt. Non me latet, has duas Recentium Physicorum Sectas de Natura Corporis generaliter sumpti diversas Sententias tueri; ac proinde etiam de Veri Vacui possibilitate, Motus Principio sive Origine, indefinita Materia Divisibilitate, aliisque minoris momenti Articulis variare. At quoniam horum nonnulla ad Metaphysicam considerationem potius quam naturalem, alia ad nos non nos historiam enarrandam potius quam mundi ipsius jam constituti Phænomena explicanda pertinere videntur; has aliisque ob causas atque hanc præcipue quod à materiâ motuque locali rerum omnium apparentias utrique concordi sententiâ deducant, judicavi hæc in quibus Atomistæ & Cartesiani diversum sentirent, nihil obstare quo minus eos magna ex parte inter se convenire existimetur, eorumque Hypotheses ab homine paulo candidiori pro eodem Philosophia genere habeantur. Quæ sanè, eò quod res per corpuscula sive minima corpora explicandas suscipit, non admodum incommode Corpuscularem appellaveris; quanquam eam Philosophiæ Phæniceæ nomine nonnunquam indigitem Scriptorum quorundam antiquorum auctoritate fretus, à quibus accepi Physicum quendam à Phœnicia oriundum Phænomena Naturalia per minutarum materiæ particularum motum aliasque affectiones explicare solitum, eam nondum Epicurus, aut Democritus, aut etiam ipse Leucippus Philosophiam suam in Græcia docuissent. Denique siquidem ejusmodi exiguorum corpusculorum vis & visus in Mechanicis Instrumentis sive Organis conspectior & validior invenitur, idè eam Hypothesin sive Philosophiam Mechanicam placuit interdum appellari.

Hiscæ rationibus atque hujusmodi occasione permotus, missis Articulis illis supra memoratis in quibus lis haberet, volui experiri, utrum ope Philosophiæ Corpuscularis, qualem modò diximus, cum Chymicis Experimentis conjuncta, ἐπιτυχέως

P R Æ F A T I O.

nonnulla lucidius explicare possem, quam vel à Scholis vel à Chymicis fieri consuevit. Quantumvis autem vulgaris Philosophia hodièque ita vulgò obtinet, ut apud pleròsque literatos etiamnum magno in pretio sit; Mechanici vero Experimenta tam pauca ad doctrinæ suæ confirmationem attulerunt, Hermetici contra tot pro sua attulisse creduntur, ut ex iis qui aridam & jejunam Scholarum Philosophiam auersantur, plerique Experimentis Chymicorum veluti expugnati, desertis aliis ad ipsos transferint; His, inquam, de causis, speravi me Philosophis Corpuscularibus operam non inopportunam præstiturum, si aliqua ipsorum placita clavis Experimentis illustrarem, simulque ostenderem, ea quæ tractarem, posse sine Formis inexplicabilibus, Qualitatibus realibus, Peripateticorum Elementis, aut etiam Chymicorum Principiorum terminè, saltem verisimiliter explicari.

Specimina autem hujusmodi meditati mox subiit Experimentum de Nitro paulo inferius descriptum, cujus etiam Phenomena aliquot, ut per otium licuit, in unam Commentationum earum construxi quas tum amico cuidam adornabam. Quod opusculum postquam ad umbilicum perduxeram, eruditorum, in quorum manus incidit, tam pronam expertum est benevolentiam, ut animus mihi magnopere additus sit plura Corpuscularis Philosophiæ dogmata Experimentorum quæ fornaces mei sumministrassent clariori luce collustrandi; id quod etiam, prout occasio ferebat, prætitum dedi, modo scriptis aliquot Tractatibus Physico-Chymicis, modo adjectis Dissertationi de Nitro Annotationibus quæ ad Historiam Qualitatum, quam aliquando meditabar, non parum conferrent. Hoc modo steterè res meæ, donec anno abhinc secundo, publicis hujus tum infelicitis Regni tumultibus, tum à consilio quod antea inuieram, tum à loco ubi fornaces, libri, reliquusque apparatus fuerat, abactas, deinde me ad Pneumatica Experimenta contuli, quæ etiam publici juris fieri nuper permisi.

P R A E F A T I O.

Tractatus exiguos tam proluxa Praefatione, nisi duabus
 hisce de causis auspicatus non fuisset. Primo, spes est ex
 iis quae modo dicta sunt, Philosophos, quibus inservire cu-
 pio, candidius de me sententiam laturos, si de ipsorum pla-
 citis minus accurate loquor, quam alias fecissem modo ipsa
 penitus excutere libuisset. Secundo autem, non desunt qui à
 me aliorum huius generis Tractatum editionem importune ef-
 flagitant; quorum votis si unquam forte ut annuerem beni-
 gnior horum exceptio me permoveret, haec quae jam dixi & in
 illos Praefationis vicem supplere possunt. Unum restat quod
 pene memoria exciderat: Sub finem Exercitationis de Nitro
 mentio facta est Libelli tum à diligentissimo Glaubero re-
 center in lucem emissi, quem necdum evolueram; sed in quo
 postea nonnulla, ad Historiam Nitri spectantia, occurrebant,
 quae modi vera sint, sane considerationem non levem meren-
 tur: quare ea Curioso Lectori examinanda rursus propino,
 quod mihi per negotia facere non licuit. Quinetiam cum ali-
 quot post annos, alium ab eodem Authore Tractatulum editum
 intellexi, in quo novum de purandi Nitri modum demonstrat,
 nempe partibus spirituosius cum fixioribus conjunctis, deinde
 mixtura aliquatenus evaporata ac denique in Nitrum Crystal-
 lizata: hinc timendum fuit, ne apud ignotos expilationis
 suspicionem incurrerem, nisi me Doctorum quorundam testi-
 monia purgarent (in quorum manus Tractatus meus aliquot
 ante annos pervenerat) unius praecipue (Scriptis suis notissimi)
 cui tantopere arrisit, ut in linguam Romanam converten-
 dum sibi deposceret, quod & jam multo prius eleganter
 praestitisset. His adde, quod tametsi tam luculento indicio
 purgatus non forem, nihilominus quisquis adverterit me va-
 ria quae tradidi Phenomena nedum Reflectiones Philosophicas
 à Glaubero desumere non potuisse; necnon comparatione in-
 stituta adnotaverit quam diverso modo & consilio ille & ego
 Nitri ex suo spiritu & sale fixo compositionem proponimus
 (siquidem quam ille Chymicam duntaxat Nitri depuratio-
 nem,

P R Æ F A T I O.

nem, hanc ego Redintegrationem Philosophicam esse doceo) quisquis, inquam, hæc inter se contulerit, fortasse credat me perinde ac quemvis alium in Experimentum modo dictum incidere potuisse. Hæc tamen non ita intelligi velim, ac si, Experimenta quæ industrius Glauberus aut quis alius in medium protulerit, ea in usus meos pertrahere fastidirem, præsertim cum placita ipsis superstruenda aliunde non mutuor: Verum propterea quod Glauberi Libellus, utpote nondum natus, mihi nihil suppeditare potuit; ideo amoliendam suspitionis occasionem duxi, ac si præcipuam Exercitationis meæ partem ex alterius libro clam & ingrâte desumpsissem, quem sane ad id tempus videre non contigerat.

ut Historiam Fluidi & Firmi alsqua cæteris Annotationibus in dissertationem de Nitro elucubratam in publicum exire permitterem, hæc me rationes permoverunt. Primum enim, hæc inter hujus generis scripta novissimè (nempe anno, à superiore, proximo) eoque tempore cum inter Authores Philosophiam modernam amplexos minùs versarer, exarata sunt; Deinde, Argumenti dignitas postulavit ut Annotationes hæc cæteris in reliquum Dissertationis prolixiores & elimatiores fierent: Denique cum hujus Historiæ, in Experimentis meis Physico-Mechanicis nuper editis, mentio subinde occurrat; efflagitavit à me Bibliopola & viri nonnulli docti juxta ac Nobiles, quibus is liber Romanam Civitatem mereri visus est, ut paterer Tractatum hunc Versionibus quas parant, adjungi, nec non Editioni trium præcedentium Dissertationum Anglicanæ, alias (ut monuit Typographus) justam voluminis molem non impletura.

Quinetiam Historiæ huic Exercitationem de Nitro placuit præmitti, non tantum quod Annotationes sine suo textu non videbantur divulganda, sed præcipuè quod etiamnum multos ejusmodi doctos, quales supra memoravi, reperiri animadverto.

P R Æ F A T I O.

Verito, unde manent eadem dissertationem hanc edendi, quæ olim fuerant scribendi, rationes. Eoque magis, quod non memini me in Experimentum à quoquam Neotericorum propositum incidisse quod aptius & clarius tot eorum placita inter se conciliet. Quinetiam libere fateor, me mihi videri Reip. Literariæ operum non inutilem navasse, si his aut quibuscunque Scriptis meis ea felicitas obtigerit, ut hinc Chymici & Mechanici, positis litigiis, ad amicam concordiam adducantur; nempe quos inveteratum dissidium hædenus dividit, ex eo, ni fallor, natum, quod neutri aliorum doctrinam satis intellexere. Inde est quod Spagyricos tanquam hebetes & stupidos Operatores Philosophi Corpusculares despiciunt; eorumque Experimenta, ut Pharmacopæis & forte Medicis ex usu sint, tamen Philosopho, cujus est adversus Ignorantiam morbum auxilia conquirere, nullatenus infervere posse arbitrantur: è contra Corpusculares Philosophi Spagyricis Vani & ignavi speculatores videntur, qui Naturæ Interpretationem ostentare audeant, antequam in rerum apparentias, Magni & obscuri illius Voluminis partem difficillimam, quæque ipsorum industria ei tanquam Mantissa quædam identidem accrevit, vel strictim inquisiverunt. Cateum è præcipuis Hermeticorum placitis nonnulla cum Hypothesi Phœnicea aptius quadrare quam cum vulgari Elementorum & Formarum substantialium doctrina (quæ tamen Vocabula in illorum scriptis non infrequenter reperiuntur) vel hinc constabit, quod cum Scholæ uno ore Naturæ repugnare proclamant ut una species in aliam, & præcipue ignobiliora Metalla in aurum, transmutetur, contra Corpuscularis Philosophia, rejectis Scholarum Formis substantialibus, & specificis rerum differentiis ad magnitudinem, figuram, motum, quietem, ac denique particularum componentium (quæ infinitis pœne modis transponi possunt) situm revocatis, Chymicorum Doctrinæ multo propius favere videtur, in qua mirabiles corporum mixtorum immutationes atque etiam transmutationes possibiles esse statu-

P R Æ F A T I O.

statuuntur. At rursus, vix ulla reperiuntur Experimenta quæ principis Phœniceis aptius congruant quam quæ à Chymicorum Officiis depromuntur. Enimvero, primam, corporum depuratio & analysis, necnon partium heterogenearum disjunctio, optimè per artem Spagyricam discitur, unde & corporum quæ usurpamus naturæ & indoles clariùs cognoscitur, utpote quæ ab arte simpliciora redduntur, quàm à naturâ nobis porrigi consueverunt. Deinde, cum ex Operationibus Chymicis plurimæ in clausis at diaphanis vasis peragantur, hinc faciliùs intelligitur cuiam causæ effectus producti attribuendi sint; eo quod corporibus quibuscunque extraneis, (aut saltem grandioribus) pro suis negatur introitus, alias sine dubio negotium turbaturis. Denique, cum corpora à Chymicis usurpata plerunque multa evagyeici & activis facultatibus polleant, inde fit quòd Naturæ in experimento quovis progressus, & alterationum, quas successivè subit materia, series, promptius accelerari expeditur, adeoque faciliùs observari & deprehendi potest. His rite expensis, spero in Naturalis Philosophiæ incrementum cessurum, si, prout dixi, ea mihi felicitas contigerit, ut, me monitore, Chymici & Corpusculares demùm intelligant, quanto ex fœdere quod molior utrisque eorum commoda sint perventura, simulque velint alii aliorum Philosophiam diligentius expendere, utique cum jam constet ut Experimenta Chymica per Corpuscularem doctrinam feliciter explicari, ità vicissim huic ex illis vel lucem vel confirmationem non raro conciliari posse.



Tentamen Physico-Chymicum Continens

Experimentum circa varias atque multiplices partes Nitri, & ejusdem redintegrationem, unà cum Atomicis quibusdam considerationibus indidem ortis.

SECT. I.

Nitrum, suavissime *Pyrophile*, ut est ipsius forma quotidiana, & quale in Officinis conspicitur, haud temerè aliàs invenies: at si quis diligentius enquirere volet, & suis cuncta vestigiis persequi, næ is Rudimenta *Nitri* dicam; an *Nitrum* ipsum multiformibus involucris occultatum? in corporibus quamplurimis, partim Vegetabilibus & Animalibus, partim etiam in Mineralibus; ita ut quavis asseveratione confirmare liceat, nullum Salem esse, qui sit isto magis Catholicus; quin adeò diffusum esse *Nitrum* per universam rerum naturam, itaque actuosum in Concretionibus satùque Mistorum sublunarium, ut operæ pretium facturus sit, quisquis ad vestigandam ejus indolem animo sese & cogitatione attentissima converterit: habet enim hoc disquisitio illa, ut magnum momentum al-

B latura

latura videatur tum ad cognoscenda permulta alia corpora, tum verò inprimis ad excolendam Naturalem Philosophiam.

SECT. II.

Verùm quandoquidem negotiis gravibus impeditus, vix satis otium studio Suppedicare possum, unde natura *Nitri* generalius indagari queat, & quod amplius est, experimentis non abundo, quorum ingentem Sylvam usu certo didicerit, ac memoria complectatur oportet, quisquis hujusmodi caprum cum laude exequi cupit; satis id mihi habuero in præsentia, siquid attulero, unde diversæ *Nitri* partes notæ fiant atque manifestæ. Accipe igitur quæ mihi in mentem venerunt super Experimento quodam, quod (siquidem ad alia festinat contemplatio) quemadmodum tentanti successerit, nudè atque simpliciter enarrabo.

SECT. III.

Accepimus *Nitrum* vulgare (quale apud Seplesiarios divendi solet) hoc, usitato more, dissolvimus, filtravimus, coagulavimus, & in crystallos reduximus. Hujusce *Nitri*, jam defæcati, uncias quatuor in crucibulum valentissimum

conjecimus, * & (erat autem vas ejusmodi quod paulatim subjecto igne candefeceramus, ne repentino fervore disrumperetur, & benè coopertum, nequid illapsu suo importunum faceret incendium, & conflagrato *Nitro* eventum frustraretur) in limpidissimum humorem liquavimus, dumque adhuc in fusione esset, prunæ micans frustulum injecimus, unde continuo exorta flamma, & ebullitio ad temporis

* Hic se quæras, quare factum non fuerit Experimentum cum majori quantitate *Nitri*? Responsum habet, memoratam quantitatem maxime quadrasse meliori crucibulo quod ad manum tunc erat. Si porro suggeras, Potiorne modus sit diversas substantias à *Nitro* separabiles obtinendi, si in vasis destilletur obturatis sine ulius adventitii corporis additione? regerimus, modum propositum in præcedendi opinione difficilius. Etenim non acquiescentes in vulgari Chymistarum praxi, qui *Nitro* destillando miscere solent ponderis ex latere costæ, terra, aliòve aliquo additamento triplum aut quadruplum, quod (in tanta inprimis quantitate) fixi salis, una cum ipso postmodum restans, natu-

(3)

poris aliquantum spatium, cum sibilo & crepitu. Alteram postmodum prunam injecimus, unde iteratò fulminavit: tertiam dehinc, & quartam injecimus prunam, & sic deinceps, quoad *Nitrum* flagrare & concrepare desuisset. Id ubi desitum est, ignes tamen vehementissimos ad quadrantem horæ continuavimus, ut siqua pars *Nitri* volatilis superesset, ea tandem vanesceret atque dissiparetur.

ram plurimum mutare potia est; nos, inquam, hoc modo non contenti, pluries tentavimus, possemusne Nitrum per se in Retortis vitreis destillare. Comperimus autem, quòd, quavis devitandi intensioris ignis gratiâ, semel igne tantum, ut loquatur, arena imponeremus Retortam; attamen calore in tantum invalescente, ut salem liquaret, diffracta fuit Retorta & liquor ex parte effluxit: Eiusdem tamen parva superstes quantitas, aciditate & operatione suâ nos docebat, quid de reliqua parte volatiliore Nitri promittere nobis potuissimus, se vas mansisset integrum donec tota in recipiens transisset.

SECT. IV.

Tum verò crucibulum de foco amovimus, & ut erat candens, illicò confregimus, ac quod superabat *Nitrum* fixum, quâ potuimus sollicitudine, exemimus, antequam humoris aerei multum imbibisset, & bipertitò divisimus, alteram partem in tantillâ aquâ purâ, quanta operi sufficiebat, dissolvimus, & deinde spiritum *Nitri* per guttas instillavimus, quoad ebullitio omnis, quæ ex reciproca actione liquorum discrepantium oriebatur, penitus cessaret: mixturam hanc sine morâ filtravimus, & in Phialâ novâ adaperâ aeri de fenestrâ exposuimus: mox ad alteram illam *Nitri* fixi portionem reversi, quam seorsim asservaveramus intactam, eidem affudimus similiter guttas spiritûs *Nitri*, quoad fervere & sibilare prorsus desuisset; tum verò mixturam illam in apertâ Phialâ aeri exposuimus itidem de fenestrâ eadem.

SECT. V.

Quid quæris? hunc res scilicet exitum habuit. Quam nos partem aquâ imbueramus, in eâ, paucis horis elapsis, par-

ticulæ aliquot salinæ (quæ, quantum ex formâ divinare licuit, *Nitrum* erant) ad imam phialam appellentes illic circa latera hæserunt. Porro, inter perpusillorum crystallorum examen internatabant granula (longè minora quàm est semen sinapeôs) alterius cujusdam salis, circumdata lanuginosâ quâdam materie, qualis in rosaceâ aliisque aquis distillatis conspicitur, ubi in vitium cæperint inclinare. Post ridie ejus dici crystallos exemimus, quo tempore numerosiores erant, & in majus aucti, & quos, periculo factò, reapse Nitrosos esse, tam ex ipsorum flagrandi modo, quàm figurâprehendimus. Hanc interim posteriorem cùm perperam exhibuerint eruditi aliqui scriptores moderni, aliis Cyclindricam Nitro figuram, aliis aliam, veræ adhuc minùs congruentem, tribuentibus; non possum non annotare in transitu, quòd cùm de industria attentè cõtemplarer grandiores quosdam *Nitri* vulgaris quidem, sed purificati Crystallòs, in quibus figura omnium optimè dignoscitur, eorum singulos sex habere latera plana prehenderim (non tamen semper æqualis, habito ad seinvicem respectu, latitudinis) quorum duo quæque adversa ad parallelismum solebant accedere. Sed ut ad auctos nostros *Nitri* Crystallòs revertamur, materia illa altera, quæ ipsis adhæserat, cujusmodi esset non satis internoscere potuimus, exiguitate sensus fallente; etsi ex justæ exactæque inter fixas & volatiles *Nitri* partes reuniendas proportionis defectu illud oriri, tunc temporis suspicabamur.

SECT. VI.

Liquorem residuum transfudimus in phialam patentem, atque in eâdem fenestrâ reliquimus: Quinque aut sex dies præterierant, nec in eo notabilis aliqua contigit mutatio; tandem emicuerunt pertenuæ laminæ Crystallinæ *Nitrosæ*, quæ frequentiores indies visebantur. Dum hæc attentius observamus, abeunt duæ septimanæ: tum verò nos longinquæ speculationis tædium cepit, cùm non nisi lentè consumereetur ille

ille liquor; diffudimus proinde illum à CrySTALLIS suis, & in fornacem digerentem collocavimus, quò celerius evaporaret.

SECT. VII.

Altera mixtura, quæ aquâ destituebatur, illicò, magnam ejus partem quod attinet, sub formâ salis desèdit: cui supernatabat exiguus liquor, qui quoque visus est subsidentes particulas salis prohibere nè in unam massam congelarent, aut etiam majusculas moles coirent. Quin portiunculam hujusce salis permadentis exemimus, & in aere desiccavimus, cui non adeò certa regularisve aliqua figura erat, videbatur tamen à Nitro parum admodum differre. Porro idem, prunæ micanti superinjectus, deflagrabat partim ad modum non peculiarem (quantum ego adverterim) ulli distincto salis generi; partim tamen visus est Nitrum crepaci deflagratione [nonnihil] referre. Residuam hujusce salis portionem, unâ cum supernatante liquore, mensem plus minus asservavimus, in aperto aere, neque memorabilem ullam commutationem in eâ, nisi exacto pænè spatio illo, persensimus; tum demum comperimus, eam ex parte coagulatam in pusillas massas salinas, quarum figura dignosci non est quita: quocirca totam mixturam dissolvimus in exiguâ aquâ purâ, eam denique filtratam evaporavimus in fornace digerente, atque ibi nacti sumus dimidium ferè salis in minutas stiriolas tenuatum, quales esse solent CrySTALLI Nitri, à quibus tamen gustu nonnihil distinguebatur, siquis utriusque censuram faceret primore lingua; at in prunas conjectæ stiriolæ illæ Nitrum inter ultionem æmulabantur. Superstes medietas antegressæ dissolutionis, acceleratis operis festinantiùs exhalare jussa, salem exhibuit eâ facie, quam neque Nitrum, neque aliud uspiam (quod sciamus) determinatum genus salis obtinuerit.

Quo magis Experimentum hoc, *Pyrophile*, animo & cogitatione comprehendas, ista tecum consideres velim.

S E C T. VII.

1. Recētem prunam non esse conjiciendam in liquamen *Nitri*, quoad Detonatio, orta ex prioris prunæ injectu, prorsus, aut saltem propemodum cessaverit : nisi fortè contingat, ut materia bulliens eam præproperè de crucibulo ejectet, (quod sæpenumero accidere solet profligatâ jam atque ad exitum penè adducta operatione :). Siquidem prædominantibus tunc *Nitri* partibus fixis, quæ halituosæ sunt atque inflammabiles, eæ non possunt per materiam jam lentescentem eluctari, nisi factò impetu, qui etiam prunas vix dum immittas illicò de crucibulo exturbet. Atque in hoc genere processûs coacti fuimus plus temporis insumere, quàm de antecapta *Nitri* Deflagrabilitate (si fas sit ita loqui) seu ejus proclivitate ad colligendas ignes opinio ferebat.

S E C T. IX.

2. Deprehendisse nos, ope libellæ, quod pondus Spiritûs *Nitri*, quem tandiu instillare oportuit, quoad ebullitio omnis inter liquorem illum & solutionem *Nitri* fixi deferveret, non exæquabat illud, quod *Nitro* inter detonandum perierat, sed tamen ab eo paululum tantum aberat.

S E C T. X.

3. *Nitrum* hoc modo fixum perparum discrepasse à vulgari Sale *Tartari*, tum sapore lixiviali, tum aptitudine ad attrahendum acra, (cujus humectante appulsu lentescibat) tum aliis suis qualitatibus magis obviis : hoc solum intererat, quòd cum Sal *Tartari* candidus esse soleat (qui tamen ex Fluxione cæruleum quendam colorem traxisse observatus est) *Nitrum* hocce fixum colorem obtinuerit faturum, inter cæruleum & viridem interjectum, qui tamen ex affuso spiritu *Nitri* evanuit. Licet aliàs (ut hoc obiter dicam) aliqua genera *Nitri* calcinati ita pertinaciter colorem istum retineant,

neant, ut egomet penes me habeam liquorem ex cæruleo virentem, factum è Nitro fixo, & multoties (quot vicibus nescio) per deliquium resolutum, ac rursus coagulato, continuato tandiu opere successive, quoad ipsa abnueret materia, in siccum amplius saltem reduci nescia, & defineret in corpus unctuosum, quodque subjecto calore diffunderet non aliter ac cera. In quo capto quid mihi propositi, quod consilium fuerit, non est nunc narrandi locus.

Ne amici nostri nimis diu expectarent Nitri Redintegrationem, sed Experimentum confectum viderent in tam parvo temporis spatio, ac fieri possit; expeditiorum excogitavimus modum separatas salis nostri partes unjendi. Ille vero non erat alius, quam ut fixum istiusmodi Nitrum, quale Author noster memorat, sineremus per deliquium fundi, & hunc liquorem, filtratione per chartam emporeticam a facibus separatam, clarissimum & limpidissimum redderemus. Quotiescunque enim erat animis ostendere Experimentum, huic duntaxat liquori aliquid Spiritus Nitri guttatim affundebamus, & hoc ipsum post ejusmodi crepitem & effervescentiam, qualem Author noster recitat, quique subito evanescebat, protinus cum competente fixi salis, in solutione naturis, proportionem coibat, cumque ea in nitræ figure ac nature stiriolas subsidebat. Atque quamdiu hanc acidi spiritus affusionem, libebat continuare, emergere Nitrum continenter observabamus, donec vel omnis sal fixus, vel fere omnis sese cum altero unisset. Atque hæc stiriolas in moleculis siccatæ, tam linguâ & micante prunâ, quam oculo, tam vere Nitrum deprehendebantur, ut hocce concretum vix unius minuti spatio generatum amici nostri non sine admiratione & voluptate spectarent. Hæc stiriolas, sufficienti copiâ in aqua pura dissolutas, per congelationem ad altiores Crystallulos, experimenti causâ, reducebamus. Verum licet hic sit perfectissimus Nitri reproducendi modus, attamen cum longum sæpe tempus, cælo imprimis sicco, requiratur ad Nitrum fixum per deliquium fundendum, subinde modum sequentem substituvimus. Dissolvebamus tantum fixi Nitri in aqua limpida, quantum poteramus, & solutionem chartâ emporeticâ filtratam, spiritui Nitri, ut supra saturabamus; ejusque lentâ admodum evaporatione curatâ factaque refrigeratione, intra horas aliquot à prima liquorum mixtione plurimos Nitri Crystallulos in liquore productos repenebamus, residuâ ejusdem parte plures tales post ulteriorem exhalationem suppeditant. Et quamvis aliquot horas impenderemus Evaporationi & Crystallorum formationi, Nitrum tamen, quamprimum duo illi liquores coalescere desinere, productum statim videbatur. Mixtura quippe ante evaporationem gustu plane referebat communis Nitri solutionem, & guttula ille, quæ per effervescentiam è Vase exiliebant, inque ejusdem latera relabebantur, plurimæ in Nitrosi salis granula protinus concreverant.

S.E.C.T.

Et quandoquidem, charissime *Pyrophile*, suspicari quis posset, *Nitrum* illud, quod nos oriri statuimus ex iteratâ unione Volatilium Fixarumque partium, quibus antedicta massa constat, non aliud fuisse quàm sociatæ quædam *Nitri* particulæ, quæ in fixo *Nitro* reconditiùs delituerant, & sic Analysin pyrotechnicam eluserant, quasque aquæ limpidæ affusio occultis materiæ nexibus exolverat, quò convolare possent, & nativos verosque vultus assumere.

Ut hunc scrupulum amoveamus, atque adedò tibi metum omnem abstergamus, unde vereri possis ut ipsum Experimentum de redintegratione *Nitri* satis accuratè institutum fuerit, & res, prout dicimus, successerit; illud mantissæ loco addiderim, quod licet in operationibus Chymicis aliis, quas perfunctus sum, dum *Nitrum* elaborarem, deprehenderim fieri posse ut particulæ quædam *Nitri* invisæ lateant, & vel diligentissimæ intentionis aciem effugiant inter fixandum *Nitrum*: eæ tamen particulæ pauciores numero sunt, quàm ut concursu suo efficere valeant Crystalllos *Nitri*, quales acido spiritu in salem lixiviatum defuso emergunt. Quinetiam ut nobis plenè cumulatèque satisfaceremus, ultrò obsaturavimus, more prædicto, solutionem cinerum clavellatorum, quos apud propolas emeramus (qui haud ita stultè sapiunt, ut eos *Nitro* adulterent, cùm hoc sit illis longè carius) deinde solutionem illam à copiosis sæcibus filtratione separavimus, & invenimus, post evaporationem factam, in liquore residuo, trium aut quatuor dierum spatio, haud exiguam copiam salis Crystallini figurâ Nitrosâ præditi; qui licet primò gustu corrosivum quidpiam præ se ferret, (forte quia spiritus *Nitrosus* & cineres clavellati non fuerant inter se debitâ proportionem permixti) tamen ubi diutulè in linguâ hæsisset, saporem *Nitri* haud absimilem reddebat: quinetiam, cùm ejus portiuncula prunæ micanti fuisset injecta, cærulea & halitiosa repentè flamma documentum

mentum dabat originis ab illo sale non alienæ. Quibus illud accedat, quod idem experti scimus in Aquâ forti & Sale *Tartari*, atque inde progeniuimus *Nitrum*, perexiguum quidem, & nonnisi longo tempore. Postrema illa duo exempla hoc lubentiùs commemoro, quia multæ ex sequentibus Animadversionibus per ea comprobari poterunt, etiamsi magnum quod allegamus experimentum in solo *Nitro* factum in nonnullis fallere poneretur, quod tamen nè falleret, summâ fide, operâ atque industriâ sumus annisi.

SECT. XII.

Imprimis Experimentum hocce videtur nobis luxulentis indicis comprobare, quod Motus, Figura, & Dispositio partium, aliæque id genus primariæ ac Mechanicæ (ut philosophicè, potiùs quàm usitatè, dicam) Affectiones materiæ sufficere possint ad producendas corporum Affectiones magis secundarias, quæ Sensibiles Qualitates communiter appellantur.

SECT. XIII.

Atque ut à Qualitatibus Tactilibus initium ducamus, Calore scilicet, ac Frigore. Vulgo, qui suis quæque ponderant effectis, est illud persuasissimum, nullum corpus existere in rerum naturâ quod *Nitrum* frigiditate exæquet: hinc Medici, Chymici, juxtâ febricitantibus illud miscent, ut humores & sanguinem caloribus afluantem restinguant; Quin diligentissimus ille rerum naturalium investigator, Comes Verulamius, hujus usum ad densandos Spiritus singularem verbis, & exemplo suo commendavit. Verùm hæc utut sese habeant, illud profectò nemo inficiabitur, sensibus externis *Nitrum* apprimè frigidum videri: & tamen hujusce Corporis tam usquequaque frigidi partes (v. gr. Spiritus & Alkali, quorum posterius Chymistis nihil aliud significat, quàm quivis sal ustione productus) inter se commistæ, nullâ interpositâ morâ, sese invicem agitant ciéntque vehementer:

nota loquor, cum ego hoc Experimentum agerem, tantos fervores dabant, ut phialam (in quâ longè minus quàm uncia singulorum leniter fuerat & penè guttatim infusa) ambustis digitis aegrè continuerim; proinde ac si Calor nihil aliud foret, quàm minuscularum in corporibus partium multiplex & celer motus. Est enim hoc verum, & re ipsâ experti sumus, quamdiu confusa illa & temeraria commotio durabat, tamdiu etiam Calor durabat; eâque remittente, sensim remittebat; ac tandem eâ desitâ, cessabat.

SECT. XIV.

Porro cum bini liquores prædicti inter se permiscerentur, clarissimus quidam sonus exauditus est, qualis effici solet, cum quis ardentem titionem aquâ restinguit. Atque hunc Stridorem (quomodo etiam in altero illo casu evenire solet) consecuta est effervescencia quædam Liquoris cum frequentibus bullis, ita ut redundarent omnia, & angustiis phialæ ægerrimè continerentur. Stridori huic ortum præbuisse visa est celer & acris ambientis aëris incitatio, velociter & irregulariter moventibus liquorum particulis. Consimilis stridor, verum qui longè vastior fuerit, aures nostras complevit, ubi in *Nitrum* demissa pruna halituosas flammæ excivisset. Quod agilis aëris concitatio plurimum faciat ad eliciendum Stridorem, illud documento est, quod glans sclopetarius, scutica aut virga, si tardiùs per aërem impellantur silent; at hæ fortiùs vibratæ, ille verò sclopeto explosus, per celerem aëris, in motum undulantem concitati, percussionem, sonum insignem edunt, qui vel eorum aures ferit, qui laxè satis ab eo corpore distant, cujus celer trajectory agillimas illas aëris vibrationes ciet; ut alibi fortè latius explicabimus. Quodque in sono, qui in hoc nostro observatur Experimento, Aer contiguus crebris ictibus (æstuantibus liquoris particulis) verberatur, fortè quis probaverit ex subitâ & vehementi tumultuatione partium liquorum: quod hinc

hinc itidem confirmatur ; intendebatur scilicet & remittebat sonus pariter ac augesceret aut minueretur liquorum ebullitio ; atque prorsus destitit , ut primum salinæ particulæ in liquido fluitantes mutuo conflictu & concursatione sese in quietem dederant. Estque illud notabile, quod Stridor omnis cessaverit longè citius quàm Calor ; ita enim est , *Pyrophile* , qui Motus partium intestino tumultu sævientium in permultis corporibus fervorem progignere valet ; is Stridori ciendo impar deprehenditur : quomodò fit in Succino, & Cerâ duriore, quæ affricu calescit. Quin alii permulti liquores haud mediocrem Caloris gradum retinent in se, postquam interciderit Sonus quem ebullitione citatâ prius effecerant.

SECT. XV.

Est illud quoque à nobis dictum, quòd *Nitrum* nostrum Fixum Colorem habuerit ex cæruleo viridantem, qui Color ex affuso Spiritu acido sine morâ disparuit ; commutatâ scilicet partium modificatione certâ, quæ repercussi lumine colorem antedictum ob oculos ponebat. Quin similem mutationem aliquando observavimus in *Nitro* fixo, cùm illud Aeri humectanti aliquantisper exposuissemus. Quibus illud accedat, quòd in quibusdam Experimentis huic nostro affnibus animadverterim, copiosos halitus seu fumos à mixturâ subjectâ prosilientes vacuum phialæ partem rubro colore quasi imbuiere : qui casus magis mirificus videri non debet, quàm est illud quod in Fuligine comperimus. Fuligo per se atra est, & ex nigrorum halituum congregatione gignitur, eadem tamen subjecto igne vehementiore Recipientia (quæ vocant) vascula diversicoloribus inficit fumis, ut lacte plena credas. Quinimmodò magnâ cum voluptate multoties sumus contemplati varios colores in Urinali, cùm gradatim suppositis ignibus, Salis Armoniaci candicantis, & Antimonii nigri partes æquales sublimarentur. Sed nè longius digrediamur à proposito experimento, sine illud apud

te edifferam ; cùm haud ita pridem conaremus *Nitrum* componere Sale *Tartari* in aquâ modicâ soluto, per insignioris Aquæ fortis additionem, bini illi liquores in unum confusi pepererunt Saturnum virorem, qui non tantum integram mixturam pervasit, verum in certis ejus particulis speciatim residere visus est : nam cùm, tendendi causâ, illum filtrassemus per chartam emporeticam, remansit in filtro pulvisculus quidam colore saturo & pergrato, sed cujus ita exigua quantitas suppeditaret, ut nullus esset locus ulterioribus Experimentis unde Naturam ejus penitus indagaremus. Illud quoque prætermitti not debet, longè purissimum fuisse Salem *Tartari*, quo usi sumus, utpote quem ipsi peculiari quadam viâ (quam tibi aliàs commonstrabimus) absque alterius cujusvis accessione redegeramus in Crysallos pulchrè figuratos pænè consimiles tessellis Sacchari candi : quin etiam hoc addiderim, eandem Aquam fortem cum alio (sed tamen quàm purissimum nancisci potuimus) *Tartari* Sale permistam Colorem dedisse præcedentis perquam similem, sed qui multò languidiùs virefceret.

Neque ista leviter contemnenda sunt, tum quod *Nitrum* ipsum, licet rubedinis expers esse videatur, inter distillandum fumos, sanguinis instar rubentes (quos Chymici nonnulli fatuè nominant *Salamandra cruorem*) emittit, qui rursus in liquorem ruboris prorsus exortem relabuntur : tum verò, quòd *Nitrum* fixum, quod priùs opacum erat, nonnihil diaphanum fit tanquam a primo saturo, atque Crysalinum, ubi ex affuso atque epoto suo Spiritu novam partium suarum dispositionem acquisierit.

SECT. XVI.

Præterea, commistis inter se binis illis liquoribus, tæterrimus odor nascitur, qui halitu funesto nares afflat : graveolentia illa à Spiritu *Nitri* oritur ; quæ causa fortè perpulit Chymicos quosdam ut Aquam fortem (in quâ Spiritus atque Odor *Nitrosus* dominatur) *Aquam Stygiam* nuncuparent. Ve-

Verùm tametsi Spiritus *Nitri* vastum & tætrum per se odorem jaciatur, ingravescit tamen ille & majorem offensionem concitat, ubi suo Sali fixo est reaffusus: Siquidem ex conflictu agitur materia potentiùs, atque ita pestilenti vapore copiosius atque uberius halat, fumosque emittit, quos manifestò discernere licet tum Oculorum obtutu, tum olfactu Narium. *Nitrum* fixum languidum oppidò præfert Odorem; & qui se affusâ aquâ fervente prodit, is nihil habet similitudinis cum fatore illo altero: congruit enim cum Salibus Alcalifatis. Atqui ipsum *Nitrum* quod ex horum duorum coalitione progignitur, nullo, quod sciam, odore imbutum deprehenditur.

SECT. XVII.

Nec hisce tantùm Qualitatibus discriminantur bina illa Corpora; etiam Sapore non minùs differunt: nam Spiritus ipse supra modum acidus est, & dici posset Acetum Minerale potentissimum: cùm tamen ipsum *Nitrum* fixum non leviozem Salis Tartari gustum præ se ferat, quàm alter ille Aceti distillati: & tamen hæc duo corpora, quorum Sapo- res tam pungentes sunt, tam usque quaque discrepantes, ambo è *Nitro* oriuntur, & in illud rursum coalitu suo integrantur. At *Nitrum* si gustaveris, nihil in eo caliditatis, nihil corrosionis, sed frigus cum pertenui Sapore (qui ad Amaritiem accedit) conjunctum deprehendes. Illud tamen haud te celaverim, quod, inter experiendum, *Nitrum* redintegratum acriore gustu linguam primulùm pupugerit, quàm solet *Nitrum* ordinarium. Verùm illa Saporis alacritas, punctus ille haud absurdè credi posset exortus ab acidis quibusdam particulis Spiritûs, quæ laxiùs adhæserant, nec se insolidum unierant cum vero *Nitro* cujus gustum postmodum percepimus. Utcunque Discrepantia illa quæ inter novum hunc Salem & alteros illos Sales acidos atque Alcalifatos, è quibus constabat, intercessit, idoneam sanè præbuerunt ansam huic nostræ disquisitioni.

SECT.

SECT. XVIII.

In hoc nostro Experimento alia complura cernere erat notatu digna; nos, O *Pyrophile*, pauca delibabimus: nec enim patitur negotiorum meorum cursus ut vel singula percenseam, vel percensendis diutius immorer.

SECT. XIX.

Secundò, intuenti mihi in propositum Experimentum, dubium fit, utrum ad pariendam inflammabilitatem in corporibus mixtis semper necessarium sit distinctum aliquod Sulphur; an verò in quibusdam concretis non sufficiat talis partium dispositio, unde particulæ corporis istius ita ordinentur, ut incendium facere possint, ubi accesserint atomi igneæ alterius corporis eâ frequentia & celeritate, quæ schema illud sive Speciem varianti materiæ ingenerare valeat, quam Flammam appellare consuevimus. Ex his initiis quàm vehemens Calor progigni queat, aliud Experimentum indicium faciet, in quo quandoquidem *Nitrum* nostrum præcipuè obtinet, alienum non erit illud repetiisse. Si in Phialam Spiritu *Nitri* firmissimo plenam frustulum ferri demiserimus, continuò liquor ille cujus particulæ placidè atque uniformiter antea movebantur, nec Calorem ullum tangentibus ingerebant, is poros in ferro nactus & partes idoneas in quibus vires suas exerat, in ferrum se insinuat, corpus ejus omne pervadit, partes disjungit, dissipat, (non secus ac disjiciuntur ferramenta testarum quibus includitur pulvis pyrius, ubi quis flammivomos crateras incenderit) eâ cum celeritate, ut prementibus alterno cursu recursûque suo sese particulis ferri, & partibus quoque Spiritûs Nitrosi circum & interpellato jam tenore anomalum motum nactus, tantus emergat calor, quantus (si ferri & liquoris justa portio suppeditaverit) sufficere queat amburendæ manui ejus qui phialam sustinuerit, immò Phialam (nisi patientiore orificio defecerit) minutatim rumpere. Cum tamen in-

jecta

jecta in eundem liquorem Caphuræ frustula (cujus particulae ad hujusmodi turbas exciendas ineptæ sunt) aliud nihil mutationis dederint, præterquàm quòd agitatae gummi illius albicantis particulae quasi oleum inde subflavum & fluidum nobis exhibuerint.

SECT. XX.

Sed ne vagemur ulteriùs, docet hoc ipsum Experimentum nostrum, quod *Nitrum* (quo nihil proclivius ad concipiendas flammæ, nihil quod vehementiore conflagret incendio) effici possit per coalitionem duorum corporum, quorum neutrum inflammabile est: est enim alterum Sal *Fixum*, qui jam pertulit, quicquid damni igne effici posset: alterum Spiritus acidis particulis abundans, cujusmodi Sales longè promiores sunt ad restringendas, quàm ad alendas flammæ.

SECT. XXI.

Quoniam verò alibi deo favente de inflammabilitate corporum speciatim & plenius dicetur, tria solum verba de combustibilitate *Nitri* his adjungemus, idque ne memorabilis hujusce circumstantiæ observatio interciderat. v. gr. Si *Nitrum* injeceris prunæ micanti, vel prunam micantem demiseris in liquatum *Nitrum*, *Nitrum* repenti conflagrabit, & erumpet in flammæ sub-cæruleas & halituosas: idem *Nitrum* si in Crucibulo collocaveris, tametsi Crucibulum illud submissio igne sensim calefeceris quoad incanduerit, & interiori sua superficie particulas *Nitri* infinitis circumcircuit locis contingat, hoc solum efficies, ut liquecat, non ut ardeat prodigiale concretum. Cujus phænomeni causam non hîc, sed alibi fortè, sum redditurus.

SECT. XII.

Sed & illud quoque (*Pyrophile*) vestigatu dignum fortassis est, unde fiat, quod cùm *Nitrum* sit corpus ex Salinis partibus (quibus naturam valde siccam obtigisse vulgus antumat)

tumat) conflatum, atque etiam extrario calore ferè ficcetur antequam in Distillationem veniat; ipse tamen Spiritus *Nitri* in Recipientem subiecto igne compulsus, non adhæreat Recipienti in formâ Sublimati, (quod usuvenit in Sale Armoniaco, & aliis quibusdam Corporibus siquando in consimilibus vasis cum simili calore distillantur) sed in liquorem abeat qui neque ex toto, neque parte sui aliquâ (quantum ego viderim aut audierim) frigore rursus coagulatur; quod in Spiritu Urinæ aliisque liquoribus volatilibus accidere sæpenumerò vidimus, uti nè omittam corrosivum illum liquorem qui dicitur Butyrum Antimonij, quem interdum, rarentius tamen ad eum modum coagulari spectavimus. Consimilis disquisitio institui posset circa liquiditatem Spirituum è Salibus decrepitis, vitriolo calcinato, aliisque quamplurimis corporibus distillatorum, qualia humore omni destituta videbantur antequam distillarentur.

SECT. XXIII.

Verùm enim verò quandoquidem hocce Phænomenon à proposito Experimento non est ortum, nolumus id nunc copiosius persequi, licèt illud dehinc facturos nos existimemus. Istud interim habeo dicere apud te, *Pyrophile*, quod licèt Spiritus *Nitri* (qui melioris est notæ) in parulo vase relictus fumare soleat, sèque ipse sensibili exhalatione consumere (præsertim si pusillus accesserit calor) ita ut nares feriat, atque etiam in oculos incurrat: tamen hicce Spiritus evanidus & fugitivus, ubi primè se cum sale suo fixo univert, nihil consimile exhalat, non si prope ignem majusculum aliquamdiu collocaveris. Ex quâ instantia illud fortean confirmari potest, quòd particulæ corporum quæ summè fugitivæ sunt, (invitæ & nequicquam recusante nativâ suâ mobilitate) eæ confertæ contextæque cum aliis partibus solidioribus & minùs agilibus detineri possunt intra concreta, quæ illarum motum sedent, alacritatem frangant, ita denique eas complexu suo illigent, ut avolare nullo modo queant.

SECT.

SECT. XXIV.

Aliud præterea in hoc nostro Experimento animadversione dignum cernitur; infuso scilicet Spiritu acido in liquorem Alcalisatum, si phialam patulo ore dehiscentem (quali utimur in faciendo Experimento) luci opposueris, clarè conspicaberis, ut Salinæ horum liquorum particulæ (fortè celeri suo & reciproco motu) sese invicem disjiciant in aera ad altitudinem transversorum aliquot digitorum, unde pleræque recidunt in subjectum vasculum, & res est proximè speciem imbris depluentis. Næ is operæ pretium faciet quisquis vëstigaverit, unde proficiscatur hæc quasi scintillatio partium in permixtis hisce liquoribus; & annon salinæ particulæ rapido motu in diversa ferantur, atque ita in se mutuò incurrentes, major minorem repellit & extrudit sursum, quomodò fit in lusu sphaularum cburnearum in Abaco solenni, ubi A Billyard-
Table. globus in globum incurrens & repulsæ nescius sursum emicat. Atquè ut hanc tibi disquisitionem nonnihil adjutem, sic habeto; quæ particulæ in altum jactantur, eas Salinas esse hæc observatione deprehendes: statim post antedictas pluvias, reperies latera phialæ, (in quâ instituitur Experimentum) tanquam vestem aliquam acupictam frequentibus granulis salinis variegari, quæ decurrerant, nec excussa semel in liquorem recta deciderant.

SECT. XXV.

Illud porro addiderim, videri mihi, quòd sit velox aliqua concitatio particularum Spiritus Nitri, vel exinde, quòd affusâ Aqua Forti (cujus actiuosa pars nihil aliud ferme est, quàm Spiritus Nitri) in solutionem Salis Tartari in aquâ pura dissoluti, in quâ solutione adhuc natabant plures moleculæ nondum eliquatæ, observaverim Spiritum Acidum particulas illas salinas tanto cum impetu dirimere & dissipare, ut quædam ex illis non aliter ebullierint, ac solet fons

D

aquæ

aquæ jugis : atque interdum , cùm non satis expeditè transitum facerent incurfanti Spiritui acido partes Alcalifatae , unà cum iis integræ moleculæ abreptæ in summam aut propè à summâ aquâolvebantur ; atque inde repentino lapfu decidebant , & mox recentium particularum incurfatione (tanquam submiſſo præſidio) rursus exciebantur in superficiem aquæ . Huic ſimilem effectum aliquando (ſed qui ad longius ſpatium duraverit) pepererunt injectæ Perlæ in mediocrem Spiritum (non oleum) vitrioli . Atque ut credibilius videatur quòd ſit talis agitatio partium horum liquorum in diverſa , obſervavimus quòd poſtquam bini iſti contrarii ſales mutuo conflictu ſeſe fregiſſent ac defatigäſſent , nulla ampliùs contingebat ebullitio ex affuſo Spiritu *Nitri* , niſi quis itidem adjiceret denuò liquorem Alcalifatum .

SECT. XXVI.

Priusquam hanc Diſquiſitionem omittimus , haud abs re fuerit obſervare , quid interſit inter partes actuoſas corporis , cùm diſſociatæ invicem illigantur aliis , quæ diſſimilem obtinent naturam ; & eademmet particulas , cùm (alienis nexibus exolutæ) liberè circumvolant , & ſuoſte niſu (quem partium heterogenearum interjectus præpedierat) agitantur ultrò citròque . Nam licet in corpore *Nitri* adhuc integro & illibato partes componentes ita ſeſe mutuis complexibus implicent , mutuâſque vires debilitent , ut ipſum miſtum tanquam viribus effætum langueat ; tamen cùm partes illius dirimuntur , & halituoſæ ac Alcalifatae particulae à cæteris diſjunguntur , unde poſſint , nullo obſiſtente , cum aliis homogeneis partibus coire , videmus quantas vires habeat tum Spiritus acidus , tum Sal fixus .

SECT. XXVII.

Denique illud obſervare licet , quòd motûs indefinita quædam agilitas , & activitas particularum in liquoribus ſalinis

nis sola non sufficit iis ad exequenda sua munia : nam quibusdam ex his opus videtur fortè præter modificationem certam motus, etiam partium determinata figura correspondens poris corporis ab iis dissolvendi. Ita Spiritus *Nitri* argentum corrodit, aurum non item; cuius tamen partes cum Sale Armoniaco confociatæ, atque ita novam figuram adeptæ (& fortassis motum à primo diversum nactæ) facile dissolvuntur : Et liquor *Nitri* fixi eâ ipsâ de causâ Sulphurea atque unctiosa corpora (quæ Spiritus acidus non arroserit) labefactat. Quin frequenti observatione deprehensum est, quòd liquores certi quædam corpora non dissolvunt, nisi prius suarum particularum motus & activitas permissione aquæ puræ, aut aliorum vehiculorum torpescientium conjunctione debilitetur.

SECT. XXVIII.

Tantùmne igitur est, inquires, quod hoc tuum Experimentum docet? Est hoc profectò aliquid, *Pyrophile*, sed non in eo sunt omnia. Quin illud porrò discere licet, quàm sit imperitum vulgus Chymicorum, qui fidenter (& satis indiscriminatè) tribuunt singulis hisce heterogeneis ingredientibus, seu (ut ipsorum vocabulo utar) principiis corporis per ignem Analysati virtutes ac proprietates (haud scio an in Gradu intenso) quæ ad corpus integrum conveniebant. Verùm etsi fortè error iste plurima offerat incommoda in quibusdam Præparationibus Chymicis, tamen cùm super eo alibi diligenter sermocinati fuerimus, satis id nobis erit nunc si iis tantùm instantiis quæstionem illam profligemus, quas suggerit præsens Experimentum : nam in eo animadvertimus quòd, distillato *Nitro*, tum Volatilis liquor, tum Fixus Sal (in quos igne supposito resolvitur) proprietates obtinent longè dissimilaneas inter se, & dissimiles iis quæ intactam adhuc massam imbuerant. Spiritus enim *Nitri* (sicut in superioribus retulimus) est genus Aceti Mineralis, & quatenus talis est, easdem cum Spiritibus acidis vires habet; contrà,

Nitrum fixum propè accedit ad naturam Alcalifatam, & generatim indolem exprimit Salium lixiviatorum. Atqui *Nitrum* ipsum peculiare quoddam genus salis est, & suis sibi proprietatibus internoscitur tum à salibus aciditate singulari præditis, cujusmodi sunt Alumen, *Viriolum*, Sal gemma, &c. tum ab iis quæ reverà Alcalifantur, putà, Sale *Tartari*, & cineribus clavellatis. Quinimodò, (quod antegressis consonum est) fac lè advertere possumus summam discrepantiam inter effectus & operationes horum trium corporum. Ita Metallina concreta pleraque quæ Aqua fortis per corrosionem dissolvit, ea per Solutionem *Nitri* fixi præcipitantur: & pleraque corpora sulphurea ac unctosa quæ solutione *Nitri* fixi dissolvuntur, illa ipsa affuso Spiritu acido *Nitri* præcipitantur: dicis causâ, siquis infuso ligno Brasiliensi aquam puram coccineo imbuerit colore, eandem affuso modico Spiritu *Nitri*, & concussa phiala, rursus adventitio rubore ita privare poterit, ut lentè flavescat: Eadem aqua, ubi solutionem exiguam *Nitri* fixi admiscueris, iterum panicabit, & colorem pristino magis saturum, ac sanguinis haud absimilem, ducet. Cùm tamen nullâ hætenus observatione deprehenderim, quod *Nitrum* ipsum solum affusumque prædictis liquoribus (sive rubro, sive malignè flavescenti) sensibilem ullam alterationem ingeneraverit. Postremò cùm *Nitrum* ipsum sit partim fixum, partim volatile, quæ in ipsius compositionem veniunt, & acida sunt, eadem sunt prorsus volatilia: quæ Alcalifata sunt, ea quoque sunt & Fixa. Verùm cùm super his aliis sit nobis assignatus dicendi locus, longiùs nunc oratione provehamur.

SECT. XXIX.

Siquidem est illud in Experimento hocce notabile, quod occasionem præbeat quærendi, annon Aeris aliquæ partes in *Nitro* artificiosè progignendo? aut saltem annon eatenus concurrit ad conformandum *Nitrum*, ut figuram sali isti exactiùs congruentem tribuat? Namque illud in antegressis ob-

observavimus, tanquam exploratissimum, quod Sal qui paulatim concreverat, sive sponte emicuerat, exposito interim Aeri liquore, luculentioribus & magis exasciatis stiriis CrySTALLINIS pendebat, quàm is quem ex residua portione liquoris ejusdem paravimus: acceleratâ in fornace digerente evaporatione. Illud porrò animadvertimus, quòd cum tempore quodam Aquam fortem valentissimæ solutioni salis *Tartari* offudissemus quoad nulla inter eos percipi posset effervescencia: tamen si mixtura illa Calore agili citata Salem exhibuerit, qui summè *Nitrosus* videretur; non tamen potuimus cum adigere in formam consimilem ac obtinere solent CrySTALLI *Nitrales*, priusquam illum aperto Aeri aliquamdiu exposuissimus. At verò utrum Aer imprægnatus promiscuis halitibus corporum plurimorum, quæ in telluris molem congregarunt; & fortean seminalibus quorundam affluviis imbutus, quicquam conferat sive ad progignendum, sive ad conformandum *Nitrum*, in præsentia ego non definierim, idque duas in primis ob causas.

SECT. XXX.

Earum altera est, quòd Configuratio partium verissimiliter referri possit aliò quàm in Aeris ambientis incursum; cò nempe, quòd quietum ab extrariis molestiis locum & idoneum explicandis suis motibus vehiculum noctæ partes salinæ sese conforment ad eam figuram quæ sibi apprimè naturalis est & congrua. Nam est illud à nobis jam pridem observatum, quòd *Nitrum* fixum, quod in aqua dissolutum non fuerat, ante affusum Spiritum acidum, CrySTALLOS Nitriiformes non cruperit, sed faciem *Nitrosi* cuiusdam pulveris exprimebat, cum acidæ & Alcalisatæ Salinæ particulae conveniente vehiculo destituerentur, nec locum reperirent latè discurrendi, unde in angustias redactæ, præproperè coalescebant, & suoque pondere prægravatæ subsidebant eâ formâ, quam temerarius & fortuitus dabat concursus, non autem (lubet hariolari) in quam aliàs incubuissent

cubuissent si vehiculum commodum, & spatium temporis liberius accessisset.

SECT. XXXI.

Altera causa, cur mihi non sat exploratus videatur Aeris usus in præsentè Experimento, hæc est, quia (ut fit in spissioribus negotiis, dum consideratio alia aliam trudit, neque consistit mens) oblitus fuerim periculum facere, utrum portio aliqua liquoris, qui in phialâ patente acri expositus Cryсталlos dederat, idem non præstitisset si tamdiu ac alter quievisset in vase diligenter operto. Verùm utut ista habeant, siue Aer hoc Experimentum adjuvet, siue nihil quicquam conducat, illud tibi quâvis asseveratione confirmare possum, adeò sæcundum esse illum halitibus terrestribus (& fortassis etiam Cælestibus) ut haud mediocri beneficio demeriturus sit nationem doctorum, quisquis cæteras Aeris utilitates (ut taceam quid præstet ille in Respiratione, Navigatione, & machinis Pneumaticis, &c.) curiosè ac diligenter investigaverit. Neque hoc mihi sumo, ut te verbis amplissimis ad hoc cæptum exhorter, hoc unum in præsentè habe, quod licet ego multiplici harum rerum Experimentiâ destituor, meis tamen oculis aliquoties viderim tales immutationes (quæ Chymicæ videri possent) in nonnullis corporibus Salinis ope potissimum Aeris aperti efficaciter volatilifantis productas, quales in animum vix induxerint, nisi qui attentius expendunt, quæ *Helmontius* aliique inter paucos eximii Artifices scripserunt, aut Experimentiâ duce compererint.

SECT. XXXII.

Atat ! si usu crebrius & diligentius iterato constiterit, Corpus universum *Nitri*, postquam in varias & discrepantes partes per Distillationem abierit, ita adæquatè restitui posse in integrum, ut nihil de pristino pondere imminuatur, dabit profectò Experimentum hocce perillustre & (præ-

(præut a lia sunt quæ vidimus) singulare documentum, unde conjectemus, quam nos formam Concreti dicimus, & à quâ essentiam ac denominationem acquirit, & unde (fides appellet vulgarem philosophiam) inexplicabilibus modis profluunt Qualitates omnes ipsius: fieri, inquam, potest ut hæc ipsa forma in quibusdam corporibus nihil aliud sit, quàm modificatio certa materiæ e quâ confiunt; cujus partes prout hoc vel illo modo ac ratione disponuntur inter sese, ita hoc vel illud corpus constituunt his vel illis Qualitatibus præditum: quæ si commutatâ partium dispositione diversa planè nobis exhiberent Concreta ab iis quorum hætenus pars magna fuerunt, & in quæ postliminiò reverti possunt tactâ conversione.

SECT. XXXIII.

Si Corpus accuratè & summâ cum fide solutum, jam consummatâ Analyfi, poterit in integrum (variantibus se particulis) restitui; habebit utique illa speculatio quod Philosophiæ Atomiciæ sectatores oblectet, & complura in naturâ recondita illuminet. Mea hæc est ratio, atque ita animum induxi meum. Nunquam poterimus ita Naturæ subtilia artificia peruestigare, ut non (quod alibi deditâ operâ fusè differuimus) multa supersint naturæ Phenomena, quorum ratio nulla reddi quita erit ex principiis Atomiciæ Philosophiæ: non tamen idcirco contenderim abjiciendum esse illud philosophandi genus, quin potius in ea studia omni cogitatione incumbendum, ut si minùs in cunctis, certè quatenus humana mens aspirare possit, ita sentiant, ita sensus suos dicendo explicent homines, quo modo Natura opera sua reapse exequi cernitur; nec acquiescant castis notionibus & explicationibus rerum, quæ omnia magis involvunt, quibûsque nullam esse subjectam Scientiam facile deprehendet, paulo qui est æquius rerum existimator. Sed ut redeamus in viam: integrationem corporum labefactorum propediem moliemur propositis in exemplum Vitriolo,
Tere-

Terebinthinâ, aliisque perpaucis concretis, in quibus res exitum habitura videtur. Quin fortasse veris convincam in hoc nostro Experimento *Nitrâli* (quo modo est illud à nobis tentatum atque descriptum) licet not sit exacta atque adæquata redintegratio, ab eâ tamen proximè abesse; usque adeò quæ partes dissipatæ fuerant atque disjunctæ, cæ ipsæ verè iterato nexu conjunguntur & reuniuntur in corpus naturâ quidem persimile, mole dispar priori.

S E C T. XXXIV.

Illud tamen in antecessum tibi narro, *Pyrophile*, *Nitrum* non esse corpus Organicum, imò neque multimodis compositum; ita ut siquid in corpore simplici & levidentis texturæ confici possit, non idèò consequens sit, idem posse præstari in corporibus multifariam compositis, quorum partes Organicæ artificiosam & exasciatam magis dispositionem inter se partium constituentium poscunt. Intuere in vinum, cujus corpus non est Organice conformatum, neque multiformium partium accessione præ aliis concretis inanimantibus compositum; hujus Spiritum quantumvis lenissimo igne si prolexeris, nunquam efficies ut primigeniorum liquorum permissione pristinum vigorem & generosam indolem consequatur latex *ωαλινάγγελ* : quandoquidem Natura ita opificium suum elaboravit, ut eam nec imitando, nec instaurando assequi valeat nuda & artis expers appositio partium disjunctarum. Præterea dum per ignem vel lentissimum dissociantur partes concreti, ratio postulat ut credamus imperceptis halitibus vanescere atque dispergi partes aliquas actuosas & fugitivas, quæ concreto certam & determinatam formam tribuunt, & quarum præsentiam frustra deinceps requirimus. Quemadmodum se res habet in vino, quoties in Acetum degenerat, exhaustis enim & avolantibus quibusdam Sulphureis Spiritibus (quorum abscessus nec oculis percipi, nec sensibili imminutione liquoris deprehendi possit) partes residuæ commutatis ordinibus,

&

& novis Societatibus initis Acidum præbent liquorem, aliis qualitatibus præditum ac fuerat vinum, quo tamen accescente is productus est: nam in vino Spiritus Sulphurei aciditatem particularum Salinarum debilitant ac mitigant, & interjectu interpositæque suo ita dissepunt, ut saporem agilem & blandè pungentem creent: at ubi exhalaverint Spiritus illi qui dulcedinem vino conciliant, invalescunt Salinae particulae, & in potestatem suam redigunt Sulphureas reliquias, atque in multiplices coalitiunculas sociatae, & ex unione tali fixitatem quandam sibi acquirunt & vim corrosivam: Sicut rem fusiùs exponimus in Adversariis, ubi Experimenta ad Fermentationem attinentia perensemus.

S E C T. XXXV.

Quin est illud certissimum atque indubium, quod superius diximus, tam intimi artificii res est Organicarum partium in viventibus dispositio, ut eam nullà viã assequi aut æmulari possit humana industria. Quocirca mihi minùs mirum fit, si Physiologorum optimo figmentum anile videtur Phœnix è cineribus suis resurgens: uti etiam illud prodigio par est, quod exploratè narrat

solertissimus *Kircherus*, 'Conchylia contrita in Promontorio *Peloro Sicilia*, ad lacus ripam in arenâ seminata, superaffusâ

Lib. 3. de Arte Magnet. par. 3. cap. 3.

'aquâ salâ reproduci (absit dicto minùs Latino invidia) 'atque renasci. Minorem longè verisimilitudinem præ se fert illud commentum, quasi commutationes istæ & Metamorphôses conforent instauratis rursùm partibus corporum istorum Redintegrationes; ac non potiùs satus novi essent à seminalibus quibusdam particulis orti, quæ perreconditæ latebant in sinuosis recessibus corporis dissoluti, quas almus & genialis calor vitali fotu excitavit, & facultatem tribuit actuandi materiam jam sequacem, imò obsequiosam, quam priùs animaverat, organisque instruxerat, idem denique particulas materiæ ita conformavit, ut

E

nihil

nihil inordinatum, nihil alienum, nihil superesset quod impedimento esse posset, quo minus comparatos a naturâ motus & munia appositè perfungatur creatura: Nec enim illud exemplo destituitur, siquæ seminales particulae post impletam peractæ mortis fidem supersint. Atque adeo in narratione Kircherianâ est illud apprimè notabile, quod animalia illa restituta conchæ fuerint, in quarum limosâ & viscidâ substantiâ Spiritus & prolifica partes tum fortè magis diffusæ sunt, & minùs dissipabiles; & materiam seminalibus particulis obsessam atque occupatam disponunt ad resumendam veterem formam. Illud porro memineris, Conchylum machinam planam esse, & pænè dixerim facilem, imitabilem, si cum Animalium perfectiorum fabricâ & compage conferantur.

SECT. XXXVI.

Ne te longiùs morer in præsentia, *Pyrophile*, extremum hoc è nostro Experimento disce: Temerè fortassis & per summam imprudentiam à Medicis damari Medicamenta quædam Chymica, propterea quòd in iis præparandis Oleum aut Spiritus vitrioli, Aqua regis, aliique liquores corrosivi intervenerint: Quandoquidem illud fidenter asseverant multi medici, & Chymicorum nonnulli trepidè inficiantur, quòd Menstrua Corrosiva, (quorum usus venit in præparandis Spagiricè remediis) nunquam ita exquisitè elui possint atque depurgari, quin adhuc Salium aliquid iis resideat, quod (funesto cum eventu) in corporibus hominum potionatorum vim suam Corrosivam postmodum exerit. Neque illud negare possum, permultos Chymistas imperitos & temerarios absque necessitate aut fructu ullo, sed non citra discrimen ægrorum, corrosiva adhibere, nec deinceps perpurgare salibus corrodentibus jam præparata remedia. Neque enim huic rei suffecerit (ut est certorum corporum pertinacia) in aquâ quantumvis calidâ crebrò abluisse: unde magni illi in Chymia viri, *Helmontius* and *Paracelsus* quædam

dam dulcificari jubent aqua ex candidis Ovorum distillata: (quæ licet insipida gustu sit, sales tamen Corrosivos potenter enervat atque debilitat) Alii autem eodem facere putant Spiritum vini multoties distillatum, qui (ut partes illius Balsamicas taceam, quas remediis affricat atque imperit) inter distillandum apprimè secum aufert salinas particulas, quas Spiritus Aceti Chymicis quibusdam medicamentis communicaverat, uti nos Experientiâ magistrâprehendimus. Verùm his non obstantibus, *Pyrophile*, fieri potest ut varia sint corpora (& haud scio annon plura quàm in notitiam nostram pervenerunt) quæ immutent prorsus naturam acidorum salium, quorum ope præparantur in usus medicos, & perficiant sociare ac complexu suo ut desiscant isti inter corroendum in diversam planè indolem ac prius nacti fuerant, aut saltem quæ ita se cum Menstruo solvente conjungant, ut ex utriusque arcto coalitu tertium quoddam corpus progeneretur qualitatibus novis imbutum. Ita res habet in Experimento nostro, Spiritus *Nitri* qui actior est & magis Corrosivus quàm vel potentissimum Acetum distillatum; & *Nitrum* fixum quod Cauticum est non secus ac Sal *Tartari*, quodque *potentialibus* cauterius accendi posset, (ut mea fert opinio) hæc inter se commissa & invicem confligentia tandem desinunt in *Nitrum*, quod tam à Corrosione abest, quàm quod maximè, & potest citra noxam intus assumi, dosi longè majori quàm ingredientium alterutrum.

SECT. XXXVII.

Potro quantum corrosivi sales se immutare possint, adscitâ dulcedine, ubi corpora quedam attingunt, inde, facto periculo, discas licet, si Acetum distillatum, aut moderatum Spiritum vitrioli idoneæ portioni Coralliorum, oculorum Cancri, Perlis, aut (uti ego autumno) cuius corpori testaceo affuderis. Ut de me ipso aliquid dicam, parcè & veretundè soleo ego corrosivos liquores in parandis medicaminibus ad-

hibere : Veruntamen cum præparationem quandam Argenti purgatissimi cum ipsâ Aquâ fortî confectam non ita pridem exhiberem , non solum noxa nulla , sed eventus felicissimus inde consecutus est : ita ut binî Medici experientissimi , qui serosis humoribus redundabant , medicamentum illud à me precibus enexis flagitaverint.

SECT. XXXVIII.

Operæ pretium igitur foret in præparatione quâlibet , ubi Corrosivi liquores aut opus sunt , aut iis usus esse consuevit , perceptam penitus & pertractatam habere naturam corporum solvendorum , aut etiam Experientiâ duce vestigare utrum Menstruum acidum communicet concreto particulas ullas , in quibus jam consummato opere vis aliqua funesta & Corrosiva residere queat ; an verò sales illi ita sese incendunt atque consumunt inter corrodendum ut effæti & cassi deinceps reddantur ; aut denique Menstruum ipsum in corpore corrodendo tales particulas salinas non offendat , cum quibus in itâ societate novam & innoxiam substantiam redhibeat. Sic Spiritus Aceti dum calcinatum plumbum comminuit & corrodit , unâ cum ipso plumbo in Salem vertitur , Saccharino non acido sapore præditum , qui Chymicorum palato tantopere adblandiri visus est , ut inde Saccharum *Saturni* nuncupaverint. Si ita res habeat , quo modo est à nobis primò proposita , medicamentum periculo non vacat , nisi peractâ solutione seu corrosione reliquæ salium corrosivorum eluantur & superstes massa dulcoretur. Sin ita se habeant cuncta , quo modo binos posteriores casus explicavimus , tutus & innoxius est medicaminum usus , utut in iis parandis intervenerint Menstrua per se damnosa : nec enim interest quàm acria sint & corrosiva singulatim ingredientia ex quibus remedium aliquod confit , modò ut nihil pestilens aut lethale iis conjunctis adhæreat. Objiciunt quidem nonnulli Corrosivos sales in hoc genus medicaminibus non corrumpi reapse , sed occultari & integumentis involvi , fucum fieri , non mutationem

nem veram institui, quandoquidem per distillationem elici ex composito queunt liquores antegressi, sic ut nihil iis pristinae corrosionis perierit. At his proclive responsum est, argumentum illud quantumvis ad speciem magnificum & firmum, nihil proficere. Quid enim refert, quas vires ignis habeat, aut quos sales admotis flammis eliquare possimus, modò uti ne idem possit humanus stomachus & animalis calor? Quamobrem inter Medicos cautissimi Methodistæ (ut chymicos taceam) Tartarum vitriolatum ad complures morbos depellendos miscent atque propinant, licet subjecto igne violento ex eo prolici possit Oleum vitrioli ex quo primitus confiebat. Quid planius, quid vulgatius, quàm *Nitrum* quotidie citra damnum assumi, licet Sal ille, unde vim suam corrosivam accipit Aqua fortis, hujus componendi pars magna sit, & per distillationem inde separari valeat?

S E C T. XXXIX.

Poteram, charissime *Pyrophile*, super variis casibus ad hoc Experimentum attinentibus fusiùs ac copiosiùs disseruisse; poteram singula novarum considerationum accessione auxilite, firmasse, totam denique disceptationem multis modis exornasse: verùm illud inprimis habeto, districtissimum esse me, nec tam proluxo cœpto vacasse: deinde, noluisse me his sermonibus in antecessum admiscere, quæ alibi disceptabimus, præsertim cùm alius super sit locus, ubi de *Nitro* injicienda erit mentio: Porro, ut quod res est apud te fidenter proloquar, cupio tibi stimulos subdere, & necessitatem quandam imponere inquirendi in hoc Experimentum diligentius, quàm quòd ego per Occupationes aspirare quivi. Prope est ut credam, gloriosum hoc & magni ponderis futurum Experimentum: sed & hoc itidem mihi planè persuasi, complura adhuc superesse, quæ obtutum meum fugerint, aut aciem investigantis sefellerint. Feci igitur, imbecillitatis meæ conscientia, ne te proluxiori sermone molestarem, neque volui longè arcessitis probatiunculis aut paginas differcire, aut hariolationes meas tueri, nè fortè in
subi-

subitaneo scripto Dogmaticus videri possem, cum tamen id mihi magis in animo fuerit, mentem tuam accendere, sequē ad hæc altius & curiosius vestiganda permoveere, quam opinionēs meas venditare. Veruntamen non alienum duxi antegressas observationes (quanvis tenues & despicabiles) recensere, partim quia apud eos, qui Atomicam Philosophiam sectantur (qui viri parçè hæcenus Experimenta allegarunt ad stabilienda sua principia) nullam instantiam repererim appositam magis atque accommodatam ad ipsorum hypothēses: partim ut hoc tibi Exemplo demonstrarem, in unico Experimento permulta accurrere posse, quæ animadvertas. Quin illa me fortassis cogitatio subierat, (quam tibi innuerem) dum in unius Experimenti enarratione tamdiu hærerem, neque me à proposito frequenter aut longius aberrare sinerem, ponderanda esse (siquid ego iudico) non numeranda Experimenta; & tantum temporis, laboris, scriptionis posse tribui, sine existimationis dispendio, vel unico Experimento notabili, quantum aliis multis quæ leviora sunt. Quando usu venire cernimus, ut uniones illi ponderosi, qui Regum magnificentissimorum coronis exornandis inservire possent, vel singuli antecellant milibus trecentis exiguarum perlarum (ut adulterinae non sint, sed nativo alicui splendore conspicua) quæ nunciatim apud Argentarios & Gemmarios divenduntur.

SECT. XL.

Verum, heus *Pyrophile*! nuper incidi in libellos quosdam *Glauberi*, quos ut pervoluam otium non est, nedum ut ad examen severius revocem. Dum scripta illa festinante percurro, video illum quædam literis consignasse, quæ ad *Nitrum* attinent. Tibi ego magnopere auctor sum, ut, ubi vacuus fueris, in Experimenta Glauberiana inquiras, & consideres quantum illa nostris de *Nitro* dictis vel confirmandis, vel corrigendis conducant. Ego quæ expertus sum, horum pignora & testimonia luculenta quædam adhuc penes me asservo, & tibi subens ostenderim, quæ facto periculo exploraveram, dum *Nitrum* in partes Fixas & Volatiles partiri satagerem, diu antequam Opuscula sua in vulgus ederet *Glauberus*.

**HISTORIA
FLUIDITATIS.**

ET

FIRMITATIS

Cœpta a

R. B.

HISTORICAL
STATISTICS

OF THE

STATE

OF



MONITA

Circa

TRACTATUM SEQUEM.

UT Author in Animadversionibus illis quas in tentamen de Nitro cujus partem sequens facit Tractatus scripsit, eo liberius & aptius quadam addere, mutare, quin & data causâ retractare posset, eas ita conscribere, ac si Alterius operi aptanda forent, visum fuit.

Si Equus lector consideret, ea quæ sequuntur circa Fluiditatem & Firmitudinem, Annotationum duntaxat ad instar super præmemorati Tentaminis initium, fuisse conscripta, sperat Author ipsum minus curatæ methodo, ceu delicto in isthac occasione vix evitabili, veniam daturum. Insuper, si modo Lector meminerit quod in dicti tentaminis præfatione annotatum fuit, majorem scilicet eorum Virorum numerum quibus isto Tractatu sequentibusque notis obsecundatum fuit, Philosophiæ Epicuri ad dictum esse, spes etiam est, eundem rem non judicaturum alienam, argumenti explicationem Principiis inprimis Atomicis congruere; neque statim pro certo habiturum, Authorem particularibus illis opinionibus, quibus Atomorum patrum ab aliis Physiologis modernis discrepant esse mancipatum: præsertim, cum datis occasionibus contrarium aperte satis innuerit, dum Atomica phænomenum solvendum hypothese, aliam explicationem, Cartesianis vel aliis principiis modernis magis consentaneam, junxit.

Tractatus sequens titulo insignitur Historiæ Fluiditatis & Firmitatis, cum reverà Experimentorum aliorumque factorum,

F

ad

ad argumenta tractata pertinentium, enarratio, res sit primaria quam in eo à se præstitam esse Author sibi sumere audet. Historiam Verò uti nunc in publicum prodit, Coeptam vocat, partim quia invitare voluit doctiores, uti ad perficiendum quod à se duntaxat inchoatum sentit, suas observationes in medium conferant; partim, quia & à semetipso, tale quid deinceps, favente Numine, profecturum sperat.

Denique, non potest non monere lectorem, (quamvis id ægrè faciat) Author, nonnullas tum paulo post initium, tum circa medium hujus Tractatus paginas, incuriæ ejus cui concreditum erat manuscriptum, deperditas fuisse, proindeque se vereri, jacturæ illius ex memoria sua restitutionem mancā & mutilam, observatis nihilominus per omnia consentaneam, se substituisse.

HI-



HISTORIA

FLUIDITATIS & FIRMITATIS.

P A R S P R I O R

de

F L U I D I T A T E.

S E C T. I.

Ecisſentne Philoſophi conſultiùs, ſi Fluiditatem & firmitatem Status potiùs conſtituiſſent, quàm Qualitates corporum, hac vice ſub examen non vocabimus. Sed utrolibet rem concipiamus modo, ſatis conſtat, annumerandas eas eſſe maximè generalibus affectionibus coalitionum, quæ ex diverſis materiæ particulis in cujuſcunque denominationis corpora abeunt; cùm vix ulla diſtincta materiæ portio, quæ vel Fluida, vel Firma conſiſtensve non ſit, in Univerſo reperiatur. Atque capropter operæ pretium fore exiſtimaverim, ſi in generales horum duorum materiæ Statuum dicam, an Affectionum cauſas inquiramus, experiamurque, poſſitne, junctis Chymicorum experimentorum & Philoſophicarum notionum operis, utriuſque hujus ſubjecti clarior ſaltem ratio aſſignari, quàm hæcenus à ſcholis fa-

etum, quarum doctrina hac in parte ingeniis neutiquam satisfacit. perspicacioribus, cum eorum plurimi, Peripatetica circa Fluiditatem & Firmitatem, juxta ac alias qualitates, dogmata, partim nimis reputent generalia quam ut instruant, partim nimis obscura, quam ut intelligantur. Ad hanc verò inquisitionem nunc faciendam imprimis nos allicit, quòd nonnullæ Experimenti de *Nitro*, ab Auctore nostro facti, circumstantiæ, in eâ, quam proposuimus, indagine non parùm juvare nos possint. Etiam si enim primaria Experimenti phænomena & circumstantiæ videri queant Fluiditatem imprimis spectare; cum tamen illa & Firmitudo contrariæ sint qualitates, verumque sit illud tritum, contraria juxta se posita magis illucescere, consentaneam rationi fovere spem licet, lucem, quam circumstantiæ modò dictæ fænerabuntur Fluiditatis naturæ, faciliorem de Firmitudinis genio cognitionem reddere posse. Sæpe tamen junctim de duabus hisce qualitatibus agere tenebimur, cum inter experimenta, quæ à nobis producentur, multa ad utramque pertineant.

SECT. II.

Corpus itaque Fluidum esse videtur, eo imprimis nomine, quòd consistat ex corpusculis, quæ, dum se invicem in quibusdum tantum suarum superficierum partibus tangunt, incontigua verò sunt in reliquis, & separatim hinc inde agitata, facile possunt propter poros vel interstitia numerosa, inter incontiguas eorum partes necessariò relictæ, juxta suas invicem superficies volvi, seque ob motum suum diffundere, donec in durum aliquod resistensve corpus incurrant, cujus interiori superficiei, propter illum motum, suamque exiguitatem, & gravitatem, aliquidve huic analogum, accurate quoad sensum sese accommodent.

SECT. III.

Quem conceptum Epicurus & prisca Atomorum fautores,

res, qui ejus vestigia premunt, de corporibus Fluidis habuerint, Paraphraſtes ejus Lucretius hiſce verſibus nos docet :

*Illa autem debent ex levibus atque rotundis
Eſſe magis, fluido quæ corpore liquida conſtant.
Nec retinentur enim inter ſe glomeramina quæque,
Et procuſus item in proclive volubilis extat.*

Et ſanè vero ſimile videtur, in diverſis liquoribus exiguas componentium particularum ſuperficieculas læves & lubricas eſſe, & hoc ipſum ad corpuſculorum inter ſe invicem reptatum promovendum, quæ eſt ipſa Fluiditas, plurimum conferre. Neque negandum eſt, orbicularem talium corpuſculorum figuram poſſe quoque ad mutuam ſupra ſe volutionem conducere. Interim diverſæ dantur figuræ aliæ, quæ corpuſculis ipſas habentibus ſufficientem conſtituendæ ſubſtantię fluidæ volubilitatem poſſunt conciliare : & cæteræ qualitates, in diverſis ſubſtantiis liquidis, imò & in ipſa aqua & Oleo occurrentes, arguere videntur, partes earum alio eſſe modo figuratas ; & fluida iſta corpora, quæ liquores non ſunt, ut Aër & Ignis, non ex omnibus nec plurimis particulis rotundis, ſed variè admodum, & aliquando valdè irregulariter figuratis, videntur eſſe composita : iſtiusmodi tamen corpora fluida eſſe appellanda, infrà patebit. Atque hæc ipſa partem Univerſi multò inſigniore facere, quàm illa, quæ liquores vocari ſolent, inde patet, quòd ſi Terram, Planetas, & fortè etiam Stellas, fixas exceperis, vaſti hujus Mundi reliquum ex Æthereâ, tenui, fluidâque ſubſtantia inprimis, ſi non unicè, conſiſtere videtur, uti (omiſſis aliis argumentis) ex iis apparet, quæ recentiores Aſtronomi obſervarunt de libero minimèque impedito motu iſtiusmodi cometarum, qui ſuo per æthera trajectu cæleſtem ſeu interſtellarem mundi regionem diu permeârunt.

SECT. IV.

Atque hîc, si placet observemus, fluiditatem corporis alicujus, etiam illam, quæ vel in oculos incurrat, non requirere, ut corpuscula, ipsum constituentia, tam arctè contrudantur, ut solent in aqua, corporibûsque aliis, quæ vulgo sola pro liquoribus habentur. Etenim quamvis portio aliqua materiæ, frumenti granum magnitudine non excedens, in fumum rarefacta, locum longè quàm antè majorem occupet; licet etiam corpus in flammam tenuatum expansionem acquirat multò adhuc majorem; utrumque tamen, & fumus & flamma, ita disponi poterunt, ut liquores referant. Uti fuimus variâ praxi, quâ fumos corporum ad superficiem evidenter planam, aquæ ad instar, redigeremus; sed facillima, quamvis forte non optima, hæc est (cujus partem memini me vidisse à viro admodum ingenioso per jocum peractam.) Ore fumo roris-marini (quæ herba mihi experimentum tentanti fortè ad manum tunc erat) repleto, eodemque in mediocrem & utrinque patentem fistulam vitream copiosè insufflato, &, postquam eam fumo probè compleveris, inferiori ejus extremo continenter obturato, vitròque ad tempus in erecto situ conservato, fumus sensim ad planam, aquarum more, superficiem subsidit; adeò ut, quamvis tubum huc illuc leniter inclinaveris, superior tamen fumi superficies situm Horizonti parallelum protinus sit acquisitura: Si que tubus ille magis adhuc, lentè tamen, inclinetur, fumum, aqueæ substantiæ in morem, videbis decurrere, dum in tubo moratur; quamvis, cum ad inferiorem ejus partem pervenit, non destillet ut aqua, sed sursum ut plurimum evolet & per aërem dispergatur. Et quod ad flammam attinet, occasionem prævideo commemorandi infrà experimenti; quo subinde conatus fui ostendere, duas etiâ contiguas flammæ, ut ut expansa sint corpora texturamque habeant solutam, posse tamen quemadmodum diversi generis visibilia fluida, distinctas superficies retinere.

SECT.

Sed misso ulteriori hujus argumenti examine, quot scilicet corpora facta sint vel fieri possint ad oculum fluida, causam dehinc corpora fluida constituentem enucleatius expendamus, maximè, quia indicatis jam quibusdam rationibus, quare Epicurearum notionum cancellis nolimus circumscribi, minus ingratum fore speramus, quòd talem substantiæ Fluidæ descriptionem dare voluerimus, quæ sequentes præ cæteris in ea conditiones, à nobis concipi exponat.

Prima est, corporum eam componentium parvitas; in grandioribus quippe materiæ portionibus, præterquam quòd majores in earum superficiebus æqualitates asperitatésque reperire est, quæ facilem istorum corporum juxta se invicem lapsum possunt impedire, quòdque diversæ aliæ corporis Fluidi affectiones aggregato grossiorum materiæ partium difficulter conveniant; præter hæc, inquam, ipsa moles tam ponderosas eas reddere apta est, ut vi causarum, (quæcunque illæ sint) quæ minutis fluidorum corporum particulis tam liberum intet se ipsas motum conciliant, agitari non possint, cum fidem omninò videatur superare, quantum exilitas partium motui earum tum facile producendo, tum conservando conducatur, nisi Chymicis Experimentis id comprobare possemus. Atqui palam est, plumbum, argentum vivum, quin & aurum ipsum, licet in mole sensibili reperta ad fundum Aquæ regis, vel similis ejusmodi liquoris citissimè demergantur; attamen à menstruo corrosa inque partes valdè minutas exesa, adeò esse agitationis, quàm antè, capaciora, ut relicto liquoris fundo, liberè quaqua versum, ad ipsum quoque summitatem, unà cum sociatis liquoris partibus ferantur, nec ad fundum relabantur. Quin imò videre est, ponderosa & mineralia corpora, si in corpuscula satis exilia dividantur, ad eam levitatem & volubilitatem redigi posse, ut partes ingredien-

tes

tes stillatitiorum etiam liquorum fiant, uti discere possumus ex illo, quem Chymistarum alii Butyrum, alii simpliciter Oleum, alii Oleum Glaciale Antimonii appellant; qui, licet post rectificationem liquor sit admodum limpidus, magna tamen sui parte ex ipso Antimonii corpore constat; uti patet (prætermittâ jam ejus gravitate) ex eo, quod magna ponderosæ calcis albæ, per artem in vitrum Antimoniale reducibilis, quantitas, beneficio aquæ limpidæ, ex ipso facillimè præcipitari possit. Quin & Menstruum paramus, cujus beneficio haud difficulter prima secundæ distillatione tantum auri traducere per Alembicum possumus, quantum ad distillatum liquorem duraturo colore aureo tingendum suffecerit.

SECT. VI.

Et ut magis adhuc particulatim ostendamus, grandia corpora inepta nimis esse constituendis fluidis, notemus porro Naturam juxta ac Artem, cum earum alterutra fluorem conciliare corporibus grandioribus nititur, solere eadem ad istum finem obtinendum comminuere, uti exempla docebunt. Videmus utique, Naturam in ventriculis canum, dum redigire ossa in corpora fluida, chylum sc. & sanguinem, molitur, forti quodam aptoque liquore (sive ventriculi ipsius indigenâ, sive ex arteriis in circulantis sanguinis transitu ejecto) in partes adeo minutas ea dissolvit, ut vel perspicacissima oculorum acies nemini suspicionem injiceret istiusmodi liquorem osseam unquam substantiam fuisse. Ac menstrui hujus stomachici exemplo, commemoro alibi & doceo certum quendam liquorem [mihi usitatum, quo brevi temporis spatio, & absque igne, partes assæ vel elixæ carnis, panis, fructuumque dissociavi, inque partes admodum exiles discerpsi; & hac ratione, modo hoc, modo aliud dictorum corporum, una cum menstruo ipsis sociato (quod non opus est; ut ea multum mole sua excedat) in corporis fluidi consistentiam redegi.

Vide-

Videmus etiam, Fusionem Metalla reddere fluida; infusione autem corporis fusi manifesta est comminutio, cum calor solus auri, argenti, vel ferri, licet ad ignitionem usque intensus, non valeat hæc metalla fluida reddere, quamdiu in sensibili massa perdurant. Addam inferius, quod etiam fusa metalla ad maiorem fluiditatem ulteriori partium suarum comminutione reduci queant.

S E C T. VII.

Atque ut hæc resumamus disquisitionem perdifficilis illius quæstionis, quam alibi commemoravimus, investigatu dignum videtur, unde fiat, quod in communis salis aliorumque salinorum corporum, quæ non modò non sunt fluida, sed vel ad fragilitatem dura, perfectus tamen & permanens liquor, idque ex quibusdam magnâ satis copiâ, per distillationem obtineatur? Responderi quidem huic quæstioni possit, In multis corporibus ficcis, uti sunt cornu cervinum, lignum & ossa, distillationi commissis, ignem nonnisi aqueas aliâve liquidas partes ab aliis, quibus in concreto miscbantur, separare, & unâ in Recipiens, ubi in liquorem coeunt, introducere: Verùm enimverò, præterquam quod hoc ipsum fortè facilius dicitur quàm probatur, non satis propositam assequitur difficultatem. Quâ enim specie illud poterit affirmari de corporibus jam calcinatis aut fuis, qualia sunt rubra calx Vitrioli, sal marinum fusum &c? quæ, licet aqueæ cæteraq; solutiores eorum partes, intenso igne, antequam distillationi traderentur, jam pulsæ fuerint, liquores tamen suppeditant. Quapropter subinde mecum expendi, veròne minus absimile esset hæc conjectura, vehementem sc. agitationem, in ejusmodi corporibus vi ignis productam, tum ea dividere in minuta corpuscula, tum eorum farraginem in frigidum Recipiens propellere, ubi, priori agitationis vehementiâ deperdita, in liquorem reducuntur, eam *maximè* ob causam (nollem enim causas concurrentes excludere) quod ignis discerpserit concretum in partes, propter parvitatem suam extremam, figuramve, vel utramque,

adeò motui quaquaversum faciles, ut solita aëris agitatio, per interposita corpora sive medium propagata, vel etiam, ut causa eadem, qualiscunque ea sit, quæ solitum aëri motum conciliat, tantum minutis ejusmodi corpusculis valeat impertiti, quantum conservando eorum fluori suffecerit.

SECT. VIII.

Aëri constanter inesse varium minutarum partium motum, mox ostendetur. Nonnulla etiam corpora in fluore conservari longè minore agitationis mensurâ, quàm alia, ex eo probari posse videtur; Quod vinum in tam languido aëris calore fluidum permanet, qualis nequit partes aquæ in motu conservare sed in glaciem eas abire finit. Et in regionibus borealioribus, ubi vinum ipsum congelascit (quod ipsum & hîc in Anglia artificio procuravi) observatur, quod, quamvis partes magis aqueæ, motûs sui jacturâ, in glaciem vertantur, subtiliores tamen spiritûque turgidiores partes congelationem haud patiantur; idemque de pluribus aliis liquoribus (maximè Chymicis,) subtilibus admodum volubilibusque partibus instructis, dicendum. Et corpuscula, quæ corpus, quod Aërem strictiori sensu vocamus, inprimis componunt, licet in Thermometris conspiciantur à frigore admodum condensari, (h. e. majorem acquirere partium proximitatem, ordinemve confertorem) non tamen observata fuerunt ullo frigoris gradu congelari; quod ex eo proficisci videtur, quod ob extremitatem eorum parvitatem (haud exclusâ figurâ) tam lenis circa terram agitatio non datur, quæ vario motui in tam minutis corpusculis continuando, proindeque fluori eorum conservando, non sufficiat.

Atque hac occasione experimentum hîc inseram, quod excogitabam olim, ut ostenderem, minutas corporis alicujus partes ab agentibus, quæ ipsa ad sensum haud sint calida, sufficienter agitari posse ad liquorem constituendum. Est verò illud hujusmodi. Conjectis fortè brumali tempore oculis

oculis in vasculum vitreum, quod Anisi oleum continebat, cum idipsum frigore concretum deprehenderem, mox juvabat liquorem conficere (cujus elaborandi ratio ad alium tractatum pertinet) deque eo præparato protinus hoc Experimentum facere, leni calore congelatum Anisi oleum ad fluorem reducebam, ejusque partem in alio vitro mixturâ quadam, hanc in rem à me curatâ, operiebam; & utrôque ad fenestram relictis, merum quidem oleum frigore rursus, ut prius, constrictum deprehendebam; illud verò, quod ab altero rectum erat liquore, noctu æquè ac interdiu, in pluribus coeli mutationibus permanebat fluidum; atque etiamnum in menstrui fundo clarum oleum perdurat à menstruo distinctum, quamvis ad ea confundenda, studio ipsa conquassaverim.

Jam verò, ut ad stillatitios nostros liquores revertamur, alibi exponimus, fieri etiam posse, ut spiritus salinus, maximâ saltem parte, ex minutis admodum salis granulis constet; docemûsque, Salem Armoniacum fieri ex urina & salis spiritibus posse, uti vulgaris Sal Armoniacus cum crudo sale conficitur: ibidemque modum tradimus, hæc duo salia (urinale sc. & alterum) ut ut arctissime in concreto unita promptè separanda. Et huic congruenter observamus, quod, uti (secundum ea quæ alibi à me notata sunt) communis Aqua fortis ad aurum (quod aliàs per se solum non admordet) dissolvendum, addito salis spiritu, intendi potest; ita deprehendo, quod crudum sal vulgare, simpliciter in eadem solutum, parem in aurum agendi virtutem ipsi conferat. Quin & expertus sum crudum *Nitrum*, in bonæ notæ spiritu salis solutum, Aquæ regis vim supplere. Atque hac occasione in mentem mihi redit, quod, cum virum illum, quem Aquarum Corrodentium distillatio valde celebrem fecit in *Hollandia*, de maximâ distillatorum liquorum copiâ, quam unquam ex sale marino extrahere potuerit, sciscitarer, ille, qui ab omni alienus est jactantia, mihi affirmabat, se loco vulgaris Capitis mortui, pulveris

pulveris sc. lateritii, arenæ, &c. (quæ Chymici miscere salî consueverunt, priusquam distillent) albicante quadam argillâ usum, aliquando totum ferè salis corpus in liquorem traduxisse; adeo ut ex librâ salis, sine magno labore, ignisve peculiari intensione, quatuordecim liquoris uncias extraxerit. Cùmque suspicatus, inesse huic liquori posse multum aquæ, ex argillâ salî mixtâ expressæ, porro inquirerem, Numquid ab hoc liquore phlegma unquam separasset; se de industria id fecisse, respondit, & haud minus quàm duodecim fortis purgatique spiritûs uncias, interdum reperisse. Quod ipsum mihi in memoriam revocabat incredibile illum *Beguini*, qui traditæ alicubi alterius salis distillationi hanc notam subjungit; *Siquidem rectè operatus fueris, ex librâ materiæ libram spiritus obtinebis.* Verùm cùm possibile sit, ex omnibus hisce liquoribus, ab ejusmodi salium genere distillatis, vel rectificatione, vel aliquâ magis philosophicâ ratione portionem phlegmatis vel aquæ obtinere, ulteriori investigationi permitto, possitne, in quibusdam casibus, stillatiorum horum liquorum fluiditas promoveri miscendo aqueas qualdam particulas (apta quippe salium dissolventia & vehicula) quæ non absurdè per ignis in concretum, distillationi traditum, actionem productæ videri possint; siquidem cum celebri Chymico *Helmontio* admittamus, Quod omnia crassiora corpora mediante *Alcahest*, penitus, & absque eodem, ipsum etiam Oleum & Sal magna ex partè (idque sine additamento) in inspidam aquam reduci queant.

SECT. IX.

Mox, cùm ad doctrinam de Firmitudine pervenerimus, mentionem injiciemus, nos substantiam quandam adeo fluxui proclivem contecisse, ut ad stabilem consistentiam cum liquida commutandam tam leni possit agitatione reduci, quàm est solus ille agitationis excessus, quem ambiens aër circa diei hyemalis medium, supra ejusdem initium vel finem habere solet. Quinimò testes habemus omni exceptione majores,

maiores, nos hanc ipsam liquefactionis proclivitatem sali metallino sive vitriolo induxisse. Quare non est, ut fidem superare arbitremur, alias congeries corpusculorum, His multò leviorum, licet Aëreis graviorum, partes habere posse adeò minutas & motui aptas, ut solita Aëris agitatio non modò circa meridiem, sed quovis aliò diei tempore, in motu, adeoque in statu Fluiditatis eas tenere queat.

S E C T. X.

Atque hîc mihi attexendum est, me tam figuras, quàm magnitudines corporum quoad ipsorum ad fluida constituenda aptitudinē, non frustra penitus nuper notasse. Quamvis enim non sim certus, in istis corporibus, sale viz. Armoniacò, Antimonio, &c. quæ vi ignis in flores potius sublimantur, quàm distillantur in liquores, magnitudinem corpusculorum componentium non posse obstare corporis quod constituunt, fluiditati, hoc tamen æquè probabiliter ad ipsorum figuram, requisito motui, si molem spectes, ineptam, revocari posse videtur. Atque huic proposito aliquando hoc experimentum feci, quo per lentam vulgaris Olei Olivarum per se, in Retortu vitreâ, furno arenæ impositâ, distillationem, reperi, uti exspectabam, tertiam circiter Olei partem, quæ in Recipiens propulsa erat, in corpus albicans, butyro non absimile, ibi coagulari. Adeò ut, licet ex odoribus & saporibus albidæ hujus substantiæ acrimoniâ manifestum videretur, Olei ipsam suppeditantis particulas esse, ut ita dicam, discerptas: Licet etiam per distillationem liquores ab ipsis corporibus consistentibus soleant obtineri; in nostro tamen Concreti naturaliter fluidi experimento, ipse stillatus liquor fluorem non habet: cujus rei nulla causa videtur magis obvia, quàm quòd de novo acquisita dissipatarum partium oleasarum figura, vel absolute loquendo, vel saltem mutuo ad invicem respectu, eas motui ineptas reddit, idque dum eas minus quàm antè reddit flexibiles, vel dum illis figuram confert magis cum vicinis corporibus implicabilem,

bilem, vel denique dum ipsarum superficiebus minorem, quam prius, lavorem & lubricitatem conciliat.

SECT. XI.

Sed ut eò revertamur unde digressi sumus, magisque familiaria quædam exempla adducamus de aptitudine, quam dissociatarum corporis partium exiguitas habet ad Fluiditatem, animadvertere possumus, quod inter corpora quæ ex partibus constant incohærentibus, illa, quæ maximè sunt minuta, liquores, dum effunduntur, maximè referant: uti videre licet in diversorum saccorum evacuatione, quorum unus pomis, alius juglandibus, tertius avellanis, quartus frumento, quintus arenâ, sextus polline repletus fuerit.

Dulciarii, Coqui, aliique quibus quotidianus est usus albuminum ovi, glutinosa & viscosa illa corpora in tenuem fluidamque substantiam faciliè redigunt: qui tamen fluor longâ duntaxat & peritâ massæ versatione cum scopulâ vimineâ vel etiam cochleari factâ, productus, soli partium, antea fortè longiuscularum & nonnihil intortarum, dilacerationi, inque breviores & minutiores, proindeque volubiliores, diffractioni, ortum suum debere videtur. Memini etiam, me substantiæ illius congelascentis, quæ subinde super terra reperitur, & à vulgo *Astrale jaculum*, quasi post stellæ cadentis extincti onem superstiteret, appellatur, copiam aliquam vidisse, quam eximius quidam Medicus, mihi familiaris, cui id allatum fuerat, in vase vitreo probè obturato leniter ad longum temporis spatium digerebat, & hac solâ ratione in liquorem durantem (tanquam specificum strumarum remedium ab ipso laudatum) solvebat.

*Angl. A
starshoot.*

SECT. XII.

Atque hîc observationem subjungam, ab Arte metallario-plastica ministratam, quæ delectationem haud vulgarem nobis ali-

aliquando peperit. Ab aurifabris igitur, in arte illâ peritissimis, ceu res primariæ in ipsâ notæ, observata, mihiq; ab egregio Artifice commendata fuit, Quod, cum exquisitissimum ex liquido Metallo fingendum est opificium Argenteum quod accuratam pilorum linearumve exiliorum in Metallo impressionem requirit, argentum simpliciter fundi haud sufficiat, sed in longa fortique fusione detineri necesse sit: si enim citò nimis effundatur, figuram dabit obtusam; in longiori verò fusione relictum, liquidius juxta ac calidius redditur, proindeque talem acquirit tenuitatem, quæ materiam aptam facit minutissimis moduli cavitatibus se insinuandi, & figuram ab earundem delicatissimis recipiendi. Unde probabile sanè argumentum deducitur, quædam corpora jam fluida per ulteriorum partium comminutionem reddi posse fluidiora: uti simile Fluiditatis incrementum in quibusdam aliis corporibus fluidis, unctuosius imprimis, ut Terebinthinâ, Olèo, &c. potest observari, quando calor partes eorum confringere juxta ac agitare incipit.

Alibi forsitan occasione datâ commemorabo, quomodo per ignis actionem Sal Urinæ CrySTALLINUS, sine additamentis, in fortem ponderosumque liquorem reduci possit: quamvis in hoc exemplo, uti forsitan in præcedentium etiam nonnullis, vero non sit absimile, (quod & infra disertè magis exponemus) ad productam consistentiæ mutationem posse quandam in particularum, corpus firmum constituentium, figurâ alterationem concurrere.

Ac, dummodò verum sit, quod multis in locis de prodigioso suo liquore, *Alkabeſto*, asserit *Helmontius*, plantæ sanè, animalia, lapides, mineralia, metalla, & quævis aliâ firma corpora sublunaria, in liquorem Concreto soluto æquiponderantem mutari possunt: quod si concedere velis, inferri posse videtur, corpora solidissima per versionem in partes adeò minutas, ut à causis, aquam aliosque liquores continenter agitantibus, in motum ciantur, fluida reddi posse. Per nudas etiam (quod in gratiam Philosophorum addo)

addo) digestionēs longas (multoq̄ue magis, si illæ juventur per distillationes tempestivè repetitas) in vasibus probè obthuratis factas, adhibito justo caloris gradu, in multorum corporum, tum vegetabilium tum animalium, partibus, tanta produci potest à consistentiæ ad fluiditatis statum mutatio, quantam illi, qui vulgaribus Chymici cursibus, ut loquuntur, acquiescentes, singularium hujusmodi experimentorum non sunt studiosi, haud facillè expectabunt.

S E C T. XIII.

Secunda suprà memoratarum trium conditionum est, ut plurima sint vacua spatiola inter componentes fluidi corporis particulas, vel saltem circa superficiales, intercepta. Absque hoc enim si esset, locus non daretur singulis corpusculis, suam juxta vicinorum superficies continuandi agitationem: nec cessio daretur ullius cum locus qui impulsa reciperet corpora, vacuus nullus esset. Verùm cum loquor de spatiolis vacuis, ordinariò (si non semper) inter fluidorum corporum particulas intercipiendis, animus mihi non est determinare, debeántne vel possunt esse ejusmodi spatia strictè dictæ vacuitates, cum ad secundam hanc corporis fluidi conditionem ut plurimum sufficiat, ut in spatiolis, inter partes vel solidas vel pro solidis habitas interceptis, nulla sint, quæ non facillè ipsis cedant, quæque earum libero motui multum resistent.

Quòd præfati, ne minùs rectè in hujus conditionis doctrinâ intelligamur ad eam confirmandam notemus, quomodo Nix, quæ solutam apertamque in primo lapsu texturam habet, facillè manuum impressionibus cedat, cum verò per fortem in pilas compressionem, glacialia, ex quibus constat, corpuscula in confertiore ordinem reducta, eorūque plurimā in spatiola, antè solum ab aëre cedente occupata, contrusa fuerint, tunc manus nostræ motui cedere amplius nequeant, sed durum ac resistens corpus component. Videmus etiam, Aquam, vesicæ fortiter

titer intrusam inque ea compressam, sic ut exteriores ipsius particulæ non ambiantur, ut prius, cedente aëre, ad dandum ipsis locum, quando, pro more suo, circa corporum, eas ad intra premere conantium, latera tumere debebant, firmum corpus æmulari, & ejusmodi motibus, quibus alias promptè cederet, resistere, nisi facilior cessio per humectatæ ipsius vesicæ tensionem concilietur.

Atque exemplum potiùs peto à vesicâ per aquam distentâ quàm à vesicâ aëre plenâ, eò quòd, licet hæc posterior corpus durum etiam æmuletur, hoc tamen in casu tensio vesicæ virtuti cuidam Elasticæ, quam Aëri inesse varia experimenta nos docuere, forsan accepta ferretur. Unde proclive esset dicere, quòd cum inclusus aër sese versùs interiora multùm ultrà patiatur intrudi, licet datâ portâ subito rursùm se restituat; durities vesicæ benè inflatæ non oriatur ex defectu spatiolorum, quæ requiruntur ad aëriorum corpusculorum cessionem, sed ad connatum ipsis restitutionis motum, quo illa, cu innumera multitudo parvulorum arcuum vel spirularum, vi comprimente vesicæ latera inflexarum, mox eâdem sublatâ, sese hac illac rursùm expandunt, quousque per incarcerantem vesicam, ab ipsis hoc nomine fortiter quaquaversum extensam, permittitur.

Verùm hæc de spatiis vacuis, vel cedente quâdam materiâ circa fluidæ substantiæ corpuscula conditio, ad eam solummodò, ut Scholarum Removens prohibens, requiri videtur, prout scil. illud motûs ipsorum impedimentum tollit, quod ab exquisitâ plenitudine quis putet objici variis inter se talium partium corporis lapsibus quæ perfectissimam per omnia duritiem vel mollitiem habere, sive quæ ad sibi invicem cedendum æqualiter omninò aptæ vel ineptæ supponuntur. Et quanvis in ejusmodi corporibus, qualia sunt Aqua, vinum, oleum, Argentum vivum, & similia, quæ communi omnium consensu fluidi liquores habentur, huic secundæ conditioni locum haud denegatum iri existimem; non tamen omninò absurdam esse dubitationem affirmarem

deturnè aliqua materiæ portio, ex partibus constans adeò minutis adeoque agitatæ, ac proinde vel comminutioni in partes adhuc exiliores, vel compressioni in quamlibet, ut fert occasio, figuram, casu aptis, ut loca inter se invicem incessanter commutent, adeoque corpus fluidissimum constituent, sine ullis vacuitatibus, receptaculis, aut cedente circa eas materiâ, nisi fortè circa partes exteriores partium earum quibus continenter accidit, ut in superficie subtilissimi hujus liquoris fluitent. Licet autem dixerimus, de hoc posse non absurdè dubitari, attamen nostrâ non tam refert, hoc loco examinare, possitne cum ratione adstrui Affirmativa, quàm porrò disquirere, quid ulterius ad eam materiæ statum, de quo nunc agimus, requiratur, maximè cùm ea conditiò nondum sit explicata, quæ principem in eo videtur locum obtinere.

SECT. XIV.

Tertia quippe & palmaria fluidi corporis conditio est, ut particulæ, quibus constat, variè & seorsim agitentur, sive motus ille sit iis connatus & inhærens, sive per subtiliorem quandam substantiam, suo transitu ipsas quaquaversum volventem, producat. Hoc enim primum videtur inter solidam glaciem & fluidam aquam discrimen, quòd in illâ, partes (sive ob texturam aliquam de novo acquisitam, sive ob caloris, ad continuandum earum motum sufficientis, defectum) juxta se invicem quiescentes, manibus nostris eas submovere conantibus resistent, quibus Aquæ partes, jam in motu constitutæ, facillè cedunt. Etenim cùm in glacie unaquæque pars actu quiescens, necessariò per naturæ legem in eo statu perseveret, donec externâ vi, quæ præsentis statûs mutandi resistentiam superet, eum cogatur deferere; in Aqua contrà singulis corpusculis actu (quamvis lentè tantùm) motis, non est necesse, inchoare vel producere motum novum, sed divertere duntaxat vel dirigere eum, quem jam habet: quod multò esse facilius, plura exempla fami-

familiaria ostendunt. Ex hac minutarum liquoris partium agitatione oritur, quod hæc exilia corpora, ad motum suum continuandum, incessanter ferè loca sua commutent, & mox suprà, mox infrà, mox juxta se invicem labantur. Hinc quòque fluidorum corporum mollitiei, hoc est, cessionis ad tactum, reddi causa potest: particulæ enim ea componentes cum sint minutæ, incoherentes, & diversimodè motæ, difficile esse nequit (ut modò innuebamus) ex illis locis eas depellere, quos ipsæ, utpote in motu jam constitutæ, erant relicturæ; inprimis cum vacua adsint spatia, ipsas submotas quantocius receptura. Et hinc etiam fit, quod minuta hæc corpora ad motum massæ sive liquoris, quem componunt, facile in quamvis partem moveantur; quòdque, cum sint valdè exigua, inque partes agitentur tam varias, ad seipsa terminanda (juxta *Aristotelis* definitionem de rebus fluidis datam) non possint non valdè esse inepta, ad terminum verò ab alio quovis firmo corpore recipiendum aptissima: hoc quippe obstat, quò minùs se diffundunt ulteriùs; ad continuandum tamen, quantum possunt, varium suum ac diffusivum motum, (gravitate inprimis eorum, saltem hîc circa terram æqualiter extimam illorum superficiem deprimente, adeoque quoad sensum cum Horizonte planam reddente) necessariò hac illac moventur, donec progressus eorum ab internâ sistatur superficie vasis, quod motum eorum terminando, liquorem ex minutis illis corporibus constantem, ut figuræ suæ ad amissim (quantum quidem oculus discernere potest) sese accommodet, compellit.

S E C T. XV.

Succincta hæc atque generalis de Fluiditate narratio sequentibus exemplis & experimentis, ulteriùs, opinor, tam explicari & illustrari poterit, quàm confirmari. Ad ea igitur pergentes, primo loco consentaneum erit illa commemorare, quæ *Nitrum*, de quo Author noster tractavit, nobis suppeditat, cum illa de hoc subjecto scribendi, occasionem nobis dederint.

Nitrum itaque duobus modis reddi fluidum potest, vel cum, vel sine liquore.

Mediante liquore formam corporis fluidi induit, cum in aqua vel aqueis succis solutum, à corpore solvente visu dignosci nequit, & æquè fluidum, ac ipsum, apparet: quòd inde oriri videtur, quòd agitatae aquae particulae, in corpusculorum salis commissuras penetrando, ipsa disjunctant, & hoc ipso in partes adeò minutas *Nitrum* dividant, ut aqueae, quibus associantur, partes, facillè eas non modo sustinere sed & hinc inde movere possint. Unde fit, ut hae particulae tam minutae, inque cedente corpore Aquae hac illac fluitantes, non ita resistent motui manûs vel alterius externi corporis, eas summovere conantis, ac in formâ salinâ resisterent.

Cæterum, multò minori liquoris copiâ Nitrosum corpus reddi posse fluidum, manifestum erit ei, qui fixum ejusmodi *Nitrum*, quale Author noster conficere docet, humido cellae aëri exposuerit: ibi enim per deliquium (ut loquuntur Chymici) in liquorem solvitur, qui ex particulis aqueis non consistit numerosioribus, quàm quæ ad salinas (quæ Nitri, deflagrationem non passi, partibus minutiones videntur) in agitatione, ad Fluiditatem necessariâ, conservandas requiruntur.

S E C T. XVI.

Expendamus insuper cujusnam Fluiditatis capax sit *Nitrum* sine liquoris intercurso: Hoc verò duobus fieri modis potest. Primò, si in pulverem tundatur impalpabilem, hic pulvis, quando effunditur, liquorem referet, eò quòd partium exiguitas & incoherentia tum facillè iis motum conciliant, tum poros interceptos tam exiles reddunt, ut aliquatenus distanti spectatori interrumpere massæ seu corporis unitatem vel continuitatem non videantur. Sed hæc imperfecta tantum est Fluiditas, tum quia minuta salis granula, quamvis facillè mobilia, semper tamen actu non moventur; tum quia

quia tantam adhuc magnitudinem retinent, ut & ipsa, & spatia intercepta, cominus sensu percipiantur. Verum si forti igne *Nitrum* hoc in pulverem redactum liquaveris, tum singulis corpusculis salinis in plurima alia subdivisis, hisque partibus insensibilibus per eundem calorem variè agitis (quorum utrūque ex eo apparet, quòd post fusionem sæpè crucibulum penetrant, in quo ante eum immotæ jacebant) totum corpus præfati liquoris formam induet, quique per solius oculi judicium à quolibet spectatore talis habebitur. Metallorum quoque fusorum similis est ratio, in quibus, quando mole funduntur grandiori, superficiem aquæ bullicentis instar undulatam, subindèque liquoris portiunculas in aërem satis altè projectas conspexi. Nec ignis modò aliàque actu & manifestò calida corpora fluiditatem nonnullis duris valent conciliare, verum etiam corpora quædam deduci posse ad fluiditatem videntur ab aliis, quæ ad sensum deprehenduntur frigida, dummodò apta sint mutandæ duri corporis texturæ, ejusque inflexis partibus convenientem motum concilient; uti in Chymico videre est experimento, quo fragile *Camphuræ* corpus pro tempore mutatur in *Oleum*, dum *Aquæ forti* imponitur, quæ particulas prius rigidas flectit forsan & complicat easque in ejusmodi ciet motum, quo tam juxta se mutuo repunt, quàm nonnichil circa se invicem complicantur. Comperi insuper (id quod à Chymicis notatum non vidi) *Camphuram* ferè ut *oleum*, congruâ caloris applicatione, in vasis vitreis probè occlusis ad fluorem & ebullitionem posse deduci. Fateor, *Liquores* hosce ab igne remotos hanc appellationem mox amittere, & priorem soliditatem recuperare; verum duratio rei ad eam hoc vel illo modo denominandam haud semper est necessaria; *Arboris* quippe *folium*, exempli causâ, dum floret, æquè propriè *Viridis* nomen meretur ac *Emeraldus*, licèt post aliquod temporis intervallum marcescat & flavedinem induat, quod à *Gemma* planè est alienum. Et in plagis frigidis, ubi *Lacus* &c. alias navigabiles, interdum adeò

adeò duro concrefcunt gelu , ut currus & graviffima etiam tormenta bellica tutò tranfeant , Glacies & Aqua ejufmodi funt corpora , quorum alterum firmum eft , alterum liquidum , quamvis eadem materiæ portio , quæ modò in duram solidamque congelavit fubftantiam , paulò antè exifteret corpus fluidum , & fubinde brevi pòft in liquorem fit reditura.

SECT. XVII.

Nefcio , an annotare fit neceffe , Fluiditatem , quam *Nitro* tribuit Fusio per ignem , valdè affinem illi effe , quam requirit per folutionem in aquas. Verùm fi Fusio fit potiùs per iplarum ignis Atomorum ingreffum & transcursûs , quàm per nudam motûs illius propagationem , quo agitatz ignis particulæ externam vaforum , materiam fundendam continentium , fuperficiem feriunt ; hoc , inquam , cafu utraque Fluiditatis fpecies , retro nuper tributa , adventitii corporis pervafioni videtur deberi : nifi quòd in diffolutione corpus fluidum Liquor eft , proindèque craffius ; in fufione verò , fluida , quæ permeat , fubftantia tenuior eft & fubtilior , nitrum in partes multò minutiores dividens , & parùm admodum inoli ejus addens.

SECT. XVIII.

Verùm circa hanc rem oriri forte poffit dubitatio exinde fcilicet , quòd Nitri pulvis , ut ut fubtilis , fluidus tantùm videatur iis momentis quibus effunditur , idque admodùm etiam imperfèctè ; & quod Fufionem attinet , eam corpus fufum ad novum & permanentem ftatum folere reducere , uti modò dictus Nitri pulvis , qui ante fufionem congeries tantùm erat particularum incohærentium , per eandem ad folidum fatifque durum corpus redigitur. Hifce fcrupulis ut occurramus , Experimentum libet fubjungere , in quod , quantum ad præcipuam ejus partem , in officinis lapidatarum olim incidebamus , quod quamvis ab ipsis non obfervatum,

tum, egregiè tamen rem propositam elucidabit. Cape igitur Alabastrum, vel, si eo destituaris, *Gypsum Parisiense*, ejusque in minutissima contusi & probe cribrati tot libras, quot volueris, injicias plani fundi æreo ferreove, priusque percalefacto, vasi, cujus magnitudinem quantitas materiæ igni commovenda tibi determinabit. Ignem auge gradatim, donec fiat intensus, cumque Atomi calorificæ copiosè satis cumulum pulveris pervaserint, vel, si mavis, cum corpuscula ignea crebris suis agillimisque ictibus vasi impactis, mediante eodem agitationem suam incluso pulveri communicaverint; cumque per horum modorum alterutrum vel utrumque, ignis in actualement motum concitaverit minuta, quibus constat, corpuscula (quod protinùs efficietur) videbis eum formam induere liquoris, plurimisque magnis & confusis undis, more bullientis vasis, effervesce: Et si eum, dum in illo manet statu, bacillo agites, non senties eum, ut arenæ cumulus, vel ut ipse aliàs solet, motui ejus resistere, sed, liquoris instar cedere, atque ut ille, cohærentis corporis naturam quadantenus induisse, cum satis fortiter eum juxta unum vasis latus agitando, undarum ejus manifestam ad oppositum latus allisionem producere possis. Præterea, hanc porro observare licet similitudinem inter bullientem hanc materiam & liquorem, quod magna vaporum copia, qui fumum, nisi quod albi sint, referunt, è vase sursum avolat, & quantum cernere licet, ad camini summitatem fertur, relicto in locis, per quæ copiosè transiit, colore. Illis insuper, qui Experimentum hoc crebrò repetunt, (uti nobis volupe fuit facere) hoc observare licet, quod, vase tamdiu super igni manente, ut Alabastrum eo contentum in gravis immotique pulveris relabatur formam, si aliquanto diutius in calore relinquant, fluidi corporis formam semel saltem resumat, atque iterum, ut prius, ebulliat. Denique, si eo tempore, quo maximè liquorem refert, paulillum inde exceperis, & protinùs albæ chartæ injeceris, nullatenus eam madefaciet, sed derepente immoti & incohæ-

rentis

rentis pulveris genium prodet, qualis erat, antequam igni fuerat impositus. Unde patere arbitror, acervum sive aggregatum talium corpusculorum, quæ nec Sphærica sunt, nec aliâ aliquâ formâ regulari prædita, neque satis minuta, ut aciem oculorum fugiant, posse sine fusione aut effusione reddi fluidum, solâ duntaxat vehementiori & variâ particularum illud componentium agitatione, & mox eâdem cessante fluiditatem suam amittere.

Atque ita vidimus, quantum faciat ad producendum corpus fluidum, ut ejus particulæ actu moveantur. Sed unde proficiscatur hic motus, hac vice definire non aggrediemur. Quamvis enim in exemplis modò allegatis, & nonnullis aliis, plurimi faciliè adducantur, ut motum in fluidorum corporum ibi memoratorum partibus productum ascribant actioni ignis, cui erant exposita; attamen quidnam sit illud, quod partes fluidorum corporum in genere in motum cogit, qualis requiritur ad conciliandam iis fluiditatem, quæstio sane est, cujus veram decisionem votis omnibus expetunt Philosophi. Verùm plena illius disquisitio non hîc, spero, à me expectabitur, qui Notis tantùm scribendis nunc occupor; quandoquidem ista me cogeret ad duas trêsvè discutiendum controversias, quæ in Physiologiâ difficillimæ & maximi momenti jure habentur. Primò enim tenerer expendere, Sitne motus vel proclivitas ad motum qualitas inhærens, quæ Atomis in genere competat, nec ab iis amitti queat; an verò motus omnis ab unius corporis ad aliud impulsu communicetur? Et cùm illi, qui nuper docuerunt, omnes visibiles liquores, ut Aquam, Oleum, Argentum vivum &c. suam fluiditatem agitationi subtilis cujusdem & inquietis materiæ, eos continuò permeantis, præcipuè debere, deducant imprimis substantiæ ejusmodi æthereæ necessitatem à vacui propriè dicti in Mundo impossibilitate, in quo tamen spacia dantur permulta, quæ ab aëre vel grossioribus eo corporibus non occupantur: Examen subtilis hujus materiæ ad scrutandum curiosas illas de vacuo controversias nos per-

pertraheret, quæ Philosophis crucem figunt; earumque brevis disquisitio foret nobis difficilior, quàm necessaria earum hoc loco tractatio; quòd, cum non scribamus de primis Physiologiæ principiis, sed de Fluiditate, quæ secundaria tantum & derivata, ut sic dicam, est qualitas, videatur sufficere, ut ejusmodi de eâ notionem suggeramus, quæ eam non ex absônâ quadam formâ substantiali, sed ex simplicibus & generalibus materiæ affectionibus, Figurâ nempe, situ, & minutissimarum partium motu deducat.

SECT. XIX.

Quapropter cum nihil adjicere lubeat iis, quæ alibi de motûs origine, deque possibilitate aut impossibilitate vacui disseruimus; pergemus notare, superesse adhuc unum quid, de quo Nitrum circa naturam Fluiditatis nos instruit, Id verò est discrimen quod Fluido corpori & humectanti liquori intercedit, quæ duo, cum in multis conveniant, confundi perperam solent; cum omnis quidem humectans liquor sit fluidus, non tamen quodvis corpus fluidum humectet. Aer, Æther, & ipsa Flamma propriè vocari corpora fluida possunt, si notionem Fluiditatis hætenus explicatam sequamur; vix tamen humidi liquores à quoquam appellabuntur: Et Nitrum, quamdiu fusionem patitur, verus liquor est, ut & quodvis metallum fustum; hæc tamen corpora, quæ tangunt, non madefaciunt, ut aqua aliique liquores madefacientes, qui fluida corpora sunt, peculiari hac qualitate prædita, quòd corporibus tactis adhærescant & humiditatem impingant, vel saltem partibus quibusdam turgeant, quæ à reliquis separatae & in liquorem reductæ idipsum præstant. Et juxta hunc conceptum, intelligi posse opinor, corporis alicujus humiditatem esse duntaxat quid Relativum, atque à componentium liquoris particularum congruitate vel incongruitate, ad particularium, quæ tangit, corporum poros relatâ, præcipuè dependere: interdum quippe asperi tates, & pori superficiei corporis illius sicci

I

quod

quod liquor alluit, ejusmodi habent magnitudines & figuras, ut liquoris particulæ ingressum in poros illos reperiant, ibique detineantur (quâ ratione illud emollire solent;) interdum verò pori & scabrities aridorum corporum superficiiei adeò incommensuratam habent cum liquoris particulis magnitudinem & figuram, ut sine ullâ firmâ adhærentiâ per superficiem labantur. Exemplo esse potest Argentum vivum, quod inter humida referri corpora nequit, si manus & vestes nostras, vel reliqua ferè omnia mundi corpora respicias, per quorum superficies ita volvitur, ut nullæ ejus particulæ eorum poris irrepant, aut eminentiis adhærescant; unde & Chymicorum vulgus, *Aquam non-madefacientem manus* illud appellat; verùm diversorum respectu metallorum; Auri inprimis, & Stanni, Argentum vivum humidus dici liquor meretur; cum in illorum poros se insinuet, eorūque corpora emolliat, ut alii liquores in iis id præstant, quæ ab ipsis humectantur. Et ipsa aqua, quæ reliqua ferè omnia corpora animalia & vegetabilia, & multa mineralia madefacit, præterquam quòd ex trita observatione constat, eam brassicæ capitatæ foliis in guttarum ferè orbicularium figurâ insistere, humidus esse liquor haud videtur, si plumas spectes Anarum, Cygnorum, aliarūque volucrum aquaticarum, quas cum Natura & volatui & natatui destina-verit, earum plumas adeò providè contexuit, ut, plumarum aliarum more, aquam non admittant, quæ sanè imbibita eas ad volandum ineptas redderet. Nec observatu indignum est, texturâ liquoris alicujus mutatâ, effici posse, ut superficiiei corporis, cui prius insidere recusabat, nunc facile adhæreat; quod quidem inde liquet, quòd licet Argentum vivum solum vitro non adhæreat, cum debita tamen plumbi, stanni, & Bismuthi portione mixtum, etiamsi nullum horum sigillatim vitro insideat, eorundem tamen liquida mixtura, ut sæpè experti fuimus, promptissimè, etiam sine ullo caloris adjumento, adhæreat.

S E C T. X X.

Si quis objiciat, variam hanc insensibilium partium aquæ similiumque corporum agitationem, in qua Fluiditatis naturam præcipuè volumus consistere, esse quid imaginarium gratisque sumtum, cò quòd, nobis ipsis fatentibus, illæ adeo sint minutæ, ut & ipsæ, & motus ipsarum diversitas sensum fugiant, qui aquam, exempli gratiâ, ut unum continuum corpus nobis exhibet, cujus partes quiete perfectâ fruuntur: si quis, inquam, contra doctrinam nostram hoc urgeat, objectioni speciem deesse non dicimus, soliditatem inesse negamus. Apparentis equidem continuitatis aquæ aliorumque liquorum hæc causa reddi potest, quòd cum particulæ liquorem componentes ob parvitatem suam visum fugiant, sintque non tantum volubiles sed actu motæ, pori seu vacua spatiola inter eas intercepta ob eandem exiguitatem sub visum non cadant, proindeque apparere corpus non interruptum sive continuum oporteat. Ut taceam, quòd si partes liquoris essent minus exiles, facta ab iis locorum commutatio in oculos vix incurreret, cum submotum quodlibet corpusculum ab alio simili continenter suppleatur. Fateor equidem, granorum Nitri acervum, licet è vasculo effusus corpus fluidum non nihil æmuletur, quamdiu tamen in vase quiescit, multorum duntaxat corpusculorum incohærentium simulq; cumulatorum congeries apparet, quòd intervalla sive foramina intercepta magnitudinem afficiendo sensui satis aptum habeant: Verùm si idem Sal in pulverem redigatur impalpabilem, particulis & interceptis spatiis ad extremam redactis parvitatem, corpus ab ipsis compositum massam multò magis integram referet, quamvis propius conspiciatur; adeoque si hic pulvis in partes partibus pulveris incomparabiliter minores ab igne comminuatur, quæque proinde poros adeo exiles intercipient, ut non modò Nitrum, sed etiam metalla quædam, & ipsum quoque Aurum (à quo exhalare quicquam ad ejus diminutionem haud dixeris) à

quibusdam affirmantur (ipse enim non satis accuratè id observavi) minorem potius locum occupare fusa quàm frigida ; quid est cur negemus , satis exiles esse hos poros , qui nullibi corpus sensibilibiter discontinuent ?

S E C T. X X I.

Quòd verò incohærentes fluidorum corporum partes diversimodè hac illac agitentur , quamvis id nequeat sensus discernere , ex sensibilibus eorum operationibus ostenditur.

* Author cum reperiatur quedam , quæ varium spectant motum partium fluidorum corporum , quæque ibi duntaxat delibata sunt , egregiè ; quamvis breviter tantum & absque experimentis , à Dom. Cartesio explicata esse art. 56 & 57. 2. partis Principiorum , equum iudicat curiosum Lectorem còferre , ut pleniorè hac in parte satisfactionem inde hauriat.

* Absque enim locali ejusmodi motu si foret , quomodo aquæ particulae in corporum interiora penetrarent , & alterationes illas putrefacientes , quæ superfluae tribui solent humiditati , cierent ? Et secus si esset , quò fieret , ut aquei liquores tam promptè se ad invicem diffundant , & tam exquisitè sibi mutuo commisceantur ? Videmus etenim , rubrum & album vinum nictu quasi oculi confundi posse in rubellum quod *Claretum* appellant. Et sine varîa hac partium aquæ agitatione quomodo fieri posset , ut sacchari vel salis moleculæ in eam injectæ , tam subito tamque perfectè in eâ dissolvantur ut ipsæ penitus evanes-

cant , & dissociatæ partes à partibus aqueis quaquaversum , à fundo ad ipsam etiam superficiem circumferantur . Ut præ aliis id videre est in sale marino , quod exhalato salis liquore superfluo , ad oculum non in fundo , sed in superficie aquæ coagulare incipit. Neque Salis modò , sed & ipsius Auri , licèt corporis ponderosissimi , partes ita dispergi possunt aquarum illarum agitatione , prout nos docuit Experimentia , quòd facile potes experiri injiciendo paululum soluti in Aquâ regis Auri in quindecuplam aut vigecuplam aquæ limpidæ quantitatem , ut ea omnis hac ratione protinus aureo colore tingatur. Particulas flammam componentes

nentes vehementer etiam agitari, sæpè etiam ad oculum patet, & vix negabitur ab eo, qui operationes ejus considerat, vividèſque radios, quos quaquaverſum in vicina corpora ejaculatur. Partes inſuper communem noſtrum aërem conſtituentes variâ quoque agitatione cieri, multis probatur. Primò quidem ex pulviſculis illis, quos ex umbroſo loco in radiis ſolaribus ſubſultantes videmus; & ex tremulo illo motu, quem corpusculorum in aëre agminatim volitantium motus objectis diſtantibus quæ poſt ortum ſolis probo te-
 leſcopio ſpectantur, videtur impertiri, quod & ipſum oculo sæpè nudo, coelo æſtuate, ex dilutis quibuſdam umbris percipi poteſt, quæ in aularum, templorum, aliarumque ædium cellarum parietibus tremiſcere videntur. Deinde, idque faciliùs, ex eo, quòd ſi *Sal Tartari* acceperis, in fuſionem priùs reductum, idque in cryptâ ſubterrancâ, vel etiam in ordinario conclavi poſueris, parvo temporis ſpatio (ſubinde pauculis minutis) laxari incipiet & ſuperficietenus ab hauſtâ aëris humiditate molleſcere, in quo ſi diutiùs remaſerit, in clarum penitus liquorem diſſolveretur: quod certè non fieret, ſi humidi vapores, qui Aëris ingrediuntur conſtitutionem, quaquaverſum non moverentur, eoque motu in *Sal* impingerent, & hac ratione poris ejus ſeſe inſinuantes illud diſſolverent & ſecum ipſis in liquorem reducerent.

Atque in ipſa etiam *Æſtate*, quâ major, quàm in cæteris anni tempeſtatibus, aëris eſſe ſiccitas ſolet, facile quĩs perceperit, aërem humidis corpusculis, hac illac motis, abundare, idque ex illo Experimento, quo cereviſia vel vinum perfrigidum, glaciẽ aut nivis loco in Cyathum vitreum infunditur: hoc quippè factò, poſt aliquod temporis intervallum, exteriorem ejus ſuperficiem guttulis liquidis irrorari totam conſpicias, quæ certè non videntur aliæ, quàm aquei illi vapores, qui in aëre catervatim natantes, ejusdem agitatione in omnes partes, adeoque ad ipſa Cyathi latera circumferuntur, ibidẽmque lævis iſtius corporis frigidityte

giditate condensati , in aquam conspicuam mutantur. Et, ni me multum fallat memoria , una erat ex circumstantiis, in ultimo hujus notæ Experimento à nobis observata ; Quod guttulæ , quæ externæ superficiei vitri de industriâ non repleti , adhærescebant , vel planè non , vel parum admodum ultra liquoris in vase superficiem porrigebantur ; illius quippe frigus , ut videtur, superiores cyathi partes , infra quas ipse liquor subsedit , haud satis refrigerabat. Facile autem esset probatu , guttas memoratas nequaquam procedere ex liquoris in vase contenti transudatione , si conjecturam adeò improbabilem refellere operæ pretium ducerem. Loco ejus potius innuam , utiles ab hoc Experimento conjecturas , quæ Theoricas , quæ Practicas, posse deduci , & nominatim rationem fortassis exinde suggeri posse inusitati ejusdem modi , salem & liquorem ex aëre captandi , per nuda scil. vitra, peculiari & artificiosâ quadam ratione conficta. Sed ut minus quis ea miretur , quæ modò memoravimus , Experimento edocti subjungemus , difficile non esse, commodi furni & vasorum aptorum adminiculo , metallum illud ponderosum , Plumbum , satis altè in aërem , fumi copiosi specie , propellere ; quem fumum aliquantò post tam diversimodè ferri percepimus à motorum aëris corpusculorum occurfu , ut mox dispersus evanesceret. Quod ipsum non parum , opinor , confirmabit , quod antè docuimus , quantopere scil. corporum in minutas admodum partes divisio ad fluiditatem corporum etiam ponderosorum conducatur.

SECT. XXII.

Et quamvis Argentum vivum inter omnia corpora nobis nota primum ab Auro gravitatis locum teneat , attamen in vaporem reductum ferri hac illac videtur , ut aliæ terrestres particulæ , in aëre nostro sursum deorsum natantes. Memini quippe , peritum deauratorem non ita dudum apud me conquestum esse , quod si in Argenti vivi evaporatione , annulis

nulis digitos exuere oblivisceretur, quamvis illi Mercurium non tangerent, quoad in corpore consisteret; vagantes fumi sæpissimè tantâ copiâ auro insidebant, ut non sine magno labore annulos iis liberaret; quorum unum tum temporis mihi ostendebat, dicto modo nuper dealbatum & fumis Mercurialibus, ut ita dicam, argentatum, quem nativæ flavædini restituere statuebat.

SECT. XXIII.

Sed ad liquores revertamur visibiles, & quasi ad oculum, ut aiunt, probare conemur, partes eorum insensibiles variè posse agitari, quamvis eorundem motus rarò à nobis conspiciatur. Cape igitur, quam volueris, Aquæ fortis quantitatem, inque ea *Vulgaris* argenti cusi (cum purgatum hîc non ita requiratur) quantum libuerit, dissolve, & coloratam hanc solutionem duodecuplæ vel quindecuplæ quantitati aquæ infunde; tum verò mixturam deple vel filtra, ut penitus clarescat. Hunc liquorem si inspexeris, omnes ejus partes tam perfectè, ac vulgaris aquæ, quiescere videbuntur; nec acies oculorum ulla argenti corpuscula in liquore natantia percipiet; qualia tamen hac illac inter aqueas agitari particulas, mox apparebit, si complanatam cupri mundi laminam in liquorem illum immerferis: post duo quippe vel tria ad summum horæ minuta videbis argenti particulas in liquore sursum deorsum vagantes cupræ laminæ acervatim adhærescere, adeò ut nativo conspiciantur colore, eamque laxâ quâdam thecâ argenteâ convestiant, quam pulveris metallini specie poteris excutere: Et si plures ejusmodi laminas per totam noctem, vel per aliquot horas in vasis fundo relinquas, postridie omnes argenti particulas, quæ per totam liquoris substantiam spargebantur, iis inherere conspicias: saturâ illâ cæruleo-viridi tincturâ, quàm in aquâ percipies, ortâ duntaxat ex minutioribus cuprearum laminarum particulis, quas Salina Aquæ fortis corpuscula dissolvère. Et mentem subit, quòd ad perficiendum
Experi-

*Zinckum vide-
tur veteribus
ignotum; unde
Latino voca-
bulo destitui-
tur.*

Experimentum, has ipsas laminarum particulas ad valis fun-
dum, relictâ ibi ad duos trêsvē dies unâ aut
alterâ *Zincki* (ut vocant) massulâ, aliquoties
præcipitavi: quippe, non solùm, illa metal-
lina corpuscula, quæ determinato illi loco,
ubi Zinckum ponebam, proximè incumbē-
bant, sed & reliqua omnia, in remotiores li-
quoris partes diffusa, eidem Zincko adhærescebant; id quod
tum ex auctâ ejus mole, tum ex aquâ clarescētâ & colore
vacuâ patebat. Cujus rei causa hæc videtur manifesta, quòd
aquæ particulæ indefinenter & quaquaversum agitatæ, cre-
bris suis juxta *Zincki* superficiem lapsibus corpuscula cuprea
iis commixta, modò hac modò alia, illuc deferre cogeban-
tur, donec tandem omnes eò affluerent & ibidem detine-
rentur.

S E C T. XXIV.

Quòd ex spiritûs vini, & similium liquorum inflam-
mabilium, à succis fermentatis extractorum particulis, licet
ad oculum videantur quiescere, plurimæ tamen variè &
celerrimè moveantur, jamdudum, ut memini, facili qua-
dâm & ad oculum parenti demonstratione ostendi, eaque
ante decem vel duodecim annos à me excogitatâ, cùm vix
puero major naturam Fluiditatis considerarem. Experi-
mentum, uti literis illud mandabam, additis omnibus cir-
cumstantiis & observationibus eò pertinentibus, in præsen-
tiarum præstò non est: verùm cùm plurimorum rogatu vi-
ris doctis (Physiologis, Mathematicis, & aliis) sapius id
ostenderim, illa ejus Phænomena, quæ maximè in rem
præsentem faciunt, oblivioni tradere haud potui. Cùm
igitur supponerem, in depurato vini spiritu, præter aqueas
partes, leniter juxta se invicem labentes, volatilium & spi-
rituosorum corpusculorum, quæ vehementius agitantur, co-
piam inesse; Patululum olei sive spiritûs Terebinthini vul-
garis effundebam (ex mediocri quidem altitudine, ut lapsu
illo

illo in exiguas frangeretur guttulas) in patulum vas vitreum, eo liquore repletum (qui, ne oleum in eo mergatur, nimium dephlegmatus esse non debet.) Dictum verò oleum vel spiritum ideò elegi, quòd ejus tenacitas, Chymicorum oleorum, ex aromatis distillatorum, tenacitate major, impedit, ne cum Spiritu Vini misceatur néque diffundatur, uti alia multa distillata olea in illius superficie se spargunt; sed seipsum rotundarum guttarum specie cohibet, quarum figura motum earum faciliorem reddit. Oleosæ igitur guttulae in Spiritûs Vini superficie natantes, ob irregularem agiliū illius partium vagationem hac illac incessanter modo confuso movebuntur, mox coitum & unionem quasi molientes, mox rursus dilabentes, & loca inter se invicem commutare pergentes, delectabili satis, & inusitata iis specie, qui nunquam hoc Experimentum viderunt: durabitque hæc chorea ad horam dimidiam vel integrā (plus minus, pro ratione quantitatis vel virtutis spiritûs) donec partibus exhalatis spirituosis, guttæ jam non amplius impulsæ, super liquore spiritibus cassò, haud secus ac super aquâ communi, quiescunt. Et ne quis occultæ cuidam Olei Terebinthini & Spiritûs vini contrarietati celerem hunc guttarum motum ferat acceptum; præterquàm quod proclive esset ostendere, nullam hiscè liquoribus antipathiam inesse, non tantum cum alio inflammabili liquore Experimentum hoc explorabam, sed etiam, expectationi meæ congruenter, deprehendebam, quòd secti straminis particulæ (quæ & leves sunt, nec facillè humidum imbibunt) Spiritui Vini leniter injectæ, tumultuantes hac illac in superficie aquæ ferantur. Commemoro hoc Experimentum, non quòd existimem, fugitivum vini spiritum docere nos posse fluidorum corporum in genere naturam, sed ut ad oculum ostendam, quibusdam liquoris partibus agilem & intestinum inesse posse motum, quamvis inermis oculus tale quid discernere haud queat. Non referam, hoc loco, quomodo nonnullis istiusmodi liquoribus in vitro hermeticè sigillato conabar experiri, quamdiu vagus ille

guttarum motus, præciusâ spirituosus vini liquoris partibus exhalatione, duraret, cum vas meum absque vi ullâ perceptibili mox diffractum fuerit. Nec jam ulla alia hujus Experimenti phenomena notabo, partim quod alibi plura eorum narraverimus; partim etiam, quod potius ex re sit præsentis, observare, non in levibus & spirituosus tantum liquoribus invisam hanc dari minutarum partium agitationem, cum insensibiles etiam liquorum ponderosissimorum partes actu moveantur; quod quamvis fortè plurimorum fidem non impetret, certum tamen ex eo est, quod superius de fluidorum corporum, quâ talium, naturâ jam tradidimus; potestque exinde confirmari, quod ex tribus gravissimis, quæ quidem nobis innotuere, liquoribus, Argento vivo, Oleo Tartari per deliquium, & Oleo Vitrioli, primum in aëre etiam frigido Auri foliati partibus irrepit, & solidissimi hujus metalli texturam destruit; liquor quoque Salis Tartari (per deliquium paratus) tincturas à plurimis corporibus extrahet; Et partium Olei Vitrioli agitationem ex eo probare conati sumus, non solum ostendendo, quod in frigore diversa metalla corrodit, sed etiam, quod ei injectas Camphyræ particulas sine ullo ignis adminiculo colliquat, & in totidem Olei guttulas reducit. Denique, si quis adhuc dubitet, horumne duorum oleorum (à Chymicis per abusionem sic appellatorum) partes, ut ut ponderosæ, vehementer agitentur, an minùs, illi, opinor, facillè satisfiet, si eorum unciam unam atque alteram concutiat, observetque calorem, sibilum, ebullitionem emicantem, quæ protinus eorum commixtionem sequentur.

SECT. XXV.

Verùm hîc notandum, quod, licet fluidorum corporum ingrediatur naturam, ut partes eorum facillè loca commutent; hoc tamen intelligendum duntaxat de partibus eorundem corporum fluidorum, puta aquæ, vel ejusmodi corporum differentium, quæ apta nata sunt alia aliorum particulas.

culas facile admittere, invicemque misceri, quale quid in Aquâ & Vino videre licet. Aliàs enim fluida corpora adeò differre naturâ possint, ut duo plurave eorum juncta refugiant misceri, singulaque suas sibi distinctas superficies servant; adeò ut, habito ad se invicem respectu, corpora ejusmodi contigua consistentis corporis naturam singula quodammodò æmulentur. Licet enim haberi non possint dura corpora, sed mollia, ob facilem superficierum cessionem; compactorum tamen seu consistentium corporum more, cùm contiguo liquore aliave fluidâ substantiâ permanenter misceri reculant. Et nonnihil miror, *Lucretium* aliòsque Atomorum Assertores observationem hanc (quantum quidem memini) præterire, cùm satis in oleo sit obvia, quod aquæ misceri renuit, ejusque superficiei innatat. Ne referam, Argentum vivum cum nullo incorporari vulgarium liquorum, qui quidem Priscis noti fuerint, licet invicem agitentur: quàm circumstantiam propterea adjicio, quòd observavim, plures esse liquores, qui sensim sibi invicem superfusi connatant absque mutuâ mixtione, externo tamen impulsu ad penetrandum suasque invicem superficies perfringendum adjuti, sat facile confunduntur. Atque hujus forsitan circumstantiæ ignorantia vel hallucinari fecit industrium *Glauberum*, eo quòd, uti ante plures annos non sine admiratione in quodam ejus libro ex primis edito inveni, docet, liquorem Salis Tartari, Spiritum Vini & Spiritum Urinæ sibi invicem non commisceri, quantumque etiam agitentur, sed singulos suum sibi locum retinere, liquorem vid. Salis Tartari, infimum, Spiritum Urinæ, medium, & Spiritum Vini, supremum. Etenim quandoquidem expertus fui, quòd, Spiritu vini Spiritui urinæ in gracili vitro sensim superfuso, duo hi liquores sine ullâ factâ mixtione ad tempus sibi invicem superinnatabant; siquidem, inquam, hoc deprehendi, æquum fuerit supponere, *Glauberum* idem quoque in duobus hisce spiritibus observasse,

In secunda parte Furosum ejus Philosophicorum pag. 134. & 135. Latine Editionis.

indéque , nullo facto experimento ulteriori , conclusisse , ipsos neque per agitationem posse commisceri. Sine ulteriori , dico , vel saltem , sine sufficienti Experimento, cum vero non sit simile , quòd si Experimentum ejus , quod tradit , ritè fecisset , rem secùs ac ego & alii constanter deprehendimus , reperisset : Nempe, si Spiritus Vini & Urinæ, invicem agitati , à phlegmate probè liberati non fuerint , eos in unum liquorem , Vini & Aquæ adinstar , promptè confundi ; sed , si parùm duntaxat phlegmatis iis conjunctis intercedat , ipsorum corpuscula partim misceri unumque liquorem constituere , partim in minuta corpuscula salina coagulari ; denique , si uterque phlegmate suo exquisitè vacuetur, Spiritusque Urinosus ab urina ritè fermentatâ (vel putrefactâ potiùs) abstrahatur , tum , agitatione factâ , confestim in consistentem massam albam , nivi ferè similem , abire. Subungere possem , cùm vererer , aliquam majoris momenti circumstantiam in prioribus meis Experimentis memoriâ mihi excidisse , me hoc ipso die oleum *Tartari per deliquium* , ac Spiritus Vini & Urinæ conjunxisse , & reperisse , eos , factâ agitatione , promptè misceri , unumque jam liquorem apparere : in cujus imâ præcipuè parte (non enim ibi reperitur solum) coagulatio datur in formâ Salis , qui ejusdem esse naturæ videtur cum eo , quem modò describebamus. Ac memini , quòd naturam Salium speculatus novum quoddam genus puri Salis Crystallini invenerim , quem tantummodò mixturâ quadam ex oleo *Tartari per deliquium* & Spiritu Vini, absque adjumento ignis culinarii, paro. Verùm , quamvis hujus Salis figuratio perquam fit elegans , illa tamen , & reliquæ ejus qualitates alibi , quàm hîc , aptius tractabuntur. Possem quoque hoc loco mentionem facere , quòd , cùm adjiciat *Glauberus* , si tribus supra memoratis liquoribus oleum distillatum addatur , id supremum locum occupaturum , atque hac ratione quatuor liquores , qui non misceantur , in uno vitro servari posse ; hoc perperam *generaliter* sic asseri , cùm multa non tantum

tantum olea Chymica lignorum, uti grave oleum Guaiaci, Buxi &c. sed quædam etiam olea ipsorum Aromatum, ut Caryophyllorum & Cinnamomi, in ipsâ Aquâ submergantur, quæ Spiritum Vini gravitate superat. Præterea, Spiritus Vini *puritas* in hoc negotio attendenda est; aliquoties quippe experimento deprehendi, tale quoddam oleum, quod *communi* Spiritui Vini innatat, in probè dephlegmato ad fundum ire, Verùm haud attinet, hunc sermonem protendere, cùm, quantum ad præsens meum argumentum requiritur, jam dixerim, idque tam ad comprobandum, quòd alibi de verâ ratione exhibendi in vitro quatuor Elementa (vel majorem numerum substantiarum non miscibilium) tradidi, tum ad ostendendum, quàm sit viris ingenuis periculosum, conjecturas suas ceu Materiam facti venditare: quòd cùm Author noster *Glauberum* fecisse deprehenderit, ipsum tantò facilius excusatum iri spero, quòd in suâ de Nitro dissertatione uti Scriptoris illius testimonio recusavit.

SECT. XXVI.

Memoriâ ferè exciderat, quòd in limine hujus dissertationis instantiam de Flammâ promiserim, quam proinde nunc recitabo. Ea verò est, quòd, postquam per facilem Cupri mediante Sale Armonico, præparationem (in aliò Tractatu jam traditam) ita corpus metalli illius aperueram, ut esset inflammabile; minuta quædam præparati hujus mineralis granula sumpsi, & candelæ luculenter ardentis ellychnio supposui; quo facto, ea, uti exspectabam, mox cum fuso sebo ad imam flammæ partem ferebantur, & per eam sic accendebantur, ut viridis* (non cærulea) cuprei corporis flamma, cùm nonnullâ spectantium admiratione, diu satis (combustibili hac materiâ mirum in modum durante) seorsim à flavâ candelæ flammâ arderet, non aliter ac si partitio quædam invisibilis illas intercederet.

Sed ut ad immiscibiles, quorum suprâ meminimus, liquores revertamur; causam investigare, quare distinctas
suas

suas retineant superficies, præsentis instituti mei ratio non exigit; hoc verò in genere observabo, plurimum illud hujus vel illius liquoris texturæ, & fortassis peculiari etiam minutarum in eis partium motui deberi. Animadverti enim, quòd quamvis depuratus Vini Spiritus, & Sal Tartari, humiditate aëris in liquorem resolutus, distinctas, quando junguntur, superficies retineant, vel protinus, non obstante vehementissimâ quavis liquorum concussione, eas recuperent; si tamen aquæ limpidæ paucillum alterutri eorum addideris, texturâ hac ratione mutatâ, alterum faciliè cum altero commisceri videbis. Similiter, licet (ut jam antè notavi) vulgare Oleum Terebinthinum cum Spiritu Vini haudquaquam misceatur, curiositate tamen ducti, Oleum Terebinthinum, peritè & per lenissimum ignem (secùs enim Experimentum faciliè falleret) à fuso vel saltem decrepitato sale marino abstraximus, & juxta expectationem nostram comperimus, quòd, nulla licet visibilis appareret in Oleo mutatio, faciliè tamen agitatione illud cum puro Vini Spiritu confundere possemus.

Huic adjungamus, quòd, partim ad firmandam conjecturam nostram, particulares scil. fluidorum corporum texturas præcipuis accenseri causis posse, quæ apta vel inepta illa reddunt ad mutuam commixtionem; partim etiam ad ostendendum, universaliter veram haud esse vulgatam illam Chymistarum opinionem, Salia vid. acida & Olea nolle commisceri; Accepi arbitrariam, &, quantum memini, æqualem vulgaris Olei Tartari & Olei Terebinthini quantitatem, prout in officinis veneunt. Hæc ipsa sensim lentèque (quæ circumstantia negligenda non est) conjunxi, atque opacum & saturum valde colorem ex voto obtinui, cujus balsamica ferè consistentia spissitudinem componentis alterutrius liquoris superabat. Atque ut probabile fiat, hanc præsentaneam horum liquorum miscendi aptitudinem plurimum à texturâ dependere, corpus ita mixtum *solicite* (secùs enim vix succedet Experimentum) distillari curavimus, & exinde,

exinde , ut alibi memoramus alio consilio , grossiorem quandam substantiam obtinuimus , quæ priorem inter duos illos liquores unionem videtur conciliaffe. Hac quippe substantiâ separatâ , & liquoris alterius (vel utriusque forsan) texturâ dehinc mutatâ , liquores (qui admodum limpidi in Recipiens transîere) sibi invicem supernatabant ; idque adeò pertinaciter , ut unquam deinceps, ne quidem ad mediocre temporis spatium, ullâ agitatione ipsos confundere valuerim : protinûs quippe a se invicem secedunt , & in hunc usque diem non distincti minûs quàm pellucidi permanent.

Porro , quantumvis Lixiviati liquores & Olea agitatione ordinariâ permanenter haud misceantur , comperi tamen , digesto ad mediocre tempus soluto Sale Tartari cum Oleo Amygdalino , me ea ad mollem substantiam saponariam reducere potuisse. Quod experimentum præsentis meo instituto magis , quam vulgaris Saponariorum praxis, conducit, cum non , ut illi faciunt, aquam , in qua sal lixiviatus dissolvitur , bulliendo fecerim evaporari. Addere etiam possem , quòd si unam Argenti vivi partem quatuor Olei vitriolacei partibus junxeris , reperiēs (dummodò Experimentum eodem semper modo aliis , ut mihi , successerit) duos hosce liquores remanere distinctos ; quamdiu in aëre relinquuntur frigido ; sin verò gradatim Vitrioli Oleum feceris bullire , Argenti vivi superficiem penetrabit , eisque se ex parte incorporando , illud in substantiam valdè à priori diversam reducet. Verùm , cum duo hæc posteriora Experimenta minûs improbabiliter , quàm duo priora , ad alias referri causas possint , iis non insistam ulterius , sed unam adhuc notam de fluidorum corporum discrimine subjungam.

S-E C T. XXVII.

Animadverto scil. quædam eorum non modò cum aliis , quæ ipsis contigua sunt , non misceri , sed & aliorum istorum superficies formare , & ad figuras determinatas reducere

cere. Cum delectatione hoc observavi in Chymicis quibusdam liquoribus, quos de industriâ junxeram: Effuso quippe, exempli causâ, Spiritu Vini super Oleum Tartari *per deliquium* (ut Chymistæ loquuntur) comperi, superficiem, quâ se invicem contingebunt, esse planam, atque quantum quidem sensus disjudicare poterat, Horizonti parallelam. Sed, hoc ipsum si fieret in gracili admodum vel angusto vase, orificio patente, quamvis inferior Spiritus Vini superficies, quæ liquorem alterum tangebatur, plana admodum appareret; superior tamen, quæ Aëri erat contigua, manifestò concava conspicietur. Et, si duobus hisce liquoribus in ampliori vase Oleum affunderem Amygdalinum, hoc ipsum infra Spiritum Vini, probè depuratum, subsidebat, Oleoque Tartari innatans, duos illos liquores determinabat, plana tum superius tum inferius superficie servatâ. Sed, si Olei Amygdalorum vel alterius Olei expressi loco, Spiritui Vini puro, qui Oleo Tartari innataret, commune Oleum Terebinthinum affunderem; Oleum hoc coibat in massulas (partim globulos grandiniferos, partim glandulas sclopetarias, partim alia corpora magnitudine æquantes) quæ si in Spiritu Vini natarent, & neutram ejus superficiem tangerent, globulares videbantur, illamque figuram (vasibus scil. obthuratis) per plurium horarum spatium servabant: sed si versùs superiorem Spiritus Vini superficiem emergerent, quotquot earum in hoc Spiritu jacebant immersæ (quæ reliquas numero plurimum excedebant) rotundæ apparebant, eamque figuram, quamdiu vellem, servabant: nisi quòd superiores horum globulorum partes eandem cum Spiritu Vini superficiem habere conspicerentur. Animadverti insuper, quòd guttulæ nonnullæ in Olei Tartarei superficie constanter quasi. persistebant, ipsum ferè in puncto tangentes, &, quantum quidem oculus æstimare potuit, figuram Sphæricam retinentes; quamvis subinde liquoris superficies datâ operâ nonnichil agitaretur. Sed, quòd inprimis notabam, hoc erat, quòd, cum (ex consilio)
puro

paro Spiritui Vini (vulgari quippe Spiritui Oleum innatat) grandiores quasdam Olei Terebinthini guttas affunderem, illæ primitus ad fundum ejus irent, Oleique Tartarei superficiei quasi Hemisphæria incumberent, quorum pars convexa supra Oleum Tartari tota eminebat; sed aliquanto tempore post, undequaque, uti exspectabam, premebantur, inque corpora rotunda (magis tamen circa latera; quam summitatem protuberantia) quæ sibi subiectum Oleum Tartari vix tangerent, formabantur.

Plures aliæ observationes ex peculiaribus, quas curabam, liquorum Chymicorum mixturis mihi occurrebant; sed cum otium mihi non sit eas consignare, multò minùs earum causas scrutari, vix illas, quas jam tradidi, memorassem (maximè cum levis circumstantiarum variatio sæpè mutaret istiusmodi Experimentorum eventum, quæ proinde ut meram historiam retulimus) nisi quòd, cum deprehenderem, guttas aquæ, Argenti vivi, aliorumque fluidorum corporum, ex ambientis aëris pressione undequaque ferè æquali rotundam videri figuram induere; cùmque similiter experirer, Argentum vivum in aëre suspensum (quod facile potest fieri, si Torricelliano experimento in Tubo admodum gracili facto, nonnihil aëris postmodum intromittatur, qui longum Cylindrum Mercurialem in plures breviores dividat) & in summitate & in fundo, ubi Aëris actioni exponitur, superficie admodum esse protuberanti; Hæc, inquam, fluidorum corporum in se invicem effecta cùm comperirem, haud supervacaneum credebam innuere, quâ ratione fieri quædam Experimenta possent, quorum forsan beneficio ratio redderetur facilior de quorundam, eorumque magis notabilium corporum fluidorum, figuratione, quæ, uti antea innuimus, majorem universi partem constituunt: inprimis, cùm sat proclive mihi sit probabile redde, quòd isti Terrestris Globi vapores, qui non sine ratione Maximam Atmosphæræ nostræ partem constituere supponi queunt, possint, liquoris instar, distinctam ab ambiente & contiguo corpore superficiem retinere.

SECT. XVIII.

Hic verò ad Firmitudinis considerationem transirem, nisi cum suprà differerem de corpusculorum, quæ Oleum Tartari & Vitrioli componunt, agitatione, oblitus fuisset addere, quòd non solum corpora fluida, sed & consistentium nonnulla, motum aliquem in partibus eorum insensibilibus habere possint, quem sensus nostri nequeant dignoscere, quique vix in suspensionem nostram cadat; ea præsertim corpora, quæ quondam animata cum fuerint, non quidem sunt fluida, sed vel mollitiem, vel saltem non perfectam duritiem induerunt.

Pluries juvit me, agmen glomerantium apum spectare: licet enim corpus liquidum non constituent, sed cohærens, quod sursùm deorsùm sine cohæsionis suæ jacturâ volvatur, quòdque eminus conspectum, una videatur massa integra; cominus tamen intuenti manifestum erit, singulas apes glomerantes ferè omnes suos sibi distinctos & peculiare motus habere, qui tamen agminis cohærentiam non solvant: idque propterea, quòd, cum una ex apibus interioribus locum mutat, uti cohærere iis, quibus ante innitebatur, desinit, & ab illis, quæ sibi priùs inhærebant, discedit, ita aliis occurrit, quibus imponere pedunculos suos possit, & aliis contrà sese supponit, quæ ipsam pessundent; adeoque mutuorum horum sustentaculorum reciprocatione cohærentiæ earum & separatio compatiuntur. Et si apum loco, parvæ admodùm muscæ examen componerent, earum motus particulares inconspiciæ fortassis redderentur. Atque tale quid in corporibus consistentibus, quorum facta fuit mentio, usuvenire posse, exinde videtur probabile; quod sæpè in operibus tabulatis, aliòque ligno duro, parvos pulveris acervos putrefactione videmus produci: Nec in cæcis solum vermiculorum agmina frequenter exoriri deprehendimus, sed & in pomis aliisque fructibus termites crebro reperimus, cute licet integrâ; quod sanè fieri non posset, nisi materiæ partes variè trans-

transponderentur sive in motum localem cicerentur, & tali se modo conneſcerent, qui insecti producendi naturæ congruat. Insuper, ex incremento ossium in perfectiorum animalium corporibus, tam internæ cavitatis medullaris, quàm externæ superficiei respectu; uti etiam ex concharum in ostreis & limacibus (licet animalculis frigidis) augmento signanter satis pro-
 vecto, & ex aliis circumstantiis similibus apparet, exiguas particulas, quæ vel solidissima Animalium corpora componunt, non esse, dum creatura vivit vel saltem dum augetur, ab omni locali motu, licet tardus ille sit & sensum fugiat, immunes. Memini etiam, diligentem rerum observatorem aliquando mihi asseverasse, ipsum sese massulas quasdam gummeas vidisse, quæ ex annoso Tabulato, eoque vicenario, exsudassent. Quod eò minus miror, cum pluries ipse viscosas Exsudationes, guttis Terebinthinis similes, asseribus qui ædificiis inservierunt, produsse conspexerim.

SECT. XXIV.

Postquam hætenus de Fluiditate differuimus, ut in distinctis consideratur corporibus, tempestivè satis hoc loco liceret explicare, quomodo corporis unius cum altero mixtura fluiditatem ejus vel promoveat vel sufflaminet. Verum istarum consistentiæ mutationum, quæ ex mixtione producuntur, consideratio tam crebrò occurreret in eo, quem de Firmitate paravimus, tractatu, ut hic loci monere tantum in genere sit animus, Quod non ita proclive turumve sit, mixtionis duorum pluriumve corporum consistentiam prædicere ex nudâ consistentiæ corporum illorum, quæ eam constituere debent, consideratione. Atque ut hoc ipsum manifestum fieret, & eadem simul innueretur operâ, quid de Chymistarum aliorumque absque limitatione loquentium effato judicandum, Salia, videl. metallinis & mineralibus addita corporibus fusionem eorum reddere faciliorem, me ex industria hoc usum fuisse experimento memini.

Cuprum crudum in debitâ spiritûs Nitri quantitate dis-

soluebamus, & evaporationis ope corpus solutum ad Vitrioli quoddam genus speciosè coloratum redigebamus; Unâ etiam boni Stanni parte, cum duabus spiritûs nitrosi partibus corrosâ, mixturam sese reducere (ut facilè fiebat) ad substantiam quasi farinaceam sinebamus. Hujus mixturæ portionem catillo fusorio injectam, ad ignem candescere, inque candenti illo statu ad mediocre temporis spatium permanere patiebamur; quin & particulam micanti imponebamus prunæ, frequenti flatu calorem ignis intendentes, nec tamen comperientes, farinam hanc metallinam ullatenus fundi, quantumvis sal fusibile sit Nitrum, ipsûmque Stannum facillimo negotio fusionem acquirat. Contrâ verò, etiamsi Cuprum sit metallum, quod multò difficilius funditur, quàm Stannum & Plumbum, imò quàm ipsum Argentum (quod iis probè notum, qui Argentum & Cuprum miscent ad mixturam fusibilem faciendam, cupro & æri conferruminandam) hoc tamen metallum, tam diuturnæ & intensæ ignitionis patiens, si per minima cum congeneribus jungeretur corpusculis nitrosis, quæ effectum adeo contrarium in Stanno producebant, ad fusionem adeo erat proclive, ut leni admodum calore qualis fortè manui ir-esse potest, Vitriolum liquaretur. Quinimò, Vitriolum tale fecimus vel Nitri spiritu, vel (quæ parùm ab eo differt) Aquâ forti, quod vel in ipsâ hyeme ad plures horas fusum maneret, idque languido solis calore, per fenestram duntaxat illud feriente, in qua etiam in patenti vitro ipsi erat expositum. Tanti scil. est æquè novam considerare texturam, quam corpora mixta per particularum suarum (quarum magnitudo, figura, & fortasse etiam motus plurimùm eo ipso alterari possint) associationem acquirunt, ac particularium corporum, priusquam misceantur, consistentiam.



HISTORIA

FLUIDITATIS & FIRMITATIS.

P A R S S E C U N D A

De

F I R M I T A T E.

SECT. I.



Atis notum, Chymicos Firmitatem & Duritiem corporum adscribere Sali, atque docere, Salinam eorum partem Principium in ipsis esse Coagulationis, & Firmitudinis ac Soliditatis causam. Verum, licet hanc Spagyricorum opinionem moderni tanto numero Philosophi & Medici amplexentur, ut supervacaneum judicari à quibusdam possit in alias causas inquirere; alii tamen (quibus Chymicorum explicationes ne quidem intelligi semper posse videntur) vel hoc ipso nomine, quòd proposita opinio tam sit vulgata atque recepta, ipsam examen potius quam acquiescentiam mereri existimabunt. Ut ut sit, nos à studio partium alieni, rem ipsam pro ratione instituti nostri expendere

dere satagemus. Cùmque in priori Historiolæ nostræ parte Fluiditatem in genere fuerimus contemplati, nunc porro experiemur, quid exinde lucis patefaciendæ Firmitatis naturæ scenerari possimus.

SECT. II.

Cùmque Fluiditas & Firmitudo, ceu qualitates contrariæ, sub contrariis intelligendæ sint notionibus, concipiamus Firmitudinem stabilitatemve corporis alicujus in eo præcipuè consistere, quod particulæ illud componentes; præterquam quod communiter sunt crassiores, vel ita quiescunt vel sic inter se invicem implicantur, ut mutuò sibi cohæreant, atque adeò ad fluendum & quaquaversum se diffundendum ineptæ reddantur, proindeque sine violentiâ, à nullis aliis superficiebus terminum & figuram accipiant, quàm ab illis, quas ipsarum nexus iis conciliat.

SECT. III.

In rudiori hac Firmitatis descriptione, tres primarias ipsius causas indicavimus, partium sc. componentium Crassitiem, Contactum quietum, & Implicationem.

SECT. IV.

De primâ, quæ partium est Crassities, reapse jam satis ferè disseruimus: quippe cùm de Fluiditate tractantes manifestum fecerimus, quantopere partium exiguitas, ad qualitatem illam conducere, proclive est inde inferre, partium in corpore Crassitiem passim ad Firmitatem illud disponere. Et cùm grandiora corpuscula, cæteris paribus, difficiliùs quando semel quiescunt, in motum cieantur, quàm minora; patet omninò, corpus ex ejusmodi constans particulis minus esse proclive ad fluorem, proindeque magis aptum ad retinendam suam firmitatem, quàm si componentes ejus partes essent minutiores, & hoc nomine faciliores quæ dimoveantur. At, cùm de corpusculorum loquor Crassitie, non

non mihi fumo determinare, corpūsne siue materia ita sit in perpetuum divisibile, ut nulla ejus portio assignari queat adeò exilis, quæ non, mentaliter saltem (ut loquuntur Scholæ) ulterius in minores semper particulas dividi possit: Etenim, datâ hac divisibilitate corporeæ substantiæ indefinitâ, certo quodam sensu concedi posse, nulla esse corpora firma, quorum partes non sint admodum exiguæ, manifestum est. Sed ego per Crassiores partes, de quibus hîc mihi sermo est, ejusmodi intelligo corpuscula, quæ ad constituendum corpus aliquod actu coëuntia, ambientis Aëris vel Ætheris agitatione, vel cæteris causis Fluiditatis corporum, vix in minora dissipari aut dividi queunt.

S E C T. V.

Notandum quoque est, quod de crassiorum corpusculorum ad constituendum corpus firmum aptitudine verba faciens, addebam, *Cæteris paribus*: Fieri quippe potest, ut exiguarum corporis alicujus partium in minutas particulas distractio eas duntaxat aptiores reddat, ut ad producendam corporis, cujus sunt partes, firmitatem conferant: Divisorum enim corpusculorum partes suâ comminutione novam & fortè magis, quàm prius, irregularem acquirere possunt figuram, cujus nomine magis disponi queant, ut vicinis particulis implicentur, vel aptiores reddi, ut certorum quorundam corporum poris irrepan eòsque expleant. Atque in minutis ejusmodi particulis, non modò exilitas in arctiorem locum eas compingere potest, proindèque Aërem meliùs excludere: Verùm magnitudo superficiæ, moli materiæ comparata, in quibusdam fortè casibus pleniorum contactum possit conciliare, adeoque firmi admodum corporis constitutionem promoverè, si modò hæc minutæ partes (quarum intervalla, dummodò ulla intercipient, nonnisi valde parva esse necessum est) ad plenum invicem contactum commodissimè collocentur atque disponantur.

Sed,

SECT. VI.

Sed, uti suprà dicebam, ex eo quod jam tradidimus circa partium magnitudinem, cùm de Fluiditate ageremus, pronum est intelligere, quantopere earundem magnitudo ad Firmitatem conducat: Quare protinùs ad commemorandas duas causas reliquas, ad firmitatem corporum concurrentes, progrediamur. Earum altera est, mera exilium & contiguarum partium, firmum corpus componentium, quies; altera verò, implexa talium partium in corpore, quod constituunt, Textura. Atque harum alterutrà videtur sola conciliandæ corporis firmitati sufficere; quamvis fortè Natura utrumque sæpè, licèt non æqualiter, ad unius ejusdémque corporis partes firmitus coagmentandum adhibeat.

SECT. VII.

Ad priorem harum¹ causarum etiam Celeberrimum *Cartesium* intelligo animum advertisse, nullà tamen additâ probatione, ab Experimentis vel Observationibus desumptâ. Planè verò præterita, vel, tanquam incongrua connati Atomorum morûs hypothesi, rejecta videtur à priscis Atomorum patronis, & à *Lucretio*, qui, quantum memini, posteriorem tantùm notat. Quamvis enim mentionem olim facerent, de subitâ duorum planorum & solidorum corporum divulsione; eam tamen observationem ad probandum vacuum duntaxat adhibent, non animadvertentes (quod mihi quidem occurrerit) illa, quæ in ejusmodi observationibus ad præsens nostrum institutum faciunt; nec inde deducentes, quæ nos ad causarum Firmitatis explicationem colligere conabimur. Quacunque igitur de causâ Atomorum Doctores inter causas Firmitudinis eam recensere abstinerunt quam nos paulò prius commemoravimus; attamen (ut suprà observabamus) si duo corpora semel ad invicem quiescant, Catholicis Naturæ legibus videtur consonum, ut in

co quietis statu perseverent, donec vis quædam, eorum resistentiam superare valens, eum interpellat. Quicquid etiam dici possit de inamissibili Atomorum strictè sic acceptarum mobilitate; attamen quasdam Materiæ partes componere posse corpora, quibus uniendis nullo alio cæmento est opus quàm juxtapositione hîc à nobis substratâ, & mutuâ partium quiete, quâ Aër aliâque corpora fluida, ipsas dissociare valentia, excluduntur, inductus fui ut crederem ex eo, quod in vitrorum triturâ vel politione observaveram: interdum quippe convexâ unius corporis superficie trita super alteriùs concavam, ambas superficies tam arctè & exactè sibi invicem coaptari continget (immediato ipsarum in omnibus vel saltem innumerabilibus earundem partibus contactu intercursum Aëris impediante) ut ea directè non valeas dividere, quin alterum eorum vel utrumque frangas: sed si separare ea velis, alterum eorum movere juxta superficiem alterius teneberis; quod ipsum sæpè vitrorum Tritoribus querimoniam extorquet de molestia, quâ in separandis ejusmodi corporibus defunguntur. Quinimò, si duo plana vitra, curatè admodum trita probèque polita super se invicem ponas, ita ut ipsorum superficies per omnia ferè se invicem tangant (cui efficiendo necesse crit, ad pleniorè aëris exclusionem, alterum super altero nonnihil atterere) poteris sublevando superius, unâ attollere (quasi duæ illæ laminæ vitreæ nonnisi unum corpus constituerent) inferius, quamvis fortè, uti sæpè sumus experti, duplo vel triplo majus. Quin & aliquoties quatuor vel quinque frustra vitrea simul & semel, ita sibi invicem superimposita & attrita sustulimus, & majorem fortasse numerum; si plura nobis ad manum fuissent, sublevare potuissemus. Experimento etiam edocti fuimus, quòd si speculi latus politum exactèque libratum versus humum invertas, cique aliam laminam vitream planam admodum & probè lævigatam atteras, facillè hoc modo solo ea compinges, ita ut vitrum inferius, quamvis amplum, medium inter vitrum superius & hu-

mum pendeat , non sine admiratione spectantium , qui non
 dignoscunt nec imaginantur quicquam , quod illud à lapsu
 valeat cohibere. Et eodem modo (uti mox dicemus fusius)
 sæpè curavimus , ut unum satis crassum marmoris frustum su-
 stolleret & sustineret alterum , postquam de industriâ planas
 ipsorum superficies sollicitè teri & poliri curassemus , abs-
 que quo si fuerit , Experimentum successu carebit. Nec re-
 quiritur , ut vitra plana sint ad arctam eorum cohæsi-
 onem procurandam , dummodò immediatus ipsorum contactus
 juxta amplam fiat superficiem. Etenim præterquam quod
 de convexorum & concavorum corporum cohæsi-
 one jam diximus , hoc addere possumus , quòd , cum data operâ
 longum obturaculum vitreum , figurâ ferè conicâ probèque
 tritum , applicarem vitreæ sextarii ampullæ crassioris
 orificio , cujus collum longum satis erat & figurâ obtura-
 culo recipiendo congruâ , atque intus aptè tritum , depre-
 hendimus , hæc duo corpora vitrea , se invicem in plurimis
 partibus tangentia , tam arctè sibi cohærere , ut obturaculo
 cum cura inserto , facile & aliquoties ampullam continuo
 sublevare possemus , licèt , quantum conjecturâ assequeba-
 mur , plus quàm integram liquoris libram contineret. Nisi
 supponamus , absque magnâ probabilitate , quod , quia de-
 prehenditur , alterius super alterum hinc inde motionem , de-
 pressionemque obturaculi juvare eorundem cohæsi-
 onem , hæc ipsa ex parte possit adscribi vel motui cuidam Elastico in vitri
 pressis partibus , vel exquisitæ adaptationi innumerabilium
 ferè , licèt valdè minutarum asperitatum unius : respondentem
 æquè numerosis parvulis cavitatibus alterius : quo ipso fit , ut
 superficies se invicem innodent & concludant , vel ut ita
 dicam , confibulent. Etenim , ut ut illæ superficies sensui
 politæ appareant , negandum tamen non est , ejusmodi in-
 æqualitates ipsis inesse posse ; quoniam , cum pulvere quo-
 dam scabro , (Putty ab artificibus dicto qui ex stanno plum-
 bōque simul calcinatis paratur) vel radentium & irregularis
 figuræ corpusculorum acervo soleant poliri , illa non possunt
 non

non magnum numerum parvulorum sulcorum & porcarum, aliarumque asperitatum in illis producere. Sed huc conjecturis immorari, digredi esset.

SECT. VIII.

Attamen hic prætereundum non est, quod, in hoc saltem mundo sublunari, cohesio ejusmodi corporum, quæ sensibili mole constant, quorumque politæ superficies immediate se invicem tangunt, fortè non tam ex eo oriatur, quod ipsorum partes, ut supra observabamus, in mutuâ sunt quiete, contactuque suo immediato nonnisi unum quasi corpus constituunt; quàm ex Atmosphærae pressione, procedente partim ex ambientis aëris, Terrestris Globi effluviis mixti, pondere, partim verò ex Elatere quodam, cujus vi Aër corpora ipsi continua jugiter premit, licet per consuetudinem & incuriam, aliasque fortè causas hoc loco non memorandas, nos neque in corporibus propriis idiplum sentiamus, neque animadvertamus in aliis. Hac verò Aëris quaquaversum pressione datâ, putaverim, mutuam adhesionem corporum politorum, de quibus loquimur (illa quippe longè majora supponimus quàm Aëris particulas) probabiliter satis huic ascribi causæ posse; quod, cum, exempli causâ, politæ duorum vitri frustorum superficies tam exquisitè se invicem tangunt, ut nihil ambientis aëris inter ea vel intercipiatur vel admittatur, tunc inferius vitrum nullum patietur in eo latere pressionem, quod tangit superius, cum vitri superioris partes nullum Elaterem sensibilem contineant, adeò ut alteri vitro resistere tantum, non verò id repellere queant; sed illud vitri inferioris latus, quod aëri exponitur; ab eodem premetur; cumque ut dicebamus, nulla sit in altero latere pressio Elastica, quæ istam compensare queat, mirum non est, inferius vitrum ab altero non delabi, quandoquidem, pondus, quod illud deorsum pelleret, longè nimis est exiguum, quàm ut vim aëris, illud adversus vitrum superius trudentis superet: Veluti si quis manu suâ laminam ferream, in latitudine suâ positam, in

planum cubiculi sui parietem impingeret, ferrum certè non caderet, quamdiu manus pressionem continuat. Nec refert, quòd in nostro casu pressio Atmosphæræ vitrum inferius sursum pellere supponitur: Etenim, si damus, Aërem ex innumeralibus spirulis constare, quæ sibi invicem incumbunt & substant, quantumque inferiores ab omnium sibi innitentium pondere inflectuntur, proclive erit intellectu, prope Terræ superficiem (circa quam aër non potest non seipsum diffundere, propter minutarum ejus partium gravitatem, Terræque adversus earundem descensum resistantiam) ipsum ferè æqualiter quaquaversum posse premere, & per resilientiam quandam, sursum à Globo Terrestri factam, fortiter quodvis corpus, cui inniti potest, impellere in quodvis aliud, quod tali vi Elastica corpus ita sibi impactum repellendi destituitur.

S E C T. IX.

Hac difficultate hunc in modum expeditâ, conjecturam nostram de causâ, quare scil. polita corpora ad nudam juxtapositionem vel contactum cohæreant, duabus tribùve instantiis pergam confirmare. Et primò quidem observo, quòd, si plani vitri frustum, polito speculi alicujus lateri deorsum verso, ut antè meminimus, in Horizontali parallelismo appendatur, licet adhærens vitrum non decidat, valdè facile tamen in quamvis partem juxta planam superficiem movebitur; &, si speculo ullam in partem inclinato, illud priori situ Horizontali privaveris, minus vitrum facile deorsum juxta majoris superficiem labetur. Cujus ratio hæc videtur esse, partim, quòd inferioris vitri gravitas, quæ talis, non insigniter resistat motui ejus Horizontali, sed motui duntaxat qui fit sursum, cujus vi cogeretur à gravium corporum centro recedere; uti id, si opus foret, ex quibusdam instantiis, satis obviis, probabiliter posset deduci; partim verò, vel præcipue potius, quòd vitri marginibus ambiens aër undequaque est contiguus, proindeque,
cum

cum quamlibet marginum partem Aër æqualiter premat, minoris vitri gravitas ab aëre (qui æquali celeritate ad alterum latus succedere potest, quàm ab altero removeretur) non impeditur, quò minus illud super inclinata majoris vitri superficie deorsum repere faciat, cum è contra alterum ex latis inferioris vitri lateribus, ab aëris, uti dicebamus, Elatere prematur, dum alterum nullam ejusmodi pressionem à speculo sibi applicato patiarur. Eodem modo, si parvum aliquod vas vitreum patens accipias, idque, orificio sursum verso, in aliud vas, argento vivo plenum, demergas, ut argentum vivum id repleat, nec ullum in eo aërem relinquat; & si, dum sub argento vivo demersum est, orificium ejus deorsum vertas, & hoc modo in situ recto sustollas, donec orificium ferè ad Mercurii pervenerit superficiem; percipies, vitrum ferè plenum argento vivo remansurum, quamvis superior liquidi metalli in vitro superficies multò jam sit altior, quàm plana argenti vivi superficies in vase: Et hoc ipsum ita durabit, quamvis vitrum hac illac inclinaveris, dummodi vitri orificium intra Mercurium cohibueris. Atque hoc experimentum, quamvis insignius, si fiat cum argento vivo, cum aqua tamen etiam tentatum succedet, idque facilius. Cujus hæc esse ratio videtur, quòd vitrum immune reddit argentum vivum in eo contentum ab aëris incumbens pressione, cum ex adverso, argentum vivum in vasculo aëri exposito contentum, ab eodem necessario sursum pellatur contra inversi fundi vitri superficiem, ubi nulla occurrit vis Elastica, quæ illud deorsum repellat. Etenim, non esse Naturæ à vacuo abhorrentiam, quæ argentum vivum à descensu, donec aër in ejus locum possit succedere, cohibeat, celebre Experimentum à *Torricellio* inventum, & à multis aliis, nobisque ipsis, (quod argenti vivi in tubo, duos circiter pedes & dimidium superante, descensum spectat) comprobatum, palam videtur evincere.

S E C T. X.

Verum, ut quod diximus confirmemus, simulque ostendamus, non tam esse corporum juxta latam aliquam superficiem contactum, quàm talem, quàm quatenus ille ad exclusionem aëris passim requiritur, qui, saltem in hoc inferiori mundo, corpora à dilapsu cohibeat, referam, quòd postquam artificio quodam ex amplo vase vitreo, angusti orifici, certam aëris quantitatem exfugi curassem, deprehendebamus quòd libro, qui tum fortè ad manum erat, ad vasis orificium continenter applicato, liber ille protinùs sustollebatur atque sustinebatur in aëre, quamdiu nobis illubescerebat, licèt suspensi corporis superficies non posset, uti manifestum est, nisi à circulo, qui vasis orificium cingebat, tangi; pondusque sublevatum (ne quid dicam de ejus figurâ, tali experimento incongruâ, quod probabiliter cum pondere multò majori, æquè successisset, si aptè figuratum præstò fuisset) viginti uncias excederet. Cujus effecti hæc evidens esse causa videtur, quòd propter portionis aëris è vase exsuctionem, vis Elasticâ aeris residui multum fuit debilitata, si cum infractâ aeris externi spirâ conferatur, quæ cum fortius premere librum contra vasis orificium valeat, quàm ut internus aer resistere sit potis, inde fit, ut totum vasis orificium, licèt ejus duntaxat pars sit solidum corpus, hoc tamen in casu quadantenus integræ superficiæ, exactè lævis, munere defungatur.

S E C T. XI.

Illud quoque disquiri possit (ut hoc obiter addamus) dependeatne à principio jam explicato *Vitri soliditas*. Etiam si enim partes ejus ramosæ vel sibi invicem intertextæ non videantur, & politæ admodum ac lubricæ appareant, attamen, cum ignis, qui ad fusionem eas reduxit, proindeque fluidas reddidit, jure eas subdivisisse & in minutas valde particulas

riculas redigisse supponi queat, easdemque adeò ad aërem à semetipsis secludendum juvisse, non adeò mirum videri debet, si immediatus minorum ejusmodi & politorum corpusculorum contactus ad eas in nexu retinendas dicatur sufficere. Quippe, unionem earum ad excludendum aërem satis arctam esse, ex eo patere possit, quòd vitriflones, & qui in vitris distillant, haud deprehendunt, posse aërem vitri etiam calefacti poros pertransire: materiam verò subtiliorem quod spectat, ex libero & innoxio lucis & caloris, vel, ut cautiùs loquamur, Magneticorum effluvi-
orum per vitra transitu videmus, ejusmodi materiam, modicè duntaxat motam, minutas partes solidas à mutuâ co-
hæsione non impedire. Et hac occasione posset expendi, quantum corpusculorum, quibus constant, fusione contru-
sorum juxtapositio conferre possit ad consistentiam & fragilitatem Nitri, & aliorum quorundam corporum, quæ ab inco-
herente pulvere protinus in unam verti massam possunt: simi-
liter etiam, quousque cohæsio (non enim de figuris, quas componunt, loquor) exiguarum partium, pendulas aquæ guttas constituentium, aliorumque ejusmodi liquorum, quæ non creduntur ex uncinatis vel ramosis consistere corpusculis, possit minutarum eorundem partium contactui, & exclu-
sioni aëris vendicari. Hæc, inquam, & quædam istius ge-
neris alia hîc venire sub disquisitionem possent, nisi festina-
tio, quæ ad residuam dissertationis nostræ partem nos vocat, à particulari eorum examine nos prohiberet, inprimis verò ab ulteriori illius consideratione, quod de vitri soliditate exhibuimus, in qua aliam quoque causam multam sibi jure arrogare suspicamur.

SECT. XII.

Licet igitur hinc (ut alias probationes alibi memoratas omittamus) satis pateat, Aerem vi Elastica, eaque forti, pollere, non tamen magna apparet necessitas eò recurrendi,
ut

uè rationem reddamus, quare duo illa vitra polita, superius memorata, tam arctè cohætere valuerint. Probabilis quippe istius Phænomeni causa ex aëris, ut pondus considerati, pressione assignari potest. Et quidem primò, in mentem revocare oportet, quod paulò antè diximus de Cylindri aëris à terra ad suspensum vitri frustrum resultu, exinde sc. orto, quòd fluidus aër, qui aliquid habet gravitatis, à resistente Terrestris Globi superficie ab ulteriori lapsu impeditus, non possit non seipsum diffundere, proindèque tam sursum quam in aliam quamvis partem premere. Deinde, & hoc expendendum, quòd, quando superficies duorum planorum corporum, insignioris alicujus (& exempli causâ, æqualis) area, immediatè se invicem tangunt, & ambæ Horizonti sunt parallelæ, alterâque directè super alterâ jacer, in hoc casu, inquam, cum Aër in instanti movere se nequeat à marginibus ad medium usque duarum superficierum sibi invicem superincumbentium, inferior dimoveri deorsum perpendiculariter à superiori non potest, quin necessario vi duritiei & rigiditatis corporum se immediatè tangentium eveniat, ut ipso separationis momento, si ea fieret, inferius vitrum prematur ab integrâ aëris columnâ, quæ ab Atmosphæræ fastigio se porrigere, & inferioris vitri superficiem pro basi habere supponitur. Etenim, isto instanti, cum aëri non satis temporis suppetat, intra duo vitra irrependi, nihil est inter ea, durante illo instanti, quòd pressionis aëris illius resistat, qui contra imam vitri illius inferioris superficiem nititur, proindèque ejusmodi inferioris vitri revulsiò effici nequit, nisi à pondere vel potentia, quæ vi ponderis supradicti Atmosphæræ Cylindri valeat superare; idque, ut dixi, propterea, quòd propter subitam separationem superior vitri superficies nullum habeat aërem sibi contiguum, qui, si ibi esset, juxta fluidorum corporum naturam, æquè contra superiorem vitri superficiem niteretur, ac Atmosphæræ columnâ contra inferiorem, proindèque aëris contra inferius vitri latus conatum sustineret, qui in proposito

posito nostro casu à pondere sive vi ad inferius vitrum deorsum revellendum adhibitâ superari debet.

SECT. XIII.

Et hinc intelligere datur (ut id in transitu adjiciamus) non esse necesse, ut contigua duorum planorum vitrorum, de quibus egimus, superficies Horizonti sint parallelæ; si enim ipsa perpendiculariter ad eum converteres, eorum divulsio non desineret esse difficilis, dummodò quis subita alterius laterum superficierum ab alterâ secundum lineam, ut loquuntur, Horizontalem, divulsione, non autem curando, ut superficierum altera repat super alteram, præstare eam tentet: In priori quippe casu, contiguorum corporum separatio impediatur à pondere vel pressione lateralis aëris (si fas est ita loqui) quicontra lata vitrorum ipsi contiguorum latera nititur.

SECT. XIV.

Verùm cum in hisce casibus supponamus amborum vitrorum superficies tam exactè planas esse politasque, ut nullus omninò aër inter ea insinuare se queat; experientia nos docuit, admodum esse difficile, si nullatenus possibile, à vulgaribus nostris artificibus vitra vel marmora procurare, quæ ad ejusmodi exactitudinem vel accedant. Quippe difficulter admodum nancisci potuimus vel expertos lapidicidas vel peritos vitrorum politores, qui nobis marmorum rotundorum par conficerent, unius alteriusve duntaxat pollicis diametri, quæ se invicem per contactum ad duo triæve saltem minuta in aëre sustinerent; quamvis sat facilè unum sublevaret alterum, si superius celeriter sustolleret, priusquam aëri satis posset temporis ad sese inter ea insinuandum superpetere.

SECT. XV.

Attamen hisce non obstantibus, sequenti experimento non solum conabamur manifestum reddere, vim pressionem-

ve aëris esse hūc Experimentis valde magnam, verum etiam, quanta vis illa sit, æstimationem quandam, licet imperfectam, inire.

Curatis igitur binis aliquantò plus quàm Diametri sequipollicaris marmoribus, iisque tam planis & politis quam poteramus procurare, atque considerantes, quòd, uti aëris inter ipsa insinuatio est (ob causam supra allegatam) impedimentum firmæ cohesionis; ita accessus aëri, datus maximam partem vix evitabili debeat scabritiei & inequalitati superficierum, quæ non obstante politura accuratissima remanebat: hæc, inquam, considerantes, supponebamus, aëris intrusionem præveniri ad tempus posse, si puro Vini Spiritu jungendæ superficies humectarentur; hunc tamen liquorem, qui omnium, quos novimus, maximè immunis à tenacitate videtur, non alio modo, quàm excludendo aërem, cæmentum futurum marmora connectendi. Verum, cum facilis politorum ejusmodi corporum, quæ solo adherent contactu, separatio magnâ eâ parte (ut prius notavimus) ex eo proficiscatur, quòd, cum difficile admodum sit, talia corpora ad mediocre temporis spatium in exacto tenere æquilibrio, & tamen vel minima in ullam partem inclinatio corpori inferiori delabendi copiam suppeditet; hanc, dico, ob causam dispicere in ipso lumine statuebamus, quid posset effici, si fila quædam ferrea & fibulam marmoris superiori ita annecteremus, ut marmor inferius junctum liberè quidem delabi secundum perpendiculum posset, sed non multum ad latus divergere, quippe à filo ferreo impeditum. Atque huic congruenter deprehendebamus, non modò sicca marmora se invicem sublevare & sustinere, verum etiam, cum superius marmor celeriter sustolleremus, nos semel sublevasse (non tamen diu sustinuisse) unâ cum inferiori marmore lancem, inque eâ libram sedecim unciarum.

SECT. XVI.

Dehinc marmorum superficies puro illo Alcalizato Vini Spiritu,

Spiritu, cujus parandi modum tradimus alibi, humectabamus, qui adeo tenuis erat & subtilis, ut non solum priusquam cum in hoc adhiberemus Experimento, aliquam ipsius portionem, nullo phlegmatis signo post se relicto, in cochleari argenteo combureremus; verum etiam, ut in libero aere à superficie marmoris eo delibuti in momento fere temporis avolaret, ipsumque siccum & nitidum relinqueret. Marmoribus itaque dextrè humectatis, & filorum ferreorum adminiculo, ne divergerent, cohibitis, in lancem, marmori inferiori alligatam, diversa pondera diversis temporibus injiciebamus, & superiorem lapidem velociter sublevantes, aliquoties experiebamur, quantum ponderis una cum inferiori marmore possemus sustollere; atque interdum plusquam centum uncias sublevabamus, & semel centum & triginta duas, præter lancem eas continentem, & marmor ipsum, cujus politæ superficiei Diameter non nisi unius pollicis & duarum circiter tertiarum partium mensuram habebat.

SECT. XVII.

Sed hinc omnino mihi annotandum, habito tum ad hoc, tum ad sequentia experimenta de marmoribus politis commemoranda respectu; nos nullum hactenus experimentorum genus deprehendisse, in quibus adeo leves circumstantiarum variationes conatus nostros tantum, ut hinc, eluderent. Idque propterea narramus, ut, si fortè hujusmodi repetantur experimenta, minus mirum videatur, si non valeant alii primo, & secundo, vel etiam decimo aut vicesimo tentamine tantundem præstare, ac nos præstitimus, postquam creber usus in percurioso hoc Experimento expertes nos fecisset, pluresque suggessisset circumstantias, praxin reddentes faciliorem, quæ singulatim paucis hinc non poterant annotari.

SECT. XVIII.

Verum percipientes, Spiritum Vini esse liquorem instituto nostro nimis fugitivum & subtilem, existimabamus, Oleum & exiles lapidum cavitates melius expleturum, & aërem exclusurum exactius, minusque facil in ipsum avolaturum. Proinde, postquam iustâ bonæ notæ Olei, ex Amygdalis dulcibus expressi, quantitate superficies humectassemus, reliquâsque circumstantias diligenter observassemus, aliquot drachmas supra quadringentas uncias, inferiori marmori appensas, sublevavimus.

SECT. XIX.

Et ne suspiceris, oleum marmora conglutinando præstitisse, ut tantò fortius, quam possent Spiritus Vini ope, separationi resisterent; addam, quòd si planæ junctorum marmorum superficies in situ essent ad Horizontem non parallelo, sed perpendiculari, aliquot unciarum pondus identidem requirebatur ad marmora deorsum trahenda, quando nonnisi Spiritu vini erant humectata, cum ex adverso facile à se invicem delaberentur, quotiescùmque olei cæmentum ipsa conjunxerat. Cujus fortè causa hæc erat, quòd Spiritus Vini ob partium suarum exiguitatem vimque penetrandi, ut & genium ejus fugitivum, non ad eò exactè parvulos superficieum marmorarum poros & sulcos expleret, quo ipso fiebat, ut exiles protuberantiæ, minutis illis cavitatibus sese insinuantes, magis valerent marmorum super se invicem lapsui resistere.

SECT. XX.

Et ut ostenderemus, contiguum ejusmodi marmorum adversus violentam separationem resistantiam esse majorem in iis, quæ, cum latiora sint, à majori proportionem (quamvis non longiori) Atmosphæræ columnâ premuntur, vel

vehab ipsâ resistuntur; duo curavimus marmora parari, trium pollicum Diametrum tantillum excedentia; cûmq; modo supra memorato Spiritum Vini ad aërem ab eorum medio excludendum adhibuissimus, post quædam tentamina cum superiore sublevabamus inferius, & unâ cum ipso sexaginta octo vel septuaginta ultra quadragintas uncias. Verum, Spiritus Vini loco, Oleo Amygdalino usi, nostris ipsorum manibus bis continenter unâ cum inferiori lapide multò gravius pondus sustollebamus, libras scil. octoginta quatuor, sive 1344. uncias, quo tamen pondere non obstante percipiebamus, marmor, cui appendebat, alteri firmiter adhærere.

SECT. XXI.

Atque hîc iterum annotabimus, tantum abfuisse, ut Oleum tanquam cæmentum potius quàm aëris exclusivum marmora tam arctè conjunxerit, ut, cum aliâ corpora conglutinata vel cæmento coagmentata separationi suæ æqualiter ferè soleant resistere, quocunque etiam situ ea colloces, facerem ego, cum hoc ipsum Experimentum ultimum tentaremus, ut marmora liberè se invicem reperent, superius ad dextram sinistrâve digito meo vel pollice impellendo: (cujus rationem supra indicavimus, ubi sin ilem ferè casum in vitris referebamus) cûmque paulò antè sustulissimus pondus, quod postremo illi haud multum cedere conjectabamus, mox, tentandi gratiâ, marmora versis deorsum marginibus tenentes, deprehendebamus, quòd quæ in situ Horizontali divelli à tanto pondere non poterant, positurâ mutatâ protinus suo ipsorum pondere derimerentur & à se invicem promptè in terram deciderent.

SECT. XXII.

Jam verò, quamvis fassi simus, hunc aëris vim mensurandi modum non esse accuratum; spes tamen est, ipsum non habitum iri inutilem, cum (ut jam taceamus, fractâ
hunc

hunc in modum glacie, viam sterni posse ad inquisitiones feliciores) is nobis non solum ostendat, nitentem hanc sustinentemve aëris vim, ut ut passim negligi solitam, magnam admodum esse; verum etiam juvare nos in conjecturâ queat, quanta sit: quod licet hâc viâ præcisè & certò non possimus determinare, aliquam tamen ejus inire dabitur æstimationem cum incertitudine multo minori quàm aliàs possemus.

SECT. XXIII.

Novi, Peripateticos & maximam Philosophorum Scholasticorum partem hanc marmorum cohæSIONem non causæ à nobis assignatæ, sed naturæ à vacuo abhorrentiæ audacter vendicatuROS. Verum, ne nos ipsos jam implicemus disquisitioni, quam de Fluiditate differentes (ob rationes inibi memoratas) devitabamus; sufficiet nobis, citra quæstionis illius examen, possitne natura admittere, vel an abhorreat vacuum, explicationem de hoc phænomeno datam duabus hisce animadversionibus constabilire. Una est, quòd si Natura tanto conatu vacuum horreret, ut obtenditur, vero simile non est, nos ullâ vi, quantacunque etiam, posse vacuum aliquod producere; cum tamen in nostro reperiamus casu, tantillum pondus inferiori marmori additum reluctantiam separationis vincere, non obstante supposito periculo vacuum hâc ratione introducendi. Altera est, quòd (juxta quæ hætenus tradidimus) nullo habito ad dubium ejusmodi principium recurso, probabilis reddi potest dicti phænomeni ratio, ab aëris pressione vel pondere petita. Urque, quod de horum posteriore diximus, cum minori scrupulo teneatur, supponamus, cum marmora probè cohærent, inferius marmor vel appensum ei pondus humo esse affixum: hoc quippe casu nulla apparet ratio, quæ fidem faciat, eorum vim resistendi separationi fore, quàm antea, minorem. Et tamen evidens videtur, superius marmor sursum perpendiculariter non revulsum iri, nisi à tantâ vi, quæ minimùm (minimùm, inquam) levare posset pondus, ponderi

ponderi modo dicti marmoris superioris, aërisque columnæ, lapidem pro base habentis, & ad Atmosphæræ fastigium porrecti, æquale: quandoquidem ipso revulsionis instanti, priusquam subingredi possit aër, seseque marmoribus medium interfundere, non datur ullum, quod appareat, sub marmore superiori corpus, quod manum juvet ad pondus sustinendum, tum marmoris, tum incumbentis Atmosphæræ Cylindri, quæ tunc super illud, proindeque super manum gravitat; quoniam non subest ei aër, nec aliud corpus æquivalens, quod ponderis partem sustineat, uti aër inferior respectu gravium corporum sibi innitentium respectuque ponderis incumbentis aëris facere solet. Et propterea non est quod multum miremur, si quando solum pondus minus quam est illud præmemorata columnæ Atmosphæræ, inferiori marmori est appensum, hoc ipsum potius à superiori sublevetur, quam ab eo divulsionem patiatur. Uti videmus, quando duo corpora cohærentia quis nititur vi vel pondere, ad ea separandum inepto, devellere, utrumque in eam plerumque moveri partem quò eorum alterum trahitur. Quâ occasione in mentem redit, quod Magnetis virtutem inter alios eam explorandi modos probaturus aliquoties observavi. Etenim si Magnes plus levare valeat quam suum ipsius pondus, æquè cultro Magnetem, ac Magnete cultrum poteris sustollere. Atque licet quis, solis oculis ferre iudicium fuerit, imaginaretur, cum magna illa pondera prius memorata in aëre suspensa tenerem, haud fortem fuisse conatum, superius marmor ab inferiore sursum revellendi, eò quod manus mea, stabilis ad tempus servata, videbatur quiescere; huiusmodi tamen cogitato magnam subesse posse hallucinationem, is facile suspicabitur, qui secum reputaverit, quod nec pondus quidem ad sensum visum fuerit inferius marmor deorsum trahere, quamvis manus mea me certum redderet, pondus gravitationem suam haud amisisse. Addo, quod aliquando, cum pondus, postquam sublevatum fuerat in aërem, casu à marmore supericri ita solveretur,

tur, ut subito decideret, manus mea, me non opinante, vi conatus illius, quem sustinendo lapso ponderi modò adhibuerat, adeò violenter sursùm ferebatur, ut ictu, faciei adstantis, ex curiositate nimis fortè propinquæ, impacto, ipsam læsam probè senserim.

SECT. XXIV.

Verùm enimverò tempus valde nunc monet, ut ad càm dissertationis nostræ partem respiciamus, à cujus directâ pertractatione disquisitio illa de marmoribus nos tamdiu seduxit. Quamvis igitur ex iis, quæ dicta sunt, concipi queat, in corporibus, sensibili mole constantibus, quorum politæ superficies se mutuò tangunt, vim aëris esse causam cohæisionis eorum primariam; videtur tamen, generaliter in corporibus, sive gravioribus sive minoribus, sufficientem cohæisionis causam esse, quòd corporis partes juxta se invicem quiescunt, etiamsi fortè integrum compositum à loco ad locum moveatur. Molis quippe sensibilis corpora cùm sint vel fluida vel consistentiâ, cùmque (ut suprà docuimus) primum corporis fluidi sit requisitum, minutas ejus partes actu moveri, nihil omninò, quòd corpus à fluore cohibeat, proindeque firmum conserveat, videtur necessarium, quàm ut contiguæ ejus partes actu quiescant.

SECT. XXV.

Novi equidem, omnes ferè Philosophos, tam priscos quàm recentiores, præter partium quietem (ad quam illorum vix ullus in Firmitatis naturâ docendâ animum allatenus advertit) aliud quid ad sicci firmique corporis partium revinctionem requirere. Verùm, licèt prolixa Metaphysicæ hujusmodi & curiosæ speculationis discussio à me foret aliena, hoc saltem tempore, quo Fluiditatem & Firmitatem in sensibilibus, quibuscum conversamur, corporibus tantum explicare mihi conandum est; non tamen penitus ipsam transilire fas est, nisi incuriæ notam nobis inuri velimus.

Major

Major Philosophantium numerus effectum, de quo agitur, formæ cuidam substantiali vendicant, cui hanc inter alia provinciam assignant, omnium sc. in corpore partium unionem conservandi. Verùm, quid hæc forma sit, & quomodo partes tam fortiter uniat in Adamante, Rubino, &c. tam leviter verò in sebo, Camphurâ, aliisve hujus notæ concretis; quâque ratione, cum forma substantialis eadem permaneat in Aquâ & Glacie, materia eadem facilè & crebro per vices durescere & fluere queat. Quomodo hæc, inquam, & multa alia à Formis solidorum corporum efficiantur, mihi, fateor, tam est difficile intellectu, quàm sine eâ causam cohesionis in sicci corporis partibus imaginari.

SECT. XXVI.

Sunt alii inter modernos Physiologos viri docti, qui recur-
runt, hi quidem ad spiritum, qui omnes substantias corporeas
penetrans & sibi invicem coagmentans, in unum mundum
eas adunat; alii verò ad cæmentum quoddam & Gluten, quo
mediante fiat, ut partes corporum sibi invicem quasi con-
glutinata cohæreant. Verùm, quod posteriorem hanc hy-
pothesin spectat, operæ precium esset expendere, quod
licet gluten ad conjungenda sensibilis molis corpora adhibe-
atur, idem tamen ipsum, cum simile sit corpus, necessa-
riò etiam ex partibus consistat sibi invicem cohærentibus:
quod mihi copiam facit mutux istarum partium cohærentiæ
causam rogandi. Si quis respondeat, ipsas similiter subtili-
oris cujusdam glutinis interventu cohære, rehero, & hoc
gluten ex corporis partibus constare, proindeque quæstio-
nem recurrere, quomodo & hæ cohæreant? Et si responsio
similis iteretur, eandem jugiter quæstionem repetam, donec
respondens fateri tandem teneatur, partes materiales adeò
minutas cum ratione supponi non posse per cæmentum co-
hære. Et si corpuscula, quæ gluten componunt omnium
subtilissimum, non continentur cæmento, non video quid
obstet, quò minus eorum cohesionem immediatò compo-
nentum

nentium partium contactui quietique tribuamus (quæ qui-
 dem causa intelligi potest, & probabilis saltem est) donec
 alia causa assignetur sufficiens, qualem statim hanc esse putem;
 quam primæ Hypothesis nuper memoratæ patroni, de spiri-
 tu per materiæ molem diffuso, tradunt. Etenim, ne dicam spi-
 ritus Agilitatem non adeò aptam compingendis corporibus
 qualitatem videri, illud animadvertamus, hanc substantiam,
 quam *Spiritum* vocant, revera nil nisi subtile corpus esse:
 quid igitur est, cur minutæ partes aliorum corporum, si
 figuram Adhæioni congruam obtinuerint, non aequè sibi
 invicem, ac huic spiritui, coharcant? Atque hîc etiam re-
 gandi esset locus, Quomodo hujusce spiritus partes in firmâ
 istâ cohesionem continentur? Si quis responderit, Consi-
 stere hunc spiritum ex partibus inseparabilibus, tamatæ ta-
 men fortassis figuræ, quæ aptas eas reddat, ut, corpori-
 bus, quæprehendunt, sese constitulent, eoque modo illa
 ipsa sibi invicem compingant, hoc esset suggerere novam adeò
 de spiritu diffuso notionem, ut nesciam, an unquam iis,
 quorum opinionem sub examen vocavi, vel per seipsum in
 mentem venerit, vel animus esset eam amplectendi. Et
 sanè, juxta hanc hypothesein necesse foret, prodigiosam ex-
 ilium totum spirituum copiam corporibus crassissimis in-
 esse: atque Glacies, exempli causâ, quæ spiritibus adeò
 cassa putatur, ferè vel dimidiam partem ex ipsis deberet
 constare. Hæ quippæ minutæ partes spirituosæ nullas pos-
 sunt aliorum corporum partes compingere, nisi quas tan-
 gunt; secus enim partes materiæ generis alterius, dum-
 modò essent contiguæ, absque illis possent coherere: quòd
 hypothesei repugnat. Et quandoquidem unumquodque ex
 spirituosis hisce corpusculis, si ea fas est ita vocare, natu-
 rale reverâ est corpus, proindeque necessario in partes,
 mente saltem, divisibile; quaram ex iis, qui novam hanc
 spiritus notionem edunt, quo nomine hoc corpusculum esse
 indivisibile possit. Quid sit, inquam, si quies non sit &
 immediatus contactus, quod impediât, quin partes (vel
 designa-

designabiles substantiæ corporeæ portiunculæ) quæ mente sunt divisibiles, semper unitæ continerentur, nec unquam actu dividerentur? Non sanè fateri refugio, serè semper evadere eas posse Dissolutionem; veruntamen proclive mihi est suspicari, hoc exinde esse posse, quòd propter summam dictarum partium exilitatem, & ipsarum quietem arctumque contactum, vix offendere possint Agens satis minutum satisque velociter motum, quod compactas partes dissipare valeat atque dissociare. Si enim dicas, hanc esse cujusvis istiusmodi corporis genium, ut sit indivisibile, nil facis aliud, quàm quòd querendi mihi causam suggeris, Unde illud constet? Tanti quippe momenti assertio potiori, quàm nuda est affirmatio, probatione indiget.

S E C T. XXVII.

Et, si contingeret, ut duo ex his corpusculis, quæ præsumuntur indivisibilia, quæq; polita sunt & unius ejusdemque figuræ (verbi gratia, Cubicæ) supra seinvicem jacerent, similiterque accideret, ut tertium aliquod super istorum duorum superius aptè collocaretur, quid, quæso, obstaret, quòd minus hoc Aggregatum violento aliorum quorundam corporum ictu in medio totius concreti, proindeque in medio corpore possit frangi? Etenim, sint illa duritie quantalibet Adamantinâ, cum interim corpuscula æquè dura ac ipsa violenter admodum in ea possint impelli, quid causæ sit, quare hæc radere vel frangere non possint corpuscula media vel ulla ex reliquis? Uti videre est, quòd Adamantes ipsi vi aliorum Adamantum in pulverem reduci possunt, licet idipsum (ut istius Artis gnati me docent) per attritionem quidem, vi lapidis ullius alterius fieri nequeat. Ad probandum, quòd medioximi ex tribus modò memoratis Cubulis cohesio cum reliquis duobus (superiori uno, & inferiori altero) firmitudine cedat illi cohesioni, quæ medii istius corpusculi *partibus* inest, quantumvis contactus inter duo quæq; contigua corpora supponatur perfe-

étus (talis quippe oportet ut sit in istiusmodi corporibus, quamvis non semper in aliis ad visum grandioribus, in quibus subtilior quædam substantia, iis ex parte intercedens supponi potest;) ad hoc, inquam, probandum, melior causa firmioris materiæ cohesionis in una propositi corporis parte, quàm in altera, debet assignari. Neque quis probabiliter potest obtendere, corpusculum aliquod, quod incapax præsumitur divisionis, ex partibus hamatis constare. Et posito, hoc obtendi, ipsi tamen hi hamuli cum vera sint corpora, quæstio circa ipsos recurreret, & jugiter renovaretur in infinitum. Si dixeris, minuta hæc corpora esse indissolubilia, quod eorum natura ferat, ut talia sint; non esset hoc rationem aliquam rei propositæ reddere, sed reverâ ne ullam reddas, declinare. Et licet norim, in quavis de rerum principiis Hypothesi, concedi, ut aliquid assumatur tanquam non explicandum vel probandum per ullam rem seipsa priorem; nescio tamen, an casui nostro congruat hæc excusatio: in eo quippe videtur, integritatem & permanentem cujusvis materiæ portionis, ut ut minutæ, consistentiam sat probabiliter ab immediato Contactu, Quiete, & summa partium illius designabilium exilitate posse deduci. Et, si ultimi perfugii loco quis oggerat, designabiles horum corpusculorum partes propterea esse inseparabiles, quod nullum inter eas vacuum intercipiatur: præterquâ quod suppositioni prius factæ hoc adversatur; ejusmodi quippe cubi summè minuti, quales nos imaginabamur sibi invicem superjacere, cum, juxta postulatam nostram, superficies habeant planas, politas & exquisitè congruas, non magis possent, quàm partes ullius ex tribus illis corpusculis, ullam inter ipsas vacuitatem interceptam habere: præterquam, dico, quod hoc jure respondeatur, hoc insuper esset vacuum in omnibus corporibus divisionis capacibus, idq; ipsum tanquam causam eorum divisibilitatis, supponere, ac priorem de hujus spiritûs usu hypothesin subterfugere, inque castra transire Atomistarum; quorum opinioni circa causam,

quare

quare illa corpora , quæ Atomorum nomine apud ipsos veniunt , non dissipantur , licet quædam ex animadversionibus à nobis contra sententiam modò examinatam allegatis possint ex parte applicari ; quædam tamen ex cæteris eorum dogmatibus tam bellè cum omnibus quasi experimentis consonant , quæ in his de Fluiditate & Firmitate Notis retulimus , ut cum ipsis collidi lubens declinem , dum ejusmodi disquisitioni non ultra nunc insisto , quam præsentis meo instituto haud necessariam esse jam antè dixeram : præsertim cum caligans atque terminatus hominis intellectus , in rebus , ad infinitum , sive magnitudine sive parvitate , accidentibus , dogmata cudere rarò cum successu aggrediatur. Nec sanè velim illud spectari tanquam fixam meæ de tam abstruso argumento sententiæ declarationem ; cam quippe potius proposui , ne penitus tacerem , ubi expectari credebam , ut aliquid dicerem.

SECT. XXVIII.

Secundum igitur , quod in nostrâ Firmi corporis descriptione memorabamus posse illud reddere tale , est partium illud constituentium (sive homogenearum sive minus) textura : & licet juxtapositio & quies partium sufficere fortè sola posset ad conciliandam corpori firmitatem , hæc tamen textura videtur maxime usitata ejus esse causa , atque aliquando etiam gradum istius qualitatis possit ei superaddere , quæ inesse possit corporibus solo nomine priori. Licet enim , dum partes corporis actu quiescunt , id fluidum esse nequeat , illæ tamen partes , si quiete cohæreant solâ , possint cæteris paribus multò dissociari faciliùs , & in motum cieri ab externo corpore actu moto , quàm si uncinulis fibulisque vel aliis coagmentandi mediis sibi invicem implicarentur : quippe sæpius hoc in casu necessum est , hæc vincula rumpere , priusquàm corpuscula iis mediantibus colligata disjungi queant , inque talem cieri motum segregem , qualis ad constituendum corpus fluidum requiritur.

SECT.

SECT. XXIX.

Utebamur antehac ad Fluiditatis naturam illustrandam familiari illâ substantiâ, ovi albumine: nunc experiamur, ipsâne usui nobis esse queat in causarum firmitudinis inquisitione. Quando ovum coctione induruit, siquidem (sive supponamus, indurationem hanc effici nudo motu impulsive, vel etiam corpusculorum igneorum insinuatione) nihil apparet quod per putamen ingrediatur, nisi fortè atomi nonnullæ calorificæ, & fortassis etiam exiguæ quædam particulæ illius aquæ quæ & ipsa fluida est, in qua coquitur, non est in promptu dignoscere, unde hæc consistentiæ mutatio oriatur, nisi à mutatione in texturâ partium factâ, quâ novo connectuntur atque disponuntur modo, qui efficere sit aptus, ut illæ suos invicem motus reciprocè impediunt. Verùm, si loco indurationis albuminum per ignis calorem, eadem in spumam probè concusseris, hanc ipsam stabilis corporis naturam æmulari deprehendes: quippe eam non modò ad mediocrem altitudinem elevare poteris, & acuminatum quoddam fastigium, pyramidem ferè referens, ipsi inducere, sed & memini, me curiositate ductum, adhibito pauxillo studio fecisse, ut longum & pro ratione crassum corpus ex bullis hisce constitutum ex digito meo haud secùs ac stiria ex stramineæ domus arundine quadam, sine lapsu penderet; non tamen in hoc apparet ulla facta in fluido corpore alteratio, nisi mera posituræ partium ipsius mutatio mechanica: quod aqua in spumam quassatâ potest confirmari, cum bullæ ibi accumulatæ mox subsideant & in aquam ejusdem cum priori consistentiæ relabantur.

SECT. XXX.

Jam verò plura esse possunt, quorum adminiculo corpus talem acquirere texturam queat, quæ firmitati sive stabilitati ejus conciliandæ congruat. Sed priusquam ea figillatim expendamus, ex re erit in genere notare, ut plurimum non

ex

ex eorum uno aliquo ; sed ex duobus pluribusve concurrentibus stabilitatem concretorum proficisci.

SECT. XXXI.

Primum atque præcipuum ex iis esse videtur, partium componentium ad se invicem connectendum aptitudo & figura. Veluti si alia concipias figurata ut sitularum ansas, alia ut uncas, qui situlis è puteo levandis adhiberi solent; vel alia ut globulos, alia ut amenta; quædam ut cochleas masculinas, nonnulla ut femininas (quemadmodum Mechanici loquuntur) vel ac si plura essent tam variè simul ramificata, ut eorum partes ita sibi invicem sint intextæ, ut haud facillè separari queant: uti passim in bene fabricato sepimento arido videre est, ex quo si quis unum ramum revulsum eat, vix id facere poterit, nisi plures cum ipso alios, quorum tenetiora vimina cum ipso implicantur, unà revellat. Insigne hujus rei exemplum, quantum scilicet nuda textura plurium corpusculorum (etiam talium, quorum singula separatim peculiariter fortassis in ejusmodi finem figurata non sunt) valeat ad constituendum corpus stabile, funes & rudentes nobis suppeditant, ubi solo filorum, funem componentium, plexu & intortu, ipsa tam firmiter inter se illigantur & secum invicem compinguntur, ut corpus constituent, quod nec anchoræ ferræ pondus, nec fortassis etiam navis à furibundis ventis & undis quassatæ violentia dirumpat.

SECT. XXXII.

Hæc ipsa corpusculorum firma corpora componentium figuratio, præcipua, si non sola eorum consistentiæ causa veteribus Atomistis fuisse videtur, quam sententiam eorum sic exprimit *Lucretius*:

*Denique quæ nobis durat ac spissa videntur,
Hæc magis hamatis inter sese esse necesse est,*

Et

*Et quasi ramosis altè compacta teneri :
 In quo jam genere imprimis adamantina saxa
 Primâ acie constant , ictus contemnere sueta,
 Et validi salices , ac duri robore ferri,
 Erigue quæ claustris restantia vociferantur.*

Et sanè , tantus potest esse numerus congruentium figurarum , quæ connectendis sibi invicem corporibus aptæ sint , ut fieri facillè possit , ut duo corpora , quorum unumquodque sigillatim est fluidum , quando conjunguntur , immediatè suas sibi mutuo partes implicent , & exinde texturam ad eò novam acquirant , ut eorum partes nequeant se pro lubitu , ut prius , dissociare , & juxta suas invicem superficies moveri , neque proinde liquorum in morem fluere , sed ita connectuntur & intricantur , ut motus unius illarum resistatur à pluribus , & hac ratione totum corpus firmum & stabile reddatur. Tale quid videre est in Experimento ab Authore nostro recitato , ubi docet , stillatitium Nitri liquorem , illumque qui ex Nitro fixo per deliquium factus est , protinus , cum miscentur , in salina proindeque stabilia corpora ex parte coagulari. Sed cum hoc tantum reunio videatur salinarum particularum quæ hinc inde , licet visum fugientes , natabant in aqueis mixti liquoris partibus , qui hac separatione factâ & copia adhuc excedit partes salinas , & æquè fluidum , ut prius , remanet ; nobile subjungemus exemplum , quod planum faciat , quantum firmitas corporum ab eorundem texturâ dependeat. Itaque si capias Alcohol , sive Spiritum Vini summæ rectificatum , & Spiritum Urinæ exquisitè dephlegmatum , eosque in justâ misceas proportionem (siquidem rectè memini cum novissimè hoc experimentum facerem , me æquales circiter partes conjecturâ cepisse) poteris ad horæ circiter minutum duos hosce fluidos liquores in stabile corpus commutare : Et fateor , non sine delectatione me conspexisse , hos duos liquores agitados quamprimum in similitudinem nivis coalescere , & talem acqui-

acquirere consistentiam, ut sine mixturæ effusione vas eos continens sùsque deque vertere potuerim. Verum non ausim expectare, ut huic experimento fides habeatur etiam a maxima eorum parte, qui id ipsi explorabunt, cum experiéntiâ fuerim edoctus, successu illud carere, nã uterque Urinæ & Vini Spiritus exactius, quàm moris est etiam apud Chymistas, à phlegmate mudentur.

Attamen hæc coagulatio tantum amplius dependere videtur ab Urinæ sale, quàm taliter texto, quàm præcisè quàm Urinoso, ut addere liceat, quòd, uti fermentatæ Urinæ Spiritus (quicquid insignes quidam Chymici sentiant vel obtendant) non adeò necessariò requiritur, quin curiositate ductus tentandi, aliæ liquores, similis naturæ à me crediti, idem præstare possent, deprehenderem, spiritum cornu cervini (ut hoc solum hîc memorem) satis rectificatum supplere illius locum posse; ita conabar rem probabilem hoc modo reddere, quòd, cum methodum quandam esse expertus (licet paradoxum id videri possit pîcîque Chymici) ita versandi Urinam, ut omisâ ejus vel per quadraginta dies vel etiam dimidium rotidem horarum, fermentatione vel putrefactione, curem volatilem vel Salinum Spiritum prius ascendere in distillatione, licet igne tam leni, qualis est Balnei, tantum utar; quòd, inquam, distillato hac ratione, forri admodum Spiritu Urinæ non fermentatæ, eodémque rectificato, deprehendebam expectationi meæ congruenter, me nulla ratione ipsum cum Spiritu Vini potuisse coagulare: quòd ipsum videbatur ex eo proficisci, quòd hic Spiritus diversæ fuerit à fermentatæ vel potius putrefactæ Urinæ Spiritu texturæ; quandoquidem recenti Urinæ distillatæ nihil addideram, nisi quòd fixum admodum erat & ad minerale regnum (ut loquuntur Chymici) pertinebat. Quo factò, cum cupido me incessest, à quibusdam amicis meis Chymicis inquirendi, reperiebam eos conqueri, quòd Spiritum Vini cum Salino Spiritu ex merâ

Urinâ facta haud potuissent coagulare sine ullâ planè additione, quando Urinam illam absque præviâ putrefactione distillabant; quæ intra sex septimanarum spatium vel circiter haud perfici consuevit. Sed ut redeamus ad coagulum nostrum, subiungemus, hoc insuper notatu dignum esse in hoc Experimento, albam hanc coagulatam substantiam, vitro vali inclusam, exactè obturato & in leni calore (quod ipsum tamen fortasse non sit necessarium, quanvis expediat) per aliquot septimanas mensèsvē reposito, saltem quoad partem longè maiorem (totum quippe hæcenus id facere non vidi) resumere limpidi liquoris formam: ac si vel omnes hamatæ particulae, quæ Vinosa & Urinosa corpuscula sibi invicem connectant, motu ipsis per externum calorem inducitur fuerint abruptæ; vel etiam minuta eadem concreta (Menstruum quippe ex illis præcipuè videtur constare, cum alia valeat efficere, quàm singulorum liquorum, unde constituitur, alterutrum) sive externo calore adjuncta, sive aliâ quadam causâ mobilitatis eò deducta, post multa & varia sese ab invicem extricandi tentamina, ita sensim remittebant hamatas particulas eas implicantes, ut sese tandem extricarent, & aptæ redderentur, quæ loca inter se invicem liberè commutarent, adeoque formam liquoris induerent.

SECT. XXXIII.

Verum quia facile non est procurare Spiritus ad dictum Experimentum faciendum satis puros, alium describemus modum, celeriter unum corpus fluidum per aliud durandi. Etenim si capias ovi albumen, & conquassés illud, donec tenue fiat, tuncque dimidiam circiter illius quantitatem (fortassis multò minor rem daret effectui) de Salis bonæ notæ Spiritu in id incuras, mixturam hanc intra pauca minuta reperies ita coagulatam, ut meminerim, nobis vitrum, cui inerat

inerat, invertentibus, ne ullam quidem liquoris guttam ef-
 fluxisse, licet postea horis aliquot elapsis, coagulum rum-
 pendo paucillum obtineremus. Atque aliud huic congener
 Experimentum, ab Illustri *Francisco Bacono* traditum intel-
 ligo, qui doceat, ovorum albumina cum Vini Spiritu co-
 agulare. Et sanè, modò aliquam circumstantiam obser-
 ves (ab ipso, ut audio, præteritam) diligentem scil. am-
 borum corporum concussionem, sitque bonæ notæ Spiritus,
 quem adhibes, Experimentum feliciter succedet, adeò ut
 recorder, me hac ratione coagulum intra horæ circiter mi-
 nutum fecisse, unde nullus liquor distillaret. Verum cum
 eximius hic Physiologus hanc Albuminis indurationem ca-
 lori Spiritus Vini tribuat, lubens fateor, ipsum assignasse
 causam ingeniosè, sed dubitandum mihi, an verè. Plura
 quippe sunt, quæ videntur arguere Spiritum vini, ut ut in-
 flammabilem, penetranti sale abundare; & corpuscula
 ejusmodi Salina congelandis ovorum albuminibus posse suf-
 ficere, nostrum modò recitatum coagulandi albuminis ovi
 cum Spiritu Salis Experimentum satis superque ostendit. At-
 que non solum effectum similem cum aliis quibusdam acidis
 Spiritibus edidimus, & nominatim cum eo, qui Oleum Vi-
 trioli appellatur, sed idem crudo etiam Sale, quamvis non-
 nihil lentius, præstari potest: longâ quippe albuminis ovi
 cum alumine concussionem maximam illius partem in album
 coagulum reduces. Quare si coagulationem, de qua agimus,
 Spiritui Vini qua calido vendicare libet, videtur, calorem
 istum talem duntaxat esse debere, qui actuosis corporum sa-
 linorum particulis competat, quæ tamen vulgò frigida potius
 quam calida censentur. Sed cum nonnihil dubitem, quo jure
 ita reputentur, subjungam, me datâ operâ, experimenti
 ergò, cepisse serum, humano sanguini refrigerato & con-
 sistenti innatare solitum, & frustra conatum fuisse ipsum
 coagulare cum ejusmodi Vini Spiritu, qui ova coagulet;
 & hoc tamen serum aquâ celeriter (si non multò celerius) ac
 ovum albumina, super leni favillarum igne coagulantur.

Unde dubium, effectusne procedat à majori congruitate texturæ Spiritus Vini cum liquorum uno quam cum altero, potius quam à calore, qui ipsi tribuitur, quique nullatenus ferum coagulabat.

SECT. XXXIV.

Verum licet exempla quædam adduxerimus, quæ ostendant, duo corpora fluida in unum consistens confociari posse, non tamen distituimur experimento, quo manifestum fiat, etiam mutatione texturæ unum corpus fluidum in duo consistentia posse determinari. Est verò Experimentum hoc, cuius jam supra, cum de Fluiditate ageremus, mentionem aliquam fecimus, tale, quod cùm experiendi causâ iustis gradibus ignis iustam volatiliorum olei oleaginei partium quantitatem distillasset, nec liquor transductus, nec corpus in Retorta residuum fluida essent, quamvis tale fuisset oleum quod ea suppeditabat.

SECT. XXXV.

Memorabam superius album coagulum Spirituum Vini & Urinæ; hoc in mentem revocat, quod aliquando in essentiali Oleo Anisi (ut Chymicorum phrasi utar) distillato cum aquâ in Alembico & Refrigeratorio observavi; quod scilicet calente æstate, perfecti liquoris formam, ut alia Olea Chymica, retinebat; gelidâ autem hyeme, cùm hæc, eâ tempestate non obstante, fluida ut prius permanerent, Oleum tamen Anisi in corpus, non quidem uniformis ad oculum texturæ, ut butyrum (sed potius ut Camphora ferè) album tamen & consistens ejusdem butyri instar, non sine quadam specie aut gradu friabilitatis, coagulabatur.

SECT. XXXVI.

Hiscè subnectamus, Liquorem illum, quem alibi narramus nos à Benzonio distillasse, multò crebrioribus Fluidita-

tis & Firmitatis vicissitudinibus fuisse & etiamnum esse obnoxium. Pars quippe illius, toto anno in subnigri Olei formâ manet; residuum, juxta tempestatis anni vel diei calorem aut frigus, crebro texturam suam mutat, & modò idem planè cum Oleo jam memorato apparet, modò in nitidos varièque figuratos Cryсталlos abit, qui vasis fundo & lateribus adherent, donec calidior diei vel tempestatis aura ipsos in liquorem vicissim resolvat. Atque duæ hæc postremæ observationes confirmatum cunt, quod antehac cœcimus, Fluiditatem sc. corporum totam ferè à varia partium ipsorum agitatione dependere. In hisce enim exemplis, partes Anisi, ut & Benzoni, prout aderat aberatve languidus calor ambientis aëris, eas modò agitando, modò quiescere sinens, corpus fluidum vel stabile constituebant.

SECT. XXXVII.

Atque factâ hac in transitu observatione, cæteris exemplis sub hoc secundo capite memoratis adjungemus illud quod nobis in rem propositam suppeditatur à Nitro. Hoc quippe in sufficienti aquæ communis quantitate dissolutum, in eâ videtur absorberi, unâque cum ipsâ & uniformem substantiam fluidam constituere; verùm si justa illius aquæ quantitas coquatur, vel permittatur exhalare, residuûsque liquor ad tempus in quiete relinquitur, in loco imprimis frigidiori, particulæ salinæ seipsas reuiniendo & partes aqueas excludendo, stabiles & determinatæ figuræ sturias Cryсталlosve constituent.

SECT. XXXVIII.

Hujus rei consideratio aliud nobis modum suggerit, priori in specie omninò contrarium, quo mediante corpora quædam firma & solida fieri possunt, idque debitum aquæ alteriûsve cujusdam liquoris quantitatem intermiscendo. Etenim, licet minutæ fluidorum ejusmodi corporum partes, ipsæ scil. in motu constitutæ, aptæ sint communicandæ aliis aliorum.

aliorum partibus agitationi ejusmodi, à qua fluiditatem præcipuè dependere supra docuimus; proindeque videatur, liquoris alicujus admissionem ad faciendum potius corpus fluidum quàm consistens conducere debere; attamen si consulamus Experientiam, ostendet illa nobis, non solum corpus fluidum Argenti vivi in optimo Mercurio dulci adeò cum salibus in sublimatione à se elatis contexti, ut siccum & friabile corpus, quod componunt, plus Mercurii quàm Salis contineat; sed etiam, congrui liquoris mixturam coagmentare in unam duram concretionem corpora posse, quæ alio modo vix compingerentur. Nec res à ratione abhorret; diversa quippe requiri possunt ad corpus constituendum & corpus constitutum, & quamvis partium illud componentium motus adversetur firmitati corporis jam formati, idem tamen ad formandum corpus firmum conducere potest. Quando enim multa dura corpuscula simul jacent soluta & incoherencia, corpus, ut supra notabamus, fluidum æmulantur; si verò liquorem admisceas, soluta illa corpuscula ad tempus dissociata & in motum acta, poterunt se post multas evolutiones alia aliis applicare eo modo, qui maxime ad id requiritur, ut se invicem arctè & secundum majorem superficiem tangant. Quo facto sæpè sequitur ut liquor ille, in quo prius natabant, vel exprimatur ipsis coalescentibus, vel aliàs ita dispergatur in exiguis particulis, atque interferatur particulis duriorum corpusculorum, ut non valeant ipsa agitare, mutuæve eorum cohæsioni obstaculum afferre. Atque ad hoc subjectum apto admodum exemplo elucidandum, experimentum antehac allegatum, circa ustionem Alabastris, ad usum ulteriorem revocabimus. Si enim pulvis, postquam bullire desiit & sufficienter ustus fuit, atque per horas aliquot asservatus (peritissimis artificum observantibus, non adeò convenire statim eo uti ac ab igne fuerit sublatus) probè contundatur, & aquâ nitidâ ad pulvis tenuis quasi consistentiam maceretur, dummodò hæc pulveris præparatio & maceratio ritè facta fuerit, videbis fluidam

dam illam substantiam post pauca horæ minuta incipere consistere, hoc est, Fluiditatem suam cum Firmitate commutare, adeò ut si in modulum arte plasticâ prius esset coniectam, interioris superficiëi figuram ad vivum exprimat.

SECT. XXXIX.

Jam verò, esse in mixturâ nostrâ tam durarum partium agitationem, ad aquæ affusionem productam, & deinde aquæ superflue exclusionem, confirmabimus partim ex eo; Quòd, postquam insignior aliqua Alabastris usti quantitas aquâ est macerata, post paucillum temporis spatium mixtura ad sensum calida redditur, & aliquando satis diu in illo statu manet; partim etiam ex eo; Quòd, cum de industriâ, experimenti ergò, recens & forte vas vitreum, libræ circiter dimidium capiens, mixturâ illâ, de qua loquimur, ad summitatem usque replevissemus, idq; strictè admodum obturavissimus, liquida illa mixtura, intra brevius quàm horæ dimidiæ spatium, phialam (quamvis in fenestrâ positam) in aliquot locis findebat, perque fissuras illas cochleari circiter aquæ nitidæ se deplebat, residuâ mixturâ perfectè figuram ac dimensiones phialæ retinente, & in duritiem caloris vel calce aliquantum firmiorem abeunte, adeò ut ferri validi ictus aliquot ad molem dividendam adhibere teneremur.

SECT. XL.

Atque addere mihi hîc liceat, substantias quasdam alias hoc modo præbere multò solidiora corpora, quàm ustum Alabastrum, posse. Quare ex usu foret inquirere & experiri, quamnam alia corpora, paratufacilia, hac ratione ad novam durabilemque soliditatem redigi queant. Etenim doctus Hydrographus, *Tournierus*, de Aggeribus illis, verba faciens, qui interdum in mari ad navium securitatem struuntur (cujus generis in portu *Germensî* & alibi vidi) postquam

quam enarrasset, *Romanos* construxisse portus omnium elegantissimos, sabuli cujusdam, *Cunæ* & *Puteolis* in regno *Neapolitano* reperti, adminiculo, quod sabulum tertiæ parti calcis vivæ mixtum siliceam in aquâ duritiem acquirit; hanc de suo observationem subjungit: *Vidi* (inquit)

Hydrograph. du
P. Fourmier lib.
2. c. 6.

in Flandriâ prope Tornacum genus quoddam cineris cementarii ex marmore factum, quod insignem in quovis opere in aquâ struendo usum habebat. Facto quippe grandium Saxorum strato, integras bulgas, istis cineribus plenas, loco camenti superinjiciebant, qui ab aquâ lapides intercurrente attemperati in tantam duritiem abiêre, ut brevi temporis spatio marmoreæ non cederent. Hactenus ille.

SECT. XLI.

Sed ut priorem nostrum sermonem prosequamur; illud etiam, quod innuebamus de variæ durarum particularum hinc inde agitationis usu ad ipsas in uno firmo concreto unendas, posse confirmari videtur ex eo, quod in salinis quibusdam liquoribus observavimus, imprimis in quibusdam portonibus Spiritûs cornu cervini, quæ qualiscunque esset ambientis aëris temperies, fluidæ remanebant, nonnullæ etiam ad plures menses; & exinde salina corpuscula in liquoris residui fundo incipiebant in Crystалlos exquisitè figuratos abire, quorum magna satis copia tandem se prædebat. Hæc quippe spontanea exilium corporum salinorum coagulatio cum adeo tardè accidat, videtur, innumeras evolutiones eam præcessisse, quæ tot & tam variæ erant, ut tandem minuta corpora istas suarummet partes sibi invicem obversum irent, quarum beneficio optime compingerentur firmumque corpus constituerent. Quæ conjectura eò minus videbatur improbabilis, quod agrè concipere possemus, hanc coagulationem (uti illa solet, quæ ex Alumine fit aliisque salibus) ex superflui liquoris evaporatione oriri. Vasis quippe vitreis, in quibus modò memorata accidebant, sollicitè

licitè obthuratis, nullum talis avolationis erat periculum, atque si quid elabi potuisset, id fuisset spiritus subtilis, penetrans ac fugax (qui sanè, naribus meis id testantibus, vulgaria obthuracula sæpè pervadit) harum verò volatilium partium avolatio nonnisi magis aqueum residuum liquorem reliquisset; Atque illi, qui ejusmodi liquores tractant, probè norunt, quò magis aquei sunt, eò minorem ad Crystallizandum (ut loquuntur) aptitudinem eos habere. Ut ut sit, nobis sufficit, diminutionem liquoris, si quid per suber foràs eruperit, tam exiguum fuisse, ut sensu percipi non potuerit.

S E C T. X L I I.

In eandem sententiam & hoc memini, quòd, cùm in phialâ Crystallinâ copiam aliquam bene coloratæ Tincturæ Succini, puro Vini Spiritu paratæ, diligenter asservassem, ipsa per annum unum alterumve fluida manserit, istoque temporis intervallo nobis inusitatum quoddam phænomenon exhibuerit, quod ad alium tractatum pertinet. Sed cùm à loco, ubi eam obserabamus, duos trèsvè annos abfuissennus, reduces facti & dictam phialam inspicientes, invenimus, quamvis priùs tamdiu fluidum mansisset, aliquot tamen flavas succini massulas, sphærulis precatoriis ferè similes, altero latere planas, hîc illîc partim fundo, partim lateribus vitri adhærere, cujus internæ superficiei residuum etiamnum pellucet.

S E C T. X L I I I.

Alia res, corporibus stabilitatem concilians, est corpusculorum adventitiorum in poros & recessus eorundem admissio. Modi verò, quibus peregrina hæc corpuscula substantiam, quam invadunt, compactam reddunt, hi quatuor præcipuè apparent.

Primo, adventitia, de quibus loquimur, corpuscula stabilitatem in materiâ, quam pervadunt, producere queunt,

Q

expel-

expellendo inde particulas volubiles, quæ, dum in eâ erant, figurâ suâ ad coharendum ineptâ, vel motu suo, coalitioni obstabant, vel quietem aliarum particularum, ex quibus constabat corpus, inturbabant. Sed cum de hoc jam egerimus, pergamus ad alia.

Secundo igitur, peregrina corpora ad stabilitatem substantiæ, in quam commigrant, conferre possunt, impediendo motum corpusculorum, quæ ipsam constituunt.

Tertio, ejusmodi advenæ, imprimis si non fuerint perpusillæ, firmitudinem in substantiâ à se occupatâ producere possunt, constituendo unâ cum particulis, ex quibus constat, corpuscula ad motum magis ineptâ, & mutua coactioni aptata.

Hæc duo simul memoramus, quod Natura crebro admodum ad introducendam materiæ stabilitatem ea junctim adhibeat.

SECT. LXIV.

Coagulum hoc lactarium illud est, quo rusticantur in caseo formando.

Ad hæc reduci posse videtur modus convertendi fluidum lactis corpus in coagulum, tantillum coaguli lactarii miscendo, cujus particulae salinæ corpus lactis pervadendo non tantum partes ejus commovent, sed & ramosas ejus particulas adinvicem connectunt, cumque ipsis diversæ à lacte texturæ corpus constituunt: horumque coagulatorum corporum gravitas, ipsa sensim magis ac magis coarctans, dum eadem comprimit, tenuiorem & serosiores liquorem inde exprimit, quem coagulum dictum non valebat coagulare, quique hoc pacto à crassioribus lactis partibus separatus, multo poterit esse fluidior, quam ipsum lac esse consuevit. Atque particulas quasdam illius coaguli coaluisse cum concretis partibus lactis, querelæ testantur matrumfamilias, quas interdum de puellis suis lactariis ferunt, caseos scilicet nimis sapere coagulatum, quando nimiam ejus quantitatem lacti miscuerunt. Licet verò lactis coagulationem

lationem salinis coaguli particulis vendicemus, non tamen sumus nescii, non modò vulgare coagulum, sed & quosdam herbarum succos lac coagulare; uti id in illis *Italiae* oris notum, ubi sine hoc coagulo caseos conficiunt. Sed ideò nominatim salinorum coaguli corpusculorum mentionem fecimus, quòd reverà matresfamilias salire illud solent, quòdque salini liquores manifestè & efficaciter in coagulatione lactis operentur, cùm hoc ipsum succo limoniorum, & nescio quot aliis acidis salibus coagulari queat. Atq; ut insuper vim eorum coagulativam detegeremus, interdum horæ circiter minuto fluiditatem lactis recentis stitimus, idq; in coagulatam substantiam convertimus, paucas tantum boni Olei Vitrioli guttas ei dextrè commiscendo. Verùm de variorum salium in lac effectis, fortè alibi, ideòque non hoc loco, sermonem faciemus.

SECT. XLV.

Insignius in rem nostram exemplum interdum (semper enim non succedere Experimentum certus sum) nobis præbet memorabilis ille modus Argentum vivum coagulandi, illudque à fluido in firmum corpus mutandi, vapouris fusi plumbi beneficio, in quo, cùm ab igne sublatum est (antè tamen quàm planè rursus induruit) parva quædam cavitas lapillo vel baculo inprimenda, ut Argentum vivum involucro lineo illigatum celeriter isti foramini imponatur, & à permeante frigescens plumbi vapore congeletur. Et, metallinum quendam vaporem reverà Argentum vivum invadere, ex plumbi, quod funditur, jacturâ probabile videtur, ut & ex operationibus, quas Chymici fumo plumbi in Aurum vendicant; dummodò quæ in ipsorum libris asseruntur (necdum enim ipse id expertus sum) vero consonent.

SECT. XLVI.

Atque in mentem mihi redit, ingeniosum quendam Medicum,

dicum, mihi familiarem, cū non ita pridem plumbi portionem quandam, per se in calcem reducendam, in diutina teneret fusione, atque ad observandas metalli alterationes caput suum sæpius vasi fusorio admovert, subito per vomitum & sedes fuisse purgatum: quod ipsum uterque exhalationibus Saturninis tribuebamus. Et quamvis suspicaret, congelationem antè memoratam proficisci posse ex subtilis cujusdam substantiæ egressu, quæ prius corpuscula Mercurialia agitabat, postea verò deserebat; posse tamen Argenti vivi concretionem à stupesciente quodam plumbi vapore effici, confirmari posse videtur casu quodam notatu digno, qui celebri Geometræ, Doctori *Wallisio*, contigit: ipse quippe cum mihi retulit cū phænomenon, quod ipsum satis suspensum teneret: se nempe, aliósque viros doctos, *Oxonii* monitos, ut Experimentum, de quo agimus, probarent, deprehendisse, in prima plumbi fusione Argentum vivum ei immersum probè fuisse coagulatum, at cum secunda vice illud ipsum funderent, aliudque Argentum vivum ei immitterent, Experimentum successu caruisse: quod admirati sunt, comperientes, plumbum tam facili virtute suâ durandi Mercurium spoliari posse. Hanc observationem constantem semper fore, haud inducor ut credam; at verò tam doctos & candidos Physiologos vel hallucinatos fuisse in experiundo, vel Experimentum perperam retulisse, nemo sine ipsorum injuriâ suspicabitur. Quare admittentes illud, quod tunc saltem accidit, & ab uno ipsorum literis fuit commissum, & à pluribus eorum quàm uno mihi fuit narratum, videtur illud comprobare quod tradidimus, atque docere, ut nos fecimus, plumbo scil. vaporem vel Spiritum coagulativum inesse, attamen (saltem in istâ metalli portione) in tam parvâ quantitate, ut totus ferè in primâ occasione, quam nanciscitur in Argentum vivum transeundi, secedat & exhauriatur.

SECT. XLVII.

Recitavimus alibi alio consilio , nos interdum (semper quippe , ut ibidem notamus , res non succedit) Experimentum fecisse , priori affine , quódque multum lucis afferre potest subiecto , de quo agitur. Erat verò hujusmodi : superinfundebamus *Aquæ forti* familiare Oleum Olivarum , quod omne in ipsius superficie unà connatabat : verùm horis aliquot elapsis talem in textura sua mutationem acquisivit , per fursùm latos salini liquoris vapores aliásve subtiles irreperentes particulas , ut in album consistens (atque interdum friabile) corpus , butyro simile , in superficie *Menstrui* con crustatum , verteretur. Et simile Experimentum (quamvis temporis spatio longiori) expresso Oleo amygdalorum dulcium , Olei vulgaris loco , confecimus.

SECT. XLVIII.

Quartus & ultimus modus , quo corpuscula forinsecùs in corpus ingredientia stabilem ei consistentiam conciliare possunt , est ille , quo ejusmodi commotio in partibus ejus eiectur , quæ fit , ut juxta superficiem majorem sibi mutuò se applicent , aliáve tali ratione eas complicant ac disponant , qualis ad procurandam earum cohæsiõnem requiritur.

SECT. XLIX.

Hic modus corpora reddendi consistentia rarò vel nunquam adhibetur a Naturâ , quin quidam ex reliquis jam memoratis modis concurrat : cum tamen à recitatis duobus proximis distinximus , quia in iis supponimus , quædam ex adventitiis corpusculis in eo corpore sisti , ad cujus firmitatem conducunt , cujusque (licet forsan in exiguâ tantum quantitate) constitutionem ingrediuntur ; cum hoc loco supponamus , eas materialiter non concurrentes ad constituendum corpus , in quod operantur , agitare duntaxat varièque movere particulas ipsum componentes , has fortè fran-

frangendo, illas inflectendo & implicando, & ut verbo dicam, ita texturam mutando, ut partes illæ, quæ prius vel movebantur seorsim, vel minus strictè cohærebant, jam in arctiorem locum, texturamve implicatiorem reducantur, & hac ratione firmitus sibi invicem connectantur. Nudam partium corporis, quæ se mutuò respiciunt, dispositionem, nullâ addita materiâ extrinsecâ, plurimum posse facere ad stabilitatem, videre est & in quibusdam exemplis prius memoratis, & in virgis vimineis, quæ solutæ in cumulo jacentes facilè possunt singulæ à reliquis dissociari, verum in quasillum textæ adeò firmiter cohærent, ut sublato uno reliquæ omnes sustollantur. Quibus addi possunt plurima obvia, licet fortè non observata exempla, in quibus nudâ tenuium pilorum vel filamentorum, lanam sericumve componentium, texturâ, panni, tibialia serica, idq; genus plura alia vestimenta durabilia ab opificibus illiteratis conficiuntur. Nec citra rem erit observare, quæ sint meri motus in alterandâ texturâ, pro ndèque consistentiâ corporum vires per vulgarem Butyri conficiendi modum. Ibi quippe externus impulsus vasis, parando butyro destinati, vehementer Cremoris partes commover, easque inter se invicem jugiter hinc inde agitat commutatque; unde accidit, ut corpuscula ramosiora, sibi mutuò occurrentia, implicentur, & hac ratione a reliquis separentur, & post varios occursum, omnes hæ partes tandem connectuntur, exclusisque serosi lactis partibus, quæ figuram mutux cohæsioni non ita commodam obtinuere, Butyrum constituunt: quod ipsum compactius adhuc reddi solet, dum tunditur aliòve modo comprimitur, quo partes arctius contrusæ fluidum lac serosum exprimunt, quod inter eas intercipiebatur.

SECT. L.

Fortasse magis adhuc mirum videbitur, fluidum corpus, quinimò liquorem distillatum, qui valdè fugax est proque
fim-

simplici et homogeneo corpore habetur, & ~~saltem~~ multò minùs, quam lac, componitur, per motum, sine ullius novæ materiæ mixtura, ad cohesionem deduci. Quare spes me tenet, id non solum statumini fore exemplo jam jam allegato, sed & firmamentum præcipuis doctrinæ nostræ circa Firmitatem capitibus allaturum, si animadvertamus, ipsum etiam Chymicum Oleum Terebinthini, quod creditur unum ex principiis seu Elementis istius corporis, maximam partem, si non totum, absq; additione posse coagulari. Et tamen (ne anticipem illud, de quo circa hoc Experimentum alibi fortè loquendi dabitur occasio) nunc solum referam, quod non ita pridem peritum valde Chymicum sciscitatus, Observassene, Oleum Terebinthini incipere coagulari, si sæpius esset distillatum, me in Laboratorium suum Chymicum deduxit, ibique mihi in Recipiente quodam ostendit Oleum quoddam Terebinthini, quod sæpè *per se* distillaverat, maximam partem in subalbum consistensque corpus coagulatum, insuper affirmans, se interdum crebris distillationibus, sine additamento, ab claro Oleo Terebinthini multò majorem stabilis istiusmodi substantiæ quantitatem obtinuisse: Cujus consistentia debeátne igni tribui, Oleosa corpuscula in partes mutuæ cohesioni aptiores disrumpenti, an verò à novâ procedat eorundem corpusculorum textura, quibus solum accidit, per varias illas Evolutiones alio ejusmodi modo disponi, quo complicantur vel aliâ quavis ratione connectantur; non attinet jam tempus in eo inquirendo insumere; cum in rem præsentem sufficiat, hoc exemplum ostendere, quantum etiam motus absque ullius sensibilis substantiæ additamento in quibusdam casibus ad Firmitatem conducere possit.

SECT. LI.

Verùm enimverò, quid si dicamus, Fluiditatem & stabilitatem adeò à partium dependere texture, ut texture
istius

istius mutatione eadem partes ad constituendum vel fluidum vel siccum corpus, idq; etiam permanenter, reduci possint. Addo *permanenter*, propter id, quod in hanc sententiam circa mutationem aquæ in glaciem, & glaciei in aquam, ut & metallorum in fluida vel dura corpora, per fusionem & refrigerationem dici potest. In hisce enim exemplis acquisita aquæ durities & metallorum fluiditas, nuda corporum istorum in aërem temperaturam translatione potest amitti; cum in exemplo à nobis recitando, acquisita textura adeo sit durabilis, ut, nisi extremam vim externam adhibueris, qualis pleræque alia stabilia corpora destrueret, ipsam destruere haudquaquam possis. Atque hoc Exemplum ab admirando illo Naturæ Magnalium promptuario, Argento vivo, nobis suppeditatur: hujus quippe fluidi mineralis aliquot uncias si commodo vasi vitreo immiseris, & vas illud accuratè prius occluseris, idq; per sex octo vel decem septimanas (vel etiam, si opus fuerit, diutius) in furno arenæ, calore forti & constanti instructo, detinueris, corpusculum a argentum vivum constituentia, post innumeras revolutiones, & fortè inflexiones, implicationes, aliasque mutationes, ita sibi invicem connectentur, ut fluidi corporis loco, in rubentis pulveris formam, quem Chymistæ Præcipitatum *per se* nuncupant, appareat: quæ mutatio, adeo est sine exemplo, ut licet res inter curiosos Spagyristas satis nota sit, multi tamen Physiologi ad fidem ei habendam non facile adduci possint: quos ut de ejus possibilitate convincam præparatione multò minùs tædiosâ, Accipio Argenti vivi libram vel scilicet libram, & igne forti ex Retortâ vitrea distillo; ac plerumque in vasis fundo & circa ejus latera parùm rubri pulveris remanebit, quod nil nisi pars fluidi corporis (maximè ignis actioni exposita) in siccum corpus octo vel decem horis mutata videtur.

SECT. LII.

Quâ ratione ignis miram adeo mutationem in Argento
vivo

vivo producat, scire haud præsumo. Verùm quidem est, licet partes liquoris, ut antehac docuimus, in suarum superficierum parte duntaxat se invicem tanguant, ipsas tamen omnes habere quandam viscositatem, vel levidenscem aliquam partium complicationem aliudve adhæfionis genus videri: uti apparet ex eo, quod tam faciliè in tenues illas membranas seu cuticulas, quas Bullas appellamus, contexuntur; adeo ut non modò Spiritus Vini, qui Liquorum videtur levissimus & fluidissimus, bullas præbeat, sed (quod mirum fortè videbitur) aliquoties datâ operâ observavimus, ipsum Argentum vivum, quàm ponderosum etiam sit, inprimis si quis illud tenui filo in vas, eodem minerali ferè repletum, labi finat, bullas suppeditare satis numerosas & amplas, quamvis (uti & Spiritus Vini bullas faciunt) mox evanescentes.

SECT. LIII.

Et hinc concipere liceret, in operatione, de qua agimus, ejusmodi aliquam fieri mutationem in Argento vivo, qualem antehac fieri observavimus in ovi albumine, quando novâ partium illius dispositione, vel calor vel quassatio genus quoddam stabilis corporis ex eo constituit; vel alioquin obrendi posset, varias inesse Argento vivo partes pro magna effectuum ejus in alia corpora varietate, & per crebras evolutiones, quas ignis inter eas invicem partes ciet, illas tandem sibi mutuo ita applicari, ut vel sibi invicem quasi infibulentur, vel super suas invicem superficies labantur, eâ ratione, ut alteræ alteras superficies in *tanto* immediate tanguant, quantum ad ipsarum cohæfionem procurandam requiritur: uti antehac de quibusdam valde lævigatis vitri frustis memoravimus, quæ nullo alio Camento, quam superficierum congruitate & immediato contactu cohærent. Verùm, quamvis hæ Conjecturæ & plures aliæ in medium afferri possint, vereor tamen, ut conjecturarum certitudinem excedant. Nec multum ad potiores afferendas

nos juvit, quòd Præcipitatum nostrum Mercuriale in Microscopio, ex omnium optimis uno, inspiciebamus: nil enim ibi detegebamus, nisi quòd rubens pulvis multa continebat corpuscula, diversis aliis coloribus imbuta, quòdque minuta pulveris granula nullius determinatæ esse figuræ videbantur, sed gracilia rubrorum Corallorum fragmenta referebant. Cùmque aliquid minuti pulveris ex nitenti Præcipitato Auri & Mercurii eidem Microscopio imponeremus, hoc solum dignoscere potuimus, quòd parva granula hujus præcipitati à granulis præcipitati ex solo Mercurio facti in eo differrebant, quòd hæc (res Chymistis placitura) adeò per omnia pellucerent, ut quis plane crederet, se præstantissimum istarum gemmarum genus, quas Granata Aurifabri appellant, conspiciere. Verum licet nobis non sumamus ut explicemus, quo modo nova textura in Argento vivo producat, attamen ut magis magisque pateat consistentiæ illius mutationem à mutatione texturæ ejusdem proficisci, adjiciamus, quòd avari admodum experiundi, possentne pulvis noster in fluorem rursus reduci, aliquid præcipitati *per se* à viro mihi antehac domestico, inque pluribus operationibus Mercurialibus experto mihi comparabam, qui mihi illud à semetipso paratum dono dabat. Hoc ponderatum & commodo vitro immissum magnâ curâ aperto igne (qui fortior sit necessum est illo, quo præcipitatum fuerat) urgebatur, & tandem sursum ferebatur in fumos, qui in vitri collo in pluribus revivacati currentis Mercurii guttis se sistebant; quibus omnibus in unum collectis deprehendebamus, sextam circiter vel septimam illius, quod imposueramus, partem tantum deesse, nec hoc ipsum defuturum fuisse arbitrabamur, nisi ignis vehementia vitrum eliquasset, quod sorbebat pulveris partem, qui per illud se præbebat spectandum, postquam quod eliquatum erat, ab igne removissemus.

Ab Experimento præcipitandi Argentum vivum *per se*, atque ab aliis nonnullis, partim jam traditis, partim mox tradendis, discere licet, quid de celebrium quorundam Modernorum Philosophorum opinione sentiendum sit, qui docent, fluidum corpus in corpora æqualiter fluida semper esse divisibile, ut quantitas in quantitates, quasi fluidorum corporum particulas & ipsas fluidas esse necessum foret. Etenim ex iis patere videtur, Argentum vivum aliâque nonnulla actu fluida corpora, ex plurimis corpusculis duris constare, siquidem texturæ eorum mutatione spoliari fluore suo & stabilia reddi possunt. Videmus etiam, rigidas solidasque salium in aqua communi solutorum, & Argenti in Aqua forti dissoluti particulas, sufficienter istorum liquorum beneficio dissociatas & seorsim agitatas, unâ cum ipsis fluida corpora constituere. Et alibi in alium finem recitavimus Experimentum quod præter rem non erit hîc repetere. Est autem hujusmodi: immixtis pariter in Retortam vitream unâ parte Argenti vivi & quatuor partibus vulgaris Olei Vitrioli, iisque in furno arenæ forti igne distillatis, in vasis fundo ponderosa Calx seu pulvis remanebat, quæ adeo à fluore erat aliena, ut nonnisi ex parte in aqua dissolvi posset. Atque id, quod probare videtur, in liquido ipso Oleo Vitrioli, distillato quamvis liquore, salina corpuscula, illud præcipuè componentia, suam retinere rigiditatem (passim in salibus non-distillatis deprehensam) hoc est, quod Calcem nostram in aquâ limpida macerando, separare ab eâ potuimus haud mediocrem particularum copiam, quæ factâ aquæ evaporatione in numerosa salina & fragilia corpora coagulabuntur. Atque hæc ipsa à *Menstruo* potius, quàm à metallo ortum habuisse, nobis suasit hæc observatio, quod arida Calx, priusquàm ulla ei aqua affunderetur, multò magis ponderabat Argento vivo, quando id immittebatur; & Oleum Vitrioli, quod abstractum erat, multò minùs

ponderabat, quàm cum distillationi committeretur. Quinimò semel atque iterum in vitrò, in quo quantitatem aliquam Olei Vitrioli fervabam, observavi, ejus lateribus salinas Crystallulos sponte adherescere, quas cum eximerem, duras fragilesque deprehendebam, cum verò, experimenti gratia, aëri eos exposuissem, protinus pristinam formam fluidam rursus inducebant, & se Oleum Vitrioli esse probabant. In Observatione quoque nuper memoratâ de spontaneâ Spiritûs cornu cervini coagulatione liquere videtur, corpora, quæ penitus vel maximam parrem dura sunt, & talia apparent, quando sibi invicem commodè connectuntur, constituere tamen corpus fluidum posse, quando ad sufficientem parvitatem reducuntur, atque in convenientem motum cientur. Et sanè, si minimæ fluidorum corporum particulæ (multæ saltem earum) determinatâ suâ quantitate & figurâ præditæ non essent, sed ejusmodi corpora in particulas itidem fluidas dividi possent, unde, quæso, accidit, quosdam liquores penetrare & humectare quædam corpora non posse, quæ aliis corporibus facilem transitum concedunt? Etenim si exclusi liquoris particulæ necessariò in fluidas semper dividi possent, nulla apparet ratio, quare non in adeò minutas subdividerentur, ut nullos poros tam parvos tamque irregulariter figuratos supponere possis, qui eas excluderent.

S E C T. LV.

Fateor equidem, uti arduum est demonstrare, ita facile haud esse probare contrarium, materiam scil. unde fluida corpora componuntur, indefinitæ divisionis esse capax: atque etiam concedere licet, in quanto minutiores partes corpus aliquod dividitur, tantò facilius, *Cæteris paribus*, istius corporis partes in motum cieri posse. At, hæc fluidi corporis in minores ac minores semper partes divisibilitas ad illud propriè non pertinet, quæ fluidum, sed quæ corpus est; cum talis divisibilitas, si vera supponatur, primaria

maria sit materiæ ipsius affectio, illasque portiones ejus, quæ duræ sunt, æquè ac fluidas spectet. Et licet admittatur, illimitatam ejusmodi divisionem, qualis præsumitur, mentaliter, (ut Scholæ loquuntur) hoc est, cogitatione sive operatione mentis fieri posse, gravis tamen quæstio restaret, actûne Natura eousque corpora comminuat subdividatque, an minus, uti ex eo, quod jam jam notabamus, apparet. Ut ut sit, non solum requiritur ad corporis fluidi constitutionem, ut partes ejus satis sint minutæ, sed etiam ut actu moveantur. Quippe ut modò observabamus, Alabastri pulverem in motum concitatum (licet ejus corpuscula insensibilia non essent) fluidum corpus æmulatum fuisse, & confestim fluidum esse desisse, quamprimum ejus particulae agitari desinebant: cum particulae aquæ, quantumvis minutæ etiam sint & aptæ ad constituendam substantiam fluidam, durum tamen illud & fragile corpus, quod Glaciem vocamus, efficiant, quando exiles istæ particulae, quo id cunque modo contingat, ad quietem reducuntur.

SECT. LVI.

Haftenus enarrata juvare etiam nos possunt ad judicium ferendum de illâ Chymistarum doctrinâ, quæ vult, in omnibus corporibus Coagulationem, Stabilitatem, Duritiem & Fragilitatem à Sale dependere. Quamvis enim, quod supra dictum fuit de lacte salinis liquoribus coagulando, deque obviâ in salibus ipsis duritiæ & fragilitatè, obstare possit, quo minus negemus, principii salini magnas esse partes in corporum quorundam coagulatione, ipsumque multum firmitudinis vel etiam fragilitatis in pluribus vel plerisque concretis, in quibus prædominatur, producere; hæc tamen salium indurandi facultas haud oriri videtur ex ullâ peculiari & inexplicabili corpora coagulandi aut compingendi proprietate, sed ex ejus corpusculorum figurâ & motu, quæ, ut videtur, magis apta nata sunt per Naturam, quam plura alia concreta, sese aliorum corporum poris insinuare, eorumque

rūnque particulas tam fuisset quidem, quā sibi invicem innectere, idq; vel corpuscula illa quasi cuneatim jungendo, vel rigidis & gracilibus suis partibus, vel acutis suis angulis aciebusve plura eorundem penetrando; uti chartulæ aliquot filo ferreo tractæ nè diffugiant, cohibentur; vel etiam uti culter, in plura panis & obsonii frustra intrusus, eadem simul & semel sustollit. Verū quādoque constituentibus corporis partibus sufficiens inest aptitudo atque dispositio sibi invicem firmiter adhaerendi, Natura ex his partibus stabile corpus componere potest sive sale abundant vel non, cum non adeo ex principiis Chymicis, vel etiam ex ullius alicujus partis componentis prædominio vel copiā, quā partium corpora constituentium figurā & motu Fluiditas & Firmitas eorum pendeant. Nolo hīc urgere, salia ut plurimum facili cum aquā mixtione in formam liquorum reduci posse; neque illud, quod Sal Marinum, Sal Tartari, & plura alia Salium genera, suā sponte, etiam in ipso Aëre, dummodo non sit valde ficcus, fluidorum corporum formam induant; neque mox memorandum Exemplum Coralliorum, quæ fidenter mollia esse asserantur, dum in aquā salis remanent, & inde educta indurescere: Hæc, inquam, & similia argumenta hīc non premam, sed acquiescam ea innuisse, cum talia sint, quæ brevibus explicare & vindicare haud commodè possim. Quocirca rogabo potius, quid Salis ostendi possit ex fusi plumbi corpore in corpus Argenti vivi transire, quod in eo coagulationem supradictam efficiat? Quānam Salis accessio possit observari, quando Mercurius currens in pulverem *per se* præcipitatur? Et quī probetur, quando in vase probè obturato totum aquæ corpus noctibus gelidis in firmam glaciem frigore ambientis aëris mutatur, istam coagulationem Sale effici; cum nondum ostensum à Chymistis fuerit, vel Salia vel etiam distillatos ipsorum Spiritus, sine quodam prodigio, angustos vitri non calefacti poros penetrare posse? Vulgò observatur in ovīs,

licet

licet in primâ ex gallinarum corporibus exclusione eorum putamina mollia sint, tamen paulo post indurescere & fragilia fieri; nec tamen apparet, quomodo pars salina ad subitam hanc coagulationem efficiendam augeatur: Atque (ut hoc obiter subjungam) quamvis ab eâ sententiâ non sim alienus, externi aeris frigus, ejusdemque quarundam humidiorum mollis ovi putaminis partium imbibitionem ad hoc effectum concurrere posse; multæ tamen observationes dantur ovi putaminum, quæ in ipso gallinæ utero dura reperta fuere. Et ipse probe memini, me anadvertisse, aliquot ova nondum parata, sed uno simul tempore in ejusdem gallinæ corpore reperta, singula eorum perfecto & fragili putamine instructa fuisse. Verum arbitror multò fortius argumentum adversus Chymicam sententiam me ex ovi consideratione posse deducere: rogo quippe, quamnam salis copia ostendi possit, durum putamen, & contextam arctius membranam, quæ & illud obducit & ovum involvit, penetrare, imprimis cum certum sit in *Ægypto* & alibi temporato calore externo, alique gallinâ, sæcundari ova posse. Et tamen hîc observare licet, eandem internam ovi substantiam, quæ primò erat fluida, cum luteum & albumen, quæ illud componunt, talia sint, ad pulli exclusionem tota ferè in consistentia corpora mutari, quorum quædam lenta sunt, ut membranæ & cartilagines avis, alia duriora & ferè fragilia, uti ejus ossa & rostrum; atque hæc omnia, ut dicebamus, sine novi salis accessione. Difficile Chymistis probatu foret, Adamantes & Rubinos, qui corpora habentur, quæ quidem nos novimus, omnium durissima (quorumque duritiem in Experimentis particulis sæpe miratus sum) sale abundare; saltem à ratione haud erit alienum, nos ita sentire, donec nos Chymici modos docuerint & intelligentiam & usum subeuntes, aliquid saltem veri salis ab harum gemmarum alterutrâ separandi. Atque dubitare etiam licet annon sanguis Animalium,

lium, quando maximè immunis est à sero, æquè (quamvis liquor sit) ac eorundem pelles & carnes, sale abundet?

SECT. LVII.

Et siquidem Chymistæ sunt, quibuscum nunc ratiocinor, arbitror mihi permissum ire, argumentis eos urgere, quæ à celeberrimis ipsorum sectæ scriptoribus desumpta sunt. Etenim, turbâ Chymistarum, atque illis ipsis, qui à reliquis & semetipsis Philosophi appellantur, non modò concedentibus, sed etiam asserentibus & tuentibus, insignes Argenti vivi aliorumque metallorum ignobiliorum quantitates in Argentum & Aurum, albi rubræ Elixiris beneficio, transmutari posse, rogabo ipsos, unde accidat, unum pulveris (ut vocant) Projectionis granum integram Mercurii libram, in verum Aurum vel Argentum posse mutare, proindeque corpus valdè fluidum in aliud valdè firmum convertere, quamvis salis quantitas, ad totam Argenti vivi massam coagulandam adhibita, sexies vel septies millesimam liquoris partem haud æquaret; licèt concederetur, pulverem, ad stupendam hanc mutationem efficiendam adhibitam, per omnia salem esse, cui tamen Chymici Authores multò plus de Natura Sulphureâ videntur ascribere. Atque his adjiciam, quæ celebris & acutus *Helmontius* aliò consilio refert è *Raym. Lullii* & propriis suis Experimentis, de prodigioso suo liquore, Alcahest; videlicet, eum à vulgari Argento vivo abstractum, horæ quadrante illud coagulare: in hac tamen coagulatione hoc, ceu singulare Phænomenon, indigitat, hunc liquorem, qui æquè est immortalis ac vehementer salinus, apud Mercurium, in quem agit, nihil relinquere, ipsum tamen ita coagulare, ut jubeat eum in subtilem pulverem reducere.

SECT. LVIII.

Memini etiam, quod in rem præsentem facit, Medicum quendam,

quendam, in narrationibus suis admodum veracem, cum ante aliquot dies mecum sermonem haberet de mirâ quadam præparatione, apud hodiernum *Holfatiæ* Ducem (doctum sanè Principem, & in Chymicis supra vulgus versatum) à se visâ, mihi asseverasse, se inter alia ibi animum adverterisse ad vitrum Urinæ Spiritum continens, qui calidâ tempestate in formâ liquoris remanebat, frigida verò totus in salem CrySTALLINUM coagulabatur: & rogatus à me, nossètne modum quo urinosum hoc corpus paratum fuisset? Responsum dedit, Ducem curasse Spiritum Urinæ, Volatilem sale valdè abundantem, plurimis vicibus distillari, & post singulas distillationes, quicquid tractatum fuerat in liquidâ, cum eo, quod remanserat in salinâ formâ, reconjunctum, donec per crebras (ut loquuntur) cohobationes omnes Urinosæ substantiæ partes ad supradictam unionem sive coalitionem redigerentur. Quod ipsi de variâ salinæ partis Urinæ consistentiâ proponere possumus fide propriâ, id certis de causis alii loco reservamus.

SECT. LIX.

Atque hac occasione pauca quædam particularia subnectemus, quæ non modò facere possunt ad revocandam in dubium Chymistarum de coagulatione corporum hypothesein, sed ad confirmationem magnæ partis illius doctrinæ quam nos tradidimus.

Prima observatio illa erit, quam Ars conficiendi sacchari nobis suppeditat: in eâ quippe sollicitè admodum cavetur, ne quid acidi (inprimis succi Limonii) ahenis aliisque vasis incidat, in quibus liquor saccharinus in saccharum est coagulandus. Licèt enim Aciditas passim à Chymistis Sali tribuatur, hîc tamen salina hæc corpora tantum absunt ut juvent coagulationem, ut eam penitus inhibeant. Et quoniam ab saccharinorum Arundinum in hisce oris defectum, hanc observationem aliena fide mutuari tenemur, resque ipsa nonnihil mira videtur, eam duorum

rum insignitum Authorum testimonio firmabimus, qui scriptis à nobis lectis eam commendarunt. Unus est ingeniosus Author Gallicus Naturalis & Moralis Historiæ Insularum illarum *Americanarum*, quæ vulgo apud Gallos *Isulærum Antillarum*, apud nos verò *Caribæarum* nomine veniunt. Ille igitur particulatim describens modum, quo ipsius populares saccharum in illis terris conficiunt, hanc caute-

*Hist. Morale
cap. 5.*

lam sub finem addit; *Sur tout, &c.* id est, Ante omnia magnopere cavendum, ne succus Citri vel Limonii in Cacabos illabatur; id enim sacchari formationem omnino impediret. Alter est diligens ille *Guilielmus Piso*, qui factâ nobis distinctâ & iconibus adornatâ narratione de sacchari parandi modo, ait, *Si momen-*

*Hist. Nat. &
Med. Brasil.
l. 4. c. 1.*

tum succi Limonis vel accidi quid injiciatur, sacchari consistentiam nunquam acquireret, sed in totum perditur. Quibus addam, quæ de indu-

firiâ mihi de hac observatione fidenter idem confirmatum fuerit à viris, scientiam artis parandi sacchari supra vulgus sibi vendicantibus: quod ipsum & aliam nobis observationem præbet, à subjecto, de quo agimus, non alienam. Optimi quippe Authores, qui de eo scribunt, nos docent, succum ex cannis saccharinis expressum primùm solere in capacibus admodum vasis cupreis vel aneis coqui & depurari, & inde postea ad purificationem ulteriorem & ad coagulandum in vasa minora transfundi; atque dum continetur in prioribus, ipsos quid fortis admodum lixivii solere ei infundere ad faciliorem reddendam facum separationem, uti in minoribus consuevêre Olei vel Butyri modicum bullienti succo instillare, ne vehementi ebullitione sacchari aliquid effunderetur. Jam verò, quod illi in rem nostram ulteriùs observant, uno eodémque fere modo narratur ab Authore nostro Gallico & à *Pisone*, & à

*Guil. Piso, &
Author Gall.
ut sup.*

posteriore quidem his verbis: *Observatu dignum (inquit) si oleum majoribus inderetur abenis, in quibus Liqueor primus, Caldo dictus, purificatur, saccharo*

Sacchara conficiendo foret ineptus: vicissim, si minoribus lixivium, sicut majoribus, infundatur, equè impossibile, saccharum conficere. Adeò corporum Fluiditas & firmitas ab ipsorum texturâ dependent, quantumcunque etiam Chymistæ cas sale vendicatum eunt.

SECT. LX.

Sed huic observationi mutuatitia, cujus tamen Authoribus non est quod quis diffidat, duo vel tria adjiciemus Experimenta propria, quæ doctrinam de corporum stabilitate a nobis propositam eò magis confirmare poterunt, quod in iis consilium erat argumento, quod tractamus, per ea lucem afferre.

SECT. LXI.

Primo itaque, præparabamus liquorem alibi describendum, qui ferè, si non æquè salinus est ac *Aqua fortis* ipsa, vel alius quivis spiritus acidus vulgò notus: & tamen, cum huic liquori fragmenta solidi cornu cervini diversarum magnitudinum maceranda immitteremus, etiam in loco frigido, tantum aberat ut *Menstruum* ea induraret, ut (sine eorum dissolutione, uti corrosivi Liquores dissolvere metalla solent) sensim in ea penetraret eaque emolliret, adeò ut duorum triumve dierum spatio in album quondam limbum vel substantiam mucilaginosam in fundo Liquoris ea redigeret.

SECT. LXII.

Accepimus etiam Sal Tartari bonæ notæ, eique ejusdem notæ Spiritum aceti vinosi affudimus, quamdiu illius affusio ebullitionem ciebat; tum distillavimus liquorem, qui ferè insipidus egrediebatur, salinis partibus, quæ spiritum aceti vinosi tam acrem reddunt, à Sale Tartari retentis. Residua sicca mixturæ recentem aceti spiritum affudimus, quoad aliqua ebullitio consequeretur, & deinceps aqueas partes hujusce

huiusce etiam liquoris abstraximus ; hoc modo procedentes, donec fixo sale sufficienter salinis distillati aceti partibus imprægnato, juxta votum nostrum mixturam obtineremus, quæ (licet tota ex salibus conflata, & quidem ejusmodi salibus, qui Chymicâ corporum, unde extracti erant, Analyti facti, juxta doctrinam Chymistarum pro puris & Elementaribus haberi possint) tam propè tamen ad Fluiditatem accedebat, ut ignis calorem non requireret, ad ipsam subito in liquorem mutandam, cum eam formam leniori indueret calore, quàm quis à salino corpore expectaret.

S E C T. L X I I I.

Denique, commune Oleum Vitrioli accepimus, eique parva quædam Camphuræ fragmenta injecimus, quæ ipsi innatantia paulatim & post aliquot horas in rubescens Oleum penitus reducebantur, quod totum in alterius liquoris superficie conspiciendū se præbebat. Tum verò, antehac experti, quòd Oleum Vitrioli facillè communi Oleo miscetur, tentavimus etiam Salinum & Camphuratum Liqueorem agitando, eodem unire ; & quidem facillè illos in unum Liqueorem ardentem confundebar, qui uniformis admodum apparebat, & talis (quantum quidem sensu dignoscebatur) per plures horas durabat. Tum huic mixturæ triplum vel quadruplum aquæ limpidæ addidimus, atque (uti expectavimus) Camphura protinus album consilens corpus recuperabat, & sensim in liquoris superficie consistebat. Ubi observare licet, Camphuram non reddi duram sed fluidam cum Salinis Olei Vitrioli corpusculis miscetur, fluiditatem verò suam cum firmitate mutare, cum aqua falsedine carens eidem affunditur. Atque hæc dicta sufficiant de Chymistarum dogmate, quod corporum stabilitatem ex Sale in ipsis abundanti derivat.

S E C T. L X I V.

Et quod ad duriem & fragilitatem, quam eidem principio

cipio adscribunt, quantum illæ augeri & diminui in corpore possint absque Salini principii seu ingredientis incremento aut decremento, patere ex illo Experimento poterit, quod in varios fines memoravimus, gracile videlicet Chalybis frustum temperandi. Etenim postquam sufficienter fuerit candefactum, si candens illud immerferis aquæ limpidæ, quæ dissolvendæ quam augendæ ejus Sali est aptior, reddere illud poteris non solum valdè durum, sed etiam valdè fragile, cum si refrigerare illud in aëre siveris, & minus durum futurum sit & magis tenax; Atque si idem aquâ frigidâ exstinctum, iterum candefacias, donec colore cæruleo saturatur, comparatè molle & admodum flexibile fiet; neque hoc ex ulla salinæ partis per ignem jacturâ, cum si emollitus hic chalybs rursus candefiat & subito, sive aquâ sive aliâ ratione refrigeretur, ut antè, & duritiem & fragilitatem de novo requirer.

SECT. LXV.

Jam verò, operationibus hisce dispositionem minutarum chalybis partium reverâ mutari, documento in sensus incurrente alibi evicimus. Atque effecto arctiori partium corporis situ contactûque magis immediato, posse quem intendere duritiem ejus, nullo salis facto incremento, patet, ut antehac notavimus, in Nive, quæ dum in floccis, uti cadit in terram, jacet, molle duntaxat cedensque corpus componit; at quando eadem Nix, tam fortiter undequaque intra manus premendo in pilas formatur, parvæ seu stirix seu congelatæ bullæ eam constituentes tam propè ad se invicem accedunt, inque situm, qui tam exiguum spatii jacturam admittit, contruduntur, ut, cum prius intercepta spatia maximam partem exiguis corporibus sint repleta, stirix amplius digitorum pressioni cedere, ut antea, nequeant, sed massam satis duram constituent, quæ tamen in aquam soluta, & postmodum in glaciem constricta, magis adhuc indurari potest: hæc quippe corpus fluidum cum fuerit (in quo

quo genere corporum spatia parcius dispensari adeoque magis occupata esse quàm in aliis, solent) bullæ in ipsa intercepra obesse nequeunt, quin tam arctæ texturæ sit, quæ eam satis duram reddat.

SECT. LXVI.

Scio, non tantum qui si Chymicos profitentur, sed alios, qui merito modernis Philosophis accensentur, indurationem & lapideum in primis corporum munimentum abdito cuidam principio interno totum vindicare, quod quidam eorum Formam appellant, alii spiritum lapidificum, qui maximam partem in vehiculo quodam liquido delitescat. Et me quod attinet, cum olim opportunè mihi acciderit in loco quodam commorati, ubi ex humo arida & in tractu terræ admodum eminenti effodi curare poteram CrySTALLINA aliquot corpora, quorum lævia latera & anguli tam exquisitè figurata erant, ac si ab artifice in gemmis secandis perito fuissent elaborata; cùmque mihi etiam commodum obtigerit plures alios exactè & regulariter figuratos lapides aliâque Mineralia, partim è terrâ ab amicis meis effossa, partim adhuc in saxis nuper à rupe avulsis crescentia, concedere admodum propendeo, esse (ut alibi innuo) Plasticum principium, à Sapientissimo Creatore certis quibusdam materiæ portionibus insitum, quod in ejusmodi concretis duram consistentiam juxta ac determinatam figuram producit. Non igitur negamus hæc effecta ut plurimum ab interno pendere principio, sed difficultas in eo sita est, ut concipiamus, quomodo internum illud principium effecta sua producat, quod cum hi scriptores non sic explicare prætendant ut intelligatur, nos præter rem haud esse existimabamus, nonnullos ex præcipuis modis perillustrare, quibus Natura corpora reddere firma & stabilia videretur, qui juvare nos possint in judicando, sitnè æquè necessarium ad Plasticum principium vel Gorgonicum spiritum in omnibus aliis subitis & insignibus corporum in frigido indurationibus recurrere,

rore, ac in indurandis ejusmodi corporibus, quorum curiosæ & determinatæ seu texturæ internæ seu figuræ externæ (pluribus ejusdem generis Concretionibus communes) arguunt, ea fuisse compacta ab unâ quadam virtute formativâ, vel à pluribus seminalibus Principiis in unum congregatis. Sed dum hoc facimus, non affirmabimus, vel ipsam non posse alia quadam necdum observata ratione consistentia corpora facere, vel consuevisse uni alicui ex modis à nobis enarratis ita se alligare, ut non crebro duobus vel pluribus ad eundem producendum effectum utatur.

SECT. LXVII.

Et quia Durities intensus est gradus Firmitatis, non fore alienum arbitror, exemplis quibusdam ostendere, quàm levis externa operatio, absque apparenti ullo sale adventitio, molle corpus reddere durum, imò etiam fragile, possit, quando non ulla apparet alia mutatio facienda, quàm texturæ vel dispositionis particularum ejus componentium.

SECT. LXVIII.

Recepta est inter Physiologos traditio, Corallium molle nasci in fundo maris, ac cum in aërem liberum fuerit productum, licet magnitudinem & figuram suam retineat, in lapideam Concretionem durescere, juxta illud Ovidii,

*Sic & Corallium, quo primum contigit auras,
Tempore durescit, mollis fuit herba sub undis,*

Ovid.
15. Met.

fitne hæc traditio strictè vera, opportunitas nobis deerat, cum Massiliæ commorabamur, (cujus vicinum mare expiscando Corallio totius Europæ celeberrimum est) autopsiâ nobis ipsis satisfacere. Verùm quicquid nonnulli dicant ad fidem traditioni derogandam, quinimò, quàm fidenter etiam *Bequius* (qui omnium

Boguin Tyosia.
Chym. 2. c. 10.

omnium validissimè contrà arguisse videtur)
eam rejecerit , negandum non est , interdum
saltem id verum esse (& hoc præsentì nostro insuetò suffi-
cit.) Eruditus enim *Gassendus* in vita *Piereskii*

Lib. 4. A 140
Dominij 1624.

verba faciens de curiositate , quâ erit ille incom-
parabilis ductus fuerat piscandi Corallium prope
Tolonem (nobilem non procul à *Massilia* portum) inter alia
hoc refert : Plantæ revulsæ & protractæ nec ru-

Vide loc. Giff.
end.

bræ erant nec elegantes, nisi deglubito cortice; in
quibusdam partibus molles erant, & manui ce-
debant, uti luminitatem versùs, quâ fracta & pressa lac,
simile lacti ficuum, emittebant. Memini etiam, doctum
Jesuitam *Fournierum*, cui, cùm etiam Gallicus sit Hydro-
graphus, scribâtque de *Massilia* & *Tolone* ceu locis probè
sibi cognitis, fides adhiberi hac in re tutò poterit,
ratione piscandi propè *Tolonem* particulatim de-

Hydrograph de
P. Fournier li.
4 c. 27.

scriptâ, adjicit : Hæ plantæ nec rubent nec po-
litæ sunt, quando ex aquâ extrahuntur, donec
cortex excutiat; quinimò, molles sunt, &
fractæ vel etiam intra digitos pressæ, lac quoddam, ficuum
lac referens, emittunt; & si premere desinas, videre licet
foraminula seu poros, ubi lac expressum hospitabatur. Ha-
tenuis ille. Fidem magnæ harum narrationum partis ad-
struebat apud me practicus quidam in India Orientali Me-
dicus, qui in reditu suo per aliquod tempus in *Mebila* in-
sula (propè *Madagascar*) substitit ubi Corallium album co-
piosè nasci fertur, à me rogatus, ullumne legisset, & num
molle, dum crescebat, deprehendisset? Mihi respondit,
se nuperis annis in illius Insulæ arenâ aliquoties Corallium
legisse, & quando legeret, valdè album reperisse, atque
(ut ejus phrasi utar) capæ ad instar molle, adjiciens, quod,
licet brevi temporis spatio in aëre duresceret (quod ipse,
nescio quo jure, externo solis calori tribuebat) attamen
probe notum sit nautis hanc mercaturam exercentibus, nisi
tempèstivè legatur, non diu durare, sed vel dilabi vel aliâ
ratione

ratione diminui : quod ipsum non disconvenit cum experto *Pisone*, qui in naturali suâ Historiâ *Lib. 4. c. 68.* *Brasilia*, de quibusdam locis oræ *Brasiliæ* verba faciens, ubi plures plantæ lapideæ, aliæ arbusculis similes, aliæ aliter formatæ, sereno cœlo in fundo maris nascentes videri queant, refert, *Quod è fundo erutæ mox durissimæ, si insolentur in littore, siccæ niveique coloris fiunt.* Æquè notabilis est illa mutatio, quæ occurrit in *Scaligero*, qui fide propriâ de nonnullis loquitur, qui per meatus Urinarios materiam limosam excernebant, quæ in aëre in firmam substantiam coagulabatur. Historiam, utpote memoratu dignam, propriis ipsius verbis sic accipe : *Ex lovillis oppidanus, nostris adjutus medicamentis eminxit vitrum sane ex illâ nobili Paxagoræ pituitâ, dum mingeretur, albuminis molliæ; emissum vitri duritie ac splendore: Senatoris filius eiecit pultis modo multos & maximos, qui aeris contactu postea in gypseam tum speciem tum firmitatem concrevere: hic quoque nunc rectè valet.* Insuper consuetudinem nactus cum sagace quodam mercatore *Dantiscano*, & cum ingenioso *Chymico*, qui in eadem civitate ad tempus degerat, ac regione circumvicinâ, juxta cujus littus succinum nostrum *Europæum* è mari extrahi solet, ab iis sciscitabar, nunquàmne in succino proprietatem narratæ Corallorum proprietati similem observassent? eorum unus, &, quantum quidem memini, etiam alter, ex suâ ipsius observatione apud me asseveravit, succini moles interdum molles è mari extrahi, & in aëre indurari: quod ipsum eò facilius à me fidem impetrat, quòd apud Nobilem *Polonum* viderim (præter alias res interceptas) integrant aaneam, nec illam ex minimis, duri & transparentis flavi succini fructo perfectè inclusam. Nec videtur impossibile, externi aeris contactum partes exiguum ejusmodi corporum in novum motum ciere, quo volubilia quædam corpora, reciprocam ipsorum adhæSIONem impediencia, excludi possint, ipsæque particule premi vel aliâ ratione in arctiONem seriem disponi. Et comperimus,

colores quosdam oleagineos, postquam ad debitam temperiem sunt redacti, diu admodum in eodem mollitiei gradu posse conservari, si ipsi & cochleæ eos continentes toto illo tempore sub aqua detineantur, cum in aëre texturam brevi mutarent, atque siccescerent & indurarentur.

SECT. LXIX.

Verum licet in postremo hoc exemplo & quibusdam aliis remotio corporis ex aqua in aërem manifeste videatur ad ipsius induramentum contribuere, non tamen adeo facile determinatu nobis videtur, quas sibi partes Aër in efficiendis ejusmodi indurationibus sumat. Etenim *Gassendus* de *Pierreskio* refert, ipsum tempore æstivo lavare se solitum in quodam ex minoribus *Rhodani* rivulis, sequentem hanc Observationem fecisse. Deprehendit aliquando fundum, quod alias æquabile, & molliusculum observarat, induruisse in globulos, moleculasque, qualia ova sunt, cortice detracto, ubi coctiora fuerint. Id demiratus, & collegit, & detulit aliquot domum, ut *Præceptor* ostenderet, & facti causam sciscitaretur. Miraculum vero adactum, ubi post dies non ita multos, cum redisset ad fluvium,prehendit moleculas induruisse in fluviatileis lapides, idemq; etiam observavit contigisse iis, quas asservabat repositas domi. Sed quousq; hæ narrationes probent, ejusmodi coagulationes præstari debere à formâ quadam substantiali vel liquore petrificante, non definimus, quandoquidem inprimis, ne repetamus quod jam suprà de marmore calcinato retulimus ex *Fourniero*, alibi ex propriâ observatione tradidimus, duo vel tria cochlearia istius gypsi ex ustâ *Alabastrite* facti, quale non ita dudum memoravimus (& cujus loco *Artifices* alio lapidis genere utuntur, quem gypsum *Parisiense* vocant, ustum & aquâ temperatum) in vasis aquâ repleti fundo, cui id immittebamus, exiguo temporis spatio in duram massam fuisse coagulata, aqua, quæ ipsum circumibat, non obstante; quæ, ut videtur, à poris ejus excludebatur, uti ex oleorum *Cinnamoni* & *Gariophyllorum* poris excluditur, quæ

quæ licet corpora fluida sint & in aquâ subsidentia, hujus tamen particulas in suas insinuare haud sinunt: observantque Artifices, coagulativam usti Alabastrî proprietatem plurimum lædi, si non planè deperdi, si pulvis nimis diu asservetur, in aëre inprimis libero, priusquam eo utaris: & cum semel Aquâ temperatum fuerit, & duritiem acquirere passum, mihi affirmant, se nullâ ustione aut pulverisatione repetitâ posse eum in usum suum, ut antè, reducere. Adeo scil. horum pulverum aquâ mixtorum coagulatio, ab eorum texturâ aliisque qualitatibus Mechanicis videtur dependere,

S E C T. L X X.

Recordor etiam, quamvis ossa in Cervorum cordibus re-
perta, & à Medicis tantopere celebrata, duram osseam-
que in aëre consistentiam acquirant, me tamen curiositate
ductum illud observandi in corde Cervi nuper mactati,
ibidem cartilagineâ mollietie & flexilitate præditum repe-
risse.

S E C T. L X X I.

Atque hîc ausim insuper fateri, me sæpius dubitasse, po-
tuerintne non modò consistentia corpora, sed & quædam ex
omnium solidissimis, fluida vel in vaporum vel liquorum for-
mâ fuisse, antequam vel in lapides vel alia mineralia corpora
concreverent. Novi plurimos esse, qui sentiant, Lapides,
Marchasitas ut vocant, & alia ejusmodi solida & durabilia
corpora producta simul fuisse tempore Creationis alteriusve
originis Universi, quique admittere nolunt, tales Concre-
tiones etiamnum posse generari. Verum, ne jam dicepte-
mus de celebri illa controversiâ, lapidesne dici possint cres-
cere & nutriri, strictè loquendo, haud esse difficile opi-
nor ostendere, talia materiæ fragmenta nunc occurrere in
formâ lapidum, quæ prius sub istâ formâ non apparebant,
sed, dum illa in minutas partes divideretur, vel ipsa erat

corpus aliquod fluidum, vel saltem tanquam pars materialis ad constituendum tale concurrerebat. Hujus rei, præterquam quod alibi circa eam tradimus, mox occasio nobis dabitur probationes quasdam afferendi; quare nunc tantum duo vel tria exempla producemus. Primum erit, quod videbamus inter cimelia viri, qui illorum admodum est studiosus, planum lapidem, in quo ad vivum cælata erat pisciculi, omnibus pinnis, squamis, &c. instructi, figura, qui affirmabatur fuisse in lapidis illius corpore inclusa, casuque detecta, quando fortè lapis vehementiori ictu in latere percussus disfindebatur. Memini etiam, Villicum quendam meum antehac mihi significasse, quod, dum paulò prius unum ex muris meis, me absente, reparari curaret, cæmentarius, quo uti soleo, casu lapidem, in ædificio adhibendum, frangens, in eo (non sine admiratione) frustum ligni reperisset; quod pars rami alicujus arboris videbatur, proindeque deinceps solido isti operculo, in quo id invenit, inclusum fuerat. Hanc cavitatem in lapidis massâ, atque, quantum memini, baculum ipsum inde exemptum, protinus ad villicum meum afferbat, cui in mandatis dedi, ut ea ad me transmittat. Hoc quippe exemplum mihi quidem videtur magis cogentem suppeditare probationem incrementi lapidum, quam quædam alia, quibus insignes quidam Physiologi nituntur; idq; ob rationes alibi enarratas: ubi etiam particularem facimus mentionem succi illius Metallini, Germanis *Ghur* dicti, de quo licet Latini rerum Chymicarum & Metallicarum scriptores, quod quidem ego memini, nihil monuerint, Germanum tamen unum atque alterum invenio, qui ipsi in Fodinis admodum versati, in libris linguâ sua vernacula scriptis de eo particulatim agunt. Adhæc, ex meâ ipsius observatione nunc aliquid narrandum habeo, quod, nisi juvat supponere (quod probabile haud videtur) inde à rerum primordiis unâ cum atque in medio grandiorum molium unius generis Mineralis exiguas alterius planè diversi generis portiones concreatas

tas fuisse, manifestè satis arguere videtur, vel integras Latomias, vel integras ponderosorum & splendentium Mineralium Fodinas, vel utràsque, fluida corpora esse potuisse. Observatio autem, quâ hæc mea conjectura nititur, est, quod non tantum in Minerâ plumbi, ut & in Minerâ Antimonii portiunculas albi lapidis, Metallinico corpore circumfusi, invenerim; quales Minerarum massulas etiamnum apud me esse credo: sed maximè, quod meis ipsius manibus durum & ponderosum nitens Minerale (quod Cimelii instar asservo) Marchasitæ simile, Pyri figura, Juglandis magnitudine, ex ipso lapidis cujusdam corpore exemerim, cui id suspicabar inclusum, quique illud undiquaque circumdabat: atque hoc ipsum non ex parvo aut molliusculo lapide eximebam, sed ex amplo laxo, ad formandas statuas effosso. Et memini, quendam ex Lapididis mihi narrasse, ipsos in formandis inde statuis plura Mineralia in eadem lapidis portione reperisse, quæ & ipsa mihi dono dabant. Cui adjiciam, ingeniosum quendam Statuarium, alibi in amplo admodum lapide ferrâ dissecando multum sudantem, cum medium illius attingeret, ferræ obstaculumprehendisse, ac lapide postea fracto, percepisse, rem adeo pertinaciter ferræ resistentem rotundam Marchasitam fuisse, quam ad me ceu talium Curiositatum amantem afferrebat. Sed curabam, ut, plenioris informationis ergo, illam quoque lapidis partem, cui Marchasita inclusa fuerat, afferret, usque invicem comparatis dignoscebam, tantum lapidis, quantum Marchasitæ contiguum fuerat, rubigine quadam circumdari, & Marchasitæ tam exactè adæquari, ac si vel Marchasita prius fuisset liquida, ac deinceps in isto Receptaculo formata, vel lapis materia quædam mollis ac fluens prius fuisset, quæ alterius corporis figuræ seipsam examussim accommodaret; vel etiam, ac si & materia lapidis & Marchasitæ uno eodemque tempore corpora fluida fuissent, sed unumquodq; eorum suam ipsius superficiem distinctè conservasset (iuxta ea quæ antehac de differentibus fluidis notavimus) donec alterutro
corum

eorum (quod de Marcasitâ probabile est) primò durescente, alterum, quippe magis cedentis etiamnum consistentiæ, seipsum alterius figuræ accommodaret.

SECT. LXXII.

Sed clarissima omnium exempla, quæ ostendere possint, quantum Fluiditas & Firmitudo corporum à partium structurâ texturâque dependeat, ab istis aquis nobis suppeditantur, quæ quieti ad tempus permissæ, fluere sponte desinunt, inque saxum reipsâ coagulantur. Vir quidam ingeniosus, fodinas quasdam plumbarias, quarum pars sui juris erat, invisum nuper profectus, in monte, cujus visceribus continebantur, specum invenit, ex cujus fornicato laqueari petrescens Liquor distillabat, qui sæpius, priusquam in terram caderet, congelabatur, & similis materiæ appositione in tantum augebatur, ut ex laqueari isto, ceu stiriacæ congelatione nocturnâ ab ædium regulis dependeret. Atque earum aliquot collectas de me afferebat, quæ perfecti sunt lapides, duri & fragiles, octo vel decem pollicum longitudine, crassitiæ proportionatâ. Alius quidam ex amicis meis, in *Gallia* nuper speluncam illam ingressus, quam lapidificans Liquor, ibi conspiciendus, adeò celebrem reddidit, observatis quibusdam aquæ guttis in lapidem, dum ipse adstaret, congelascentibus, eas secum ablatas ad me per Epistolam trans mittebat. Quinimò vix negabimus, agens externum, insensibilis ferè molis, animalia in lapides convertere posse, novam texturam in eorum partes introducendo, modò fidem adhibere *Aventino* cum modernis quibusdam scriptoribus lubeat, ille quippe in Historiâ suâ *Bavaricâ* memorat, certo quodam tempore & loco, ibidem indigitatis, plusquam quadraginta rusticos, ut & lacturias quasdam unâ cum vaccis, in Terræmotu enectos, terreo quodam spiritu in statuas fuisse conversos, quas ab *Austriæ* Cancellario & à semetipso visas asserit. Et hujus notæ rationes aliæ in aliis Authoribus nobis occurrunt, quæ si admittantur, doctrinam nostram plurimum

mum videntur confirmare: in miris enim hisce petrificationibus, corporum induratio præcipuè, si non unice, effici eodem modo videtur, quo fluidæ ovi substantiæ in pullum indurantur, alterando scil. partium dispositionem; quandoquidem ventus vel vapor petrificans supponi nequit, tantam (si sensibilem ullam habeat) mole proportionem ad corpus per eum mutatum habere, ut credi possit, ipsum hanc mutationem, præcipuè ceu ingrediens, efficere.

SECT. LXXIII.

Hisce subjungamus, citari ab alio Authore *Pamphilius Pincentinum*, scribentem Historiam sine exemplo, cujus summam quia Italico extat idiomate, Latine sic reddo: Fæminam quandam *Venetis* ex casu pomi, horrendis doloribus correptam, atque exinde viginti quatuor horarum spatio mortuam, in lapidem valde durum conversam, huncque effectum pomo venenato, quod comederat, tributum fuisse. Quæ narratio, si tam audacter fidem ei adhibere licet, ac celebris illius Author facit, arguere videtur, ad corporum mirandam etiam indurationem interdum non aliud requiri principium, quam quod à fortunatâ partium diversorum corporum mixturâ pulluler. Et ne penitus observationibus aliorum niti videamur, quæ ad strictum examen à nobis jam revocari nequeunt, recurramus ad Experimentum, quod in praxin reduci potest, atque à nobis ipsis fuit peractum. Et licet jam alibi illud recitaverimus, non tamen hoc loco id repetere verebimur, cum ibi tacuerimus eam circumstantiam, quæ maximè ad præsens nostram propositum pertinet.

SECT. LXXIV.

Cape igitur uncias duas Argenti vivi, uncias duas & dimidiam Æruginis, dimidiam circiter unciam vel unciam Salis communis, libram albi aceti vinarii, ac tantundem aquæ limpida: probè misce Florem æris sive Æruginem,
Argen-

Argentum vivum & Sal, & mixturam cum tantillo aceti & aquæ immitte sartagini (ego id in recenti vase figlino experiebar, sed absque successu) in qua eam super igne per aliquot horas frigendam cura, jugiter ipsam agitando, & plus aceti & aquæ identidem infundendo, prout illud, quod jam erat infusum, contumitur. Tum mixturam exime, eamque in diversis aquis sollicitè ab adherentibus salibus abluere: dehinc omnem humiditatem Aqueam mundo linteo desicca, & nitens habebis Amalgama Argentum vivum fere referens. Jam verò, quod notatu dignum est in hoc Experimento & ad rem nostram præsentem facit, hoc est: quod, quamvis siccata hæc mixtura diu satis, postquam penitus refrixit, non tantum mollis sit, sed tam propè ad fluorem accedat, ut eam in modulum immiserim & toreumata inde formaverim (quando scil. dextrè ea fuerat confecta, sed vix quidem, si secus) reperi, eam per aliquot horas aëri, qui minùs frigida, quam ipsa, videbatur, expositam, acquisivisse tantam duritiem, ut contra pavimentum allisa resiliiret, & fragilitatem, qualis est nimis durati chalybis, haberet. Et tamen in hoc exemplo induratio Amalgamatis non apparet ex innato & interno principio oriri, sed ex novâ texturâ, repullante ex coalitione mixtorum Ingredientium, quæ Amalgama constituunt, quorum partes variè motæ, partim Igne (& fortassis etiam Salibus) partim connata Mercurialium corpusculorum ad motum propensione, sensim vel gradatim ita fuerunt dispositæ, ut, cum prius, illis minus arctè tantum sese tangentibus, facile fuerit quasdam earum versùs Corporis medium propellere, sine notabili (quoad sensum) Massæ agitatione, per hanc texturæ mutationem particulae eò reductæ sunt, ut se invicem arctius & in majoribus superficierum suarum portionibus tangant, adeoque complicantur, intricentur, aliisve modis inter se invicem connectantur, ut moliri nequeas earum unam loco suo extrudere, quin motui ejus plures aliæ resistant, quibus una illa sic cohæret, ut non possis unam Massæ partem

partem movere, quin vel totam unà moveas, vel eam planè ab integrâ dirumpas, & hac ratione continuitatem & unitatem corporis destruas.

SECT. LXXV.

Cùm verò in recitando hoc Experimento ita locuti fuerimus, ac si plura ingredientia concurrerint ad mollem Massam constituendam, quæ postea tam dura fiet, tutò id facere nobis licuit, quandoquidem Argentum vivum non adeò præcisè in texturâ mutatum erat, ac illud quod suprà per merum Plumbi vaporem coagulatum fuisse diximus, quin celaret in seipso magnum metallinorum præter alia corpusculorum numerum, uti manifestum fecimus, dum ab Amalgamate mediocrem veri & perfecti Cupri quantitatem, solâ vi ignis separabamus. Salia quoque & fuisse Massæ ingredientia (licet in exigua quantitate) & vim quandam in reliquas particulas exserere potuisse, ex eo verisimile reddere possumus, quod, quadam hujus Massæ portione de industriâ aëri ad mediocre tempus expositâ, deprehendimus, uti expectabamus, quòd particulae salis antea invisæ, quæ in Amalgama adeò se insinuaverant, ut omnis aqua, in qua ablutum fuerat, eas ab illo non separaret, ita egerant in particulas metallinas, quæ maximè externæ erant, ut in pluribus partibus superficiei Massæ seipsas unà cum illâ in Æris florem converterint, qui concreti superficiem ferè tegere videbatur. Atque in interioribus partibus corporis, Amalgamate nostro multò durioris, ubi Cupræ particulae abundant, salina corpora magnam vim habere posse, ex quibusdam Mineralium generibus constabit, quæ in aliquibus locis *Anglia* & alibi, sub formâ lapidum, unde Vitriolum parant, reperiuntur. Hi quippe cùm Vitriolatis, hoc est & salinis & metallinis particulis abundant, ex fodinis producti & aëri libero expositi, per interni salis operationem alii citius, alii tardius, intumescunt & dirumpuntur: quod fieri vix posset, quin interna partium in lapideis ejusmodi

concretis mutatio præcesserit. Atque memini, cum minérale quoddam, hisce lapidibus affine, aëri ad tempus exposuissem, licet tantum in cubiculo, me superficiem ejus pulvere granorum Vitrioli respersam invenisse, uti & eorum color & sapor me edocebant.

SECT. LXXVI.

Jam verò, sive supponamus, vel non, ignem partes Amalgamatis in ullam durantem Agitationem cievisse, attamen cum Massa ferè fluida fuerit postquam ab igne esset remota, partes ipsius, juxta nostram Fluiditatis notionem commodè supponi possunt quendam motum inter se invicem habere: nec, credo, negabitur, ignem potuisse cum aliis rebus concurrere ad producendum ejusmodi motum, qui compingendis sibi invicem partibus conveniret. Etenim motum illum, in quem molle & ferè fluidum corpus semel agitur, posse vergere ad illud ipsum indurandum, diu postquam ille motus extinctus videtur, verisimile ex eo reddi potest, quod præstantes & experti Fabri Cæmentarii mihi affirmarunt, optimum nempe Calcis genus, in Cæmentum redactum, non attingere ultimum compactionis gradum nonnisi viginti quinque vel triginta (fortè nonnisi sexaginta aut octoginta) annis exactis, postquam adificiis inservit: Et hanc unam rationem esse affirmant, quare in demoliendis fabricis annosis facilius sit lapideum quam cæmentum frangere.

SECT. LXXVII.

Denique, quod mentionem etiam faciebamus Texturæ, ex mixtis Ingredientibus Amalgamatis nostri resultante, comprobare ex eo possemus, quod mutatâ Argenti vivi ad Æris florem proportionem, deprehendebamus, Amalgama multò tardius coagulari, & jam coagulatum multò minùs durum esse, quàm si quis quantitates supra expressas adhiberet.

SECT.

SECT. LXXVIII.

Hic finem hujus dissertationis inpraesentiarum faccrem, nisi in Authore quodam ex novissimis observatio notatu digna de naturali mollis corporis Induratione mihi occurrisset, quam hic annectere operæ precium Judico, partim quia liber Gallicus non magis in promptu est, quam observatio; partim etiam, quod comparata naturali hac Induratione cum Artifici illa nuper memoratâ, eò melius patere possit, quomodo Natura & Ars similes interdum in efficiendâ corporum soliditate operationes exercent. Author igitur meus (*Petrus Pelleprat* appellatus) non ita dudum cum aliis Jesuitis ad Evangelium Australis America Indis prædicandum missus, inter alia in succinctâ sua de Contenti Americano Relatione hoc inserit: Est (inquit) res observatu digna prope magni hujus Fluminis ostium (*Flumen Amazonum* indigitat) nempe, reperiri ibi genus quoddam Argillæ viridis, quæ mollis est quamdiu sub aquâ delitescit, adeo ut qualvis ei effigies possis imprimere, eique figuram dare quam volueris; sed aëri exposita, consueque durefcit, ut Adamantes non multum lapides inde ortos duritie excedant. Vidi (addit) secures ex hac glebâ factas, quibus sylvestres Indi ad findendum ligna utebantur eo tempore, quo nostratum usum adhuc ignorabant.

*Relations des
Missions des
P.P.J.J second.
part. c. 1.*

SECT. LXXIX.

Novi me hic posse, & fortasse expectabitur, me debere occasionem arripere agendi etiam de Duritie, Mollitie, Fragilitate, Lentore, Rigiditate, illisque aliis qualitatibus, quæ Fluiditati & Firmitati sunt affines; verum, licet animum meum aliquando subiisse fatear, historiam quandam de pluribus, quam duabus illis qualitatibus conscribere, memor tamen sapientis illius consilii à priscorum quodam

quodam suppeditati, *Noscenda est mensura sui*, jam mihi sufficit, postquam & meipsum jam, & te quoque ut vereor, lassavi, opus tam utile, licet difficile, viris commendare, quibus plus est & doctrinæ & otii, quam in me reperio, ad rem tanti momenti aggrediendam. Ego interim hac vice acquiesco, me conatum fuisse in iis, quæ tradidi de duabus qualitatibus tantæ amplitudinis, ut quodlibet grande ad sensum in Universo corpus alterutrâ earum præditum sit (de Fluiditate, inquam, & Firmitate) explicare Qualitates nonnihil intelligibilius, quam in Peripateticorum Scholis fieri consuevit, & viam aperuisse (quam multi, spero, calcabunt) Chymicas observationes & Experimenta eò applicandi, ut isti qualitatum effectus ab ejusmodi generalibus & obviis materiæ affectionibus deducantur, quales sunt Magnitudo, Motus, Figura, quos Hermetici etiam scriptores satis hætenus habuere ad Sal, Sulphur, Mercurium & similia referre: Cum Chymica trium horum principiorum Notio, licet in aliis quibusdam (præcipuè verò in magis practicis) Physiologiæ partibus valdè sit utilis, nondum tamen multum lucis rebus istis attulisse videtur, de quibus nos egimus, quippe quæ hætenus non tam ad investigationem causarum, quam ad productionem effectuum, comparata fuerit.

Finis Notarum de Fluiditate & Firmitate.

Errata prioris Alphabeti.

P Ag 2.1. 25. impetus, ibid. 31. expis, ibid. 32. pro sua l. eorum, 4.9. opinarentur, ibid. 13. pro iamjam l. jam 5. 34. pro iamjam l. jam, 6. 18. pro iamjam l. jam, 12. 12. pro offunderet l. offunderet, 14. 34. Thefin, 15. 4. pro iamjam l. jam, 17. 27. malleum, 30. 18. admitteus, 16. 37. purget, 22. 30. pro ne l. ut, 26. 29. teneamur, ibid. 31. fatigerunt, 28. 6. pro iamjam l. jam, ibid. 30. effingeret, 30. 7. exposui, ibid. videtur, 33. 6. dederim, ibid. 16. post me inlere hocisso, 37. 14. del. in, ibid. 15. pro iucisuum, l. lecturum, 40. 23. noxia, 41. 5. numeraverim, 42. 10. videretur, ibid. 28. prostratur, 43. 18. facile, ibid. conspexerim, 44. 1. observaverim, ibid. 12. colorem, ibid. in visis, 45. 7. post valere inlere prateret, 47. 2. sustineat, ibid. dimittat, ibid. 8. que, 48. 15. quod, ibid. 26. vehementiori, ibid. 34. eodem, 51. 26. innotuit, ibid. vero-dissimile, 53. 30. viro, 56. 27. dubitaverim us, 59. 30. irrito, 60. 20. potuerit, 61. 11. tepente, 62. 22. altitudinis, ibid. 24. excusent, 66. 33. irillum, 68. 9. patiantur, ibid. 15. nequeat, ibid. 22. pessundederint, ibid. 29. gratulor, 74. 1. horarum, 75. 17. pro inter quos l. in quibus, ibid. 1. ult. caeruleo, 77. 23. attrahat, ibid. abigat, 79. 1. rei, 83. 10. leg. se rard vel in una e pluribus puellis dissectis visu istorum signorum excidisse, 86. 19. evuuntur, 87. 23. pro te l. apud te, 88. 16. Philosophicis, 89. 4. audiverim, 90. 12. reddantur, 91. 6. pro bis toties l. multo pluries in eadem hora, 92. 15. sit, 93. 1. coagulaverimus, 96. 2. pro iamjam l. jam, 98. 25. assequamur.

Errata posterioris Alphabeti.

In Præfat. pag. 2.1. 11. proferendis. In ipso opere pag. 1. 15. post mineralibus inlere invenies, 5. 9. post etiam inl. in 6. 14. colligendos, 7. 14. emporeticam, 12. 1. conavemur, 16. 17. purissimam, 14. 22. dehis, 15. 16. Deo, 16. 1. pro feret, l. prole, 17. 14. repellat, ibid. 15. extrudat, 21. 27. ante Chrystallos pone in, ibid. 28. erumpebat, 22. 37. compere-runt, 23. 10. del. si, ibid. 19. pro castis l. cassis, 27. 13. desciscant, 29. 20. auxisse, 39. 30. ipsam, 41. 1. in fisione, ibid. 11. leg. quod ex commun sale aliisque salinis corporibus, 43. 22. separandi, ibid. 19. vicim, 44. 12. illud, 45. 20. Retorta, 47. 3. exquisitissimum, ib. 14. ulteriozem, 54. 11. in aqua, ibid. pro sit, l. fit, ibid. 16. pro retrò l. Nitro, 59. 26. aptam, 71. 7. pro unquam l. nunquam, 72. 5. contingebant, ibid. 6. de judicare, 79. 30. pro hac l. he, 82. 24. depressionem, 83. 24. nullam, 86. 11. allubescere, 87. 1. redegisse, 89. 19. ullatenus, 90. 18. magna ex parte, 93. 6. quadringentas, ibid. 19. post libere inl. super se, 95. 28. stabilis, 96. 26. ullatenus, 97. 11. pro ea l. iis, ibid. 19. conglutinata, 101. 9. necessarium, 105. 19. Chymicis, 110. 7. pro à se l. ab ipso, 111. 4. conjecta, ibid. 30. Fournierus, 125. 19. Argentum, 121. 14. bulla, 124. 10. partem, 126. 21. asseruntur, 128. 5. iri, ibid. 20. adhibitum, 129. 32. ob saccharinarum, 130. 14. acidi, 131. 5. sali, ibid. 22. quendam, 133. 7. dissolvendo qui in augendo, 134. 6. se, 136. 5. vir, ibid. 14. Tolone, ibid. adicere, 137. 35. arctiorem, 139. 17. cartilaginea, 141. 6. metallico, 142. 17. ad me, ibid. 31. lactarias, 143. 21. pullulet, 144. 30. sim, 146. 28. resulantis, 147. 30. quandam, 148. 15. quas.

British Museum

THE BRITISH MUSEUM, LONDON.

THE BRITISH MUSEUM, LONDON.

THE BRITISH MUSEUM, LONDON.

THE BRITISH MUSEUM, LONDON.

THE BRITISH MUSEUM, LONDON.

THE BRITISH MUSEUM, LONDON.

THE BRITISH MUSEUM, LONDON.



F205021

H2269

+
B4047

157
167

